

Libreria Antiquaria

ANGELO GANDOLFI

BOLOGNA

Materia

Scienze VIII

Ubicazione

XXXIX B

Volume

1

Prezzo L.

2

1910

25,007/B

Scanzia


C

Casella

4

N.° d'ordine

20



GERARDI GORIS, M. D.
MEDICINA CONTEMPTA,

Propter

AOTOMAXIAN vel IGNORANTIAM MEDICORUM.

DISCURSUS BREVIS

Per

Vastissima Utriusque Medicinæ tam Veteris quam Novæ Spatiis;

IN QUO

De INTEGERRIMÆ ARTIS VITIIS,

O B

Artificum Indolem & Mores, Vulgique Errores,
obiter & succincte tractatur.

Accedit

A P P E N D I C U L A

Observationum & Curationum aliquot
Medicarum.



LUGDUNI BATAVORUM,
Apud ABRAHAMUM DE SWART,
M. DCC.

5/12

*Fuge Medicum scientia plenum & exercitio
non probatum : fuge Medicum ebrium : ca-
ve Medicum volentem in te experiri qualiter
alios ex simili morbo curabit.*

Cats ex Epist. BERNARD. SYLVESTR.



V I R O

Nobilissimo, Amplissimo, Consulissimo, atque publico bono Nato

HUBERTO ROSENBOOM

DOMINO in SGREVELSREGT, &c.

SUPREMAE BATAVORUM CURIAE

P R A E S I D I,

Gravissimo & Honoratissimo,

ACADEMIAE LUGD. BAT. CURATORI

Dignissimo;

CONCIL. ECCLES. INSPECTORI ET MODERATORI

Eminentissimo;

*Benignitatis Exemplo, Pietatis & Modestiae Asylo,
Probitatis Propugnaculo, Ecclesiae & Patriae Atlantide
Fortissimo ac nulli facile Secundo, Sapientiae & Integri-
tatis Cultori ac Fautori Maximo.*



Edicinæ dignitas, VIR IL-
LUSTRISSIME, exindè cla-
rissimè liquet, quod maximi
Reges & Monarchæ olim non
minorem servandæ vel restituendæ sa-
nitatis, quam belli gerendi, curam ha-
buerunt. In Ægypto Reges omnes e-
rant Medici, & Medicinam cum Mili-
tia conjunxerunt; eodemque in Tem-

D E D I C A T I O.

plo Arma & Medicamenta recondebantur. Cyrus sibi laudi tribuit, quod semper studiose providerit, ne Medicis urbes destituerentur: quia Principis interest subditos mente & corpore bene valere. Accedit, quod ab uno Medentis ore nonnunquam Regnorum momenta dependeant. Hæc cum probè cognoscerent Cæsares, edicto jussērunt, ut primariæ Urbes x. Medicos, medioximæ vii. minimæ v. ex ærario publico alerent; nec immeritò, quoniam unus verus atque dexterrimus Æsculapius, non mortuos quidem ab inferis, uti finxit fabulosa antiquitas, sed innumeros, quorum vitæ spes conclamata est, ab orci faucibus reducere valet.

Divino Oraculo sancitum est, qui de semet ipso loquitur mendax est: nube verò testium munitum à mendacii suspitione penitus vindicatum fore in
propa-

propatulo est. At tot testium phalangibus cincta est antiquissima verissima pariter ac utilissima Ars Medica, quor homines à Protoplastis ad ultimum mortalem aurâ æthereâ velcentur; tantisque firmis suffulcitur fulcris, quantis priscis Atlantibus est superstructa, quorum præfulgentia Sydera sequentem nunquam præceps seductorum territabit vorago.

Quod non eodem pede cum plurimis quædam metiri possim, nec cum multis hanc antiquissimam Veterum Medicinam tam fragili fundamento inniti, ut nisi novis quotidie suffulciretur columnis brevi funditus everta foret, persuasum habeam, non solum fateor; sed & huic ut ut in novaturientium animis altè radicatæ opinioni ex diametro oppositam atque contrariam sententiam, *Priscam nempe Medicinam præ Novâ firmitus fundatam*, veritati magis conso-

D E D I C A T I O.

nam esse, in publicum Orbis theatrum proferre neutiquam vereor. Ardua molior, dum tam universaliter hodiè receptæ opinionis efficacem auctoritatem, quæ à multis jam annorum centuriis in cæcos venerationis amplexus complures gentes adegit, prosternere conor. Ad hæc illorum molimina, qui omnium difficultatum Medicarum agmen semper acutissimi judicii sui acie domare prætendunt, nec Veterum nodos Gordios leniter rationis manu extricare, sed præcipiti præjudicio sicuti Magni Macedonis gladio discindere, vel ardenti & arroganti rationis (seu potius linguæ quasi flammæ) face comburere, & sic honestis nominibus Rem Publicam Medicam agitare malunt, explodere satago. Tandem hominum faciem, bardos Agyrta, suis vivis coloribus adumbrare & histrionibus similibus Medicastris, qui personam repræ-

sentant

sentant quam tamen non sustinent, suas
 larvas detrahere, præterea Errores Po-
 pulares in aprium producere, pro viri-
 bus annitor. Quibus omnibus Colopho-
 nis loco aliquantillum actuosæ Medi-
 cinæ partis superaddidi.

Rudem & incultam hanc opellam
 TIBI VIR AMPLISSIME, Doctorum
 JUBAR atque bonarum artium FAU-
 TOR POTENTISSIME, consecra-
 re, TUOQUE NOMINE conde-
 corare volui; securus, quid tentet ca-
 lumnia, quid moliatur invidia, Hercu-
 leo enim TUO clypeo præmunitus
 virulentorum hominum morsus stre-
 nue coercebo. TUUM NOMEN
 fronti velut splendidum præfigere au-
 læum, gloriosum mihi censui. Utinam
 saltem mihi hoc agentis sermonum un-
 da sensuumque flamma suppeteret. Ast
 alto, NOBILISSIME ac MAGNIFICE DO-
 MINE, suffundor rubore, quoties hæc

D E D I C A T I O.

levidensia summi TUI judicii aciem subitura cogito, & quod ego parvo & opaco verborum fumo Tantum Splendorem offuscasſe cenſebor. Sed animum erigo, cum recordor, quod & alii quondam ſalis falſi litatione Thuris carentiam multoties emendarint; alii lacte ſupplicarint, qui Tauros non habebant; nec ulli fuerit vitio, Divos colere quoquo modo poſſet. Accipe igitur, VIR ILLUSTRIS, ſerena exporreſtaque fronte hoc ingenii mei munuſculum, ad ſacraſſimas aras Tuas appenſum, & me, ejus auctorem, etſi immeritum in Tuorum clientum coetum admitte, ac ſub TUÆ benevolentiae umbra porro lætari ſine.

Plura vellem, & grandiora, & auguſtiora: verum quemadmodum illi, qui apud Numen cœleſte legationem obeunt Oratores, corpore proni, geſtu reverentes, ſermone ſunt modici, ita priuſ me, utpote meæ tenuitatis conſcium, decet TE EXCELLENTISSIMUM VIRUM & auguſtè venerari, & ſummoperè colere, atque admirari magis, quam balbutiendo laudare. Nihil igitur ſuperaddam quam pias preces & ampla & candida vota, pro diuturna incolumitate ac felicitate TUA, in Eccleſiæ, Patriæ, Reipublicæ literariæ Commune Bonum. Hæc animitus precatur & ex animo vovet.

Dabam in Muſæo ter-
rio decimo Kalen-
darum Decembris
M.DC.XCIX.

VIR EXCELLENTISSIME,

Ampliſſimo nomini Tuo devotiſſimus Cliens

GERARDUS GORIS.

P R Æ F A T I O.

Si vino vendibili non opus sit suspensa hedera, multo minus præstantissimæ Medicinæ opus est ullo encomio vel commendatione humana; quippe quæ ab Summo Creatore & universi Conditor JEHOVAH ad salutem hominis è cœlo data, quam & Divinus Samaritanus Salvator noster professus est, quæque infinitis testimoniis & elogiis, tam sacris quam profanis, cæteras omnes scientias & artes tam longè antecellit, *quantum lenta solent inter viburna cupressi*. Medicinam Adamus novit; Conditores funerum Jacobi & Josephi fecerunt; Moïses intellexit; hæc Jobo innotuit; nec mortalium sapientissimum Salomonem latuit; huic Sanctus Lucas operam dedit. de hujus magnalibus passim Sacrosanctæ literæ testantur. Ne multa, hanc summo cum studio coluerunt Hebræi, Chaldæi, Assyrii, nec Medicæ artis famâ minus celeberrima quam frugum fertilissima Ægyptus, in quâ tanto numero olim floruerunt Medici, ut Plutarchus scribere non dubitaverit, *omnes Ægyptios Medicos haberi*. Hæc præterea una & sola Imperantibus imperat; hujus præsidio nondum nati, nondum geniti, egemus, nec ab hominibus è trivio, sed à Principibus antiquitus tractata est. Non absurde ergo gentiles, naturæ lumine per eorum mentis caliginem radiante, Medicinam artium ut vetustissimam & cum ipsis pene hominibus natam, ita & utilissimam, (teste Cicerone *liberalissimam*, Luciano, *honoratiorē*,) maximèque necessariam, DIVINAM vocarunt; cœlitus illam delapsam, & à Diis promulgatam, fabulati sunt; viventes Medicos ut Deodatos, defunctos pro Divis imo Diis coluere.

Ex quo fonte scaturivit Oceanus Apollinum, Æsculapio-

P R Æ F A T I O.

piorum, Chironum, Asclepiadum, Trismegistorum, infinitorumque sequentium, - quos paganissimus divino cultu, templis, monumentis & literis, æternitati consecravit. Sed cheu ! quantum est in rebus inane ! nihil stabile nec perenne in hoc tractu sublunari ; Eclipses namque etiam maximas passa est Medicina ; à chamæleonte mutabilioribus sectis scilicet dilacerata, & ab Agyrtis & Bardis defœdata, omnibus despiciatui haberi cœpit, donec iterum novum sidus hæc densa nubila dissipans læta quadam catastrophe pristinam ipsi dignitatem & existimationem restauravit. Recidivis his malis ab incunabulis colluctata Medicina, instar miraculi inconcussa, & ne hilum quidem labefactata mansit, quasi palma, adversus onera sua semper altius confurgens, &, licet omni ævo ingentia Medicantium agmina in partes abierint, & singuli pro ingenii modulo distractam & ut volunt à se renovatam tractârint, & exercuerint, nihil detrimenti cœpit, sed ut ex igne aurum, semper magis pura apparuit, primaque lux cælestis denuò è tenebris affulsit, quasi demonstratura, Divinam Artem, non infami Proteo, sed semper sibi similem esse.

Idem enim subjectum & finis Medicinæ, quod fuit in protoplastis, etiam in nobis est, duraturum, usque ad ultimum mortalem.

Quæ etiam urtica ussit manus ante ter mille nongentos & nonaginta duos annos, ea etiamnum hodie urit. Et sicut Noachus victitavit olere, pane, carne vino & aqua, ita & hodie victitamus. Non cessavit ovis gignere ovem ; non petuntur alimenta aliunde, quam tempore Semi, Chami & Japheti : & quæ malitia hominum hodie est, ea in Caino incepit & huc usque durat. Ita si conferamus Veterum in Medicina cursum cum nostro seculo idem experimur.

De-

Declament jam sequentes in præcedentes, in Neoterici Antiquos, rumpant sibi invicem ilia Novatores, ventilentque obsoleta pro suis & novis : (nam si unquam nostro ævo quadrat, *Est quoque cunctarum novitas gratissima rerum* :) iisdem tamen ut olim nititur Medicina fulcris, Ratione videlicet & Experientiâ. Præterea ut Theoria haud à Praxi, ita hæc à Theoriâ nunquam est separanda, sed ut individui hi comites semper pari passu ambulent oportet. Porro uti Veteres in humani corporis sanitate conservanda amissaque restituenda (*in sanitatis tutelâ, morbis profligandis, nec non vitâ prorogandâ*) strenue, & (multotiens meliori cum successu, quam Neoterici) operam navarunt, idem & Novatoribus incumbit.

Antiqua ergo non tam facile, ut vulgo fit, sunt rejicienda, & quanquam ex recentioribus quidam, magno cum supercilio, morborum antiquis incurabilium sanationem promiserint, & ausi sint deludere tritum: *Tollere nodosam, nescit Medicina Podagram*. Effectus tamen ut plurimum votis non respondit. Interea temerarii hi reprehensores & Theffali, ex maledicentia, contra artis columina sibi famam quærunt, novumque sibi mundum, elementa, morbos, causas, remedia, mortes struunt, mox iterum destructuri. Nec eorum uni, sed pluribus sequens quadrat: *Diruit, ædificat, mutat quadrata, rotundis*. Sed opinionum commenta delebit dies, naturæ judicia confirmabit.

Allatrantem jam offendo Cerberum, quem ineptissima bipedum turba, incubante ignorantia, in artis opprobrium exclusit. Infami huic monstro plumbei Bardi, delirique Blaterones & vagabundi Agyrtæ, triplex caput constituunt, quod tot annorum decursu à tam multis & tantis viris Herculeo licet labore in hunc usque diem debellari proterique nequit. Mihi itaque ipsi dicam scri-

Cicer, de
nat. D.
l. l. 2.

P R Æ F A T I O.

bere non libet. Artis Tyronibus in immenso Medicinæ Pelago, saltem Pharum monstrare, ut noscant evitentque Sciorum Scyllas, Bardorumque Charybdes, fert animus: nam simul cum tritico enatam hanc zizaniam eradicare velle non hominis esset. Has igitur Chananæorum reliquias, in Medicinæ offensam & vituperium natas, semper vereor superstites; quia fatuum vulgus idem de his quod de doctis fert iudicium, eoque eodem loco habet. Tutus ab opinionum turbini-
bus, artisque majestatis pyratis, appellet tyro ad veterum Autorum Sacrarium; hos lege, volve, tere, nec de manibus pone, usquedum in succum vertisti & sanguinem; hi fontes adeundi: præstat enim ex illis potius haurire aquam limpidissimam, quam rivulos, graveolenti variarum opinionum cœno turbidissimos, confectari: purius enim ut ajunt, ex ipso fonte bibuntur aquæ. Illi enim non arenas, aut vana cogitationum, dubitationum, suspicionum, (nec Scepticos imitati, qui dubitabant tantum ut dubitarent & præter incertitudinem ipsam nihil quærebant) sed marmora materiarum sumpserunt; cui fundo qui semel anchoram fixit, nunquam fluctuabit, sed manebit mediis tranquillis in undis.

Morborum auxiliorumque catalogosnectere, (ut mihi primum in votis erat) nec minus eorum Etymologiis, Definitionibus, Causis, Prognosticis, Indicationibus, inhærere, intertextis pariter horum Differentiis, Divisionibus, Subdivisionibus &c. legentibus oneri esse, five formulas vel receptas compilare, (quod omnibus in generali medendi methodo exercitatis facillimum est) seu Dietæ minutias recensere, & sic cramben millies recoctam apponere, nolui. Logodædalorum de lana caprina lites, ex industria præterii; rationis enim petulantiam experientia frano coercendam esse sentio. Verum à falso, bonum

P R Æ F A T I O.

num à malo, legitimum ufum ab abufu & errore vindicare, nec ea, quæ accidere poffunt, fed quæ revera facta funt, & quæ adhuc quotidie fiunt, pro inftituti ratione, & qua potui Laconica brevitate, juxta verficulum,

*Quicquid præcipies efto brevis, ut citò dicta
Percipiant animi dociles teneantque fideles.*

adducere allaboravi; & ut ſcientia inflatos Δογματῆς & bardos audaciſſimosque Agyrtas vivis ſuis coloribus adumbrarem, & quævis maleſana dogmata exploderem, vulgique errores quali digito monſtrarem, in id mentem intendi. Fruſtra enim Veteres adverſus priorum ſeculorum Theſſalos & Paraceliſtas pugnarunt, ſi Neoterici hiſ noſtri temporis fumivendulis, & plumbeis, (qui omnia abſque artis præceptis ad lubitum indulgent & alterant) inducias concedant; eo magis, quandoquidem illi non ſibi tantum errant, ſed & aliis erroris cauſæ atque Autores ſunt, permultum ad hoc noſtri ævi hominum conditione conferente, quia ingenii quadam cupiditate & lubricitate vulgò majorem fidem adhibent iis quæ non intelligunt, & lubentius nova ardua & ſubtilia, etſi imaginaria, quam ſimplicia, quamvis veriſſima, credunt.

Præterea haud rarò docti multa fingunt magis, quam norunt; ita ut non tam id ſenſiſſe quod dixerunt, quam exercere ingenia materiæ difficultate voluiſſe atque dicendi peritiā ſibi ut ſcopum propoſuiſſe, videantur. O quanta circa non entia eſt intelligentia! Sic Democritus atomos, Plato ideas, numeros Pythagoras, Ariſtoteles univerſalia intelligentiaſque, chimæras Poetæ fingeant. Quot quales & quantas abſurdiſſimas opiniones, omni tempore in tanto ſeculorum

P R Æ F A T I O.

post illos circuitu usque in diem hodiernum, prudentia & lasciva ingenia novitatis ardore non eructarunt? & ut alias præteream scientias, quantopere magni Figuristæ Democriti (seu ejus genii in celeberrimo Philosopho Picardo redivivi) dogmatibus enutriti honestis nominibus nostram Rempublicam Medicam non agitarunt? Sed ut cum præcis loquar:

Ego odi homines ignava opera & Philosophæ sententia.

Deteguntur sat multa fateor cognitu jucunda, subtilitate speciosa, & curiosiorum investigationibus alendis apta, attamen ad feliciorum quam hucusque morborum curationem inepta; nihilominus hæc ex ingenio non ex scientiæ vi ficta, tanquam probatissima multoque verissima, ab eorum à symbolis & speculationibus deditis & sic alienis corniculæ plumis superbientibus, recipiuntur, qui tum grande nefas esse putant, à receptis semel horum nuperorum hominum inventis & somniis vel latum unguem recedere, vel meliora sequi, penitus obliti, omnes ferme artes, præsertim Principem Medicam, prima sua fundamenta à Veteribus hausisse; præterquam quod nullus nostrum unquam de Medicamentorum viribus quam minimum novisset, nisi illi primitus in semet ipsis, vel in aliis, eorum periculum fecissent. Quamobrem etiam primam remediorum originem & cognitionem grata mente ipsis acceptam referimus; proin justum quoque est, paucissimos Novatores sequi auctoritatem quorumvis doctissimorum inter Antiquos faciem præferentium, & se subicere correptioni plurium rectè judicantium veritatisque patrocinium spectantium inter Neotericos; ut saltem semper & in omnibus experientia potius consulatur quam ratiocinatio erronea, suadeo. Porro quod ad cæteras Medicinæ partes attinet, apud plu-

P R Æ F A T I O.

plurimos optimosque quosvis in confesso est, quod in unico Hippocrate, prælustri illo nostrâ in Arte Pharo, (ut cæteros transeam,) cuncta Medicinæ semina animadvertantur.

Medici parum docti & satis seduli, quas nec à doctrinâ nec ab experientiâ neque ab utriusque Pharmacis laboribus habent suppetias, ab humanitate & verborum lenociniis emendicant, & sic proximum officio se occidunt, juxta elegantissimum illud Magni Hugenii.

Maar Menschen moordep te leeren in haar Bloet/

God troost hem die 't hier ljd / hier namaais die het doet.

Multum quoque, in ulceroso hoc sæculo, Agyrtarum pecus facessit negotii. Obvio sanè cuique Itrafoni magna de se se crepanti, licet imperitus, tabula rasa, nuda cucurbita, ineptissimusque bipes sit, statim creditur; hic magnus Apollo habetur, optimoque cuivis, consilio non vi medicinam facienti, Medico æquiparatur, etiamsi pro salutaribus infida, periculo & exitio plena Medicamenta, dubia quandoque aut certa necè propinet.

Confusionem accumulans iniquissimi nec sacris nec profanis parcentes hujus ævi Censores, qui propria solum adorant, licet sæpissimè manca mutila & inconcinna sint, aliena verò, vel, cum Democrito irrident, vel cum Catone reprehendunt, non videntes mantica quod à tergo est.

Varium ac mutabile vulgus, instigantibus Novatoribus & Sciolis, in Personatos offensum, ab Agyrtis deceptum, præter Opinionum Heröes, sive famâ Medicos, quosvis alios & universam rem medicam contemnit,

P R Æ F A T I O.

nit, omniaque tam unius quam alterius præcepta flocci pendit, & criminatur. Talis saltem mihi videtur præsens Medicinæ status. Paucula de morbis Medicorum opprobrio infamibus, ut & de Tuenda bona Valetudine, attexui, neutiquam præstantissimam Medicisq; ante omnia necessariam Auxiliorum Materiam oblitus. Ut enim utriusque Pharmacis fundamentis & præceptis non leviter tinctus & imbutus sit Medicus oportet; secus in rebus Jatricis, & operationibus quam levissimis, hærebit, ac in absurdissimos sese præcipitabit errores. Et sanè quid Medicus est, debita remedium penu destitutus? Hinc *Medicina* ab Hieronymo Mercuriali rectè dicitur *ars muta*, cujus tota vis in operationibus ac remediis potius, quam in sermonibus atque eloquentia, collocetur.

Sed ne ex nigra Zoilorum gente procax quis mihi meam infacundiam, & tractandæ materiæ dignitatem: & quod hæc nostra ne tantillum quidem hodiernæ Philosophiæ sapiant, sed prorsus crassa (ut vocant) Minervâ exarata sint, exprobet; lubens fateor, me minimè sermonis mei sterilis esse inscium, aut quam curta mihi hujus suppellex sit, sed non indigere puto verborum ornatu veritatem. Neutiquam quoque eo inficias, quod *grandes Materias*, (ut cum Hieronymo loquar) *parva ingenia vix sustineant*: sed & his ardens veritatis zelus subvenit. Adamatam illam, quantum ad Medicinam Practicam, spontè suis amatoribus missam facia Philosophiam. Si quæ doctioribus peritioribusque insulsa vel acriori gustu apparata videantur, ut sequenti versiculo condiant,

Non eadem sentire bonis de rebus iisdem

Incolumi liceat semper Amicitia;

& mihi scriptori tyroni, permulcendi artem necdum cal-
lenti

lenti, & qui lubentissime nemini displicerem, ut ignoscant efflagito. Quod si quoque olitor aliquando sit oportuna locutus, forsan & hic aliquis, qui volens non cæcutiat, exiguum subinde sed sibi ipsi ignotum nævulum indicatum inveniet; alioquin scabiei expers scalpore non opus habet. Cæterum hanc pilam mittenti,

Quid facis Oenone? quid arenæ semina mandas?

Non profecturis littora bubus aras.

illam (etsi tritum ad hæc me non lateat proverbium,

Ligna torta haud unquam recta.)

remitto: *In magnis voluisse*, (addo, quantum fieri potest errorum emendationi infudasse, & communem Scriptorum scopum, qui est, aut saltem esse debet, *inservire sibi & proximo post Dei Triunius gloriam*, attigisse, dummodò uni vel alteri hic meus profit labor) *sat est*.

Tandem L. B. precor, ut hæc, satis incondite, & non pro materiæ dignitate, nec ea qua par est concinnitate copulata & in quadrum redacta, sed pro tenellis viribus exarata, æqui bonique consulas, & si quid humani exciderit, vel per oscitantiam omissum fuerit, ignoscas, in prisco hoc axiomate latenti: Ea quæ novimus minima pars sunt eorum, quæ ignoramus. Doctiores, & quorum experientia industriaque acutius longiusque præ nobis prospexit, ansam sibi datam putent, ut vel his addant deficientia, vel suo consilio nova melioraque conscribant. Interim qui, quo animo hunc laborem insumpserim, dispexerit, facile cum Flacco

Dabit veniam maculis, quas aut incuria fudit,

Aut humana parum cavit natura.

Sed ne videar verborum quam rerum majorem curam habuisse, vela contraham, & huic Præfatiunculæ imponam finem.

ELEN-

ELENCHUS

CAPITULUM.

- I. *De Medicis in genere, & quinam veri sint, & quomodo fiant tales.*
- II. *De Medicis Opinione & Famâ.*
- III. *De Novatoribus.*
- IV. *De Mysteriarchis & Superstitiosis.*
- V. *De Uroscopis seu ex matulâ hariolis.*
- VI. *Ceteri hodiernorum Medentium Ordines depinguntur.*
- VII. *De Alchymistis & Paracelsi Morionibus, qui sese (quanquam falsò admodum) Adeptos & possessores omnepollentis Lapidis Phisolophorum gloriantur.*
- VIII. *De utriusque sexus Agyrts.*
- IX. *De Vulgò dictis Medicorum Opprobriis, & de iis, qui morborum hoc nomine infamium Curationes indiscriminatim promittunt.*
- X. *Auxiliorum Materia dispunctis vanis & inutilibus evolvitur, cum exhortatione ad Medicinæ Tyrones, ut præ omnibus utrique Pharmaciae tam Galenicæ quam Chymicæ gnauiter incumbant, ad acquirendam sua propria Medicamenta postea componendi suisque agris propinandi dexteritatem.*
- XI. *Tædia Medicorum, seu varii Vulgi in Medicina errores adumbrantur.*
- XII. *De Tuenda bonâ Valetudine, per rectam vivendi normam, usumque moderatum rerum ad feliciter vivendum necessariarum.*

I N D E X

Observationum & Curationum Medicarum.

- Observatio & Curatio I. *Apoplexiæ*, in Heiltje van Harf-
felen *mercatrice*.
II. *Epilepsiæ*, in Magdaleentje *Ancilla apud viduam Minne*.
III. *Vertiginis* & *Syncopes*, in Caatje filia Abigalis *olitricis*.
IV. *Syncopes*, in filia Evæ *sartricus*.
V. *Tertianæ intermittentis*, in Geertje vid. Joost ten Hout.
VI. *Quartanæ duplicis cum aphthis*, in Dom. Maria Lam-
brechts, vid. vande Voorde.
VII. *Quotidianæ*, in Lijsbeth Jans.
VIII. *Febris intermittentis* &c. in Abram Anckenaar.
IX. *Continuæ cum diarrhoeâ*, in Andries ten Haut.
X. *Diurnæ infirmitatis*, in Jan Lucas van Herborn.
XI. *Febris intermittentis*, in Hans Jacob Storck.
XII. *Lassitudinis* & *vomitibus*, in Klaas Hollebeek.
XIII. *Intermittentis cum aphthis*, in uxore Leonardi Co-
lijn.
XIV. *Casus ab alto*, in *Ancilla apud vicinum Mercatorem*.
XV. *Intermittentis cum tussi*, in Grietje Franse.
XVI. *Obstructionum* & *asthmatis*, in Arien de Linnenwe-
ver.
XVII. *Puerperæ graviter egrotantis*, in Roelof van Rijf-
fels Vrouw.
XVIII. *Continuæ cum exacerbationibus*, in Benjamijn
Maafwijk.
XIX. *Continuæ remittentis*, in uxore Joannis Visser Met-
selaar.
XX. *Debilitatis*, in Isaak Schuddemats Vrouw.

I N D E X.

- XXI. *Febris quotidiana*, in Mary Teunis.
- XXII. *Ardoris linguae & nimiar. vigil.* in Annetje Joris.
- XXIII. *Capitis & præcord. doloris.* in Henrik van Schaa-
gen.
- XXIV. *Icteri cum febricula continua*, in Pieter Karelse.
- XXV. *Odontalgiae & Otagiae cum febricula* in A.V.M.
Juvene Amstelodamensi.
- XXVI. *Ventris doloris &c.* in Aaltje Jans.
- XXVII. *Surditatis & aurium tinnitus*, in Antoni van
Beek.
- XXVIII. *Graviter decumbentis*, in Heiltje Moer.
- XXIX. *Variolarum*, in ejusdam Mercatoris decenni fi-
lio.
- XXX. *Nephritici*, in Willem Leopoldus.
- XXXI. *Morbi Castrensis*, in Jan de Groot.
- XXXII. *Quartanae & scorbuti.* in Geertje Poelgeest.
- XXXIII. *Morbi frigidi ex ingluvie*, in Marijtje N. con-
vivente apud N. H.
- XXXIV. *Febris continua in puero*, filio Henrici Dar-
deine.
- XXXV. *Alvi fluxus & debilitatis*, in uxore Pauli Gillot
equisonis.
- XXXVI. *Suffocationis Uterinae*, in uxore van Jan Pie-
terfz. de Melckboer.



MEDICINA CONTEMPTA,

Propter

ΛΟΓΟΜΑΧΙΑΝ vel IGNORANTIAM

MEDICORUM.

CAPUT I.

*De Medicis in genere, & quinam veri sint, & quomodo
fiant tales.*

Quanquam omnes, qui saltem aliquam
medendi notitiam præ se ferant, lubenter
Medici vel Medicæ titulo gaudeant, &
consequenter eodem jure sed absurde fere
omnes mortales, utpote singulos suo more
aliquatenus medicinæ peritos, hujus nominis & tituli fa-
ciant participes; apparet tamen attendentibus, Me-
dici nomen ad Hippocratis Virum probum, solertem,
ingeniosum, à pueritia arte & natura institutum, laborif-
que amantem (nam usus facit artificem, & fabricando fa-
bri fimus) tantum verè, etsi falso tamen ad Academia-
rum

rum honoribus & titulis onustos (Bullatos vel Gradatos vocant cæterum prædictis qualitatibus omninò vacuos) transferatur, pertinere. Quantò magis aliquis huic Hippocratico schemati est dissimilior, tantò minus meretur veri Medici nomen: verus enim & rationalis Medicus est, qui præceptis Medicis & observationibus, tam alienis quam suis, à puero instructus, & sic rationi & experientiæ innixus, morborum medicationes non temerè aggreditur, sed per signa diagnostica in primis pathognomica in morbi speciem, morem, sedem, & causas, inquirat, præcipueque vires ex læsione functionum arteriarumque pulsu examinat, quibus vacillantibus subvenire conatur, præmissa cautè de dubiis prognosi: conversus ad auxilia incumbit, ut cito tutò & jucundè pristinæ valetudini ægrum restituere possit, quodque herbis non verbis perficitur, quorum delectui, non alio pretio quam labore parabili, ex tanto numero toto vitæ curriculo insudare debet. Medicina enim in eam amplitudinem extenditur, ut ad hanc inveniendam multorum seculorum decursu opus fuerit, ad perdiscendam, quæ jam inventa est, vix totius vitæ stadium sufficiat, & teste Hippocrate, Ars Medica ut citò addiscatur fieri nequit, propterea, quod in ea firma aliqua doctrina tradi non potest. In Theoria enim tota sese aperit Natura, hominum, animalium, plantarum, mineralium; eorumque Anatomia, virium disquisitionis, morbi, atque symptomata, signa, discrimina, causæ, remedia; adeo ut abdita illa omnia rimari, & ingenii acumine emetiri, homine quid majus esse videatur. In Praxi, quum dubiæ sunt & fallaces morborum notæ, sive vultum intuearis ægri, sive oculos observes, posituram, verba, motum, pulsus, ac urinæ differentias, morborum crises &c. Quorum omnium quan-

Hipp. de locis in hom.

ta sit obscuritas, experimento suo olim didicerunt, & indies adhuc discunt quicumque Medicinam profitentur. Tales duntaxat & tanti & in omnibus istis præ aliis dexterrimi & experientissimi Medici veterem Medicinam rationi innixam usuque confirmatam colunt. His Æsculapius non Gallus, sed tota debetur Hecatombe, atque si mortalium ulli his convenit. Homo homini Deus. Sed proh dolor! quam multi ad hunc lapidem examinati adulterini comperientur. Ex centum jam vix unus ut olim Moresinus ad Scotiæ Regem jure merito, dicere posset: *Qui in studiis Philosophicis Medicis & id genus aliis ætatem, quæ abiit, contriverim: Qui optimos quos habet Europa præceptores audiverim, celebres orbis universitates frequentaverim, & quos potui in re literaria sapientissimos adiverim, ut eorum colloquio doctior evaderem.* Sed tanti labores nostræ ætati non arrident: præcipitantur jam studia non maturantur: plurimi amant domi desides circa minutias operose philosophari: multi quidem scientiarum ambitiosi avari nimirum & otiosi, carbonum nigredinem, forcipumque abhorrentes rubiginem, tractare citharam & panduram quam carbones malunt. Rudis verò & idiota in arte perfuntoriè ruditer & perperam pro sua crassa intelligentia agit. Lurconum cohors Bacho quam Apollini litare magis diligit. Sanctæ pecuniæ deditis nec quidquam sapit quod lucrum non sapit. Rudes temerariique Agyrtæ omnia deprædantur, doctos & expertes Medicos calumniantur, altercationesque sciorum æquè ac vulgi levitates irrident. Interim hic in cæteris omnibus implacabiliter inter sese arietantium grex, in hoc tamen uno convenit, ut contra omne jus fasque Medici titulum ac nomen in artis artisque labem lugentium vituperium usurpet, turpemque maculam sa-

cræ inurat Medicinæ. Probis hæc quidem dolent, quamvis invalida sint, ut hanc constantem evertant veritatem, scilicet quod vir integer, microcosmi fabricam morborumque diagnosin & prognosin probè callens, artisque inveniendi ac ritè usurpandi remedia reparandæ ac restituendæ valetudini amissæ maximè convenientia, summè gnarus, solus duntaxat & meritò Medicus est dicendus atque multis aliis anteponendus. Talis per legitimam portam Æsculapii Sanctuarium intrat, in quod cæteri omnes, ut fures, irrumpunt. Unicum jam restat indefessis, attamen à recto tramite nonnunquam deviantibus, Philiatris monitum, ne uni rei nimis incumbendo sese ejus reddant Idololatrias, & interim ad alia utilioraque discenda præceptis occasio, propter hujus vitæ fragilitatem, sese ipsis calvam monstret. Ut sibi caveant, ne specialiter Anatomicis & Chirurgicis minutiis, nec universæ Botanices notitiæ, uti & ingenti utriusque Pharmacæ apparatus, minus multò Philosophiæ & Astrologiæ mysticis vel Euclydeis datibus, (artes singulatim totum hominem requirentibus) nimis inhæreant: sed potius ex hisce omnibus cæteroquin laudabilissimis studiis tantummodò magis necessaria ad Medicinam feliciter faciendam colligant, atque hoc modo ex formatis & adaptatis ad futuros usus rerum ideis & normis opulentum thesaurum comparent, secus enim facientes, dum ossa frangunt, nucleum perdunt. Ut de quibusdam præstantissimis cætera Philosophis, Botanicis, Chymicis, Anatomicis annotatur. Inter alios dexterrimum pariter & famigeratissimum, ob detectam primum (ut putatur) Sanguinis Circulationem Anatomicum Harvæum praxeos planè ignarum fuisse testatur ejusdem nominis quidam Medicus Regius. Optimè igitur *Aristoteles, non debere in Geometrà desiderari cogni-*

tionem alterius discipline quæ aliena est à Geometriâ. Sic pariter à Medico tantum debet expectari exquisita artis suæ cognitio. Medicinæ enim castra sequentibus est Symbolum: Non qui multa sed qui utilia scit, sapit.

Flocci idcirco faciat tyro nugatoriam vulgo in limine ventilatam quæstionem: *Medicina ne scientia vel ars, hæcque iterum an liberalis vel mechanica sit.* Nec ipsum moveat, quod à quibusdam *ars, quantum possibile, hominis præsentem Sanitatem conservandi, amissam vero restituendi*; ab aliis *Scientia eorum, quæ in homine naturaliter sunt & fiunt, & eorum quæ præternaturaliter esse aut fieri possunt*; vel *habitus medentis bene ad salutem laborantis*; vel *sanorum ægrorum & neutrorum scientia &c.* vocetur. Sit ipsi perinde, quod hic circa morborum causas censeat & somniet *obscuris verbis & terminis*, multiplicetque entia præter necessitatem; ille verò *sulphura, sales, fermentationes, Spiritus, & nervos* prædicet continuoque crepet; tertius imaginariam *exhibile & succo pancreatico effervescentiam* glorietur, omniumque in microcosmo phænomenorum basin agnoscat; quartus sibi *unicum morbum scorbutum*, ejusque unicam causam *acidum viscosum* fingat; quintus *omnia in æconomia animali tantum mechanicè & absque ullis fermentis ac intestinis motibus* procedere ostendet; sextus sanitatem humanam saltem duobus cruribus *bile* scilicet *atque liene* niti asserat, ac ut credamus jurejurando in suam animam firmet; tandem quod Picardi Aristotelis hypothesebus nitentes circa *vana de argutè excogitatis figmentis ratiocinia* inter cæteros forsan primas teneant. Grandia & magnifica hæc omnia, tanta quanta videantur, nihil emolumenti ulli ægro unquam contulerunt, sed *apina sunt, triceque & quidquid vilius istis.* Quæ similiaque ejus-

Martial.
in Epi-
gram.

dem ponderis infinita plura aliquando mecum seriò ruminanti, mentem subit quoddam Labyrinthi phantasma, in quod Ariadne filo sponte destituti quasi inter selem & orcum oberrando in investigandis compendiosis-ribus, quam via regia semitis, sese delassant, donec à præjudicio & opinione quasi ab altero Minotauro devorantur, superstitionibus tamen semper umbris quæ præconceptas opiniones perenne & cum Jehu velanè urgent. Restant jam magis adhuc intricatæ & nugatoriæ quam sicci pedis transitu dignæ quæstiunculæ. Scilicet an medicina conjecturalis vel secundum Matheos regulas demonstrativa sit? An hominum Medicina à veterinaria & quantum differat? Quis Anatomicorum de lana caprina lites componere posset? Quis non à via trita aberraret, si hos Microcosmi Geographos semper in omnibus sequeretur, nec hoc Polo duce suos gressus dingeret, *propter hominum dicere nihil mutatur*. Dividant jam corpus humanum in ventres & artus, in caput truncum & artus, in truncum capitatum & artus, in caput thoracem ventrem & vesicam, in partes fluidas & solidas, in contentas & continentes, in continentes contentas & impetum facientes, id est in vasa in humores & spiritus: porro dispuent de usu, motu, figura, situ &c. viscerum, humorum, spirituum, muscutorum &c. describant hominem instar piscis squamosum vel instar quadrupedis pilosum; considerent conceptum vel adultum, exiguumque utriusque sexus in genitalibus differentiâ; dubitent ac doceant quod sanguis non sit ruber nec quod nutriat &c. quid ægris inde commodi? sese autem invicem hisce inanibus nec rem alterantibus verbis cerebella diffingunt. Quis conciliet de conceptus & foetus nutritionis modo litigantes? sive *proles fiat è sociis seminibus* virtute utrinque concurrente, an tantummodò

2 Gen. 2, 5: *ex femellæ ovīs masculi seminis spiritu fecundatis*, an *ex solo*

solo virili seu ex animalculis in eo contentis. Pronuntiare hoc, inquit, divum Paulum in Actis, non ex duorum sanguine, sed ex uno amplificatum fuisse genus humanum, & in Epist. ad Hebræos, in Abrahami lumbis inclusum fuisse Levi. Hic fœtum per umbilicum non per os, ille per os & non per umbilicum, (quam sententiam Aristoteles Democrito adscribit, scilicet puerum in utero labiis sugere) alius per utrumque nutriri cum explosione contradicentis argumenti, ratione, experimentis & exemplis, asserit. Quidam tribus, alii duabus membranis eum involvunt. Hi ratione, exemplis, & autoritatibus probare nituntur, ossum pubis ab invicem & ilium à sacro in partu naturali distractionem, Pinaxi Opusc. Phys. & Anatom. L. II p. m. 126. Negatur ab illis, qui cranium fœtus in partu tantummodo flecti & elongari posse affirmant. A Generationis itaque primordiis nostra incipit ignorantia, ut tantò clarius pateret humanam sapientiam in oculis Divini Architecti tantum esse meram insaniam: nam Jovis omnia plena, miraculis cuncta referta. Sic meo iudicio toto cælo errant, qui magno in limine præcisè tempus conjunctionis animæ in fœtui definire conantur. Nec pluris facio quæstiones, an Anima sit ex Traduce, an vero à Creatore infundatur? An ab initio omnes animæ uno simul tempore sint creatæ, & in cælo quasi in Gazophylacio quodam asserventur, ut data occasione & tempore singulo singulam propriam efflagitanti corpori sua impertiretur? An vero ipso conceptionis momento creetur & fœtui jungatur, vel potius cum omnia ejus viscera & membra absoluta sint? An fœtus vivat in utero vitam propriam, an cum matre communem? An respiret? Et quæ hujusmodi humanæ petulantix plura sint, quæ acutissimi ingenia (in hisce tamen talpis cæciora) miserè torserunt, licet

hæc præter meras chimæras conjecturasque nil detexerint. Quid obsecro infantis in utero materno Plasmate, Nutritione, Stato tempore Enixu, quid, inquam, mirabilius dici vel excogitari possit? Nihil certe. Igitur:

*Cuncta puerperio cedant miracula mundi,
Infans quoreferat claustrapudica matris.*

Porro veritatis fontem sacrosanctam Scripturam adeat pius & curiosus naturæ indagator, ibique divi tolerantisque Jobi & terricolarum Sapientissimi Salomonis circa mortalium ab eorum ortu ad occasum communia fata audiat oracula Job. x. versf. 9. 10. 11. *Memento quæso quod sicut lutum feceris me: & in pulverem reduces me. Nonne sicut lac mulsisti me, & sicut caseum me coagulasti? pelle & carnibus vestiisti me: ossibus & nervis compegisti me &c.* Legat perpendatque Ecclesiastis Cap. XII. vel ultimum, & concludat tum cum versiculo secundo primi capitis, quod nostra de abstrusis scientia mera conjectatio & *Vanitas Vanitatum, universa vanitas & afflictio Spiritus sit.* Ad hæc in hodierna quoque circa morborum causas sententiarum licentiâ ferè amittimus antiquam veritatem, ut nesciat tandem incipiens Practicus, quo principio Pathologico innixus medendi methodum aggredi, vel ad quam causam morificam oculum reflectere practicum debeat. Itaque qui omnia licita perscrutari & duntaxat bonum conservare, nec mediocritatem auream transilire, nec desidiâ quasi vivi hominis sepulturâ perire, sed pro salute ægrotantium perdius & pernox vigilare velit, rem acu tetigit; omneque insuper in Medicina punctum tulit & legit unus verusque nec *φύμη* solum, sed *ἔργον* id est opere ipso Medicus est habendus; qui si ad hæc bonus, pius, mini-

Etiā Pf.
cxxxix.
versf. 14.
15. 16.

minimè callidus aut veterator, sed apertus & verax sit, omnibus numeris absolutissimus est.

Ad quod fastigium perfectionis attingere anhelantibus, viam Regiam per Medicinæ procerum scripta, iudicio & discrimine tamen pervolvenda, commendo. Hæc sanè demorsos ungues sapiunt. In his pressa verborum proprietas sententiarumque concisa subtilitas invenitur.

Nam ut denuò cum Excell. Hugenio loquar : *Heden wert'er niets nieuws geschreven , al dat onse langwylige schryvers doen , en is maar d'oude spijse met nieuwe slappe sausen te verwarmen.* Et porro ; *wij sullen ons aande oorsproncklijke Meesters bouwen.*

C. Huijgens dag-
werk L. VI.
P. m. 412.

Dixi cum iudicio, nec inconsulta ratione: erubescat enim Iurisperitus sine lege, Medicus sine ratione loqui: Hæc cum recta sit, omnem litem dirimit; è contra hac si quis destitutus sit, circa inane punctum rotabitur. Delectu igitur utendum: bona retinenda, mala reprobanda, neque ûnquam præscriptionibus ac traditis, sæpe numero rationi & experientiæ apertè reluctantibus, insistendum. Sed quoniam nihil rectè sinè exemplo docetur, sequens addam.

Martinus Rulandus, qui ex pleuriticorum historiis ferè dimidiam suarum curationum empiricarum partem confarcinavit, ideoque si ullus alius congruus hujus monstri domator, toto tamen cælo in curando hoc morbo ab Expertiss. L. Riverio differt: ut plurimum enim sine ulla Phlebotomiâ cum vili linctû, linimento, vel vomitorio, curta suppellectili, *auff das alt frenkisch*, brevi & facillimè pleuritidem se curasse asserit Rulandus. At Riverius post sex septemve V. Sæs. usque ad coloris in educto sanguine mutationem more Gallicano *a la mode Francoise* intra triduum quatrividuumve institutas, atque terribili acie frictionum ligatur. cucurbit. ca-

Vid. River.
Observ.
Med. Cent.
11. observ.
64.

taplasm. emuls. foment. liniment. clyster. &c. hule hosti opposita, nihilominus sæpissimè morbo victas dedit manus. En differentiam !

Interea facile crediderim, Riverium Thrasonem Rulandum, quoad rationalem felicemque praxin, longè superasse. Idem ille Rulandus per suâ sub velatis nominibus Vomitoria & Cathartica, subindè maximo ex. gr. XII. vel XV. Libb. ex una alterave vili herba Apoze-mate, miracula fecisse videtur, nullisque (ni fallor) saltem internè, usus est hypnoticis. Sed quoniam in suis Observationibus Medicis, tantum de curatis, neutiquam de mortuis vel incurabilibus meminit, meritò suspicor, rudes ejusmodi curationes Rulando crebrò pessime successisse. Nisi forsan quis credat, clementiorem tum temporis aërem, & obsequentiores humores, poros &c. quam hac nostra ætate fuisse. Cum multo igitur judicio indefessaque indagine Autores legendi, atque inter sese conferendi sunt : eoque magis, quoniam infiniti morborum casus cum & sine annexis medicationibus, quibus infarta sunt multa volumina, ceti tot captandæ inanis gloriolæ retia nullum unquam mortalem præter illos fingentis excogitantisque cerebellum affligerunt. Non decet tamen cum præjudicio nec intentato prævio exactissimoque examine hunc despiceret Autorem, alterumque attollere, quia magis vel minus consonet vel dissonet cum nostra sententia ; potius cum legitima cautelâ de eorum remediis periculum est faciendum, quam ea intentata damnare, quia reddendæ rationis, quomodo ea operentur, impares simus. Saltem propter nostras cogitationes vel ratiocinia, utut acutissima, rerum essentiæ vel qualitates non mutantur. Qui experientia duce Medicinæ finem assequuntur, semper in praxi feliciores sunt illis, qui imagina-

his hypothefibus superbum vanæ phantasiæ superstruunt ædificium, postea in sequenti curatione (velit nolit) inhabitandum : Sed non dubito, quin vanitatem hanc mecum exploratam habeant omnes Practici, nec candidam hanc detrectent confessionem, felicissimos qui unquam fuerint vel jam supersint (saltem opinione vulgi) Medicos, dexterrimos fuisse conjectores maximosque empiricos, quorum curta suppellex vulgò consisteret in paucissimis, sed probatissimis remediis : parum enim refert quam multa, sed quam bona sint, quæ præscribuntur. Asserti, si vellem, plurima in nuper mortuis sive adhuc viventibus practicis possem producere exempla : sed quoniam forsan quibusdam displiceret, istis ad opportunius tempus supersedebo.

Hanc ob causam sanè his attributis vacuos vivis coloribus ac alter Apelles eleganter in suis poematis Belgicis his versiculis depinxit prædictus præstantiss. & facundissimus C. Hugenus.

’k Sie bij raadselen genesen :

Hoe verdouwt het ons gedult ?

’k Sie een lever sonder schult,

Voller gallen, vuiler magen,

Dicker milten boeten draagen.

Nè hisce tamen puriputis illis practicis & ferè agyrtis Doctorumque Simiis & absque ratione omnia agentibus. assentiri videar, ut simul ratio consulatur jam & semper inculcò, hæc enim trutina omnia ponderare haud minimum praxeos fulcrum est.

Quod si forte nihilominus omnia, S. A. rationem & experientiam in morbis tentata non ex votis succedant, conscientiæ satisfecisti, & neque arti neque artificio, sed subjecto laboranti hoc imputandum, & in factis sic fuit. Omnia enim causas suas naturales ha-

bent, quod Deus procul dubio ita ordinavit, & naturæ indidit, ut cunctis rebus suo ordine ad interitum properantibus, nihil omninò constans & stabile in rerum natura reperiat, omnia occasui & morti obnoxia sint, & sola æternitas, & Divina stabilitas patefiat. Interea tamen neque animo ipse cadere, neque ægro ut cadat autor esse debet Medicus.

Non extra oleas jam esset his concatenare; an Medicus noster ordinarius & suetus melius altero investiget conjectetque nostrum morbum, & ut dicunt, nostram naturam noverit? an præstet annuo salario Medicum conducere, ut quædam magnæ solent familiæ, vel eum tantum tempore necessitatis accersere? an alteri sex stufferis contento præferendus sit pro singula visitatione vel consultatione ducati aurei vel philippici argentei petitor? an utile foret, quod sexus, ætates, singula humani corporis afflicta membra, imò omnes mortalium morbi singulatim distinctum & separatum haberent Medicum? an ars medica certis legibus & regulis præ artibus aliis definiri nescia, ea propter cæterarum omnium sit incertissima? quantum distet utrum, peccare Medicus nolit aut nesciat? quam lubrico fundamento nitatur eorundem opinio, qui putant quod melius esset cum rebus humanis si nulli essent Medici, quoniam neminem ab interitu vindicent, atque regiones quibus exulant Medici vix morbos noscant? & quæ ejusdem farinæ plura sunt. Quæ omnia ne hic discursus, cum iis quæ adhuc dicenda restant, in nimiam molem excreceret, volens prætere.

C A P U T II.

De Opinione & Fama Medicis.

Et si non diffitear, quod in conjecturis peritissimi ple-
 rumque cæteris sint feliciores Medici; tamen non
 fuſſragor, quod hoc elogium à vulgò ſæpiſſimè conce-
 datur iis, quos non res ipſa, ſed vana opinio tales fe-
 cit: nam plebi non iudicium: non veritas, ex opi-
 nione multa, ex veritate pauca iudicat. Quamvis
 mea nihil referat, an mundus opinionibus regatur opi-
 nioque Medicum faciat, ſi ego ſaltem hanc falſam con-
 feſſionem ſubſignare non cogar. Nihil enim curo, nec
 qui, nec quot ſint qui Medicinam faciant, docti an
 indocti; perindè enim eſt ægrotantibus modò quendam
 nomine tenus Medicum conſulant, qui quisnam demum
 ille ſit non curant modo aliquid latinè blaterare, de ſuaque
 peritiâ multa jactare ſciat, & ſe Medicinæ Doctorem etiam
 falſò profiteatur, licet principia Medicinæ ignoret, & Hip-
 pocratem cæterorumque Medicinæ Principum ſcripta
 nunquam legerit. Si igitur, quorum maximè intereſt, ſci-
 licet ipſi ægrotantes, Medicorum non faciunt delectum,
 quare id ego curarem? Sed ad rem. Fama & opinione
 Medici ſunt, qui non omine ſed nomine, nec ſpe ac re,
 ſed ſpecie & fraude magni & fortunati Medici nomen
 apud populum adquiſiverunt, ita ut cæteris præferan-
 tur, ipſiſque quaſi univerſæ civitatis valetudo committa-
 tur, (cum hodierno enim mundo ita comparatum eſt, ut
 pars maxima mortalium cum multis inſanire magis quam
 cum paucis ſapere diligit:) & ſanè valde fortunati
 ſunt, qui opes & divitias congerunt ex arte quam pro-
 bè non intelligunt. Sed tamen infortunati ſunt, qui

Soran. Eph.
 Iſag. Art.
 Med. Cap.
 14. Hippo-
 crates quo-
 que Art:
 Medici qui-
 dem fama
 multi, ſed
 opere val-
 de pauci.

Taciti

illis confidunt ; nam arte non fortuna morbi curantur. Sed quoniam illis proclives hæc credere detrectant , nec incuriâ ipsaque nec cæde peccare possunt , ast & semper excusabile est , simulque pro magno habetur honore per illorum manus interire : hinc nostri heroës diem citius sine nube quam horam sine impedimentis habent. Dum doctiores invisunt pauperum tabernas sine ullo hostimento , & cum paupere Aristotele coguntur ire pedites illi equites sæpe vel lectica vecti superbas pulsant Magnatum fores , probis Medicis sequens Horatianum exprobrando :

*Nescis quid valeat nummus , quem præbeat usum ,
Panis ematur , olus , vini sextarius.*

Vetus , non sapere qui divitias anteponunt scientiæ , jam diu obsoletum est. Quibus enim hodiè fortuna vulgi opinionem est elargita , pro diis in terris habentur , & gazophylacium omniscientiæ in tumidis suis præcordiis , quasi in sacra Palladis arce recondunt , nil secus quam mera oracula tanquam ex tripode proferunt : in hoc etiam probis longè feliciores , quod semper sibi propositum finem , fortè sanitatem , semper facultates proximi , assequuntur. Falsi itaque arguunt proverbium ; *Qui populari innititur aurâ , domum in luto exstruit* : suas enim ædes in aurea figunt petra , hinc tumiduli (instar illius , qui ornamento honorifico & beneficio elatus , omnes amiserat sensus) & garruli melioribus obganniunt , atque illis sese præferre gestiunt. Nec mirum : fastuoso enim incessu progredi , haustu uno ingentia pocula evacuare , alios præ se contemnere & despiciere , seipsos plurimi facere , & magnificè sua deprædicare probè norunt hi fortunati & propter nummos felici aura navigantes moriones , & me hercle tam splendido cultu horum quidam utuntur , tamque magnifice de sese sentiunt , ut haud mi-

nora

nora, quam Ducale nomen, & quinque pilularum scutum, Hippocraticæ gentis Illustrissimæ Medicæorum Familiæ, ambire videantur. (Hæc tamen quam plurimos super omnem invidiam doctos, expertes, laboriosos nec arrogantes, sed comes Medicos, legitimisque mediis celebres practicos non tangunt, quod simul & semel in sequentibus inculcatum volo) In felicem curationem si fortè incidat aliquis opinionum dominus, præprimis ipsi curæ est, ut suum heroicum hoc factum ilicò buc cinis per urbem clangatur; statim etiam suo mandato satisfat, quia sic visum erat populo assentienti huic de semet ipso loquenti mendaci: de felicissimis verò simul & frequentissimis aliorum curationibus altum silentium. Levia magni, gravia plus æquo æstimant laudi parandæ, & ut astutia quam scientiâ magis magnatum ac divitum gratiam aucupentur, & in illorum crumenas digitos subtilius injiciant: hinc solent morbos semper graviore dicere, quam revera sint, ut curatio majorem ipsis famam conciliet, aut si mors succedat, etiam eam illos prævidisse notum sit, ægrumque non Medici errore, sed morbi magnitudine victum occubuisse rumor spargatur. Sæpe quoque ad curationem levissimi morbi remedia multa præscribunt inutilia, quasi gravissimus ille foret, cum noxa ægrotantis, cui sæpe melius foret morbum pati, quam remedium. *Les malades imaginaires* qui corpore sano advocant Archigenem, his corvis exoptatissimæ prædæ sunt, apud tales miracula edunt, quia verbis confabulando scilicet, has delicatulas graviter ex imaginatione laborantes feliciter curant. In summâ decantatissimam atque mille artibus acquisitam eorum praxin si cominus inspicias veritatisque trutina pendas, nihil aliud erit, quam impudentia producendi falsas & infusas rationes alicujus mali quasi veras: temeritas, præ-

Juvenal:

præscribendi incerta remedia , quasi infallibilia : vanitas jactandi in prospero eorum successu : & tandem astutia excusandi infaustos eventus vel falsa Prognostica. Quadripartitæ huic basi innititur superbum opinionis in orbe Medico palatium , cum antiqua & simplex Medicina tantum duobus fulcris , experientiæ ac rationi , incumbat. Præterea adeo perversos etiam invenias , ut , cum videant plurimos ad se advolare , quos tamen ut decebat , nequeant tractare , ineptissimas nugas præscribant , ne præda ad alium veniat Medicum , quamvis sciant non profuturum. Instar agyrtarum curtam suam remediorum suppellectilem memoriæ mandatam , absque ullo jam amplius optimorum autorum inspectione , in omnibus subjectis similiter ferè applicant , & propter eandem hanc causam insuper ab ignaro vulgò pro promptis haberi merentur. Errant quoque , quod fixa & volatilia distinguere negligunt , continuoque calidorum & spirituosorum usu sanguinis rarefactionem intendunt : nec nimio motu in continuis æstuantem tam refrænent quam extimulent. Sed hoc illis nil refert , si saltem subito ac pro momento vires refocillare alvumque laxare & narcosin inducere , postea verborum lenociniis ægros blandiri norint : quibus omnibus accedit , quod hæc medentium secta nunquam sit interitura , quoniam alter alterum sibi successorem , cui addictus est , adoptat , & per suos proxenetas ægrotantibus commendat , ita ut cum ille fatis concedat , ejus Spiritus Sanator cum libera in mortales grassandi potestate , per *μεταψύχωσιν* in hujus cerebellum videatur translatus , ipsumque etiam hoc nomine reddat felicem , quod licet aliorum delicta sol videat , illius semper terra tegat.

C A P U T. III.

De Novatoribus.

Libet mihi, diplomate liberi transitus munito, novatorum formidabiles contra antiquos acies cominus intueri. Interim ne in partes seducar victoriam ante triumphum canentibus aures obturabo.

Hi exercitus antiquissimam simul & vastissimam molem firmissimis vallis & propugnaculis munitam obsident, & ex tormentis bellicis ingentibus ignivomis globulis seu bombis conquassant, passim incendia faciunt, sed frustra; nam præter hæc inanefesque fragores & strepitus nihil mali inferunt. Incombustibilis, & invicta mediis tranquilla in undis manet, & sicut uni auro sic hisce invincibilibus mæniis nil deperit.

Sed ad rem, quis haud novit nostri ævi in utilibus experimentis doctrinis & inventis fecunditatem, quam & nobis gratulamur? Sed simul quis ignorat, quam multi suis ineptissimis novis sese delassarint, ut antiqua Medicinæ sacra funditus everterent, & in his sua tropæa figerent, nova sæpe ementiti principia cum vocibus novis, quæ nec ipsi quidem intelligant, ita ut quo quis sibi magis indulgeat, & aliquo opinionis conceptæ figmento victoriæ inhiet, eo studiosius detrahat præcedentium decretis, & sua subistitute gestiat. Ignominiosum enim illis videtur cum Veteribus sentire, ne ingenii æstimationem perdant, utque singulares sint, atque etiam à Neotericis discrepent, monstra opinionum comminiscuntur, eaque defendunt, non robore argumentorum veracium, sed ratiunculis intricatis &

Eccl. cap I.
Non Saturatur ocu-
lus visu: nec
auris au-
ditu imple-
tur. Quid
est quod
fuit, ipsum
quod futu-
rum est:
quid est
quod fa-
ctum est, ip-
sum quod
faciendum
est. Nihil
sub sole no-
vum, nec
valet quis-
que dicere:
ecce hoc re-
cens est?
jam enim
præcessit in
seculis, quæ
fuerunt
ante nos.

sophisticis. Quisque suum inventum vel commentum maxima cum ostentatione publicè deprædicat. Non potest appetitus sibi metam ponere: nam *est quoque cunctarum novitas gratissima rerum*. Sed experientia non respondet, quanquam persuasio, & fortuna, calliditasque sæpe ad tempus admirationem his novis adferat. Interim coelum terræ miscent, & speciosis saltem librorum foribus præfixis, titulis tanquam bombis, veteranorum omniumque à se dissentientium dogmatibus, nisi quam citissimè respiciant palinodiamque canant, extremam ruinam minantur: sed hi prudentiores illa grandia non audiunt, nisi opere impleantur, illosque parvipendunt, quorum scientia tantum est speculativa & ultimus finis scire. Pauci admodum sunt qui quærunt commune bonum, plurimi proprium commodum: ubique enim prævalet avaritia & ambitio quorundam literatorum, adeo obstinatorum, ut ne unguem latum quidem ab opinione præconcepta decedere velint, quamvis vel totus illorum causa interiret mundus.

L. XXX. C.

I. LXXVI. C.

III,

Sed necesse est, ut hic *Pliniana* de adversis Medicinæ factionibus, quibuscum ab incunabulis colluctata est, inseram, & quomodo etiam tum temporis peculiaria arrogantiæ & inanis gloriæ mancipia contenderint, ut cuncta præsentium placita applaudente etiam populo & discipulis abolerentur.

Præterita enim præsentium & futurorum speculum. Qui ergo libero nullisque præjudiciis excæcato animo hæc serio perpendit, facile comprehendet, hæc *Pliniii*, propter profitentium errores & factiones & in medicinam convicia, etiam nostris temporibus quadrare.

„Mirum & indignum protinus, inquit, nullam artium
„Medicina inconstantior fuisse, sæpiusque etiam-
„num immutari contigisse, cum sit fructuosior nulla.

Infra

Infra omnes artes abjicit medicinam, propter inconstantiam quam oportet esse in fundamento & principis. Fructus enim durat, & adhuc petitur.

Instabilem autem, perpetuoque interpellem fuisse historia convincit. Cum enim in principio esset illa, quæ postea CLINICE dicebatur Deorum invento ascripta, & ab oraculis petita, miraculisque revocatorum à morte confirmata, tamen non potuit consistere, sed densa nocte oppressa vix hæsit in Chirurgicis remediis, donec ex templis descriptam Divus Hippocrates instauraret. Sed vix ad discipulum Prodicum pervenit, & mutata est in Iatrolepticen, quam sustulit Chrysippus & Erasistratus, qui Antiocho rege sanato, relatoque immenso præmio novam artem comprobavit. Huic sese opposuit alia in Sicilia oborta, factio titulo Empiricæ. Utramque damnavit Erophilus pulvis ingeniosè investigandis deditus. Verum & hujus studium brevi est desertum, extititque Asclepiades novator, quem Themiso discipulus redarguit, huncque vicissim Antonius Musa, contraria Medicina Augustum sanans. Hic quanquam multos haberet sectatores, tamen repudiatus est à Vestio Valente homine eloquente, qui novam instituit sectam, donec Neronis principatu emergens Thessalus, qui deletis cunctis majorum placitis, rabie quadam in omnis ævi Medicos perorando, magna prudentia & ingenio artem invenit novam, & de veteri victa triumphans sepulchro suo inscribendum curavit Iatronicen. Victus tamen & hic est à Critia Massiliensi, qui Medicinam geminavit, & ad cælestium syderum leges accomodavit, ut ægroti ederent biberentque non nisi propitio cælo.

,, Critiæ decreta abolevit Charmis, qui cum Medicis

C. talentis
donatus est
à rege Pro-
leniæo siro
ejus.

„etiam balnea damnavit , persuadens hybernis algori-
 „bus frigida lavari etiam senes Consulares in lacubus
 „ad ostentationem rigentes ; Qua de re extat etiam An-
 „næi Senecæ stipulatio.

„Mutatur ars quotidie toties interpellis, & omnes aucu-
 „pantur famam aliqua novitate, & animas hominum ideo
 „negotiantur. Decertant & gloria sententiarum, nul-
 „lo idem censente, ne assertio videatur alterius &c.

Retulit mi-
 hi nuper
 quidam
 Mercator
 Amsteloda-
 mensis,
 quod exo-
 cto ejus ur-
 bis Princi-
 pibus Me-
 dicis apud
 suam ux-
 orem post
 puerpe-
 rium, vo-
 mitu & atro-
 phiâ labo-
 rantem, vo-
 catis, pars
 frigidis ut
 ol: Vitrioli
 pars calidis
 ut ol: ciao:
 pars ad strin-
 gentibus,
 vippa vide-
 licet ex pane
 tosto vino-
 que rubel-
 lo, curationem inten-
 derit, qua-
 que facio-
 ne alterius
 sententiam
 improban-
 te.

Id quod etiam hodie proh dolor ! in frequentissimo
 est inter Medicos usu ; hinc vox populi, centum con-
 vocati Medici centum dissentientes sententiæ ; & si quis
 consulat diversos Medicos, incredibile est quam lon-
 ge incertior discedat quam ante consilium. Præterea ut
 quisque pollet loquacitate, ita statim condit novam se-
 ctam, sitque Imperator vitæ nostræ & necis ; ut inqui-
 rentibus apud varios variarum sectarum Autores de-
 scribentem *Doleum* patebit. Quanquam non omnes
 detexerit, nec potuerit, quia aliqui post sui libri edi-
 tionem demum in Medicinæ orbem prodierunt, quo-
 rum plerique tantum verbis non mente & re variant.
 Præter Thessalum & Paracellsum majorem nullo secu-
 lo habuit Medicina Hippocratica adversarium (cujus li-
 bri tamen minuit lectura famam) & qui ipsam versam
 fundo cupiebat, suam autem receptam, Illo, qui præ-
 ter innumera alia, communi tamen gentium consen-
 su confutata & redarguta, contra artis fundamenta,
 scorbutum, unicum inter mortales morbum, cætero-
 rumque omnium radicem, statuebat, hunc ab uni-
 ca causa *Acido* acridinem, viscositatem, fluidorum
 motum retardatum, obstructions, tubulorumque ru-
 ptiones exstillantibus interim humoribus, producen-
 te, ortum volebat, & perpaucis præcipuè vero salibus
 volatilibus lernam hanc malorum *Acidum* frænare
 do-

domiareque moliebatur. Hæc ingenii quadam facilitate ficta, lingua calamoque volubili deprompta, pro tempore suos admiratores & sectatores habuit, receptam Medicinam eamque profitentes criminabatur & accusabat falsitatis, erroris graviumque criminum, suam laudibus in cœlum evehebat. Sed tandem hic ad jurgia pronus, in damnando, facilis in practicis imperitus, & non rarò evidentissimorum seu inficiator seu depravator, vix attactò suæ ætatis medio, & postquam nil non rumori faciendo tentasset, præmatura morte præventus ad plures abiit, clarissimo saltem cum exemplo quod longè vivendi artem, cujus notitiam præ se ferebat, & aliis sua per scripta tantopere inculcare satagebat, ipse ignoraverit. Quod *Gellius* de Protagora meo etiam judicio in ipsius sarcophago esset celandum: *Is tamen Protagoras insincerus quidem Philosophus sed acerrimus Sophistarum fuit, quippe discipulis pollicebatur, se id docere, quamam verborum industria causa infirmior fieret fortior.* Ex asseclis quidam novo more scribendi & contradicendi pruritu optimos quosdam Practicos ridicula censurâ in lingua vulgari miserè excarnificaverunt, se ipsos torquentes ut expertissimorum virorum argumenta practica vellicarent, cavillarent, & exploderent: sed præter logodædala verba in ægrorum commodum nil produxerunt. Succedunt alii laboriosi & perennes transcriptores literarium orbem libris replentes, suaque scripta non ad libros sed ad libras componentes qui, mixtum ex præcedentium dogmatibus cum philosophiâ corpusculari & Anglorum doctrinâ de salibus sulphuribus, fermentationibus & nervorum succis, pro suis & novis inventis, omnibus commendare ac obtrudere satagunt. Omnia in œconomia animali tantum mechanice & absque ullis fermentis vel intesti-

Gelc. Noct.
Attic. L. V.
c. 3.

nis motibus procedere somniavit nuper alter qui artem sua scientia mensus fuerat. Quod si nuperus ille Graanen lumen illud hujus Athænei & universæ adeo Europæ multorum judicio Medicinæ cultor ac restitutor suam de fermentis & fermentationibus, sensorio materiaque subtili &c. acutam doctrinam à Pitcarianis fabris crassis mechanicorum instrumentis taliter cerneret dilaceratam, procul dubio maxima emphasi vociferaretur Legislatorem novitatis ac mutationis spiritum non magis in Galliis quam alibi, nec solum in vestibus sed & in cæteris omnibus negotiis & studiis jam suum solum habere. Quis non miseretur intricatum in labyrintho Physiognomiæ complexionum secundum planetas cum specificis remediis ad singulas in statu morbofo? nec ridet de herbis, signaturam partium corporis membrorum seu viscerum referentibus, multa confuse garrientem?

Magno applausu successuque (ut dicebatur) olim Medicinam facientem, posteaque docentem vidit Orbis literatus novum Philosophum, fama & fortunâ Medicâ insignem Medicum, (qui quasi vidisset rerum rudimenta ac principia nasci & in unum coire & inter ea à puero vixisset nil nisi apodixes fundere sibi & suis videtur) cujus principia ab his miris encomiis celebrantur & laudantur & ab illis culpantur qui dexteritatem & mentis aciem autoris capere impares mysticam suam Sophiam non intelligunt. Quoniam plurima (uti volunt) ex *Glaubero*, *Scrodero*, *Zwelfero Sala*, *P'Emery* &c. aliisque excerpta apud suos auctores perceptu facillima, tot tantisque particulis firmis, fluidis, glabris, flexibilibus, obtusis, oviformibus, aqueo terrestribus, solido fluidis-viscosis, terraqueis, ramoso-salinis-æthereis, salino-terrestribus, „ imò

imò proteis seu omniformibus involvit; ut hæc
 „ molecularum ex massulis armatis spiculis concatena-
 „ tarum miscella, approximatione & manubriatione tan-
 „ tas discontinuantes coördinationes & meteorisandas di-
 „ versificationes producat, ut arietantia hæc corpora
 „ divortio & fuga divisissimorum decarceratorum pun-
 „ ctorum salinorum ex porosissimâ terrâ magno hiatu
 „ & ferociori tortura, allisione, collisione, fricatione,
 „ spirituosissimam corporeitatem cum diaphaneitate
 „ conjunctam elidunt, & nisi cuneolis inviscarentur,
 „ mediantibus halituosis viciniis, ab excellentiori pro-
 „ sapiâ in vapescentiam vel vacuum degenerarent. Tantâ
 grandiloquentiâ & verbis partim chymicorum, partim in-
 quinentorum proprii cerebelli suam sententiam occul-
 tare norunt nuperi autores. Sed hæc verba nec diem nec
 noctem significantia sparsim sunt sumpta, concatenata
 jam audienda est sententia: nam sicut vasa cognos-
 cuntur sono ita homines sermone. *Spiritus enim mer-
 curialis existit tam edax, ut omnia metalla imminuat
 & penetret seu quod ut apertius loquar, situs poro-
 rum & meatuum in plumbo est talis figuræ, ut materia
 subtilis eos ingr diens, ibidemque (pro minimo temporis
 puncto) moram trahens, aliasque particulas solidas eve-
 hens, in tantum illius consortio modificetur in sui efflu-
 viis, ut aliis corporibus communicata vim suam illis im-
 pertire queat sæpius sat violentam. Sit ne hæc jam obturi
 per clariora explicatio vel vice versa, aliis trado dijudican-
 dum. Pergo: Spirituosa & oleosa menstrua viscosas parti-
 culas non quatenus viscidæ & gummosæ sunt extrahunt,
 sed tantum ratione crassiorum ramosarum particularum
 Viscosæ componuntur, & quæ poris ramosis conveni-
 entes sunt.*

Nomina ob-
 scura pro-
 notis & usi-
 ratis.

Simili modo passim per vastissimum suum opus phi- Autor
 loso-

losofphatur autor, quod inquirentibus patebit, & ab alio indicatum est: plura enim transcribere nec lubet nec licet.

Opinabile
siquidem si-
ne actione
inscientiæ &
nullius artis
indiciū
est. Hipp.
Sect. I. p. 13.
L. de dece-
cent. Hab.

Nova hæc quanquam quibusdam utcunque arrideant plurimis tamen videntur obscurissima & intricatissima: mortalium enim nemo præter hunc scriptorem hanc materiam subtilem, hos atomos, vel particulas, (uti loqui amat) minus multo omniformes earum figuras, quam omnibus *Leewwenhouckianis* microscopiis armatissimus, vidit palpavitque. Solus hic autor eas non solum disse sed & manibus comprehendisse alicubi innuere videtur. Non mirum igitur, quod hæc imaginationis inanes ideæ notionesque ab ipso etiam tam accurate & ad amussim delineantur describunturque, ut circino dimensæ videantur, iis, qui hos cerebellorum fætus & pupæ Matheos fundamentis æquiparant, nec minus quam S. S. scripturas credunt. Sed ne aliquis cogitet me quodam cavillandi studio hæc ex Viri scriptis allegasse; declaro me honestos actualesque ipsius in artis emolumentum labores summe laudare eique gratulari: magis enim laboris amanti peritoque artifice, quam otioso speculatore tribuo. Quanquam ab altera parte mihi cum plurimis aliis suæ Physicæ terminos nec verba intelligentibus non præjudicio sed sincerâ mente de suâ musteâ chimericaque atomorum philosophiâ propria sua phrasi fatendum sit: *DEDALÆUM OPUS!* ita ut Oedypo sit conjectore opus, qui huic Iphyngi interpret sit. An Plinii sigillum, quod olim sequenti circumscriptione, *scripsit ratione blandissimâ, sed qua nihil penè aliud, quam rei difficultas, intelligatur*, suo de Metrodoro Medico testimonio affixit; etiam hisce scriptis non affigi debeat? aliis dijudicandum trado. In tales interim non valde placide invehitur Autor,

se-

ſequenterque (præcedentis effati immemor, *ſectæ alii Philoſophicæ cæcâ obedientiâ adhærere, cum recta ratione eſt inſanire,*) iſſis fert ſententiam: *pro rhetore vel agyrta habendus eſt deſtitutus corpuſculari; (id eſt ſua) phyſicâ.* De Socrate annotatur, quod lecto quodam Heraclidis libro, de illo ſuam ſententiam interroganti reſponderit, *excellentiſſimum ſe quod perceperat compe- riſſe, idcirco inferēbat, idem illud quod non bene intellexiſſet, ſplendidioribus adhuc dignum eſſe encomiis.* Cujus præmiſſæ libenter ſubſcribo, conſequentiæ vel conſuſioni tamen ſi non aſſentior, ut mihi ignoſcat Clariff. Autor, humanè oro rogoque.

Pendant tandem fores, qui opinionem abhinc centum annis obliteratedam, poſt ab Helmontio ſub placaminis Archei, & ſublationis producti ab ipſo ſeminis morbiſici, titulo recuſam, de Medicinâ non corpori ſed ſpiritibus faciendâ, nuper renovarunt, quaſi in ſolis ſpiritibus omnis ſanationis ratio & ſpes eſſet, quibus ſanandis roborandis & reſtaurandis unicè Medicus incumberet. Novator, qui hæc ſomnia & ſophiſmata in fine præcedentis ſæculi per Germaniam propagabat, citabat Ariſtotelem in. 7. lib. Metaph ubi dicit; *quod ex ſanitate animæ fiat ſanitas in corpore*, & hinc concludebat, quod quævis Medicina ſpiritum vitæ ſanans, ſanaret etiam totum corpus; quod longè falſiſſimum argumentum ſic invertimus: Si ex ſanitate animæ non fiat ſanitas in corpore, ergo nec remedium ſpiritum vitæ ſanans ſanabit corpus: at verum antecedens, (quia in morbis tale medicamentum quærendum eſt, quod viſcera & officinas ab intemperie dejectas & facultates læſas &c. reſtituat roboretque, ut poſtea vegetiſſimorum ſpirituum copia non ex medicinâ ſed nutrimento bono excitari queat) ergo & conſequens. Iactabat etiam Medica-

menta proportionē spiritibus conformia : sed evanuit
in fumos cum sua doctrina fumivendus. Nam

*Stat sua cuique dies ; breve & irreparabile tem-
pus*

*Omnibus est vitæ : sed famam extendere factis
Hoc Virtutis opus.*

Sed pergendum est cum Plinio : quid est , quod ,
„ ait , millia gentium degere sine Medicis , at non sine
„ Medicina , sicut populus Romanus ultra 600 si-
„ mum annum , nisi quod ars illa , quam veterem pro-
„ tentur , inanibus verborum nugis & dogmatibus fictis
„ constet , interim Medicina vera & naturalis hærente
„ inter alios. Potissima materia medica olim in mine-
„ ralibus & vegetabilibus fuit : utraque neglecta & igno-
„ ta fuisse Medicis idem Plinius refert. Omnia hæc ,
„ inquit L. xxxiv. Cap. xi. de medicamentis ex ære lo-
„ quens , ignorant Medici : pars major & nomina. In
„ tantum à conficiendis his medicaminibus absunt , quod
„ esse proprium Medicinæ solebat. Nunc quoties in-
„ cidere in libellos , componere ex his volentes aliqua ,
„ hoc est impendio miserorum experiri commentaria ,
„ credunt Seplassæ ea omnia fraudibus corrumpenti ,
„ factaque jam pridem emplastra , & colliria mercan-
„ tur , tabesque mercium. Fraus Seplassæ sic exterit-
„ tur. Hæc ille , quibus tam exacte depingit multos
hodiernos Medicos , ex commentariis nautas , ut ni-
hil supra. De re Herbaria verò partim ignorata Me-
„ dicis , partim depravata , sic ille ipse præclare :
„ Herophilo licet subtilioris sectæ conditori ante
„ omnes celebrata ratio est (hinc Medicina logica ,
„ quæ rationibus argutis constabat) paulatim usu
effi-

Deimperitia
Medicorum

Lib. xxvi.
c. 2.

„efficacissimo omnium rerum Magistro obliterato, & in-
 „tærea Medicina ad verba garrulitatemque descen-
 „dente.

„Sedere namque in his scholis auditioni occupatum,
 „gratius erat, quam ire per solitudines & quærere her-
 „bas alias aliis diebus anni. Et alibi. Hinc (ex no-
 „titia herbarum) nata Medicina. Hæc sola naturæ pla-
 „cuerat esse remedia parata vulgo, inventu facilia, Lib. xxiv.
c. i.
 „ac sine impendio ex quibus vivimus. Postea fraudes
 „hominum, & ingeniorum capturæ officinas invenere
 „istas, in quibus sua cuique homini venalis promittitur
 „vita. Statim compositiones, & mixturæ inexplica-
 „biles decantantur. Arabia atque India in medio æsti-
 „mantur, hulcerique parvo Medicina à rubro mari im-
 „portatur, cum remedia vera pauperrimus quisque cæ-
 „net. Nam si ex horto aut petatur herba, aut frutex
 „quærat, nulla artium utilior fiet. Theriacam vo-
 „cat excogitatam luxuriæ compositionem, quæ fiat ex Lib. xxix.
c. i.
 „rebus externis, cum tot remedia dederit natura, quæ
 „singula sufficerent. Mithridatium antidotum ex re-
 „bus LIV. componitur, interim nullo pondere æquali,
 „& quarundam rerum sexagesima unius denarii impera-
 „ta. Huc usque Plinius. Et mehercle! (ut cætera trans-
 „eam), quis nescit herbarum inter Medicos negligentiam?
 „multis eam rem ad aniculas & ad rusticos deferentibus,
 „& ne agnoscentibus quidem herbam, quam scripserunt
 „porrectam à pharmacopœo: aliis planè contemnentibus
 „communia & longo usu probatissima remedia, & dunta-
 „taxat ex libris Novitiorum quorundam scriptorum descri-
 „bentibus Receptas: aliis à conforibus agyrtis & vetu-
 „lis acceptas formulas *Nostras* & *Arcana* vocantibus,
 „quæ æterna fecundissima est. Interim non adeuntur hor-
 „ti & prata, negliguntur furni & mortaria, rubiginem-

que contrahit culter anatomicus. Per triennium vel quadriennium enim interdum in subsellis sedisse & auscultasse docentes Professores, nunc satis est ad imperandam potestatem in vitas necesse hominum. His sese Medicos profitentibus statim creditur, cum sit periculum in nullo mendacio majus. Medicos tali origine factos, quis pro veris habeat? Discunt hi alienis periculis, & experimenta per mortes agunt. Cum enim nil nisi libros & quidem satis parce & negligenter tractarint, vixque hiscere sine vapulante Prisciano tria verba sermonis latini norint, & tamen ad opus accedendum sit, planè ignotis rebus fatigant naturam, nescii vitam an mortem procurent, donec eventus id docuerit. Inde illud, *Novus Medicus novum cæmeterium*, in eorum opprobrium prodiit proverbium, & cum occisus quis medicamento est, intemperantia fatumque arguuntur. In ipsa curandi methodo multò incertissimi & dubii, nunc hoc nunc illud imperant, ipsa ignorantia ignorantiores, contrarium pro convenienti medicamentis inferunt. Lucri tamen causa sese ad depravatum vulgi iudicium & cupiditatem accommodantes, mirabilia, nova, inaudita comminiscuntur & ogganniunt expertis. Quanquam tantum inania fundant verba, & funiculos ex arena nectant. Sed novissimi homines in hac mundi senectâ, quasi Athenienses redivivi, tam avidè novis inhiant, antiqua fastidiunt & tam negligenter Veterum scripta habent, ut quam facillimè à versutioribus decipiantur qui quam vetustissima & tempore oblitterata sed jam novis fasciis involuta, his nil nisi novum volentibus probè obtrudere callent atque ita decipi amantem mundum rident. Ego ipse olim multa pro novis habui & admiratus sum, quæ postea sedulâ inquisitione comperi ex veteribus excerpta, & levi mutatione ad modulum ingenii do-

Horum
opera at-
tente perle-
gentibus ili-
cò appare-
bit, ean-
dem cram-
ben iterum
atque ite-
rum reco-
ctam esse:

docentis polita, quædam etiam planè ficta. In quo circa theoriam, morbos non sanantem, suis autoribus aliquatenus posset ignosci, si praxin saltem intactam relinquerent: sed neque hæc à tam sacrilegis tuta manere potuit manibus. Nam ut de Amato Lusitano annotavit Crato, *illum plura conficta quam facta scripsisse & interdum opiniones suas isto modo confirmare voluisse*; sic Diemerbroekius de Zacuto ejus populari sequens tenuissimum dicit testimonium: *Verum cum Zacutus fuerit homo multæ quidem lectionis, sed interim supra modum gloriosus, quantum ex ejus scriptis, & præcipuè ex praxi admiranda, colligo, aliorum plurimorum Medicorum observationes sibi adscripsit, & ut speciem aliquam veritatis haberent, casum alicujus ægri affinxit, qui æger vel nunquam in rerum natura extitit, vel in pago aliove abstruso loco, nunquam invento, nec unquam inveniando, vixit; imò multis in locis, ut aliquid gloriolæ sibi conquirat, tam splendide veritati parcit, ut vel cæcus videat plurimas ejus Observationes ab omni veritate alienas esse.* Similia adhuc hodiè ab ejusdem farinæ sociolis interdum fieri, multo certissimum est. Morborum enim casus novi & inauditi excogitantur, finguntur, ærique inciduntur, hinc tabulæ & figuræ, hodiernus librorum ornatus; & quæ omnia tamen præter mera commenta & ludibria nil habent. Quis jam attento hæc volvens animo non dolet passim à tyronibus neglectam antiquorum autorum lectionem, videtque simul, hanc causam esse horum malorum. Ardua proficua spernunt, quia laboriosa, commenta inutilia diligunt, quia facilia & ibi hæret aqua: novitios quosdam scriptores aliquando vix lectione dignos, quia compendiosos (sed potius dispendiosos)

ſeſtantur, Veterumque utiliſſima ſcripta, quia improbo labore (quem reculant) pervolvenda, fugiunt, vel forſan horrent quidam Proverbium *Deſipit qui nimium ſapit*; nec audire volunt, *quod ſint ardua quæ pulchra*. At hæc faciamus miſſa.

In Veterum
Scriptis
multa ſunt
recondita,
quæ hodiè
pro novis
venditan-
tur.

Miris encomiis millies repetitam cantilenam, de huius ſeculi in novis inventis & experimentis fecunditate cum aliis receperam, & noſtra hæc tempora priſcis longè prætuleraſſem, dubia tamen ſemper cum ruminati-
one. Donec inventa plurimorum pro novis divulgatorum geneſi apud antiquos, præjudiciis eluctatus, illis debitum honorem non detrectavi. Sed ne hæc gratis aſſeruiſſe videar, exempla, quæ vulgo magis quam verba docent, in apicum producam.

pag. 569.
VII. 7.

Quis Hippocratem de ſanguinis noſtri periodis loquen-
tem, *Cor oceanum, & arterias rivos fluminaque vo-*
cantem, *fluxum refluxumque ſanguinis circulo compa-*
rantem audiens, concludere renuet, ſanguinis Circula-
tionem ipſi & ſequacibus fuiſſe cognitam. Ut radi-
catio *venarum hepatis, arteriarum cor, ex his aber-*
rant in omnia, *ſanguis & ſpiritus & calor per hæc*
meat. Vis una & non una, qua omnia hæc alia gu-
bernantur. Idem de Off. Nat. Sect. III. pag. m. 277.

121. II. 6 &
ſane ſanguis
ſons eſt
cor &c.

p. 356 II.

in Fol. *Venæ per corpus diſſuſæ ſpiritus fluxionem &*
motum exhibent, ab una multas propagines emittentes.
Atque hæc una unde exordium ſumat & ubi deſinat, non
ſatis mihi compertum habeo; circulo enim factò, prin-
cipium non invenias. Sect. III. de Natura hominis pa-
gina 223. in Fol. *Quod venæ arteriæque ſibi mutuò ſan-*
guinem ſubminiſtrant, internæ externis, viciffim externæ
internis &c. dicit breviloquus veraxque Senex. Por-
ro libro de Virginiū Morbis paſſim de fluxu refluxuque
ſanguinis loquitur. De fluxu menſtruo: *Sanguis nunc*
ha-

Porro de
Viſtus Ra-
tione L. I.

habens effluxum præ multitudine resilit ad cor &c. & paulo infra: donec sanguis ad seipsum revertatur. Revertitur autem celerrimè. Cito enim propter venarum rectitudinem refluit. Item Libro de corde, de aorta & venacavallo quens, dicit: *Hi fontes sunt humanæ naturæ & hic flumina sunt, quibus totum corpus irrigatur: atqui hi etiam vitam homini conferunt, & ubi resiccati fuerint, homo moritur.* Verissima igitur omniumque Medicorum suffragiis digna sunt sequentia Horniana in Elogio I. A. V. D. Linde: *Restituisti divino Seni circuitum sanguinis, quem incuriosa Veterum hæc ætas, prob stupor! aliis adscripserat.* Et paulo inferius! *repererant margaritam infimè to ignari à quo recondita fuisset, & quid hoc ad illos novos Herostratos?* Hunc Sanguinis progressivum in circum motum etiam Andreas Cæsalpinus & Cæsar Arantius longè ante Harvæi tempora agnoverunt: tandem Harvæus. experimentis necessariis & rationibus de novo excogitatis hanc doctrinam fulcivit & excoluit.

ubi de humorum in circulo motu.

p. 291. v. Vid. etiam Aristot Lib. de Somno Cap. 3.

Moyses Apollonita apud Arist. Lib. 111. Hist. animæ cap. 2.

Plato in Timæo.

Arantius Cæsalpin. Cap. xix. Lib. vi. de constitutione cordis

Corpus nostrum perspirabile, id est porosum esse, infinitisque humoribus refertum, Idem statuit Hippocrates. Ejus putrefactio in vasis intemperies calor ignis &c. cum sublato æquilibrio particularum sanguinem &c. componentium, cum sanguinis depravata in corde effervescentiâ vel si mavis mixtura turbata; Atomis cum physica corpusculari; Aer & ignis, cum æthere, fermentis, effervescentiis; Facultates naturales, cum motu & pressione; Calidum innatum, cum influente; Coctio, cum fermentatione. Bilis flava, cum sale; Atra, cum crasso corrosivo; Pituita, cum sero coagulato; Melancholia, cum materia terrestri; similiaque infinita, facillimo sane negotio, conciliari possunt. Pariter in praxi parum refert, an

Secl. i. p. m. 13.

Hipp. in Epidem. 18. Gæ. Meth. 1. Crit. 7. 3. Præf. 5. 9. Meth. 14. 2 Meth. 7. 4-in 6. Epidem. 291. acur. 18. r. Aphor. 16. 1. in. 6.

catarrhi tantum sunt dicendi, ubi sistantur, & non ubi fluant? An *Sanguificatio ab Hepate*, vel Corde procedat? An *icterum nigrum*, *Scorbutum*, *Calida*, sale volatili referta, *Frigida*, acido fixo & terrestri abundantia vel motu intestino privata, *Maligna*, corrosiva, *Corrobore*, referare, vocitent. Neque quod quibusdam *Naturæ*, *Repletionis* & *Inanitionis*, *Sympathiæ* vel *Idiopathiæ* &c. voces, metum incutiant. Non tantum etiam Hippocratis plaga à nostra differt, quin ejus *anni tempestatum observationes* circa morbos eorumque causas, fomites, symptomata, & periodos, etiamnum nostris epidemicis vel sporadicis adamussim convenient. Quid multa? quod de quatuor *temperamentis totidemque humoribus*, *facultatibus*, *sensibus*, *intemperiebus*, *occultis qualitatibus*, de generatione hominis, calculi & vermium, *spiritibus*, *flatibus*, *ventis*, *vaporibus*, *omnigenisque morbis eorumque Symptomatibus causis* & *signis*, & præcipue de febribus & peste, inflammationibus catarrhis, de sex rebus non naturalibus, medicamentorum qualitatibus eorumque formis, porro indicationibus, præservatoriis, & curatoriiis, & mille aliis, ad naturalem præternaturalemque hominis statum pertinentibus, Veteres Græci Arabesque &c. docuerunt, magis nomine quam re, usu & utilitate, ab hodiernis differt novis. Quod sedulo antiquorum scripta pervolventi facile apparebit, quanquam primo intuitu a versutis novatoribus larvata antiquitas multis videatur nova & exotica. Sed propter nostrum dicere, uti recte Aristoteles, nihil mutatur.

Luis venereæ quoque cum comitatu historiam, sub elephantiasis, cholereæ nigræ, alopecieæ, lichenis, pudentagræ, mentagræ, & syphilidis velo, ab Hippocrate, Galeno, Plinio, Suetonio, Celso, multisque sequentibus,

tibus, longè ante per Hispanos detectam Americam, in genere depictam, sedulis autorum scrutatoribus abundè patet; quorum aliquot testimonia hic adferam; inferentibus horum quædam æquivoca esse, simul respondendo, quod quanquam hoc de uno alteroque verum sit, omnia tamen simul collata contrarium lucidè probent. Sic *Hippocrates pag. 671. sect. ix. art. i. ad pudendi ulcera pharmacum. 408. xcv. i. 404. lxxx i. Prægnantis pudenda exulcerata. 873. x. 5. pudendorum verrucis auferentia. 404. lxxvii. pudendi ulcera. 401. l. xi. 7. pudendi ulcera & pruritus. 535. ii. 10. capitis dolor cum sedis & pudendorum dolore torporem & impotentiam inducit vocemque exolvit. 257. xvii. Carnes præ dolore vibrantur ac palpitant & testes contrahuntur & in sedem & vesicam calor quidam ac dolor irruit & mingit crassa & ex capite defluunt capilli &c. De morbis popular. l. vi. 797. 5. Quibuscunque os de palato decessit, his medius confidet nasus. s. v. 583. si pudenda superficiario ulcere laborent. Similiaque plura passim per ejus opera sunt sparsa. Vide etiam quid Proverb. v. 11. Salomon velit, ubi de vitanda meretrice: & rugias in novissimis, quando consumseris corpus carnesque tuas. Ad hæc quia genitalis laticis effluvium absque prævio contagio rarissimè accidit, non absurdum foret argumentum Cap. xv. in Levitico de gonorrhœa virulenta interpretari. Sequitur Plinii Secundi memorabile fidelissimæ uxoris exemplum. Hæc cum jam detexerat sui jam dudum languentis mariti genitalia incurabiliter exulcerata, suadet exhortaturque eum, ut prompta morte, ipsa comite, sese hisce miseriis eximat; itaque alligatis invicem corporibus, profilierunt ex villæ (prope mare sitæ) fenestrâ in pelagum. Porro Lib. xxviii. Cap. 15. de verendorum carbunculis, & vi-*

Lib. xxi.
cap. 18.

L. XXII. C.
S.

tiis serpentibus cum manantibus ulceribus ; de testium tumoribus ; sedis vitiis & inguinibus ex huiusmodi causa intumescunt meminit ; & Lib. XXVI. Cap. 15. de exulceratæ vulvæ doloribus & vitiis : & ejusdem Libri Cap. 1. lichenas vel mentagram tanta freditate , ut quæcunque mors præferenda esset , depingit : & paulo inferius , nascitur in occultissimis corporum partibus.

Addo Alphonsum Ferri Medicum Neapolitanum , ita scribentem : *In genere quanquam non in specie de morbo Gallico inter Veteres scripserunt Celsus de Elephantiasi ; Suetonius de vita Caesarum ; Hipp. tertiâ particulâ aphorismorum ; Galenus de cholera nigra ; Ioannes Alexandrinus commentator secundo Epidemiarum de Festo , qui se interfecit. Claudunt tandem rivos Salicetus , Gordonius Tarenta , pluresque alii , qui longe ante (huius monstri natalibus infamem) obsidionem Neapolitanam , per Carolum Octavum vixerunt , & de fœdâ hac lue scripserunt. Nihil igitur me movet , quod Hieronymus Fracastorius de Syphilide seu Morbo Gallico canit :*

*..... quoniam longæva vetustas
Cuncta situ involvens , & res , & nomina delet :
Nec monumenta patrum feri videre nepotes.
Oceano tamen in magno sub sole cadente ,
Qua misera inventum nuper gens incolit orbem ,
Passim oritur , nullisque locis non cognita vulgo est.
Contrarium enim N. Leonicensis sequentibus asserit verbis : Quanquam Plinius testatur lichenas ante Claudii principatum non visas incognitasque lib. XXVI. multis annis tamen antea Græciæ familiares fuerunt , sic Venerea Lues nomine quidem incognita revera sub aliis morbis latuit. Prætereo , brevitati studens , infinita nostratium peregrinantium testimonia , omnes ad unum in hoc consona ,*

sona, quod Venerea Lues Americanis, non magis quam Plin. S. L. xxv. c. 3. Europeis, sit endemia, quodque potius credibile sit, primos detectores insontibus Indis, quam illos Hispanis, luculenta hæc munera donasse.

Stomacacis & Scelotyrbis vetus apud Plinium pictura, à nova famosissimi Scorbuti tantum in hoc unico differt, quod propter commodum grata hæc vox jam in crassissimæ ignorantiae asylum evalit: quoniam maxima Medentium, præcipuè mendacissima Uromantum turba, in ferenda de morbis sententia bardam suam imperitiam insontis Scorbuti nomine velat, ita ut sagacissimi hi artifices, novaturiendi quodam appetitu, Vetterum *Blauschuyt*, singulari quadam dexteritate, jam in suum mutaverint *Blau excuis*.

Non tanta igitur intercedit differentia inter Veterum & Neotericorum doctrinam, quam quidem vulgo clamatur.

De morborum etiam eventu & curatione non est quod multum super illos gloriemur; fueruntque, sunt, & forsan post mille annos erunt, in *Conjecturis peritissimi* cæteris feliciores Medici. Argumenti veritas liquet,

(ut infinitas similes ejusdem Autoris aliorumque Practicorum præteream morborum historiolas) in hac Clariss. pariter ac felicissimi Practici Riverii medicatione; videlicet: cum ad ventriculi dolores primo crustam panis asfatam & in vino calente madefactam ac pulvere cariphillorum nucisque moschatae conspersam, ventriculo apponit: sed postquam perceperat ab hoc remedio auctum malum, mox proram vertit, atque ab uno extremo ad aliud, ex igne in aquam transilit: *Iussit*, inquit, *ut linteum quadruplicatum in oxycrato maceratum ventriculo frigide admooveretur, eoque admoto, cessavit illic dolor ventriculi*. Sententiam hanc meam nihilominus, si quisquam alius adhuc refellere sibi imaginetur

Insigne
conjecturæ
exemplum.

River. Observ. Med. pag. 121. centur. II.

producendo, primo hodiernam novam Philosophiam; secundo remedia Chemica, tertio detectiones cultro Anatomico, demonstrationibus Mathematicis, antiâ, pneumatikâ, microscopiis &c. postea factas; quarto mitiora ex novo & Veteribus incognito orbe ad nos allata remedia; quinto quod omne artificium ex frequenti exercitatione, suscipiat incrementum. Respondeo ad primum; Philosophiâ (quamvis titulo Medicorum catechismi clara) tam novâ, quam veteri, nunquam morbos curatos: herbis enim non nudis verbis, argutiis vel eloquentiâ, ut recte Celsus, miseri sanantur. Super terræ penetralibus evulsa, & ex animalium plantarumque ditissimo penu deprompta, non spernenda, incubante Vulcano, & obstetricante artista, emittuntur medicamenta, quibus debitam laudem nemo sapiens unquam detrectabit, duo enim vincula magis ligant, Galenica Chymicis juncta optima præstant morbis remedia: sed graviter molesteque fero, quod aliqui huic arti nimium incumbentes, ejus in tantum fiunt idololatræ, ut statuant, Chymicis præsentibus vel absentibus morbos curabiles vel incurabiles esse. Hinc plusquam Thrafonicè jactant, Chymica remedia in omnibus morborum generibus, Galenico gregi incurabilibus, semper curare, nec hisce morbisugis ullos morbos incurabiles. Quanta verba! sed falluntur & fallunt hi fumibuccones & venduli, simulque probant; quod *convenient rebus nomina sæpe suis*. Contrarium vero quotidie experiuntur Practici, quia non edunt tanta miracula, quanta de illis perhibentur, & licet hic illicve prosperè cesserit aliqua per Chymicalia curatio, tantum tamen unum atque alterum exemplum non valet, ut pariter de omnibus sit statuendum. Quibus accedit, quod non pauca simplicia chymicis laboribus, sub correctionis prætextu,

textu, corrumpantur, depraventur, imo planè destruantur, ita ut vel omninò inutilia sint, vel saltem minus intentioni Medentis satisfaciant quam antea: *multa enim à corrosivis spiritibus seu igne destruuntur, nec omnia in igne seu aquis corrosivis emendantur, sed potius major pars corrumpitur. Glauber. Furn. Philos. p. 111. pag. 14. Saperes optimæ ex ignorantia potius corrumpuntur quam emendantur. Idem pag. 19.* Hisce qui fidem renuit, examinet destructos per aquas corrosivas pretiosos lapides, Magisteriorum titulo superbientes, corruptos fragrantissimos flores, aromata &c. rarissimæ texturæ, per corrosivum Tartari salem, Elixirium & Tincturarum tum nomine venientes, depravatos Rhei, Jalappæ &c. radices, ægris alias suis Extractis & Resinis magis proficuas. Gustet artis indagator Aquas Distillatas vulgo Simples ex frigidis acidis vel austeris herbis, & statim declarabit, eas Decoctis ex iisdem herbis multo inferiores. Sed Novatores ut hanc jacturam non solummodo reparent, aut has aquas magis nobilitarent (ut eorum more loquar,) addunt salem marinum, nitrum, alumen, vitriolum, tartarum &c. quæ partim nil prosunt, quia ex iis per alembicum nil transit, partim fœtido suo sulphure & oleo aquas corrumpunt: quanquam & hæc quoque ante 50. annos à Glaubero conscripta ab transcriptoribus novitatis specie instar pilularum deauratarum adornentur. Observatur præterea quorundam simpliciorum in substantiâ mirabilis effectus, quem in Tincturas, Olea, Sales &c. resoluta recusant: ut K. Kinæ, Opium, Cortic: Arant: Liquerit: &c. aliaque multa, sedulis materiæ medicæ indagatoribus cognita.

Rectius etiam quædam vino, aliquando etiam aquâ simplici extrahuntur, quam passim commendatissimo vini Spiritu: aqua etenim cum simplex sit liquor, omnif-

que alienæ qualitatæ expers, præ omnibus aliis liquoribus, purgantium in ea maceratorum vim melius prolicet. Ex quibus liquet, quod qui consueverunt puritatem, splendorem, & subtilitatem extrinsecam medicamentorum venari, eorum vires interdum perdant & pervertant. Prædictorum plurima possent proferri exempla, sed diutius hanc camarinam movere supersedebo. Quoad tertium eminus adspectum, è culice elephantem pollicetur, qui inspectione cominus facta iterum evanescit. Quid enim ex quisquiliis & altercationibus Anatomicorum, Euclideis datis, milleque Microscopii minutiis & commentis, in ægrorum commodum & levamen cessit? profecto nihil. Nam ut de multis aliis taceam, per microscopium in plurimis insectis detectæ generationi inservientes partes, nequaquam satisfaciunt advertentibus, quo pacto (ut millies sunt experti & quotidie experiuntur nostrates vellerum glabrones) vermium myriades tempore brumæ in bene valentium ovium triduo quadriduove mactatorum velleribus oriantur: nullum enim tum super terram reptibile minus multò in aëre circumvolitans insectum, quod hic puerperio cubet, suumque sperma ovulumque hisce imponat cunabulis. Præterea, ut mihi dicant magni minutiarum antesignani desiderio, ex quibus genitoribus, ovulis, spermate &c. primo helvi scarabæi, Hollandis *kevers*, Gelris *mulders*, imprimis virgultis infesti; secundo erucæ minimæ Holland. *ragrijs*, Gelr. *trekma* tempore veris, gemmas, flores, folia, arborum præcipue frugiferarum depascentes perdentesque, ut lat multò quotannis suo damno & tædio experiuntur hortorum cultores; tertio volitans insectum Gelr. *aas*, Holland. *haft*, ex præcipiti Vahalis ripa hyeme tamen aquis glacieque submersa, indigenis *het schoor*, æstate media per millies mille chiliades, momento

nimento citius, ex nulla visibili præexistente causâ proveniant repentequè iterum evanescant? Non inficior hic vulgò in scenam produci invisibilia figurâ planâ aëri ventisque inhærentia & ubivis depluere prompta ovula seminave. Sed hæc imaginaria esse sequenti probo argumento: alter utrum enim, vel hæc ovula &c. deberent esse prudentia, scireque quæ invadere deberent, vel singula discreta ex innumerabilium vegetabilium penu, vel ex maxima animalium familia, magnetica seu attractrice quadam qualitate, (quam tamen ovulorum patroni adeo adversantur, ut nil supra,) solum modò ex his ovulis foctis aëre ventisque, sibi familiaria tantum semperque consueta, ut Ex. gr. frumenta curculionum; farinæ, sacharum, syrupi, acarorum; vestes, tinearum; virentes arbores plantæque mille erucarum, genere specieque diversissimarum; virgulta prædictorum scarabæorum; aqua, insecti *aas*; ligna, teredinum; verbo, singula elementa, infinitorum & inter sese dissimilissimorum exercituum ovula, ad peculiariora quæque, singula à cæteris distinctissima loca, attrahere deberent. Sed falsum prius ergo & posterius.

Accedit mirabilis foricum murumque aquaticorum proventus, uno tantum ab altero differente anno, ut hoc infinitis millium myriadibus integras regiones depopulentur, sequenti eorum nullo superstite. Præterea (quod attendentem majori adhuc afficiat admiratione) meminisse conspectos primò uno die, altero catervatim non solum rure sed per urbium plateas divagatos, illosque omnes denuo paucis abhinc diebus adeo extinctos, ut ne vestigium quidem eorum superesset. Ite jam omniscii (si Dis placet) Naturæ naucleri, rationisque vestræ bolide explorete Divinæ Omnipotentis vadam. Sed observate moneo, ne vestro arrogantis lembi in Divinæ
zelos

zelotypiæ scopulum impingendo, naufragemini, atque ab abyſſo ejus iræ abſorpti, vermiculo terreſtri (attamen ſuperbienti) dignas luatis pœnas. Spero neminem mihi jam imputaturum, quod olim cum aliis pro ratione illius temporis in verba Magiſtri juraverim, ſentiendo in octavo inauguralis Diſſertationis meæ corollario, *Vermes non naſcuntur ex putredine*, diſertè affirmans contrarium, *Sed ex ovulis* (ad quæ in abditiffimis, tam ſolidis quam fluidis animalium partibus inveniendæ, ſingi ſolebant tam exilia, ut inviſibiliter reſpirationi inſervienti aëri ventisque inhærentia liber ipſis per patulum os cutisque poros perpetuò pateret aditus) quoniam hæc affirmare jam nollem. Nam præterquam, quod Herodis Agrippæ, Philippique Secundi Hiſpaniarum Regis, (ſi Hiſtoricis fides ſit habenda) horrenda exempla, ſat deterrere valeant curioſiſſimos quoſvis indagatores, qui ab ovo uſque ad mala illorum jugem lendum pediculorumque mineram inveſtigare ſibi perſuadeant; noviego olim in Gelniâ ſenem phtiriâ extinctum, invitis expertiſſimis Chirurgis, & incaſſum probatiſſimis remediis, tanquam invalidis hymenæa, partus ovulorumque excluſiones &c. impedire his in infinitum progengerantibus pediculis. Quis credat, in ſenis ſordidiſſimis ulceribus aſſiduè optimis generoſiſſimiſque remediis refertis, tam ordinatim generationis leges obſervatas, omninòque abdicatas mercurio, amaris, ſalinis, oleoſis &c. contra vermes ſeu pediculos vires? nec potius intelligat, inſuperabilem pediculorum fomitem, ex putredine, hominis cacoëthes adimplente, productum. Non ſolum modò tralatitium eſt, quosdam homines ſemper eſſe pediculoſos, etiamſi præ aliis ſæpiſſime veſtes mutant: ſed ipſe de quâdam in veſtibus, tam lineis quam laneis mundiſſima virgine mini, adeò pediculis (quorum tamén venatui ſæpiuſculè in-

Aſtor. XII.
verſ. 23.

le in die vacabat-) scatente, ut sociæ ipsâ cum concumbere semper detrectarent, miseraque in vituperium omnium ex mercurio præsidiorum, ab his tortoribus, (alterutrius seu utriusque generationis nesciebat) pediculis ad eò torqueretur, ut se tæderet vitæ.

Porro scatentia vermiculis inveterata aliquot ulcera mihi anno 1680. Lutetiæ in nocomio magno (vulgò *l'Hôtel Dieu*) videre contigit: Sed hos ex ovulis internè ex vasis, vel externè ex aëre illic delatis, prognatos, expertissimi hujus totius Europæ maximi nocomii Chirurghi, universæque Chirurgiæ Coryphæi, neque per somnium cogitarunt. Qui mihi majores exilium vermiculorum, Gelris Westphaliisque Varenii, Dracontii *die Vaaren* in quibusdam vagantibus manantique ulceribus interdum apparentium, subinde ex dorsi cutis poris prominentibus, indicabit; erit mihi magnus Apollo. Quendam novi, qui cætera sanissimus, æstuante Siro, crebrò viventes vermiculos ex faciæ suæ pustulis exprimere potest. Ut taceam, de quibusdam Africae oris endemiis stupendisque pedum vermibus, incolis, præsertim advenis, admodum infestis. Recordor ab affine meo, qui olim aliquot annos Gubernatori Coloniae fluvii Berbice in Americâ Meridionali à secretis fuit, audivisse de quodam vivente, indiesque accrescente corpusculo, nostratibus *Sieken*, Indis *Mebiky*, molestum ad eò habitantibus: ut nisi opportunè à peritis excinderetur, vulnusque brevi tabaci cinere consolidaretur, incurabile post se relinqueret ulcus. Horum septem una vice sibi ex pedibus extractos assebat, etiamsi hæc verens, pedes caligis ex alutâ indutos semper sedulò servasset, ita ut, seu volitanti, seu repenti insecto, ad suorum pedum cutis poros prorsus

F

esset

esset interclusa via. Insecta, mandante Deo, olim in Ægypti pœnam, ictu Aaronis baculo producta, exclamantibus hoc imitari imparibus Magis: *hic digitus Dei est*. Quis mentis compos, hæc naturaliter genita, affirmabit? hic Leidæ, ante duodecim, ni fallor, annos, munusculo ostendebatur vetus putreque mali fragmentum, à piscatoribus ex æquoris fundo attractum, serpentum tam viventium, quam mortuorum myriadibus, instar capitis Medulæ opertum, & quidem hoc modo, ut cauda carerent, umbilicoque tenus ligno infixi, solum dimidiati, putri ligno enati viderentur, reveraque essent angues. Quæ omnia simul collata, si non evincant Novatorum dogma, jam ante centum annos tamen ab Andrea Libavio ventilatum, *Quod omne animal sit ex prævio sui generis ovo vel semine, nequaquam ex putredine*; sufficiens, spero, æquis rerum iudicibus, ut videant, quod unum æquè incertum ac aliud sit, nihilque in doctrinâ de ovis inveniatur, de quo non in utramque partem disputari queat: prætereà, quam inextricabiles ambages, vel splendida commenta requirantur, per quæ minutiarum patroni, tanquam perpatentia ostia, insectorum ovula seminave, magnis, sed infaustis conatibus, in animale corpus introducere moliantur. Tandem fateor, doctrinam vetero-novam de ovis antiquissimis innotuisse, hac saltem exiguâ cum distinctione, quod olim Orpheus Aristophanesque &c. solummodo unum, sed grandiusculum & visibile ovulum, cui pro colliquamento chaos, pro embryone lux & tenebræ, pro foetu elementa fuerunt, & ex quibus tandem infans mundus profiliit, excluderunt: sed recentissimi ex millesimâ arenulæ, myriades invisibiles producunt; tantaque ingenii subtilitate veteres superant, quanta millesima arenulæ, a macrocos-

mo

Vermes
(Saltem
eorum pars
maxima)
ex putredine
magis,
quam ex
ovis pro-
duci, mihi
probabile
videtur.

mo differt. Dictis fidem recusans, oculatissimum & suis specillis celeberrimum minutiarum Imperatorem adeat, qui tantam passim reperit vermiculorum copiam, ut videatur (ad exemplum inventoris corpusculorum, universum orbem constituentium) ex iis totum mundum ita conflare, quod testa maximi ovi Veterum, in universalem nidum tot ovulorum, quot invisibiles atomi constituent visibilem *κοζυρον*, transformetur. Sed satis diu inter vagantes & longè latèque grassantes hos insectorum exercitus exspatiatus sum, hanc telam, licet in medio adhuc sit opere, abrumpo, atque ad proprium pensum (paginam vertendo) revertor. Quantum neglectu Aposematum, Emplastrorum, Linimentorum, Semicupiorum, Frictionum, Foniculorum, Vesicatoriorum, Cucurbitularum, Cauteriorum, ne haud raro V. Sum &c. (olim secundum gravissimos fideque dignissimos Autores Medicos in maximum artis emolumentum remedia) praxis Medica, non passa est detrimentum? Magnum certè, quod omnibus veris expertisque practicis, quibus vafri novatorum mores displicent, & languentium valetudo cordi est, innotescit.

Quantum argumentum facilè possem concedere, si simul suffragari non recusent, quod temperantiores Hippocratis ævo homines non magis afficerentur à Veratris, Elateriis, Tythimallis, Colocynthidibus, Cataputiis, Scyllis &c. quam nostro Tamarindis, Rheo, Senna, Manna &c. quanquam & horum aliqua ipsis non fuere occulta. Tandem allegatur, quod si omne artificium ex frequenti exercitatione suscipiat incrementum; ergo & antiquissima, & tot sæculis exculpta Medicina maximè increvit. Quod tamen argumentum est ambiguum, & non admodum pro novatoribus militans.

Non generatim enim, sed tantum partim verum, partim etiam falsum est.

Tiberio Principe vitri temperamenti variâ mixture mixtione, ignisque certâ temperie flexibile ex cogitatam, fama tuit, officinamque abolitam, ac in re dictum hi ignibus, ne metallo rum prætia detraherentur.

Multum egerunt (inquit Seneca) qui ante nos fuerunt, sed non peregerunt, multumque adhuc restat operæ, multumque restabit, neque ulli nato post mille secula præcidetur occasio aliquid adhuc adjiçendi.

Cum illis tamen non consentio

Artes enim quasdam jam magis, ac olim, excultas politasque, concedo gratulorque: sed simul doleo, tanta & tam magnifica venerandæ antiquitatis vestigia, hujus æmulæ naturæ artis penetralibus olim elapsa, jam planè temporum ingluvie hostiumque barbarie, perditæ & obliteratæ, ut in Mechanica, scilicet ædificiis, opere musivo & lithostrotone, pictoria, tinctoria, purpuraria Vitriaria, cadaverum conditura, infinitisque aliis; quibus pro conclusione addo primum, præcipuum, mihiq; semper instar cæterorum omnium argumentum: scilicet jactato incremento, omnibusque decantatissimis inventis & novis, non plures homines jam, quam olim, à morbis sanari, & pertinacissimi quivis morbi Medicorum opprobrio infames, ringentibus hisce novis & inventis, adhuc semper superstites. Quapropter etiam quisque sincerus expertusque Medicus neotericus, æque jam ac olim, veterum Medicorum publicam confessionem subsignare non reformidabit:

Quanta sunt, quæ nescimus: & (ut infinita similia in Medicinâ & aliis præteream, nullus quod sciam, Philosophorum vel Mathematicorum rectè explicat, quid sit, quomodò fiat & non fiat, novusque faciendus sit, saltem facere nequit Echò: Nam dicere, quod ex ictu, impulsu vel ruptura aëris edatur & transmittatur sonus, qui, si reperiatur vel multiplicetur, appellatur Echo, est nihil dicere: Si enim hoc verum esset, necessariò sequeretur, quod tam accurati delineatores, vel novum Echò, in loco, ubi antea non erat, facere, vel, ubi prius erat, abolire possent, quod utrumque falsum est, tantique artifices adhuc expectantur. Similiter

liter ad plurima, tam in macrocosmo, quam in microcosmo existentia, vel quotidie adhuc contingentia, mens nostra cœcutit, doctissimorumque sententiæ, nil nisi quam minus doctorum opinionies, magis artificiosæ sunt conjecturæ.) Scias tamen, me non ita adstrictum esse vetustati, ut errores defensos velim, vel, devianti contradicere, piaculum duxerim; multo minus, quod hoc blasphemum Fallopii de Herophilo Medico Anatomico testimonium assentarer: *contradicere Herophilo in Anatomicis, est contradicere Evangelio*: vel quod cum Chymia osore Erasmo, *salem diabolicum medicamentum vocarem*, vel *cum alio omnia Saturnia internè sumpta, venena indicarem*; neque me suffragari, quod de M. Catone narratur: scilicet illum tantum morum mutationis hostem fuisse, ut senatus consulto quendam musicum Româ proscriberet, qui pro novitate, ordinariis sui instrumenti musici chordis unam superaddiderat; ipsumque instrumentum combureretur: nullo modo. Veteres fuerunt homines, uti & nos sumus, errare potuerunt, quod & nos possumus, & humanum est. Priscos enim omnia vidisse, dixisse, novisse, non tulit ætas: & Neotericos de rebus præsentibus, quæ illis erant futuræ, certius loqui, & maiorem rerum experientiam callere, certissimum est. Hinc peritis ætatis nostræ viris, quædam invenire & inventis addere, facile & fas est: etsi primis inventoribus primas debeat. Debitam igitur proficiis novis (interquæ magnetis inventum, meo iudicio, primas tenet) laudem non detracto: semper tamen modesta quadam discretione: quia jam inventis aliquid addere, & sic indigestos præcedentium catulos, quasi lingendo formare ac polire, quam nova invenire, atque in seipso vel aliis experiri, minus est difficile: alius enim ferit & alius

qui sibi
persuadent
omnia a veteribus esse
inventa, &
si quod fuisset
amplius
reperibile,
utique fuisset
in ventum.

metit. Illi superi nobis posteris primum pontem straverunt, facemque prætulerunt, inviamque viam calcarunt: exploratas enim & detectas medicamentorum vires virtutesque (paucis solum exceptis) illis debemus. Habeant nova suam laudem; sed & vetera, sine quibus nova non extiterunt.

Quanta igitur quorundam est protervia, ut publicè infectentur, quod nunquam noverunt vel intellexerunt: & quorum examen, ut nimis operosum, reformidant: sed ignoti nulla cupido. Aspernantur, quia ignorant, alios ignorantes cupiunt, ne damnum ferant in suis fictis novis, vel tandem satis noscunt, sed confiteri pudet, quoniam tum omnibus innotesceret, famosissimos quosvis Novatores suas lucernulas, fulgentissimo Veterum jubari accendisse.

Ut omnia tribus comprehendam verbis: sicut non magni facio Veterum de pulsibus, urinis, diebus criticis, intercalaris &c. vanitates, ita nec pluris pendo quorundam novissimorum hominum inventa inutileque quisquilias, quas tamen illi in publicum orbis theatrum proferre, & mundo pro lege obtrudere, non erubescunt: enimverò, semper recto tramite incedere, Veterum errores cavendo, nec Recentiorum omnia inventa affectando, sed meliora & utiliora pro viribus sequendo, conatus sum: sive jam ficta & impossibilia credantur; de verissimis dubitetur; omniaque humano captui incomprehensibilia, acsi falsa, à quibusdam rejiciantur; ab indigente (ut de contrariò vincatur) vapulatione, sensus negetur; juxta regulam: *Qui negat sensum, indiget vapulatione*: sive Medicinæ perfectio adhuc à Mathesi expectetur: an corpori vel spiritui adhibenda in morbis medela: terra (id est columna ignem,) vel sol terram circumeat, secundum versiculum:

Astra

*Astra ergò magnete Deo rapiuntur in orbem :
Stans verò vi Terra suâ , firmatur in ævum ,
Ponderibusque suis librata , immobilis hæret.*

Sive hæc astra & planetæ quoque, instar mundi metallis ac mineralibus sint refertæ , vegetabilibus vestitæ , & ab animantibus calcatæ , & quæ similium absurdarum opinionum monstra , in hac jam jam collabentis mundi senio plura sint ; nil curo : dum mihi saltem ea rejiciendi , quam Novatoribus ea renovandi (& quasi inveniendi ,) æquè libera sit relicta potestas.

C A P U T IV.

De Mysteriarchis & Superstitiosis.

Secretorum venerandi antistites , adhæc arcanorum Principis Paracelsi fideles affeclæ supremum hic merentur locum ; non quidem illi fanatici & cinisflones sese vocantes Adeptos , divini benedictique Lapidis , de quibus Capite sequenti : (rudiori ævò crassa & splendida hæc mendacia sat multos deceperunt : cautior jam mundus) sed probatissimorum & cæteris omnibus (ut prædicant) incognitorum remediorum Possessores sagacissimi , omnes (si Dis placet) profligaturi morbos : qui , ut admirationem sibi concilient , arcana affingant mystic aque , eo potissimum studio , ut applausores etiam per aliorum calumniam inveniant. Hi Thralesones suâ jactantiâ non solummodò ignaris , sed , quod magis dólendum , sæpe gnaris imponunt , vulgaria pro abstrusis , absurda pro convenientibus decantantes. Se-

Mysteri
archarum
doli.

cre-

Prædæ in-
haat.

creta hæc nemini revelare volunt, & pro his non minus strenuè, quam olim *Argentifabri Ephesiorum pro parvis Dianæ templis* certant: nam si hæc illis non modicum præstabant quæstum, profectò Secreta nostris lucro quam avidissimè inhiantibus Mysteriarchis, ex miserorum sanguine & sudore præstant usuram; magna *Diana*, vociferabantur Ephesii, major pecunia, declamant secretarii. Orbi, pro magno pretio, fumos vendunt, & ex re vili, sine ullo labore, ditescunt, veris Medicis labores & pericula, ex morborum ancipiti exitu, foetorem & contagium ex ægris relinquentes.

Turtures
mutant
Tauris.

Non tam salus mortalium, quam ut nummos corradant, ipsis curæ est. Preciosissima enim esse arcana sua, & ex auro & gemmis confecta (alii aliud quid grande dicunt) duplo cariora igitur his redimenda esse, magno buccarum hiatu jactantiaque plus quam Thraconica effutiunt, & falsis fictisque encomiis hominibus obtrudunt. Quod Plinius de Indorum Gymnosophistis meminit: scilicet illos ab exortu ad occasum, immobilibus oculis solem contueri potuisse, non tam facile crediderim, quam quod nostri Mysteriachæ in solem Chymicum videlicet aurum, annuatim à Calendis Januarii usque ad ultimum Decembris, mentis corporisque oculis vibrent; & liceat, quod mere, mali tutoris, eodem calceo pedes omnes induere moliantur; assentatores tamen & doli periculique amantes, ipsis nunquam defunt; & quia impossibile sit sine exemplis res magnas proferri posse, multos suis arcanis à morbis curatos fingunt, Agyrtarumque more ad testimonia & præconia aliorum, quanquam ut plurimum multo falsissima, confugiunt. Sed impia sub dulci melle venena jacent, expilatorius tantum acquirendi domini modus est: Nam in pœnam contemptus veræ Medicinæ, emungunt quos-

ipsa ignorantia sæpe
ignorantiores sunt.

quoscunque possunt. Medicatiunculis paucae quantitatis ad palatum accomodatis, incautioribus imponunt & multos ad tartara mittunt, & si tunc fortè in sanationem aliquam felicem, quanquam planè fortuitam & Empiricam; vel veris Medicis surreptam incidunt, à decepto vulgò magnificis encomiis ad cælos attolluntur; quanquam non insuetum sit, declinationibus morborum, interdum parva re, eaque etiam absurdâ, modò aliquo appetitu & fiducia desiderata, naturam resuscitari. Hi pro omnibus à capite ad calcem morbis arcana remedia jactant; illi non tam arrogantes quoddam secretum pro uno vel altero pertinacissimo affectu imaginantur, &, vel epilepsiæ, mania, arthritidis, paralyseos, vel phtyseos &c. curationes (incaustum tamen) promittunt: alii magno fastu & supercilio de Panacæa, vel remedio universali ad omnes morbos, gloriantur, ut videantur nil vulgare nec suetum proferre, sed cuncta portentis atque prodigiis replere, variolis ac morbillis laborantes frigido aëri ventilandos exponunt quidam, illisque purgantes vomitivosque pulveres præscribunt; sic quod fidem superat, in hemoptoi, calidissima olea stillatitia ad aliquot dragmas, in mixturis cochlearum sumendis, ab hujus farinæ quodam novi præscriptas, &, ne fraudes eorum detegantur, vulgò fugiunt colloquia doctorum Medicorum, detrectantque cum illis Medicinam facere, & quod præcipuè notandum, dum nugacissima sua Catholica & periculosos ex stybio vel hydrargyro, vel inutiles ineffacesque ex auro foliato, bolo, cretâ vel cancerorum lapidibus pulvisculos, quanquam carè satis solvendo, præbeant, simul alia generosa, aromatica ac spirituosâ satis magnâ copiâ præscribunt, itaque ut quod his efficiatur, videretur fallacissimæ eorum Panacææ tribuendum.

Quod veritas com-
pensant.

Alii aliis
magis arro-
gantes sunt

Ut sibi vul-
gi admira-
tionem
concilient,
contra uni-
versè rece-
ptam Me-
dicinam
agunt.

Alterum
eorum as-
tus speci-
men.

Dari Panacæam seu medicinam universalem omnes radiceis morbos curare autem, a Medicinæ incunabulis somniarunt Syco-phantæ (reluctantibus tamen semper dogmaticis.)

Inquisitio in panacæam.

Chirurgia est antiquissima pars Medicinæ.

L. xxv.
Cap. 4.

L. xxvi.
Cap. 9.

L. lll.
Cap. 43.

L. viii.
fin. pl.

Sed quoniam hîc nobis de tam famosa, ac ab omnino decantatissima re sermo est, non inutile erit, ut aliquantisper cominus terribile ac carnivorum hoc monstrum perlustremus, priusquam trito: *conveniunt rebus nomina sæpe suis*, assentiamur. Ad Panacis vocem quod attinet, eam tempore inventionis Medicinæ, cum adhuc maxime in chirurgicis versaretur, (nam rarissime utebantur Pharmaciâ, qua nec multum egebant, vigentibus exercitiis & Platoniciis gymnasiis temperantiaque) impositam fuisse quibusdam polychrestis ad externa vulnera, ulcera, tumores &c. Maximè ad panos, constat. Hoc nomine ab antiquissimis temporibus permultæ plantæ, formâ ac viribus inter sese diversissimæ, superbierunt (neque enim negamus lapsus quosdam & arrogantia vitium olim in Medicos irrepsisse: nequaquam, nullo tempore defuerunt ambitiosæ medicinarum commendationes) Ferulaceorum tamen familia cæteris palmam præripuit, suumque diploma, sigillis chiographisque *Herculis, Asclepii, Chironis* &c. (quasi ab inventoribus) munitum, acquisivit: hinc tanta in mundi infantia à nugacissimis Scriptoribus sunt ficta nomina, ut ligusticum vel levisticum, cunila bubula vel satureja, cunizamis, cunilago vel conysa, fuerint indigitata: *Panax Heracleum, Asclepium, Chironium, Centaurium* imo *Dodecatheon à 12. Diis*. De Panacis vel Panacæ viribus tamen, non convenit ubilibet fabulosa ætas. Plinius S. narrat *Panacen potam ex aquâ omnibus morbis mederi, traditam fuisse & ipso nomine promittere omnium morborum remedia*: quod ille ipse tamen refellit, terminando hoc omnium, ad quosdam, præcipue *chronicos morbos*: etiam Dioscorides ad magnum morborum catalogum *Heracleum Panacen* commendat: minus hujus virtutes ad plurimos usus prædica-

dicavit Galenus, quem secutus Mesuæ, cæterique Galeni, tam ex Græcorum prosapia, quam ex Arabum turba simiæ, omnes prædictas Panacæas in plerisque morbis gravibus commendantes. Aliquando tamen sibimet ipsis de illis contradicunt veteres Autores, in hoc tamen ut plurimum convenientes, ut potius externis quam internis malis accommodarint suas Panacæas, & licet apud ipsos de *Athanasii*, *Panchrestis*, *Acharistis*, *Pharnaceis* imò *Catholicis* læpissimè fiat sermo, redacta tandem ad particularitatem est tota illa ambitiosa professio, & Catholici nomen solummodo hæsit in quibusdam *Polychrestis* seu ad multa bonis, omnesque humores purgantibus. Colligitur hinc Panacææ vocem usumque apud antiquos sat latum, sed tamen non in omnibus principalem, solitarium sanativumque fuisse: sed utinam! Panacææ fabula cum suis inventoribus periisset, nec hisce etiam temporibus suos haberet patronos, qui neutiquam contenti antiquorum ex simplicibus ad aliqua pathemata Panacæis, infinitas ad omnia ex triplici regno sumptas, tam simplices quam compositas finxerunt alias.

Tenebriones ex scholâ Paracelsi stant hic denuò in prima acie, qui ut autoritatem conciliarent suis medicamentis, Salibus, Magisteriis, Essentiis &c. mirificum populo proposuerunt commentum de Quinta Essentia ex vino ad omnes morbos apta, si scilicet huic cælo alligarentur stellæ singula membra respicientes. Itaque universalem quandam & Mercurialem aptitudinem ad omnia habere illam Essentiam, existimaverunt. Quod si septem planetæ affigerentur, quia hi universo cælo præsent, & vires stellarum recipere, dirigereque creduntur, Catholicam fieri Medicinam, etiam in specie judicarunt. Alii duo Entia proposuerunt ex minoris

Chymicorum figmenta.

Maximam harmoniam inter solem aurum hominem & vinum jactant.

Ens Nutri-
tivum

mundi cum majore conformitate. Unum Ens nutritivum est, quod ad alenda omnia membra, atque adeo totum hominem sufficit, ob hoc universalem vim sortitum, ut possit singulis servandis alendisque familiare esse: Alterum est medicum. Hoc quidem pro varietate rerum & membrorum in varia simplicia est digestum; putatumque est, quodque simplex aliqua nota naturali indicare, pro quo membro esset comparatum: Sed studiosi rerum hoc quoque ad singularitatem universalem adducere sunt conati, ut sicut unum Ens nutritivum est ad omnes homines, ita etiam extaret unum

Ens Medi-
cativum

Catholicum
in homine
quæsitum.

curativum. Quæsitum id est in homine primum, ex cuius sanguine & mumia id elicere studuerunt, rationcinantes; quod à familiari conservatio restauratoque foret omnium optima: & sic necesse esset, quia homo homini simillimus ex ejus, sani tamen undiquaque, naturâ petere instaurationem à sanitate dilapsi. Sed cum calor & spiritus coerceri, & figi non possent: plurima tamen efficacia in restitutione his deberetur, crassioresque Essentiæ desciscerent à familiaritate quæsitæ, & tandem exolescerent; ad alia discessum est, & in mineralibus, utpote firmioribus, Universalitas indagata.

etiam in cal-
culis & ex-
crementis
humanis.

Nesarii Pa-
racelsici ex
baculo vitæ
sanguine &
vino semi-
neque hu-
mano arca-
na secretis-
sima (ut vo-
lunt) maxi-
marum vi-
rium pec-
tunt.

Aliud in
numeris

Universali-
tas seu Ca-
tholicismus
longè f. ci-
lius Diabo-
lico-huma-
nis Draco.

Putarunt omnes in Lapide Philosophorum acquiescendum esse, quia haberet omnium planetarum, quibus homo regeretur, potestatem, omnibusque porro membris esset analogus. Sed paucissimi eum obtinuerunt, nec constat, an cum successu etiam possessores ejus. Itaque alius in alio elaboravit: ut in *Auro*, *Antimonio*, *Hydrargyro*, *Sulphure*, *Corallis*, *Nitro*, *Vitriolo* &c. inventumque suum maxima cum ostentatione publicè deprædicavit; se tandem habere illud Ens Curativum Catholicum professus: sed non respondit promissis eventus.

Haud

Haudquaquam *Truncatorum Chirurgia* universalitatis nomen meretur. *Ex Indiis allatarum Panacearum* fama & admiratio, etiam admodum brevis fuit.

nibus, per
les dragons
quam Chy-
micastro-
ram nugis
acquiritur.

Cui symbolum : *in sole ☿ sale sunt omnia*, mirè suum benedictum, ac ubique, & in omnibus reperibile *Salem Petræ*, quasi Titanis foetum, & materiam ac matrem sui Auri Potabilis, ut Medicinam non solummodò animanti, sed & vegetabili Universalem, extollit, dubitantique sic asseverat : *latent in ipso vires ☿ virtutes omnium vegetabilium animalium ☿ mineralium*; ita etiam meritò illi adscribitur *vis Medica curativa omnium morborum*. Porro de reducibili auro argentove in Esse Spirituale cæterisque metallis Spiritualisatis (uti dicunt) quasi verò cæterarum Panacearum Imperatores magna fumivendulorum prostant volumina. De *Tincturis Essentiisque Solis, Lunæ, Margaritarum aliorumque Lapidum Prætiorsorum, Salibus Volatilibus, Aquis Benedictis, Elixiriis Cælestibus, Salutis, Vitæ &c. Tartaro Vitriolato, Rore majali, Opio, Tabaco &c.* plurima plurimi jactant. Ad *Theriacam, Mitridatium* cæterasque inconcinnas & *Magnas Compositiones* quidam, quasi ad sacram salutis anchoram, advolant. Alii quædam compositiones, sæpe satis confusas, *Magistrales & Nostras* baptizarunt, persuasi eas veras esse Panacæas: quorum encomia, si vera essent, nullus sanè morbus futurus esset tam rebellis, quem haud edomare possent, & profectò adeo hodiè invaluit scribendi cacoëthes, ut quidam contra conscientiam, colorato alicui vino adusto, imo insipidis inefficacibusque nugis, tantas vires sæpius adscribere non erubescant, quantæ vix universæ materiæ me-

De Variis
sed vanissimis
Panaceis.

Cæleste,
Angelicum,
Divinum
&c.

Dolendum
sanè, quod
tam splen-
dida men-
dacia cum
pedissequis
commendat-
ionibus,
remed. opt.
Egrog. &c.
in vitu-
perium ar-
tis semper
restent, &
à nugatori-
bus, quan-
quam de
contrario
consciis,
continuo
foveantur.

Tam tem-
perata Pa-
nacæa neu-
tros vel ju-
vare vel
lædere
posset.

dicæ; & quamvis non omnes adeò temerarii sint, ut
sua pro Panacæis ventilent, saltem sequenti signo eo-
rum moneta vulgò signatur: remedium Optimum,
Egregium, Incomparabile, Nobilissimum, Cæleste, An-
gelicum, Divinum &c. Papæ! quanta verba. An hæc
similiaque legens Lector non pensitas: loculum hujus-
modi nummis plenum si haberem, me per vitæ curri-
culum à morbis redimerem; rectè judicasti: Sed eheu!
nuda verba sunt gerrisque Siculis vaniora.

Vera dico, Deumque testor, quod inter mille à suis
Autoribus commendatissima medicamenta, vix unum
vidi vel audiui, quod suis ambitiosis Titulis atque ar-
rogantibus Epigraphis satisfecerit. Cui bono igitur pro-
missiones, quas præstare nequeunt: promissa enim ca-
dunt in debita, secus ac si splendida mendacia despican-
da & vitanda sunt. Sed ad rem, ex præmissis liquet,
nullam dari, nec unquam datam fuisse Panacæam seu
Medicinam Universalem absque molestia alviq; subdu-
ctione, vomitu & sudore (uti volunt) omnes radici-
tus morbos curantem: (quod à quibusdam verò de
æthere amico & placido, & cum poris nostris conve-
niente hic fabulatur, ac si hoc tantum ad Panacæam re-
quireretur, *Ἀπὸ τοῦ οὐρανοῦ* est) jure meritò ergo ab omni
probo & rationali Medico, hoc tenebrionum idolum,
ac inane commentum, rejicitur. Sed inferentem mihi
videor audire Mystam: Si manifestis polleat viribus,
quid tum? resp. bene quidem, assentiar promitto, se-
quentibus videlicet conditionibus: si tua Panacæa simul
sanguinis circulanti torrenti remoram apponere & cal-
caribus urgere, nimios furentesque spiritus minuere &
placare; eosdemque deficientes, nimis paucos vel debiles
restituere, augere & restaurare; itaque simul aperire &
obstruere, laxare & adstringere &c. chronicos & fri-
gidos

gidos simul ac ardentes & acutissimos curare, morbum in defectu & excessu partium planè solum sanare, (ut verbo absolvam) omnes causas, morbos & symptomata omnino tollere norit. Sed hæc contradictoria & impossibilia sunt; falsa igitur unius Medicamenti ad omnes morbos universalitas, maximequè temerarii sunt, qui hoc statuunt, sed dementes qui credunt. E contrariò putem ego, omnes præsumptas Panacæas; pro uno morbo, sexcentorum fœcundas esse matres. Tandem pro colophone addam, si daretur Panacæa:

Ratione probatur, quod in rerum natura Panacea seu Medicamentum universal esse nequeat.

*Nos frustra in nugis totos consumpsimus annos
Et tulimus tetricæ jurgia lenta scholæ.*

Terra etiam inutili pondere myriadum plantarum premeretur, nec ullo essent emolumento, quæ animalium penus procurat, neque opus haberemus tantis cum laboribus Macrocosmi viscera perlustrare, ac tot tantaque mineralia eruere, cum perpauca ad Panacæam sufficerent. Sed apagè chimæri ferri cum pseudo-Panacæis vestris, & videamus in transitu cæteros ex hoc fonte rivus. Ast hic me anxie hædere fateor, nescius risu ne an commiseratione excipere debeam homines mysteriis & abditis semper fœtos nodosque inscirpis quæritantes, & tam obscure sua tractantes, ut vix à quoquam intelligi queant; ita ut spinarum inconditam texturam facilius ad principia sua revoces, quam talium hominum conceptus, & qui nec Sybillæ quidem ipsæ interpretentur, aut Oedipus. Iterum hic excellit Paracelsi pecus, quanquam nec Galenicis ejusmodi superstitiosi defuerint. En inter multos (ut viventibus vel nuper mortuis parcam) arcanorum æternitatis exploratorem, omniscium Cardanum, qui postquam ætatem obstrusioris Philosophiæ (sic vocan) vanitatibus: ut Astrologiâ judi-

De medicis superstitiosis.

Qualis Hieronymus Cardamus fuerit, item Lucas Gaucricus, & Andreas Vesalius.

ciaria,

caria, Chiromantiâ, Steganographiâ, Polygraphiâ, Anni Clymaſterici obſervatione anxia, Divinationibus, Sortilegiis, Horoſcopis, Fatis atque hujus farinæ cæteris (de quorum omnium certitudine nobis tantum, quantum de Nili origine conſtet) conſumpſerat; tandem mortuus eſt eodem, quo prædixerat, anno & die; ob id ne falleret, mortem ſuam inediâ acceleraffe creditur. O ſubtilem artificem! aſt à paucis imitatum, & cui nec ego invideo tantum prognosticum. Henricum ejus nominis ſecundum Gallorum Regem, eodem tempore & modo, ipſi longè antea à Luca Gaurico medico Italo prædicto, extinctum, narrant Hiſtoriæ. Andræam Veſalium morbi ſpeciem, mortis horam, imo momentum, Maximiliano Buræ Comiti anginâ mortuo pridem vaticinatum proditur. Ad me tamen quod attinet, qui in credendis expertis hiſce Robertis hujusmodi ſcilicet Hiſtoriarum compilatoribus plurimum humani quid patientibus, non admodum facilis ſum, ut mihi ignoſcant precor, quandoquidem non difficile fuerit, iſtius ſæculi hominibus ſuperſtitioſis falſiſque miraculis aſſueris atque deditis æquivocis verbis ambiguiſque prognosticis illudere.

Helmontius.

Sequitur poſthumus ille Trismegistus ſuperſtitioſus Helmontius, qui, meo quidem judicio, in multis non mente, ſed verbis portentofiſque nominibus ab aliis diſcrepat; in plurimis tamen adeò confuſè atque obſcurè ſua tractat, ut Rabbiorum Thalmudi videatur chaos titulum & honorem invidiſſe. Eodem genio impelluntur, quibus hæc ſententia (quaſi vero ab Salomone prolata) religio eſt: *In herbis, verbis & lapidibus latet maxima vis curioſis*. Senſui enim & experientiæ, rerum omnium fide magiſtræ, hæc omnia reſtantur. Curatos nempe per herbas (ſic volunt) ſigna-

signaturam vel potius effigiem partium, ex quibus Microcosmi fabrica, quod ad externam internamque faciem, constituatur, referentes, usque adhuc iudicabunt. Per verba, characteres, figuras &c. inanis, impia blasphemaeque cura, ab omni pio ac prudenti jam dudum proscripta & execrata est. Succedunt lapides, de quorum, saltem pretiosorum, admirabili varietate, praestantia, elegantia, de eorumque coloribus, figuris & iconibus non solummodo Microcosmi organa, sed & quasdam Macrocosmi creaturas imitantibus; humana mens obstupescit, inque Divinum Architectum attenti in maximam admirationem rapiuntur: frustra tamen tactu vel affricu, (quod nihilominus Superstitiosi ventilant) ab iis levamen vel curationem expectat aeger.

Natura
aemula artes
in lapidibus.

Occurrendum etiam hic est phantasiae quorundam, qui tribus aetatibus mundum distinguunt, & primae satisfuisse ajunt nutritionem & medicinam ex vegetabilibus; secundae eadem ex animalibus; tertiam eo difficultatis processisse, ut non nisi mineralibus sit curanda.

Probant hoc primum, quia tot sunt mistorum ordines 2. Quia; teste Aristotele, tenera hominis natura primum vivit vitam stirpium, & simili modo nutritur & confirmatur: deinde supervenit vita animalis: ultimo hominis 3. quia Deus ipse primo saeculo plantas pro victu dedit; secundo adjecit animalia, ut sit consequens in supplementum auxilii: tertio deberi mineralia: 4. Quia morbi paulatim crescunt, fiuntque atrociores & novi, ut non amplius sanari queant vegetabilibus & animalibus, sed assumenda sint mineralia. 5. Quia Salomon dicitur primas tribuisse herbis, secundas verbis, quae sunt hominis, utpote in genere animali, tertias lapidibus, quibus designantur mineralia. Cum itaque

morbi tam vehementes sint, ut prioribus duobus non cedant; solum mineralia accersenda putant, quorum virtus est solida & efficax.

Jam ipsis omnis lis esset, integramque obtinerent causam, nisi sequentia haberem inferenda.

Tenebrio-
num ra-
tiunculae
sophisticae
explodun-
tur.

Fatendum quidem est mineralium ordinem, praestantes admodum medicinas continere, maximè, si & elaboratae solerter fuerint, & rectè prudenterque usurpatae: sed ob hoc vegetabiles, & animales res non exuuntur sua dignitate. Tres mistorum classes omni aetate mundi suum praebuerunt usum, & neutiquam arguunt singulas singulis destinatas esse. Prima & tertia ratio tunc recipietur, cum aliquando homines vivent lapidibus. Morbi fiunt atrociores ultimis mundi temporibus, tum quia peccatis ingravescentibus, hominibusque intemperantiâ diffluentibus poenae & exempla opponenda sunt graviora, ut filius Dei praedixit, tum quia tota natura inclinatur, & proclivis sit ad interitum. Videbatur potius, quo debilior compages hominis, eo minus actuosius medicinis, nutrimentis autem validioribus esse curanda. Nam robustioribus medicamenta praebemus efficaciora, siquidem eis indigent. Salomonis autoritas huc per vim trahitur atque nugatorie allegatur. Morbi novi cumulo & saevitiâ symptomatum & misturâ, causarumque non novitate, sed vehementiâ potius magnâ ex parte fiunt: Si enim hominis natura definita est suis partibus & viribus: necesse est omnem languorem quoque definitum esse, nec novum quid existere, nisi *natura* & mistione acerbitateque. Sæpè tamen adeo violentum est malum, ut citius jugulet hominem, quam ei succurri queat. Compertum & hoc est sæpius mineralia victa esse à vegetabilibus vel animalibus, illaque nocuisse amplius, hæc pro-

profuisse : & sæpè magnum morbum parvæ herbulæ aut radiculæ &c. cessisse, ut, inter alia, in cortice Peruvianâ K. K. ad febres intermittentes &c. clarissimè liquet, nec putes Divinam beneficentiam minus valere in herbis hodiè, quam olim.

Quendam ex hac scholâ discipulum, & nihilominus bullatum Med: Doctorem, alio tamen adhuc foetu gravidum, in celebri quadam hujus Reipublicæ Metropoli novi, qui prætendebat omnes morbos, in unoquoque mense accidentes, curabiles per succum ramuli cuiusvis arboris eodem ipso mense creti. Hunc sequenti extrahebat modo: viridium ramulorum fasciculum ab una extremitate Vulcano admovebat, exstillantemque succum ab alterâ testâ excipiebat, quem postea pro magno arcano, sed irritò eventu, suis propinabat ægris. In alia non ignobili hujus Regionis civitate, interrogabat ejusdem farinæ quidam ad se accedentem ægrotantem, cujusnam coloris subuculâ vestitus esset? respondentique coccinei; pronuntiavit hanc esse causam malorum; igiturque statim exuendam. Fatendum tamen, hos moriones in nostro solo rariores multò, quam alibi inveniri: nec mirum, quia superstitionis facilè est, superstitiis in sacris assuetis, etiam sua commenta, maximaque hypocrisis deauratas gesticulationes, obtrudere.

Jam supersedissem, quia de his logis diutius exarare non ferebat animus, nisi nova superstitionum mysteriarumque turba me compelleret, ut huic illos albo insererem. Accedite jam Domini Sympathetici atque tradite vestra, ut tanto melius vestram dicam causam, litis documenta.

Exempla
quorundam nostræ
ætatis super
stitionum
Medico
rum.

De Sympa
theticiis sive
abique re
mediis
morbos cu
rare jactan
tibus.

*Surgite jam pueri, vendit jentacula pistor,
Cristatæque sonant undique lucis aves.*

Martial.

„ Possumus (sinobis ita visum sit) semper urinæ , cir-
 „ ca crepusculum matutinum redditæ , omnis sexus ,
 „ ætatis atque regionis ægri , etiam centum milliaria ab-
 „ sentis , nostro secreto secretorum sic mederi , ut per
 „ Sympathiam , vel si mavis Antipathyam , in sudores
 „ fœces alvinas vel vomitus resolvatur , & consequen-
 „ ter hisce quasi flagellis indomabilia Medicis morbo-
 „ rum monstra , fugentur relegenturque . O ter gran-
 „ de atque ad minimum Diademate dignum facinus !
 Priusquam tamen me assentatorem habeatis cum bona
 venia vestra , tanta mihi mysteria propius perlustranda
 sunt : aliorum enim assertis atque pollicitationibus , an-
 tequam rem clarè exploratam perceptamque habeam ,
 credere , mea mihi vetat religio . Videamus igitur , an
 è Medicorum corio , vos non nimium largas excideritis
 corrigias .

Quid sit
 Sympachia.

Sympachia vox à quibusdam ita dilatatur , ut sub se con-
 tineat consensum quemvis , qualis est causarum , effe-
 ctuum , subjectorum , adjunctorum , generum , specie-
 rum , integrorum membrorum &c. ; concordant enim
 agentia , patientia , homogenea commateriata , conti-
 nua & tangentialia naturaliter &c. quæ inde etiam mu-
 tuò afficiuntur , quod voce *συμπάθεια* declarari po-
 test .

Qui magis tamen propriè videntur locuti , affectio-
 nem peculiarem in naturalibus quibusdam corporibus
 intelligunt , secundum quam alterum ad alterum dispo-
 situm est , ad peculiariter aliquid patiendum agendum-
 que , ut sit quædam familiaritas & concentus naturæ ,
 seu proclivitas , & quasi quidam appetitus alterius certo
 modo ad alterum se habentis , veluti cum magnes fer-
 rum trahit . Recte etiam similitudo , consensus , con-
 gruentia , concordia intima & propensio peculiaris ob

fa-

familiaritatem totius naturæ nominatur. Ei opponitur *Antipathia*, (contrarietas & repugnantia) quæ oritur, cum alterum ab altero hostiliter, sine manifesta causâ afficitur, ad similitudinem odii infesti. Itaque & abhorret alterum ab altero, &, aut destruitur, aut aliàs molestè se habet ad ejus præsentiam: quemadmodum ajunt vitem & brassicam, homicidam interemptique cadaver dissidere: quamvis incredibilibus historiis, quæ de cadaverum vel homicidarum cruentatione narrantur, minimè fidem habeam, magisque abhorrerem eâ de causâ aliquem, (ut olim usus obtinebat) cædis autorem declarare. Cum duplex sit agentium & patientium omninò genus, quorum alterum in materiâ formam habet, & repatitur agendo, alterum non habet nec repatitur; etiam Sympathiæ & Antipathiæ duæ constituuntur classes. Quædam mutuò afficiuntur, ut aurum, plumbum &c. cum hydrargyro, quandoquidem alteratio inde sit mutua. Narrant gemellos fuisse, quorum alterutro ægrotante, lætante, esuriente &c. eadem passus fuerit & alter; itaque vicissim. Plurima tamen non afficiuntur mutuò; ita qui à caseo, lacte, butyro, pomis, ovis, cepis, vino &c. abstinere, ipsi patiuntur soli. Refertur puero cuidam, ovis comestis, labia intumuisse, faciemque nigris & purpureis maculis conspersam fuisse, ore despumante non aliter, ac si venenum sumpsisset. Quendam canes ferre non potuerunt, perpetuò ei allatrantes, quos tamen ipse nihil moraretur. Fuit, qui solis ovis vivens, panibus, caseis, carnibus, piscibus &c. abhorrens mustelæ, inde nomen est adeptus. Aspectu solo pilularum, vel medicinæ purgantis, quidam fuit evacuatus. Vetulam in convivio, cum quidam conspiceret, non tulit, cumque vi cogereetur, pro mortuo elatus est. Feles adeò pertimescunt alii,

Quid Antipathia.

ut quendam novi, qui in alio convivio à fele à Symposiarchâ per jocus arcæ incluso, tam vehementer concitabatur, ut non tantum in lypothymiam incidere, sed ipsi sanguis violenter admodum ex naribus & auribus profluerit. Quidam exanimatus ad capillitii compturam est. Inventus est, qui, auditâ cythara, non potuerit continere vesicam, quin profuderit urinam, pedesque perminxit. Apud Hippocratem Nicanor in convivio, sub initium sonitus tibiæ inflatæ, præ timore turbabatur. Equi contra, audito classico, ferociunt. Demohon Alexandri structor in sole vel balneo algebat, in umbrâ calebat. Quidam ad abruptum locum accedere non poterat, neque trans pontem ire, nec minimæ altitudinis scrobem, sed per ipsam. Scribit Guainerius, se vidisse Ducis Sabaudia Medicum catapotia è Pharmacopolio domum ferentem, ab illis solo odore tam strenuè purgatum, quam si illamet catapotia digluttivisset. Et Antonius Musa eam in rem adhuc scribit modum: mihi usu venit, ut dum colocinthidem tractarem, & præsentibus matre ac sorore, illam manibus aperirem, ego solo illius attactu, illæ vero odore, aded soluti fuimus, ut nullius nostram fuerit, cui venter decies magna perturbatione commotus non fuerit. Ut & à Castro. Imperaveram cuidam Sacrifico catapotia, à quibus summe abhorrebat, nihilominus morbi, quo tum prehendebatur, status illa serid exigebat. Cum autem ille medicam nostram schedulam tota die manu meditabundus gestasset, nihil magis cogitans, quam illâ catapotiorum sarcinâ se posse eximere & liberare, sub vesperam, dum pharmacopæum, urgente morbo, adire sutageret, ecce ventris tantâ saburrâ est levatus, ut postridie letabundus medicam illam scriptiunculam ad me retulerit, dictitans gestationem illius septenæ purgatio-

*gationis & dejectionis loco ei fuisset precedente no-
ete.*

Similium infinita ubique sunt obvia exempla, non tantum in hominum genere, sed & animalium plantarumque, ubi sunt illa de solsequiis herbis, arboreis tristi, herbâ vivâ, seu, noli *me tangere* &c. quæ omnia, ne nimis longus sim, sicco pede transeo. Aliquando per satis longum intervallum effluvia corporum ad se mutuò insuper operantur: ut patet in sulphure, quovis alcali & aqua cocto, carbonibus fossilibus incensis, cadaveribus uti nil nisi cinamomum, caryophyllos, nucesque myristicas fumantibus saltibus, nil nisi ambram littoribus Indicis, & similibus foetidis vel fragrantibus, quæ ad multam distantiam exhalando se produnt, & cuique appropinquanti, secundo vento, obviam feruntur. Cum tamen extra effluxum seu planè, seu validum passibile corpus existit, passio non fit: *Sunt enim terminatarum rerum virtutes terminata*, idque pro cuiusque modo: veluti quibus uterus à moscho subsilit, aut deprimitur à castorio, si extra horum profluxus & odores sint, desinent ita pati, aut non turbantur. Itaque frivola atque cachinnis digna est hodiernorum mystarum sententia, qui in hophlama nescio quid magneticum, etiam ad insolitam distantiam, & adversò æque bene, quam secundo vento, producant efficaciter, atque per urinas æque certas efficiunt curationes, quam sui prædecessores (tum suis vicibus etiam Mundi deceptores) per constellatas atque magneticas suas mummias in unguentis armariis per aliquot milliaria vulnera sanarunt. Quod autem confugiant ad nescio quam animam mundi, ad Spiritus, cælique influentias, hominum videntur apertis oculis somniantium figmenta. Sed quis incredulus tandem his fidem derogare aude-

ret?

*Sympathizæ
curativæ
fraus & vanitas.*

ret? siquidem Arcanorum Monarcha Paracelsus pridem somniavit sua mysteria esse prudentia, scireque, quæ debeant invadere, quæ omittere. Exempla etiam præstò sunt: curationes populus vidit, Notarius attestatur, admirantibus minus peritis, & certantibus interim inter se de miraculi possibilitate, causâ, modo, ratione &c. Medicis. Ego vero contra has vulpeculas sic vulpinabor: jactatis vestra operâ gravissimos quosvis morbos, solummodò laborantium urinæ medicinam faciendo, curatos, quas insuper ostentationes populi suffragiis sancitas non diffiteor: sed sanant interdum Agyrtæ. Si interrogas, fortuitò nè an scienter? videntur sibi ex arte sanasse: sed cum notas exigis, falsos deprehendis. Plebs dicit: vidi. Imo vero vidisti, inquit artifex: sed quid à bove distas? vidi, ut homo, respondet. At & rusticus ita videt. Alia enim visio est Artificis; alia imperiti; alia viri prudentis; alia imprudentis, alia viri gravis, alia levis: sæpiissimè enim fit, ut ignaviora, tarda, infausa, imò mediocria ingenia, absque ullo prævio examine, insuetum quodvis instar prodigii habeant atque mirentur, mordicùs porrò hujus vanæ admirationis lateri inhærentibus, phantasiâ imaginationeque forti, quibus mediantibus, admirata etsi inania, ficta atque multum falsissima sint, pro verissimis assumant credantque, à quibus etiam consequenter eorum spiritus animales eodem modò, ac à revera præsentibus imaginatis, afficiuntur; hinc motus, turbæ, fermentationesque in humoribus mox excretiones secessionesque à circumferentiâ ad centrum & vicissim à centro ad peripheriam, ita ut confidens, superstitiosus timidulusque æger, id, quod solum propriæ imaginationi acceptum haberet referendum, otioso, prorsus, nihil agenti, ac in sinum ridenti, tribuat Agyrtæ.

In

Si remedium Sympatheticum unquam humores turbaverit, hoc nequaquam valissimum remedium, sed ægrotantis imaginationi est adscribendum.

In genere inveniuntur, qui mysteria ubique, sunt qui nullibi admittunt, sunt quibus nihil placet, quod non videatur absconditum & obscurum, sunt qui tenebras amant, sunt qui magis gaudent luce. Quod ne cavillandi studio dixisse videar, præter cordatorum Iliada, quibus ad bruta ejusmodi fulmina jam dudum occalluit animus & immoti insensilesque incessanter laboribus sudoribusque sese frangentis Sympatistæ, non misereantur; Egòmet pridem ipsis obtuli, & offero ejusmodi, toties tantumque quantum voluerint, humoris excrementitii, per quem si eorum aliquis mihi ventriculum vel alvum ita movere norit, ut vomitus sedesque sequantur, me illum non solummodò magnis encomiis elaturum; at suum hoc vomitorium purgansve sat carè, vel ad placitum, soluturum. Sed vah impostores! inter dicere & facere magna intercedit differentia.

Quare idem remedium, quod aliis tanto splendore, ut aspiret ad fastigium admirationis, vultis commendabile, ipsi spernitis ægrotantes, ac ad vulgata probataque advolatis? Inter alios enim idem ille, cujus ergò in celebri hujus Provinciæ Emporio nuper scriptis digladiati sunt Medici, haud dudum ægrotans, suisque diffusis secretis, hujus civitatis Medici operam imploravit, liquidò (me judice) hoc facto palam faciens, quanti fecerit, urgente necessitate, suum vanum ac anile commentum. Jam vides Lector, quomodò hæc Thraſonicis principiò mystarum jactationibus quadrent, & quo pacto indomabilia Medicis morborum monstra præfertim vesicæ calculi, ut magno hiatu effutierint, ab his Sycophantis fugentur & fundantur; potius ut sibi persuadeat quisque, tanquam exploratissimum, rogo: Nullum esse in tota naturæ sphaera

remedium ad conterendos absolutos vesicæ calculos satis efficax, habendumque pro Sycophanta ac impostore quisquis quomodocunque; pessimè verò de hujusmodi ficto & vano præsidio arroganter gloriari præsumperit. De cæteris pertinacia huic non valdè dissimilibus, ut hydrope, tabe, arthritide &c. saltem quoad inane fictumque hoc arcanum, nec alia mihi mens est. Dicta hæc mea cotidie, ab eventu mendacii promissiones insimulante, comprobantur, tandemque hic ex musco Elephas, in muscum revertitur, & quos irata natura genuerat fumivendulos, iterum cum prodigiosis miraculosisque suis sanationibus, consensibus ac dissensibus (nam experientiæ præstantiumque Medicorum & Philosophorum autoritati repugnare neutiquam cupio) in fumos abeunt & evanescunt. Non extra oleas jam esset Dygbæi sequaciumque, Isaaci des Hayes Med. Sedanensis &c. infantem de hac colus Philosophiâ opinionem investigare ac refellere; varios pulveres Vitriolicos seu Sympatheticos, tam simplices quam compositos, describere, & quod recentibus excrementis vel pure, sanguine, spermate, candenti ferro vel glacie tactis vulgò somniatur, hîc referre; sed quia res tenuis admodum est & indigna longis rixis, præterea quod alii in hisce dudum desudarunt, secundum hoc: *conturbat audientem, quod frequenter dicitur*, supersedebo. (Priusquam tamen ad alia transgrediar, verbo monendum venit, quod, dum hæc conscripseram, mihi postea nata sit occasio nostri Sympathetici Gallici, aliorum nimis vanos conatus improbantis, familiaritate uti; quem humanissimum honestissimisque moribus Juvenem comperi; jam exspecto, flagito, summoque trahor desiderio tentatæ suo more curationis innotissimis mihi quorundam affectibus videre eventum, qui si promissis par atque fe-

felix faustusque sit, veritati victas lubens dare manus statuo, promitto & ore & calamo divulgabo.) Quod dum avidè exspecto, ecce mihi hanc rem intento, admodum curioso, & dudum anxie in Sympathiæ abstrusa perscrutanti, tandem se nuperrime obtulit honestus quidam hujus urbis civis, cui noster hic Sympatheticus per sat longum tempus suo more medicinam fecit, qui mihi candidè confessus est, quod quodam tempore ab ipso antea præmonitus, ut tempestivè cubitum iret, & se, probè stragulis tegendo ad sudores & somnum componeret, per tres continuas noctes, absque ullius Pharmaci assumptione, valde sudaverit; quod hic sudor nocturnus gradatim augeretur, ita ut tertiâ nocte sudoribus quasi diffuere, & parumper à suo morbo levatus videretur. Mihi porrò roganti, an unquam, ipso præmonente, vomuerat, vel alvum deposuerat? regerebat, nunquam: sed è contrariò, quod præterlapsis aliquot hebdomadis, ad ipsum, de novo, suo morbo chronico & periodico laborantem, accessit Sympathista, illi persuadens, ut ipsi urinam mitteret, & se, ac antea, ad sudores componeret, hoc se dicto audientem, fecisse, sed incassum, sudare non poterat, licet urinam suam expetenti Sympathetico, eam nunquam denegaret. En Sympatheticæ curationis incertitudinem! Hac narratione nondum contentus hic divulgabo, quod nuper ipse tentavi: varia videlicet vitriola, diversisque modis, secundum mentem eorum, qui de Sympatheticis curationibus scripserunt, præparata, propriæ meæ urinæ, haud uno tempore redditæ, admiscui, & in diversis phiolis, partim apertis, partim clausis; in digestionem posui; interim dum effectum aliquem, jugiter in rem attentus, vehementer efflagito, parvam nauseam ventris dolore conjunctam persen-

tilco, solviturque unà mihi tum strictior alvus, obstu-
 pelco, sed brevi iterum mirari desii, postquam recor-
 dabar, me sæpius antea, post prævia ventris tormina,
 liquida dejecisse. Post octiduum laborem cum pro-
 pria, & quorundam familiarium (ipsis quod agerem
 insciis, quod notandum) urinâ repeto, sed frustra &
 vana hæc tentata fuerunt molimina: nec ego, minus
 ac antea in rem attentus, & in reverentia versus hoc
 mysterium frigidior ac negligentior: nec alii, quibus
 latebat quod ego moliebar, nihil prorsus senserunt: id-
 circò jam æque incertus, nec minus ac antea dubius,
 circa adeò famosas hodiè Sympatheticas curationes,
 hæreo. Sed posito & non concesso, quod sudores &
 alvum moveret per Sympathiam curatio, (quod & in-
 finita alia possunt remedia) an igitur exinde sequere-
 tur, specialium pertinacissimorum morborum curatio?
 vel si vitriolum aliquid specifici, balsamici & anodyn-
 i, præ aliis remediis habeat, quare non potius per os as-
 sumptum, quam in urinâ, immensum subindè distan-
 te, suas vires ostendit? Accedit, quod hi invidiâ inter
 se ardentes artifices, se invicem convitiis proscindant
 cum in modum, ut quidam se Baronem de Almerigo
 nominans, in publicis novellis, cæteros præter illum
 omnes Sympatistas, (sit venia verbo) impostores &
 lycophantas esse, declamet, simulque moneat, ut
 unusquisque ab iis, tanquam talibus, sibi caveat. Non
 hæc tamen refragantur occultis rerum quarundam qua-
 litatibus, nec asserentibus oculatissimæ huic ætati nul-
 lum non apertum esse assentantur: nimis enim arrogan-
 tis sunt hodierni rerum contemplatores, qui *ἀπὸ τοῦ* toti
 antiquitati dictas *μυστήρια* sibi manifestas asserunt, & cra-
 ses inscrutabiles tam expedite sibi videntur nosse, ac si
 inter domesticos Reginae Schebæ ex ore dictitantis Sa-
 lomonis

lomonis carpsissent. Hujus celeberrimæ hodiè doctrinæ Instaurator ac Princeps peritissimus, impigerque fortunæ suæ faber, verborum pondera & acumina mire callebat, ita ut ipsi perfacilè fuerit avidissimè nova appetentibus suorum Dogmatum tincturâ imbuiere, prærogativa præcessoribus detrectare, denique sese sequentis Plinii. S. de Asclepiade Encomii: (*id solum possumus indignari, unum hominem è levissimâ gente, sine opibus ullis orsum, vectigalis sui causâ, repente leges salutis, humano generi dedisse*) participem reddere. Facile quidem est, imò egregium & belle multis, jam præjudiciis infantix extricatis (ut eorum more loquar) videtur, de imaginariis, omnisque materiæ, formæ, motûs &c. capacibus particulis (à priori vocant;) de Orbis circa Solem in gyrum motu, Terræ motu, Iride, Cometis, Solis maculis, Trium Elementorum Materia, Loco, Vacuo, Luce, Colore, Calore, Frigore, Motu, Quiete, Gravitate, Levitate, immensis Vorticibus, recedendi à centro Conatu, Re cogitante & Extensa separatim vivente, Motu locali, Glandula Pineali seu Sensorio communi, Magnete & similibus multa præcisè differere, in tam sublimibus animum pascendo sibi placere, & pro juvenili ardore admodum disputaturire, de verissimis & sensibilibus dubitare, de abstrusis verò, tanquam de presentibus, argutare, & copiosè, & sine iudicio de iis, quæ nescimus, garrere, spreto veterum Sapientum præcepto: *Ne inducito animum investigare causas omnium eorum, quæ experiris*: etsi enim experientia & ratio inter se non pugnent, sæpe tamen ulu venit, ut nos fugiant causæ rerum. Ad amussim tamen ejusmodi Philosophi omnia atque dilucidè expedire volunt, persuasi Naturæ pinacothecam suæ corpuscularis Philosophiæ clavibus semper patere. Risit hos dudum

Plin. l.
LXXVI. c. 3.
de Asclepiade
de Medico
& Oratore.

De angustis
lis supra
alios sapere
volentibus.

Lactantius LIII. cap. XVII. de Epicuri corpuse. his verbis. *Hamata esse oportet, ut possint invicem concatenari.* Doctrina hæc ab aliquot annis, quidquid pubis literata est, ad se traxit, & vetustissima licet; quia ex Galliâ, quorannis Christianum orbem novis adornare solita, pro novâ avidè recepta religionisque instar culta est. Absit igitur quod hanc adamatam meæ limæ censoriæque virgulæ vellem subjectam, dudum super omnem elata invidiam est. Egomet olim hujus verisimilitudini victas dederam manus, serîo nihilominus mecum de hisce *Mezadæis* subinde ruminando, scrutando porro, veritatis trutinâ pendendo, tandem affabrè commenta vetero-nova detexi dogmata, jure meritò fictis antiquorum Heroum Gigantumque historiis & deliriis (vulgo *Romans*) comparanda, quæ etiam si multò falsissima sint, tritumque sequens omnibus in propatulo sit:

*Femina dum plorat, dum rusticus ebrius orat,
Mercator jurat, nemo credere curat.*

Nihilominus vulgò Lectorum affectus passionelque sic concitant, ut eorum quidam postea nil, nisi hyperbolica facta, meditentur; saltem qui jam irâ exardent, mox pavore congelantur, primum lætitiâ perfusi, modò in lacrimas solvuntur; ita ut hæc ingeniosè ex mendaciis consutæ fabellæ suis hyperbolis atque veri specie apud multos, majoris verissimâ quavis, sed simpliciter descriptâ historiâ, æstimentur. Quantum, & in quibus jam hæc icon rei ipsi conveniat, omnibus æquis Lectoribus, quorum oculis cataracta præconceptarum opinionum veritatis acu depressa sit, dijudicandum trado; licet litem ipse dirimere videatur hæc providens metuensque Autor & Antesignanus his verbis: *Me verò for-*
tasse

tassè fallit opinio, nec aliud est, quam orichalcum & vitrum, quod pro auro & gemmis hic vendito. Sed devotus vix in viam redeo, quin protinus probris lacerasser, quod vastatum ignorantiae asylum, *Qualitates Occultas* de novo erigere studeam, & quavis alia ratione validâ destitutus, adhuc exoletas, olimque ab ignavis excogitatas, obtendam Occultas Qualitates, quod nihil aliud, quam suam inscitiam specioso tegere velo; quæ, similiaque plura novatorum Veterani semper in ore habent, obliti sanè Symboli, quod in suis circumferunt vexillis, scilicet:

Nihil magis præstandum est, quam ne, pecorum ritu, sequamur antecedentium gregem, pergentes non qua eundum est, sed qua itur. Aliis hoc sedulum invident examen: sintne eorum tramites, veteri viâ regiâ, ad veritatis Sanctuarium propiores? Tandem, ut rem in pauca conferam, sequenti humili sermone spinosæ ac arduæ de Occultis Qualitatibus quæstioni valedicam.

Senec. cap.
I. de beata
vita.

Sicut inter tot hominum myriades vix duos invenias indiscretos per omnia, vultu duntaxat: præterquam, quod rarissimè, vixque ex mille millionibus duo elocutione, incessu, & gestibus, imò manibus sese invicem ad amussim quadrent, quod maximum Maximi Naturæ Conditoris artificium atque secretum, ad societatem humanam conservandam, utilissimum est: (nam maiorum Ilias ipsaque dissipatio generis humani sequeretur, si sese non internoscerent homines.) Ita necesse est statuere, cuique suam esse dispositionem, ob quantum certo modo ad res certas affici possit, in quibus tamen non queas dicere, quibus, quomodò & quantis conspirationibus fiat effectum. Nos contenti sumus scientificorum consecrariis & probabilitate aliquâ. Litigent porro

porro inter sese pertinaces literarum Veterum cultores cum Novatoribus, sint Illi quoque circa rerum vocumque minutias, ne dicam ineptias anxie curiosi, nil moror ad reliquam adhuc quæstiunculam festinans: Poteritne quis præter alios aliquod probatum ad quosdam morbos habere remedium? (Nam hodie hæc secretorum vel latrinarum cacoëthes totum implevit orbem medicum, ita ut præter Medicos vix pharmacopolium vel tonsoris officina sit, quin prætendat aliquot singularia arcana, sub quæstus jacturæ poenâ nemini revelanda, est enim hoc hominum & tonsorum genus mirè in jactantiam pronum.) Quantum ad possibilitatem respondeo affirmativè, conscius, quod nonnunquam in vili admodum re plus virium lateat, quam in prætiosis gemmis & margaritis; etsi mihi in hisce valdè infelici, simile quid, scilicet quod in omnibus infallibile esset in vita, nunquam videre contigit; fieri tamen posset, aliquem excogitasse quoddam medicamentum, quod multa in multis, non tamen in omnibus experienciâ probatissimum ad sibi adversos morbos compertum haberet remedium: Sed propter conjunctas fraudes, quia inter mille probatissimorum titulo superbientia vix unum promissis satisfaciet, tutius est hujus farinæ omnia contemnere, & ex prædivite Medicinæ penu à Doctissimo Expertissimo quovis millies probatum Remedium seligere, atque ipse ejus periculum facere; quam spe unius veri mille falsa experiri.

De remedio
polychre-
ito.

Catholico.

Modestiores videri volunt, qui tantum unum alterumve uni alterive morbo Catholicon jactant: E. gr. ad febres intermittentes plurimi plurimis gloriantur; ut plurimum, ut promissi respondeat eventus, Peruvianum Kinæ corticem omnis formæ, coloris & consistentiæ larvâ occultant, & purgantium sudorificorum seu narcoticorum

ticorum admixtione, optimum hoc Simplex reddunt Compositum, atque infami Proteo simile: obstinatè tamen & perquam callidè semper contrarium protestantes, id est facere volunt, factumque confiteri nolunt: nec mirum, quia sui arcani naufragium, comites famam & lucrum secum ad fundum protraheret: Nam hoc Ecclesiastis cap. x. 19. Oraculum: *Pecuniæ obediunt omnia*, altius suis cælatum cordibus est, quam cæteri omnes S. Sanctæ Scripturæ Textus, omnesque, quas unquam audiverint, Paraphrases atque Conciones.

Tandem possem ex hac avaritiæ fodinâ plura effodere, atque veritatis igni subicere, sed non libet hanc camarinam diutius movere; Mundus enim deceptionibus gaudet & delectatur, contraque omnem monitum vulgò optima fastidit, & pessima vel violenta quævis appetit.

Revelent igitur Arcanorum Mystæ sua mysteria, non nisi Magnatibus diebusque festis, obtrudantque amore nummi fastidiosus & delicatulis hominibus inefficacia sua secreta, pro validis utilibusque Medicinis, præcipitentque eos in Charontis cymbam, (quod doleo, sed impedire non valeo) onerentur præterea quotidianæ novellæ artificiocissimorum istorum, per nescio quam Sympathiam, absque medicamentis morborum curationes jactantium, turmis; Præstat sanè tritis longoque usu probatis uti; probata etiam probatis magis placent. Mihi saltem optima sunt remedia quæ minimè sunt secreta, sed notissima, utpotè certiori experientia confirmata.

De Uroscopis seu ex matula Hariolis.

INter maculas, quæ decoram Medicinæ faciem de-
 foedarunt, non ultima est, ex sola Urinæ inspectio-
 ne, absente licet ægroto, fraudulenta Vaticinatio; qui
 error atque abusus Arabum Sectatoribus olim familiaris,
 etiam hodiè satis est vulgaris, ita ut vix Medicus is
 ab insulso populo credatur, qui ex Urinis morbos,
 eorumque circumstantias ac eventus dignoscere nequeat,
 & licet pessimus hic mos omni ætate acerrimos habue-
 rit censores, inter quos *Actuarius*, *Forest. à Vega*,
Fuchsius, *Sennert. Heurnius Willis. &c.* non infimum
 teneant locum; inventi sunt & olim, inveniuntur & ho-
 die ejus propugnatores acerrimi *Gordonius*, *Joël. Fer-
 nel. Fontan. Hercules Saxon. Massar. Plemp. Zacut. An-
 tonius Eygel* (qui ingens de Uromantiâ Tractatum ante
 annos aliquot congeffit) qui causam sustineant, nul-
 lum non lapidem moventes, eum in modum, ut illo-
 rum quidam alios quomodò Populo fraudem facere,
 ab illiusque astutiis sibi cavere possint, doceant & de-
 monstrant; cujus scholæ discipulus quondam ab alio
 interrogatus, quidnam ex matulâ videret? facetè res-
 pondit, solidum, id est sex assium nummulum. Ri-
 dicula sanè, attamen veritati consona, responsio, lon-
 gè superans omnes de Uromantibus anilium fabellarum
 myriades, quas tamen nil nisi prodigia spirantes Super-
 stitiosi constanter credunt: ut E. gr. quod pridem hic
Leida factum narrant: Mulier urinam, à decem stu-
 diosis in unam matulam redditam, famoso tum tem-
 poris Uromanti Anglo offerebat inspiciendam, qui,
 prius-

Historiola
 instar lite-
 rarum com-
 mendatitia-
 rum, ab ip-
 sis Urina-
 rum inspe-
 ctoribus ad
 inventæ.

priusquam suum ederet oraculum, tot solidos scilicet tres
 florenos, pro uno quoque unum, ab illa petebat. En
 aliud: Ancilla quædam Dominae suæ urinam ad Me-
 dicum deferbat, cumque forte spargeretur, ignara de-
 mum quid factura esset, vaccæ, tunc fortè mingentis,
 urinam vase exceptam deferat ad Medicum; Respondet
 ille, ægrotantem nimium vesci herbis & graminibus.
 Simile quid: Rusticus Dynastæ sui urinam Uroscopo
 allaturus casu bonam ejus partem profundit, quod da-
 mnum ille, denuò tantumdem in Urinale mingendo,
 reparat; Mixturem hanc Rustico-nobilem mox inspiciens
 Veterator, hanc promulgavit sententiam: nisi tuus
 supernatans humor redeat in tuum corpus, egregium-
 que haustulum ex hac matulâ ebibas, nil boni vaticini-
 nari possum, brevique tuus Dominus moriturus est.
 Agyrta quoque obtemperavit, domini misertus, trepi-
 dans idiota. Ejuldem farinæ fabella: De nuperrimè
 demortui superstitite urinâ sibi ostensâ, pronuntiabat alius:
 probe serva tibi hunc spiritum pro collyrio, quoniam
 vas ejus distillatorium jam fractum est. Tandem præ-
 cedentibus hanc narratiunculam annectam, nugis his
 valedicturus. Cuidam de ditissimi foeneratoris urinâ
 tres asses offerenti, exprobravit alter: quod ad ægro-
 tantis urinam sanguine & sudoribus aliorum hominum
 permixtam solam, ac ab his secretam rectè inspicien-
 dam ad minimum centum aureos mereretur. Laude
 dignissima sanè medicorum solertia, qui talia divina-
 re, conjicere, ac vaticinari potuerint! Attamen fabu-
 las has esse constanter affirmo, quia eandem, variis in
 Regionibus ac locis, de diversis Medicis & Agyrtis,
 audiui; tum quia semper defuncto cuidam medico &c.
 cui similis, si Dis placet, superstes non extat, nun-
 quam vivo adscribitur. Nec magis me movet quod

Diogenes Laërtius & Suidas de *Democrito* testentur, scil. quum ad eum *Hippocrates* venisset, iussisse eum afferri lac, eoque inspecto dixisse, & *capellæ primi partûs*, & *nigræ est*. Sed & puellam *Hippocratis* comitem, primò die ita salutasse, *salve Virgo*: postridie verò, *salve mulier*: fuerat enim puella nocte illâ vitiata. Quoniam illa ætas fabellis admodum turgida erat, hæc, stupenda aliàs, apud me ejusdem, ac præcedentia, pretii sunt. Sed plebeculæ sæpissimè per Uromantes fraudes factas, facilius crediderim; Sic *Forestus* cujusdam meminit, qui ex herbis matulam obturantibus noverat, per quam urbis portam Rusticus intraverat. *Beverovicus* de alio refert, qui ex lapsu vulnerato Rustico, præcisè indicavit, à quot gradibus corruisset. Nec mirum; præsciverat enim nebulo, quot gradibus vulgò ad Rusticorum super cellas conclavia ascendatur. Ad inspectam, cujusdam Præsbyteri, (apud vulgum abstemii, interea clam poculis faventis, quemque jam consanguinei convivio nuptiali interfuisse sciebat,) febricitanti similem Urinam, alter declarabat æruscator: hominem crapulâ, non, verò febris laborare.

Similium plura referre possem, nî jam narrata attendentibus sufficerent, saltem abundè confirmarent, quam vafre veteratores Uroscopi Populo fucum faciant. Si horum Mundi Deceptorum prognostica ejusdem effectus essent ac Vatum Chiromantumque Chinenſium (de quibus testatur Olearius: eorum prædictiones à Populo tam certò credi, ut non pauci, cum ipsis vaticinatur morbus, eodem tempore ex pavore ægrotent, atque haud rarò moriantur, quibus tum horum Divinorum auctoritas apud alios tantò magis confirmatur) majorem profectò stragem ederent:

Sed

Sed, Deo gratias, terror panicus, germana servitutis proles imbelli Asiæ, quam forti Europæ magis popularis est, nec tanti hic Uromantis super matulam Oraculum penditur, ut Phantasiâ metuque alicui vitam extorquere, prægnantique foetum dissolvere & annihilare queat. Nam, ut de multis taceam: quandam, cui tum temporis medebar, jam sex menses meo ac proprio iudicio gravidam juvenem mulierem, contra cuiusdam hic etiamnum degentis, ipsamque ex matulâ neutiquam uterum ferentem asserentis uroscopi sententiam, solito tempore sanum & quidem masculum infantem enixam esse, mihi, pluribusque adhuc viventibus aliis, in propatulo est. Ipse ego curiosus aliquoties huic ipsi per incognitas aniculas urinam misi, aliquando una vice redditam in duas partes divisam: sed jucundum auditu est, Lector, quam generalia, æquivoca, dubia, vana & de eadem in duabus matulis urinâ toto coelo diversa, pro meis quatuor stuferis semper ediderit hoc oraculum. Idem ille, haud ita pridem cubiculum cuiusdam ægrotantis intrans, vitrum cum cerevisiâ, quod fortè ibidem stabat in mensâ, avidè & præcipitanter arripuit, suæque consueta, veluti super matulam, oracula, (in sinu interim ridentibus adstantibus) seriò pronunciavit: tandem ab honestâ & ipsius misera matronâ tum præsentē (quæ & mihi postea fabulam narravit) melius informatus, indignabundus & pudore suffusus, renitente licet factoque excusante matrefamilias, abiit. Cæterum nostri hominum illos utuntur illâ arte, ut argute attendant ad articulos masculini vel foeminini generis & plurima rogari curent per servos, uxores, ancillas &c. quæ auribus postea excipiunt latentes post tabulas.

Fraudes
Uroman-
tum.

Aliquando callidè ex ore ipsius dicentis morbum ex-

piscantur, qui mox (instar facinorosi suorum scelerum catalogum, quæ ipse tamen, antea judici confessus esset, audientis) propter Agyrtæ, uti ille propter judicium quasi omniscientiam obstupescit. Tandem hos garrulos, & judicio urinarum gloriosos, multiloquio facundos, in ratiocinando exiles mutos ac jejunos aspiciens, de juvenis apud Erasmus ad Echum problemate cogito, interrogando: Magnum quiddam pollicentur, qui è sideribus & futura prædicunt Astrologi. ECH: Δόξα. Idem enim illud nostri Uromantæ faciunt, nil dant præter verba, nil præter fenum distrahunt &, quod caput est, plurimos nebulones, qui medicinam impudenter faciunt, accersitos ad ægrum, ex cujus urinâ morbum antea plenè explicuerant, non solum sententiam mutasse, sed nec amplius morbum dignoscere potuisse, etsi & urinam & ægrum haberent præ manibus, probè novi. Omnibus igitur bonis ac probis optandum foret, ut hæc aliquo modo à me depicta Uromantarum praxis, utpote emunctoria & falsa, nulli tolleretur.

Sed jam instituti ratio me monet, ut quam potero, exactè ac breviter, indagem: Primo quid, ac unde sit, quomodo variet, quando excipienda ac inspicienda sit Urina. Secundò quidnam Urina significare possit, quid ferre recuset; quapropter tertio ejus inspectio plane inutilis non sit. Lotium igitur est humor serosus magis minusque aquosus, lixiviosus, nitrosus, colore, odore, quantitate, consistentiâ, contentis, diversissimus; vel urina est excrementum serosum à sanguine in renibus, cum multo sale ac aqua, paucò sulphure, facie limosa terrestri & spiritu per ureteres ad vesicam delatum, donec convenienti tempore & loco, excernatur. Venit humor ille cum sanguine, quem diluebat,

Erasm.
Colloq. p.
m. 489.

De legitima
Urinæ in-
spectione.

bat, ad renes, per arterias renales. Transcribatur verò ab illo tanquam superfluous, & quidem continuò, sicut simul continuò sanguinis pars ad renes pellitur, gratiâ nutritionis. Variant Urinæ etiam in sanis, ratione Temperamenti, Sexus, Ætatis, Aëris, Anni temporis, Somni, Vigiliarum, Exercitiorum, Animi affectuum, Victus, Medicamentorum, & similium. Opportunius & magis Vulgare ad Urinam inspectioni inservituram excipiendam matutinum, scilicet circa diluculum tempus est. Tota quoque ac unâ vice emissâ simul excipienda est, nec, antequam subsederit, iudicium ferendum. Porro, quo loco observanda, & an etiam turbata sit inspicienda & quomodò, in quo vase, & qui tenendo, frigida an calefacta, &c.? ad nauseam Autores:

Ad problema secundum, quid significet vel non significet urinâ? dicam quod etsi multorum mentibus altè insedit falsa opinio, ex solius urinæ inspectione, omnem omninò ægri conditionem, & quid mali intus vel extra quâcunque de causâ patiatur? an æger vir vel femina sit? An mulier gravida nec ne? cognosci posse: tamen talia ex urinâ divinare, extra artis & Medici potestatem sunt. Omnes enim morbi & affectus ex solâ Urinâ perspicere non possunt: cum dentur multarum partium morbi, ut morbi capitis, Vertigo, Epilepsia, Febris quartana, certæ partis Vulnus, Paralysis, Luxatio ipsaque terribilissima mortalibus Pestis, & multi alii, qui nihil Urinam alterant, & de quorum causis Urinæ nil permiscetur:

Sanguinis verò temperies ex Urinâ, quasi ex ejus excremento universali, aliquo modo dignosci potest; maximè tamen constitutiones sive bonæ sive malæ partium earum, à quibus Urina habet suam perfectionem.

& ge-

Multi morbi
urina
ipsam non
alterant.

Quid ex
urina videri
queat.

& generationem aut affectionem aliquam ; puta viscerum concoctioni inservientium Cordis. Renum, Vesicæ, & meatuum, per quos urina defluit, ex Urinis dignoscuntur ; cum si quid in viis, per quas Urina transit, præter naturam contineatur, id faciliè Urinæ permisceri possit.

Hipp. 1.
aph. 12.

Problemati tertio legitimam Urinæ inspectionem non planè inutilem statuenti, attexam hoc Hipp: Effa um. *Et urina, cum apparent, vel judicatu faciles, vel difficiles, vel breves, vel longos morbos fore indicant ;* idcirco de morbi conditione ac eventu, præsertim (ut jam dictum est) de affectibus Renum & Vesicæ urinam quid certi prognostico indicare posse extra controversiam est. Sed urina non semel, sed sæpius inspicienda est, bis terve enim in die variat, aliamque personam induit ; & sicut in diversis morbis diversisque ægris, eadem urina apparere potest, ita in uno eademque ægro varia est, & singulis diebus immutatur, ut, si hodie urina ægri Medico offeratur, iterumque die sequenti, nisi aliundè morbum cognoscat, vix ejusdem morbi urinam esse pronuntiabit. Imo alia est in principio paroxysmi, alia in augmento, alia in statu. Eadem quoque Urina in contrariis morbis apparere potest, quamvis à contrariis diversisque omninò causis pendeant. Quantoperè igitur errant, risuque digni sunt, qui de Urinis per plura milliaria allatis, (ut Arenaco &c. ex Gelriâ huc Leidam missas memini,) temerè judicant, ac mira deblaterant. Inquirendum ab ægris vel allatoribus, si adferatur Urina, ex aliis locis, an sic semper sibi similis sit ? utrum urina sit viri aut mulieris ? utrum æger lecto decumbat, aut adhuc obambulet &c. ? sin minus, nil temere de eâ pronuntiandum est, antequam historiam morbi recitent. Præterea,

non

non obstante hoc præcepto, prudens ac sedulus Medicus, ut tutè ac cautè agat, verumque habeat signum pathognomicum, plura signa conjungit, propius observans, an alia signa ac symptomata cum urinis consentiant: sola enim urina fallax nuncia & æquivoca est. Aliquando etiam, ubi morbus est in propatulo expositus, neque urinam, neque pulsus curat Medicus.

Tandem nunquam ex solâ absentis urinâ prorsus de ejus valetudine est judicandum; perarduum enim est, non tantum incognitis, sed & absentibus, quorum temperamentum Medicis incognitum, quibuscunque in morbis ex solâ lotii inspectione consuere, minus multò ipsi efficacia medicamenta, forsân suo morbo à te conjecturato magnoperè dissimili, nocitura, præscribenda: sed potius de omnibus rebus non naturalibus simul; ut fiat verum de morbo judicium; interim sanctè confitentes, quantum sit quod nescimus. Qui his ad-versantur, Medici nomine indigni atque ad fallendum populum compositi Agyrtæ sunt, plura sed incassum pollicentes, quam Medici ingenui præstare possint. Præterea ea, quæ isti fortè vera dicunt, præ cæteris, quæ mentiuntur, non sunt pars millesima.

Contemptam idcirco apud vulgò, si quis alius, reddit Medicinam maximoperè Uromanta, si enim non accuratè teneat (quod facere nequit, ut in præcedentibus demonstravi) utrum urina oblata sit hominis aut bruti, viri aut mulieris, foeminæ imprægnatæ aut non imprægnatæ, infantis, juvenis aut senis, sese derisui exponit, & insons Ars Medica propter illum despicitur: at hæc quotidie fieri, lippis ac tonsoribus notum; à subdolis enim nuncijs, pro hominis urinâ, vel jumentorum, vel aliud genus liquoris offerentibus, uroscopos

sapissimè decipi, nemo negabit; quam ob causam cavillationibus in Medicinam & Medicos liberius invehendi, eosque proscindendi, datam esse occasionem, quis non videt? Præstaret sanè exiguo precioso carere, quam hujusmodi curiosulis irrisoribus gratificari & ludibrio sese exponere.

Jam restat, ut verbo moneam, cum grano salis intelligendam esse cujusdam Scriptoris Medici in alios Medicos de hac materiâ invektivam orationem. Quod autem illos ignaros & fastuosos vocitet, qui urinas nequaquam inspicere velint, tyronesque ab ejus inspectione detertere satagant, cum ipso sentio; & si tales in rerum naturâ sint, eos ego etiam contemno, nec pluris divinatoribus uroscopis facio: Sed probabile non est, ullos unquam fuisse Medicos, (saltem tales nunquam novi,) qui omnimodam U. Inem rejecerunt; hario-
lorum verò ac Uromantum turba omnibus ætatibus implevit, & etiamnum implet universum terrarum orbem. En differentiam! discrimine igitur & judicio Lectores, antequam huic illive opinioni vel parti assentiâmini, ut in hujus libelli limine inculcavi, tam antiqui quam recentiores Autores legendi, invicem conferendi, & veritatis rationisque balance ponderandi sunt.

C A P U T. VI. .

*Ceteri hodiernorum Medentium Ordines
depinguntur.*

Quid honos & divitiæ in elevationem quorundam hominum supra vulgus conferant, omnium gentium temporumque historiæ ubertim testantur, lippisque ac tonsoribusque notum est. Pauperis è contrà ingenium nullum, nulla ars, nulla artis gratia, nullus honos. Testes mihi tot tantique Theologi, Jurisconsulti, Medici & alii, quibus contingit hanc sparram adipisci, hoc Capitolium conscendere, rerum civilium ardua & arcana noscere, Imperiorumque Gubernacula tractare, & qui idcirco à Vulgò, non solum uti oportet & decet, suspiciuntur, sed præterea eorum in studiis eruditio & peritia super aliorum privatorum studia longè extolluntur, ita (ut Theologos Jurisque peritos transeam) ad politicam dignitatem promotus quis Medicus, mox inter suos Collegas Medicos elucet, ut *Reliquis Hesperus ex Astris* & magni Medici nomen non solum titulo-tenus eum, sed omnes, favorem ejus captare studentes, revera sequantur.

Medici ad
politicam
dignitatem
promoti.

Simili ferè privilegio gaudent, licet in propria personâ hoc fastigium dignitatis non attingant, quotquot Magnatum favoribus, (nam *Principibus placuisse viris non ultima laus est*) consanguinitate amplâ vel affinitate, amicorumque commendationibus promoventur, quibus mediis quosdam ad tantam celsitudinem evectos nulla Regio ætasque non vidit, ut cæterum Medicorum vulgus vix aspicere dignentur. Non mirandum igitur, si tales præsentibus fortunæ donis utan-

Medici Magnatum
amicorum-
que favori-
bus com-
mendabiles.

tur: quoniam, ringente Galeno, à Mecænatis opes com-
moda & honores gratis accipiunt, sibi que gratulantur:
stat enim sua cuique fors. Propitiores jam Dii, quam
ut laboribus tantum omnia vendant. Somniavit He-
siodus, cum dixit: *Virtutem Sudore Dii*. Hoc tum
temporis, jam tempora mutata, atque ex adnatâ qua-
si scientiâ protinus capitur, quod Veteres, ne per som-
nium quidem cogitarunt. Tempori igitur servire, re-
busque secundis sese accommodare, sapientis semper est
habitum.

Archiatři &
Poliatri.

Proximè his accedunt, à summo Magistratu vel Prin-
cipe honorario publico condecorati, & ex publico æra-
rio annuo amploque stipendio liberaliter dotati Archia-
tri & Poliatri, Juv: *Fortuna filii albæ* tantò feliciores,
quo mors minus pulset pauperum tabernas, & Nosoco-
mia scateant validis, quam infirmis incolis. Alioquin
in magnis Epidemicis, cum undique terribilis & dira
horribilis gelidæque mortis imago apparet, plus alôes,
quam mellis habet Poliattrorum munus. Aulicis verò
Medicis è contrâ morborum tempore opes, commoda,
honoresque affluunt, & quantò Principes Magnatesque
magis morbis, tantò magis illi divitiis & dignitatibus
cumulantur; ita ut his adversa, illis prospera valetudo,
otia faciat.

Ad Personatos parum doctos & satis sedulos langui-
dosque multos officiosè necantes Medicos, jam redit ordo.
Hi, renuente licet Apolline, rerum potiri volunt, ma-
gnamque praxin quasi ambabus ulnis, arripere gestiunt:
in quem finem, etsi ab omnibus neglectu habeantur si-
mulant quod negotiorum mole obruti, vix aures scal-
pere possint, anxie simul ea de causa procurant, ut à
Domesticis ex templis, collegiis, conviviis &c. (nam
multa hominem fames docet,) quasi verò ad ægotan-

te accersantur: sed hæc cominus inspicienti levi negotio liquet, omnia ista, ut mundum dicipiant, & salem lingant, ficta inanesque strepitus esse. Splendidè quoque mentiri, agyrtamque agere, solerter norunt hi, propriæ peritiæ, expertissimorumque suorum (si Dis placet) remediorum Encomiastes. Quod de Aristotele refert Ælianus in hoc ineptissimum, atque eâ ipsissimâ Methodo procedens, bipedum genus ad amusum quadrat: Hic, cum adversâ valetudine premere-
 tur, & Medicus vocatus, non prævio de morbi genere discursu, ipsum curare tentaret, cum ita est affatus: *ne me velut bubulcum suscipias curandum, quin prius de causâ morbi edisseras, tum me magis morigerum & præceptis tuis audientem habebis.* Sed hoc nostros ad reprehensiones, imò ad omnia, præter lucellum, insensatos, non tangit.

Medici per-
 sonati.

Universa Medicina ipsis nihil aliud est, quam pars artis adulatoriæ; & ut cum expertissimo pariter & facundissimo Nicolao de Blegny loquar: *il faudroit est-
 aller aux yeux de tout le monde les bassesses, les flat-
 teries, les complaisances & les indignes soumissions,
 que plusieurs font à des personnes d'intrigues, à des
 valets, à des gardes, à des vendeuses de fard, &
 à d'autres gens de mesme espece, pour s'attirer une re-
 putation, qu'ils ne pourroyent jamais meriter.* Sufficit prius hominum benevolentiam, post eorum facultates aucupasse; quod ut facilius consequantur, in omnium horarum homines sese transformant, ut insidiosè aliorum suffragia eblandiantur. Utinam ab his Bullatis non majus, quam ab indoctis Theologis vel Advocatis, caperet Respublica detrimentum! Illi enim negliguntur, vel Oratorem castrensem navalemve, vel Ludi-
 magistrum agunt, vel fortè hinc inde Fautorum com-

passione suggestui rustico in congregatione trium auditorum, adhuc intruduntur: Isti ut plurimum amplam parentum hæreditatem, vel lauta beneficia nacti, labores odio habent, & honoribus titulisque Academicis contenti, sibi placidè & molliter vivunt, neminemque lædunt, seu si casu pragmaticum agere moliantur, tantum causâ cadunt, & neminem occidunt: Ast nostri praxin ostiatim mendicantes blitei blaterones, tam vafre improvidis suâ histrioniâ illudere norunt, ut à vulgò optimis quibuscvis expertis, probisque similes habeantur, etiam si suâ ignorantia, & rudi ingenio quotidie proximi vitam & bona impunè deprædentur.

Medici
Scioli & in
expertes.

Sequuntur plurimis verbis pauca dicentes Scioli, in expertes & Garruli, qui hoc quam præclarum existuant, in gravissimorum Virorum confessibus, si nunquam sileant, sed semper aliquid, sive rotundum, sive tortum, aut curvum, garriant. Cum Archimede quidem pollicerentur sese Orbem Terræ moturos, si daretur locus standi, & cum Alphonso Sapiente jactarent; Terrarum Orbem venustiore consecuturam fuisse faciem, si Deus in Mundi creatione ipsos consulisset; quod si hoc Divinum, omnibusque numeris absolutissimum Universi opus ejusmodi natutulis sit imperfectum, quantò magis aliorum hominum dicta, scripta & facta: nil enim sacrum profanumque ab his Censoribus umbratilibus tutum, eoque, ut ipsis mortuis leonibus barbam vellant: omnes ab ipsis dissentientes suo judicio desipiunt, soli illi ingenium in numero habent, atque sapientiam conducunt. Præterea, licet ipsi in formandis suis Hypothesibus, & in texendis earum consequentiis plerumque miserè à viâ rectâ aberrant, animosè tamen se omnem in medicinâ obscuritatem per Vetero-novum & ingeniosum commentum (corpulcu-

Hic Alphonf. x.
Rex Castil.,
cognomine
sapiens, quia
Astronomiæ
peritiss. domi
suæ valdè
infelix erat.

pulscularem Philosophiam) claram reddituros & explicaturos promittunt; cum interim, dum aliis plus sapere videri volunt, nil nisi inania verba meralque tenebras effundant, alioque, forsan novo quidem, sed non minus obscuro termino, rem magis implicant, quam extricent, nec suarum particularum generationem, conjunctionem, causam congressus & motus, operationes &c. describere queant, ut nec qualis &c. illarum, & qualium commissio, aut commissionis ac subsecutæ fermentationis causa ac differentia, nec quomodo tales particulæ, quæ antea non erant, vel saltem non peccabant in sanguine, humoribus partibusque solidis, in iis generentur & degenerentur, quid illas introducat, moveat, in actum ducat, sedet, jungat, sejungat &c. Æquè firmo apud me stant talo, quæ de portulis, hujusmodi viatoribus particulis solum perviis docentur: nam tametsi sciam, quod in corporis animalis cute aliisque partibus dentur innumeri exigui insensilesque meatus, per quos sudor, effluvia vaporosa subindè quoque humorum latices ex corpore decedunt vel in corpore percolantur, atque ex unâ in aliam cavitatem transfunduntur, præcisè tamen stabiliri seu delineari nequit, quicquid contradicant particularum Patroni, quomodò hi pori, tam in statu sano, quam morbofo, sint dispositi vel figurati? Quot, quales, & quando partim vel omninò sint obstructi vel nimium aperti? An instar infundibulorum foras intus vel intrò foras spectent? Neque microscopium quodvis vel exquisitissimè elaboratum exiles istos meatus, per quos chylus e. gr. ex intestinis in vasa chyliifera transcoletur, vel per quos ductus sanguis per arterias derivatus, in venarum oscula reducendus transmittatur, potest detegere.

Quantòminus igitur exilissimos istos, visumque effugientes, magisque adhuc affabrè concinnatos omnium partium solidarum & viscerum, in hac mirandâ hominis compage, porulos, quos nemo hominum, ne per somnium quidem, vidit: cum rudis nostra cognitio in rerum cortice omnis fermè versetur, & verissimas rerum causas nullatenus attingat, sed ad plurima penitus cæcutiat. In genere itaque omnibus à posteriori innotescit corpus nostrum esse perspirabile, cribriforme & quasi vas undique pertusum: de facto præterea liquet, quod dentur ejusmodi cæci meatus per quos aquæ & urina Hydropicorum & Diabeticorum ex abdominis & ventriculi cavitate ad intestina & vesicam transferantur, atque per secessum vel mictionem educantur, perinde ac si primitus in ipsis intestinis vel vesicâ continerentur.

Sed nulla unquam contemplatio à speculatione corporis humani deducta à priori indagare, atque autopsyâ in lucem pertrahere potest, quod corporis partium tunicæ revera sic sint perforatæ, minus multò quam rara vel densa, stricta vel patula, rotunda vel ovalia, & quomodò, & quando, alias figurata, earum foraminula in quovis statu, sano vel morbidò, sint vel esse debeant. Atqui ab his nihilominus principiis, videlicet minimorum imaginatione imò ratiocinatione vix comprehensibilium Microcosmum constituentium corpusculorum materiâ, figurâ, motu, quiete &c. atque dispositione porulorum omnia in Medicinâ tam Theoreticâ quam Practicâ Phænomena, ut jam demonstravimus, deducunt & multa argutè philosophantur: quæ tamen, cum per suas omnium motuum capaces minimas particulas earumque valvatas, semi vel integrè clausas vel nimium patentes portulas minimè explicare possint, cla-

clarissimè liquet, quod unà cum cæteris ad æquè ob-
 scurum, specie aliud, reverà idem, nomine tantum,
 non re, ab Antiquorum diversum Ignorantiæ Asylum,
 scilicet Conjecturas, Veròsimilia, Occulta & Nesci-
 re, confugiant, absit quod saniori suâ (uti volunt)
 Philosophiâ, vel meliora, vel utiliora in Medicinâ pro-
 duxissent. (Sed quorsum terror? quoniam horum Phi-
 losophorum ardor, jam ab aliquot retrò annis valdè
 deferbuit, & de hac Doctrinâ super Alias prærogativâ,
 (de quâ pridem undique Athenæa & Auditoria perstre-
 pebant) propemodum in fumum abiit. Cachinno igitur
 digni sunt, qui non erubescunt palam profiteri,
 Medicinam Veterum fragili fundamento usque adeò
 inniti, ut, nisi novis, & quidem his, suffulciretur colu-
 mnis, brevi illam funditus everfam iri, persuasum ha-
 beant. Nec enim, (ut cum Cl. Sydenhammio loquar)
 „nisi in aëre castella, quod ajunt, extruere solent,
 „qui ejusmodi speculationes, utut perbellè confictas, ad
 „morborum curationem ne hilum facientes molestè in-
 „gerunt; Medicis non tam viam præmonstrantes, quam
 „ignibus suis fatuis devios in errorem agentes. His
 „natura cum ingenii modum largita est, quo de illâ
 „doctè nugari queant; at prudentiam non dedit, quâ
 „intelligant, se eam haud aliter scire posse, nisi expe-
 „rientiâ indice, atque ejus peplum revelante: quandò
 „abjectior humanæ naturæ conditio ad scientiam in-
 „tuitivam nullatenus assurgens, intra angustos cogni-
 „tionis, quam à quinque sensibus haurire potest, li-
 „mites coarctetur. Propterea nihil æquè ad judicium
 „in Re Medicâ ritè formandum confert, ac *obser-
 „vatio exactissima Observationum naturalium & morborum,*
 „& pariter eorum, quæ in praxi cernuntur à *juvantibus*
 „& *lædentibus* derivata, post ea, sive remedia, usurpata,

„sive etiam ista Medendi Methodus , quibus morbos
 „depellere satagimus. Hæc, si diligenter inter se col-
 „lata fuerint, tibi ostendent & morbi naturam , & insu-
 „per unde curativæ indicationes desumendæ sint ,
 „longè melius certiùsque , quam si ad speculationem
 „naturæ hujus aut illius principii corporis concreti , tan-
 „quam ad Cynosuram , cursum dirigam. Etenim , vel
 „exquisitissimæ *hujus generis dissertationes nihil aliud*
 „*sunt, quam Metaphora bellè deducta exornataque,*
 „quæ etiam ad eorum instar omnium, quæ in scenâ
 „imaginationis, non verò in ipsâ rerum naturâ funda-
 „mentum habent , dies delebit ac proteret, cum Na-
 „turæ judicia rerum veritati superstructa, non nisi cum
 „ipsâ Naturâ interciderint.

„Quamvis autem Hypotheses speculationibus Phi-
 „lophicis innixæ futes sint prorsus , cum nemo
 „hominum scientiâ intuitivâ præditus sit, quâ fretus,
 „principia queat substernere, quibus mox superstruat;
 „attamen si hypotheser ab ipsis rebus factis fluant, ex
 „eis tantum observationibus natæ , quas phænomena
 „practica & naturalia suggerunt, stabiles manent & in-
 „concussæ: ita ut licet Praxis Medica, si scribendi or-
 „dinem respicias, ex Hypothesibus orta videatur; ni-
 „hilominus ipsæ hypotheser , si modò solidæ fue-
 „rint ac genuinæ , praxi quadantenus originem de-
 „beant.

Auræ profectò sententiæ, omniumque Medicorum
 attentione & Meditatione dignissimæ ! quibus inter mul-
 tos alios totius Europæ celebres & indubitatæ fidei &
 auctoritatis Medicos quoque assentitur , & experientiam
indicationesque, quæ à juvantibus & nocentibus deri-
ventur , vanis ratiociniis longè præfert , atque periti-
 am ab usu , & accuratam observationem ab eventu , per
 omnia

omnia sua opera inculcat felicissimus practicus Cl. Sylvius. Ex hujusmodi multis in suis omni laude majoribus scriptis undique obviis sequentia excerpti. Seligen-
 „da autem sunt talia remedia, quæ uniuscujusque ægri
 „constitutioni tum naturali, tum præsentim maximè con-
 „ducant & conferant; quod ex *juvantibus & nocenti-*
 „*bis* faciliè comperiet ac discoscet Medicus. Porro
 „Malim autem uti Medico Empirico, id est, secun-
 „dum experientiam Praxin exercente, quam Theoreti-
 „co, & ex suis ratiociniis & figmentis Medicinam fa-
 „ciente: docuit enim jam pridem, omnes accuratos eo-
 „rum, quæ circa artem nostram accidunt, Observato-
 „res, longè feliciores esse in praxi Medicos Empiri-
 „cos, quam Theoreticos, quique ex libris Medici
 „fiunt, aut suis speculationibus; homines in suâ de
 „mentia tantò miseres, quod tam multos secum red-
 „dant miseros. Sed sesquipedalibus verbis & ampul-
 „lis vult decipi mundus. Everterat in antecessum hoc
 eodem Capite à paragr. 70. ad 80. Hippocratem secutus,
 Magnus Experientiæ Encomiastes contradicentium
 Thessalorum frivola argumenta, avellendo ab eorum
 oculis adnatas præconceptarum opinionum tunicas.
 Idem facit Lib. III. cap. 3. art. 101. 102. 103. 104.
 quorum repetitam lectionem, ut utilissimam, omnibus
 Medicinæ Tyronibus commendo: deposito enim vanæ
 scientiæ præjudiciorumque cucullo, protinus appare-
 bit, verane, an falsa promulgarim? Sed quorsum fe-
 ror? immemor cum hodierno Mundo ita comparatum
 esse, ut, (loquere quicquid velis,) imò ex Tripode Ora-
 cula, si haud arguta nova & ardua, licet verissima, sed
 simplicissima sint, *Authericum metes, ex arenâ funicu-*
las neetes. Quod nec ipsum huic doctissimo Autori,
 hac ex suâ in eos lata sententiâ, latuit: inanem autem

Sylv. pr.
 Med. L. I.
 cap. 32.
 art. 21.

Sylv. de le
 Boepræp.
 Med. L. II.
 cap. 23. art.
 110.

Sylv. pr.
Med. L. II.
c. xv. para-
gr. 30.

„gloriam qui exuere non possunt, tanquam incurabi-
„les sunt aspernandi, ac pro ipsis orandum, ut ad
„mentem sanam redeant. Vos interim, quorum in-
terest :

*Noli homines blandos nimium sermone probare :
Fistula dulce canit , volucrem dum decipit
Auceps.*

Medici Ty-
rones.

Tyronibus, qui præcípites nimis, compendio Studio-
rum, ante florem fructum quærunť, atque audacter sa-
tis in Medicinæ praxin involant, sequens Gallicum Pro-
verbium :

Jeune Medicin cimetierre bossu.

ut animo revolvant, seriò commendo. Nam vulgò :
seris venit usus ab annis.

Medici An-
tiquarii &
Nugatores.

Haud infimum inter Practicos quoque locum obti-
nent morosi immitesque Antiquarii & Nugatores,
absurdique Moriones (Grollistæ) ingensque illa craf-
forum Empiricorum turba, quæ omni ætate locoque
multa hominum myriada perdidit. Homines ferrei,
quorum medendi Methodus, veluti vetustissimæ olim
Draconis leges, non atramento, sed sanguine & fel-
le est conscripta, juxta Proverb. Belg. *of Snijd / of
Bhand / of helpt van kant* : quos enim, secundum illos,
Medicamenta non sanant, ferrum vel ignis sanabunt :
nam crudelem Medicum intemperans æger facit, per-
petim resonat in horum oris Virorum : Posterī igitur non
degeneres suis Majoribus, quondam propter lævitiam
Romā expulsis. Tales infinitis suis tormentis miseris
in-

innocuæ Medicinæ execrationem extorserunt. Sic inter alios Cajum Marium, qui septies Consul fuit, ferunt sibi stantem à tam ferreo quopiam extrahi passum varicem, sed ex uno tantum crure, ex altero reculasse, dicentem (quod notandum) *Medicinam esse morbo graviolem*. Tralatitia quoque hæc est de hujus gregis quodam narratiuncula. Hic apud quosvis leviter vel periculose ægrotantes absque discrimine, statim largam V. S.^{em} instituebat, post, plenissimam pilularum purgantium satilque acrium, quas semper in pera circumferebat, dosin præbebat, à quibus, cum ad interitum usque esset evacuatus æger, certiolem, quam vix alius quis Medicus, apud sese demorbo Prognosin faciebat, dicendo Belg: *Die Man is mijn*. Quod Latine sonat: *Ille meus est*, quasi dicere vellet: Hic jam decumbens & languens primis octo diebus non prodibit foras: interea in meum commodum, quotidiano meo auxilio opus habet. Ad eorum Pharmaca quod attinet: magno Medicamentorum apparatu ægros onerant, licet admodum confuse sua tractent, vix unquam ex artis lege ut plurimum empiricè: jam adstringunt; mox aperiunt, atque sic alternatim purgans, opiatum, vomitorium, sudoriferum &c. (perinde enim est, cum solum tempus differtur, impensorumque calculus increfcit,) præscribunt. Quod si hinc inde ægrotantem aliquem (quod tamen rarissime, solumque præ livore, ne alium accersant, fit) gratificari velint, eum ordinarii salarii dimidio, scil. tribus assibus invifunt, sed interim hanc jacturam, in aucto per se porrectorum Medicaminum pretio abundè suppleant. Tandem, qui suum corpus frequentibus largisque Venæsectionibus, sanguine spiritibusque orbatum, Hypercatarsi, immodicâque Diaphoresi vel Ptyalismò, ex tuccum extabidumque desiderat, hos

Medici hu-
mani san-
guinis pro-
fusissimi.

accedat moriones. Jure meritò etiam (quod fermè mihi memorià exciderat) horum albo inferendi veniunt , quicunque inter Gallos antiquum & tritum : *un Lavement & Saigner* & nil porrò , nisi forsan pro corollario *la casse & le sené* , jugiter adhuc crepent , unicamque Phlebotomiam omnes in se conditiones in summo perfectoque remedio expetitas , tutò scil. citò & jucundè curandi , continere jactent , licet Lutetiæ Parisiorum , ubi hæc consuetudo inprimis viget , innumera bilium morborum exempla passim pronascuntur , praxinque frequentioribus , quam nusquam alibi , casibus confirmandi , per convenientioraque hisce duobus Remedia curandi , nunquam deficit occasio. Quæ omnia tamen apud hos humani sanguinis profusissimos frustra sunt , quippe unica Phlebotomia ipsis omnibus muneris absolutissima est , effectuumque , qui hanc excipiunt celeritatem , ejusmodi esse credunt ; *Arrigite aures !* Ut levamen , quod Galenus per illam olim præstabat , humana curatio non videretur , sed potius incantatio : ipseque , non ut Medicus , sed Fascinator & Dæmon haberetur , adeo præsens erat subsidium in ægros inde dimanans. Sed credat Judæus. Apella non ego. Interea tamen illi idem auxilium ab hoc , ipsis quasi Divino remedio jam expectant : quamobrem V. S.^{em} passim quovis loco , tempore , ætate , sexu , morbo , & in principio , augmento , statu & declinatione morborum , veluti universalem & Sacram Salutis anchoram commendant & celebrant ; eatenus , ut , si quis ad eos accedat , sive illos accerlat de morbo consulturus , mox audiat : *il faut vous faire saigner* ; Secunda Vena est. Si regerat : quantum sanguinis educendum ? R. libram unam vel alteram non refert. Sed si morbus , vel dolor , nec tunc quidem remittat ? *vous avez besoin d'une autre*

autre saigné, iteretur. Quoties? Secundo, tertio, quinto, sexto &c. ad coloris mutationem animique deliquium usque.

Sic ego quendam novi, cui Parisiis in febris continuâ vigesies in hebdomade, & quidem novies duobus primis diebus pertusa vena fuerit, ita ut diris & periculosis symptomatibus attritus, exsuccus, & exsanguis hydropique jam proximus, hos Carnifices Phleboto-mos execraretur. Nil tamen hoc illos movet, nec pusillæ, nec decrepitæ ætati, nec gravidis, nec puerperis parcent, in bimulis imò bimestribus pariter ac in octogenariis V. S.^{em} celebrant, nec solum, ubi adest plenitudo, sed & citra plenitudinem, in morbo; sed & præcautionis gratia ante morbum, & post morbum, anxio semper cum venarum delectu, jam superiores, mox inferiores: frontis, pedis, linguæ &c. sectas volunt venas, seu Arteriotomiam Phlebotomiâ præferunt, & ut omnia simul comprehendam:

In omnibus morbis curandis & præcavendis, præ omnibus aliis præsidiiis, Sanguinis Profusio ipsis ferè unicum, tutissimum, Sacrumque est auxilium.

Secundum, quod in deliciis habent, remedium, est Clyster, vulgatissimum semper, & in omnibus penes illos remedii genus, ita ut maximum vilissimi Electuarii ad Clysteres pondus, ollularum pixidumque Myropolæ Galli, duas vulgò referciat tertias & *Monfr. l'Apoticaire* pro unico imperialis quadrante, *pour donner un lavement*, alicui inferius guttur colluendo, semper paratissimus sit. Sed hæc de his perantiquis pariter & usitatissimis apud Francos remediis sufficiant: Interea contemptu & cachinno dignissimum est, quod obstinati & plumbei horum auxiliorum patroni, dum nobilissimis aliàs hisce duobus præsidiiis foedè abutan-

tur, simul doctioribus, eorumque errorum emendationi studiosis exprobrent, quod eorum Praxis, ut nuperum inventum, non nisi in levium futiliumque Medicamentum farragine sita sit, & præter vana verba, & fallaces pollicitationes, inefficacissimaque remedia nihil habeat.

Medici Avari
Lividi &
Arrogantes.

Quamvis Avari, Lividi, & Arrogantes omnibus sint exossi, omnesque eos odio habeant, passim tamen inter omnis conditionis homines, præsertim inter Medicos, inveniuntur: Lividos autem, qui cæteros omnes, mirâ proterviâ, dente Theonino rodunt, in sequentibus aliquatenus descripturus, hic sicco pede transibo. Sed Arrogantes Avarosque levi penicillo adumbrare, fert animus.

Immodica habendi cupidogignit avaritiam, malum in explebile. Nam avarus, quamvis possideat marsupia conferta pecuniis, & nummos modus metiatur; quamvis cistas vestimentis, scrinia cimeliis, & omnifaria suppellectile plena habeat: egestatem nihilominus timet, experitur in copiâ inopiam, strangulat divitias in arcâ, congestoque pauper in auro est. Ideo dum præmetuit sibi desore necessaria, annititur, per fas & nefas, ditescere, ita ut talis si Medicus sit, corrasorem lucrionemque agens, nec lautioris nec tenuioris fortunæ ægro- tantibus parcat: sed per pretiosas suas nugas in humanè admodum superstites miseris facultates extorqueat, & sic sanguine & tudore proximi sui sese saginet. Non mirum igitur, quod & ego hoc genus hominum odi, & cum omnibus bonis in sinu gaudeam, quod tandem ejusmodi tenax (ut plerumque fit) prodigum requiratur, qui malè parta iterum dilapidet, Parentumque avaritiæ & rapacitatis, propriæque prodigentiæ tandem poenas luat. Arrogantum Thrasonum vanæ jactatio-

nes unicuique fastidium, adferunt & adversus Lividorum Sycophantarum morsus candoris clypeo testi probi, truces minantes, contemptus clavâ repellunt.

Medicorum Scorbuticorum & Obstructorum (eos Medici Scorbutici, qui semper scorbutum & obstructions creant.
puto, quibus Scorbuti & Obstructionis vox semper inter dentes hæreat, 't is een swaar Scheurbuik / 't is een groote verstopping.) Haud exiguus est numerus. Hi probè edidicerunt, quod Scorbutus sub omnium morborum larvâ corpora nostra aggredi soleat, quodque Scorbutici Scorbuticos generare consuescant: Hinc omnes, saltem morbis Chronicis ægrotantes, judicant Scorbuticos, sive ipsum ægrum videant, sive urinas inspiciant, ut videantur aliquid dixisse crassamque suam ignorantiam tegant, semper innocentem culpant Scorbutum. In eadem arundine longâ equitant omnes illi, qui semper ad invicem & apud ægros de Obstructionibus garriunt, quasi verò illæ generales, nullæque aliæ essent præter has, morborum causæ. Sed æque hic quam alius frivolus est prætextus, neque alios, præter ignorantiam & ignaviam, autores agnoscit.

Inconstantes, Gallicè *irresolus*, in omni difficili improvisoque casu inter cælum & orcum fluctuant, ocysimè & inconsideratè ab uno ad aliud transiliunt, semper ferè ab aliis dissentiunt: in alicujus enim sententiam ire, ipsis piaculum foret. Vulgò specificis litant, sed plerumque renuente Apolline omnia faciunt: Nam quia viam Regiam incautè deferunt, semper & ubique dubii incertique vagantur.

Cum de Timidulis & Meticulosis Medicis cogito, mihi in mentem incidit mea quondam cum adeò scrupuloso, ante ægrotantis lectum de Antimonii diaphoretici granulo uno ac altero, ridicula contentio; hujus Stybii calcis (ni fallor) grana tantum tria, nequa-

quaquam quinque vel sex, pro dosi bolo sudorifico volebat ille immixta, licet ego integrum ejus scrupulum & sesquiscrupulum simul innocuè per se vel aliis permixtum, & cum bonis ægri rebus, me centies exhibuisse affirmarem. Renebat tamen ille, atque multis verbis pauca, pro sua confirmanda sententia dicendo, operose disputabat. Similis huic est universus meticolosorum tyclus, quapropter in rebus arduis, ut plurimum inter spem metumque hæsitando, nihil recte agunt, sed absque salis grano interpretantes axioma: *Præstat Medicum in defectu, quam excessu peccasse*, ineptis & haud sufficientibus medicamentorum dosibus suis ægris magis officiunt quam prosunt. Interea dudum postquam hæc exaraveram, idem ille (de quo modò memorabam) meticolosus, & in quarto gradu (ut ajunt) pariter arrogantulus summèque nasutus, nuperrimè, (ut mihi defuncti vidua retulit) apud periculose decumbentem, ad quem (ut jam passim fit) speciali de causa, renitente licet uxore, accersitus erat, cum audivisset ut tandem me pro secundo Medico ipsi jungeres desiderarent, seu præteritorum oblitus, seu futura metuens, protinus instar columbi ventoso turgidus flatu comminabatur, si hoc vellent, se statim deserturum ægrum; quoniam cum se juniore Medico consulere, id est pusillaminis ille, cordatiora suis in ægrotantis emolumentum consilia audire nollet. Sed satis cessit hic ægrotans, & vidua jam num hoc dolet, quod tum huic decessum minitanti inflato missum non fecerit, eique iter non acceleraverit.

Medici Temerarii
Ebriosi &c.

His oppositi sunt Temerarii Ebriosi &c. quorum festa in Castris, navium Classibus; & tempore pestis in hac lue contactorum Nosodochiis imprimis viget. Nam veluti meticolosi debitorum remedium neglectu, sic

sic illi intempestivâ & temerariâ sæpè eorundem administratione peccant, maximamque maculam Medicinæ inurunt, perpetim mero aut uberiore diætâ irrigati ægros invifunt, & inconfideratè de corio humano impunè ludunt. An illi haud initium contulerint detestabili, in Medicæ facultatis scandalum, vulgò proverbio: *Tres Medici duo Athei*; dubius hæreo? Quoniam aliàs hanc in Medicorum approbrium excogitatam sententiam falsitatis culpet & evertat, quod nemo Mortalium magis Medicis de contrariò convictus esse queat; nec suis doctrinæ principiis longius ab Atheismo distet; quodque naturæ indagator atque in minimis quoque Numinis Inventor Medicus jugiter tam in Macrocosmi quam Microcosmi examine in Divini Architecti summam admirationem rapitur, sibi que probè compertum habeat, quod *Jovis omnia plena, miraculis cuncta referta sint*. In Medicinæ subjecto homine enim conspicitur Dei sculptura, uti in numismate Cæsaris chærogramma: neque minus in materia Medica præsentem monstrat qualibet herba Deum.

Post vulgi opinionem, maximè conspicuus ad magni Medici nomen gradus est, ejusdem cum aliis religionis professio, quod præjudicium in eligendo Medico plurimum facit, & ubique Terrarum multorum mentes excecavit, quamobrem versurè admodum fovetur ab illis, qui probè callent, hunc Sophorum Lapidem, has Aurifodinas maximam Metamorphosin; Augustal videlicet ex angustis & ex tenui lautam fortunam pro-

Quid Religio faciat in eligendo Medico.

Dat Galenus opes.

Theologi
medican-
tes.

fitentibus magno favore & honore aliis Medicis, licet excellentioribus, præfertur? An non est iis Magnus Apollo, nil nisi meros Aphorismos imò Oracula effutians, & ut alter Serpens Mosaicus, (si Dîs placet) aspectu languentes sanans? Hæc Zizania hodiè tam altas egit radices, ut nemo sanæ mentis ejus eradicationi nervos intendere velit. Pastores enim multi sunt & boni, quia suum pecus non deglubunt, nec mirum, tondere malunt, ut non semel sed semper sibi victum amictumque suppeditare possent. *Quid non mortalia pectora cogis auri sacra fames!* non equidem invideo, sed miror magis, quos modò illi, Semi-Medici, qui publici Ecclesiastis munere apud sectas funguntur, salvâ conscientiâ, Hippocratis in Medico requisitis satisfacere queant. *Pluribus enim intentus minor est ad singula sensus.* Medicina totum hominem postulat, & tum quidem adhuc summæ difficultatis est in explorandis omnium morborum naturis, in quarum investigatione necesse est humanam aciem, quæ ad veritatis lumen sæpissimè cæcutit, instar oculorum vespertilionum, multa subterfugere, in quibus tamen sæpè maxima sunt ad benè medendum momenta.

Quod idem de Reformatorum Theologis Medicis in Regionibus Episcopo Romano parentibus hic regeri posset, nullius momenti totoque (ut dicunt) cælo ab illis diversum est: idcirco si semper omnis, maxime hæc similitudo claudicat. Sub cruce (vulgò aiunt) illi Verbi Divini sunt Ministri, quapropter ut à se omnem suspicionem avertant, velato habitu, plerumque Medici, aliquandò mercatoris & militis (ut me vidisse memini) per urbem incedere coguntur; Interea dum omnibus indiscriminatim Medicinam faciunt, hic inde latentibus Christo fidelibus S. S. Euangelii præconium & S. S.

& S. S. Sacramenta administrant: itaque dum corporibus mederi videntur, ut misericordes Samaritani, fauciatis peccatis animas verò Gileadis Balsamo curant.

Maxima igitur inter hos illosque intercedit differentia, minimèque superest ulla analogia. Nam hi propter necessitatem nomen volunt sine Re: Illi nominis inanis parum solliciti, rem volunt propter lucrum. Præterea ad quod inprimis attendendum: Reformati prius Medici erant, antequam Theologi fierent, nec Medicinam lucri sed necessitatis gratia profitentur: Dissidentium opinionum Pastores verò, plerumque Theologi sunt, priusquam Medici fiant, nec haud secus quam percommodâ occasione cupidâque spe dulcis ex sibi addictis Paræcis & Auditoribus lucelli, ad praxin Medicam alliciuntur. Assertis meis si quis fidem deroget, præterquam quod proprium alicujus negotii examen, magis quam verba aliorum movet, ut multas Fœderati Belgii adeat civitates, suasor sum, videatque, verane an falsa de hisce rebus promulgarim. Sed audio objicientem: consuetudini est litandum, hujus enim in vitæ & morum instituto vis, semper maximè elucet. Cui respondeo, mihi consuetudinis, ut alteræ naturæ, vim neutiquam ignotam; Sed nihilò secius consuetudinis prævæ litationem, semper & ab omnibus abominandam & adversandam esse.

Enimverò non magis Bello quam Medicinæ quadrat: *bis peccare non licet*: utrinque enim Microcosmi fabricæ ruina imminet. Quod si horum seria apud omnes illos, qui oculos & vultum ad humilitatem & reverentiam quandam componunt, & apud istos quoque, qui publici vel privati præceptoris munere funguntur & subindè ex lecturâ unius vel alterius Latine

vel Græcè conscripti Autoris, omissis cæteris omnibus ad Medicinam feliciter faciendam maximè necessariis, egregiè sibi sapiant, esset meditatio, in faciendâ Medicinâ non tam faciles essent, sed potius carnivoram suam ex Peritorum messe retraherent falcem.

Medici
ignavi &
sôcordes.

Tandem mihi longius in Medicorum campis expansienti obviam venit, Titulariorum, Socordum, Desidum Testudineorumque caterva, ad unum omnes nomine contenti, nec aliquo modo cum Henrico III. Angliæ Rege sentientes. Hic quotidie tres missas (sic vocant) audiebat: Interrogatus ab Ludovico IX. Gallo Rege, quare non potius, ut ille, Sermones (*Sacram Concionem*) audiret, respondit: *se malle suum Amicum videre, quam de eo loquentem audire.* Nostri verò Titularii de amicâ Medicina loquentem audire, quam Medicinam exercere, id est, humanam miseriam videre, malunt: Nec miror, quoniam magna mortalium pars, otio nimis addicta, corporis sui membra ad improbos labores plerumque movere recusat, verum deambulationes & discursus de studiis & artibus inter pocula mavult: in quibus tamen adhuc præferendi sunt illi Nobili, sed superstitioso Idiotæ & Idolatræ Gallo, qui initio Reformationis sentiebat publico Magistratus Decreto omnem de Deo, sive in bonam sive in malam partem, prohibendam esse mentionem, Psalmos præterea & S. Pauli Epistolas flammis esse dicandas. Tales enim nostri non sunt: sed doctè de re Medica nugari, vanisque verbis morbos impugnare, vel ejusmodi nugantem pugnantemque audire, illis haud displicet. Ipsos insuper laborantes beatos prædicant, licet illi labores reformident, mollique otio marcescant. Non ineleganter idcirco Themistocles Græciæ Dux fortissimus, ad ejusmodi ignavos respiciens: *Desidiam*

hominis vivi sepulturam nuncupavit: Nec minus rectè segnes Plautino verbo Testudinei vocantur. Ex quibus constat, quam turpis sit sine frondibus arbor.

Quamvis tamen adhuc in Medicinā præstet, saltem periculo vacet, inanem Spectatorem, quam Pseudo-Medicum bardumque interpolatorem agere. Quod & maximi Medicorum Nomothetæ Oraculo his verbis videtur sancitum: *Qui nihil in consilium adhibent, ple-*

Hippocr.
Lib. de
Tract.

C A P U T. VII.

*De Alchymistis & Paracelsi morionibus, qui
se se (quanquam falso admodum) Adeptos
& Possessores omnipotentis Lapidis
Philosophorum gloriantur.*

Quanquam præteriti sæculi in elaborando Sophorum Lapide fervor, qui passim Doctorum Plebejorumque mentes effascinaverat, multum refriguerit: non defunt tamen, qui etiam hisce temporibus exoletæ huic Sæctæ adhæreant, alterumque in terris Vulcanum Theophrastum Bombastum Paracelsum cum exsucco, tosto & infumato suo satellitio (sicut pueri Junonis avem) mirentur, & sub fastuosis hujus Mysteriarchæ vexillis militantes, opes, sanitatem, vitam longævam, sibi aliisque promittant.

Quod ad-
huc super-
sunt Alchy-
mistæ &
Paracelsici.

Hunc delirum, ebrium profanumque fatuum, blasphemè fatis in suis scriptis: Prophetam Semi-Deum, Hominem Dei, Mundi Miraculum, Lumen totius Orbis terrarum, Medicinæ, Medicorumque Principem, Arcanorum Monarcham &c. Imaginarium Lapidem

Paracelsus
porus
ebriosus
vel fatuus
quam ma-
gus est di-
cendus.

Ar-

Lapidis fu-
perbitituli.

Arcanum Arcanorum, Thesaurum Thesaurorum, Regem Regum, Secretum Cæleste, Benedictum universale, Malum Hesperidum, Olympum terræ, Donum Aureum, Aurum Potabile, Pan Pharmacum, Thesaurum divitiarum & sanitatis &c.; Magno supercilio jactarunt pauperculi amentesque Chymicastro. Sic enim quidam Adeptus conqueritur:

*Pauper ubique jacet: nec eum qui sublevet, ullus,
Paupere sæpè latent magna taienta casa.*

Qualitates
lapidis.

Præter omnium morborum curationem renovat benedictus omni-pollenque hic Philosophorum Lapis humorem radicalem. Ægypti Rex Xepholat hoc 300. annos [supervixit & ejus uxor abhinc 80. Ipse Trismosinus Magister Paracelsi vetulis sex & septuagenariis præbuit, quæ iterum parturierunt infantes. Decrepitus octoginta novem annorum ejus virtute cutem, crines, & dentes mutavit & juvenis factus, adhuc triginta annos supervixit. Auro potulento quendam diu sustentasse vitam sine alio cibo. Aliumque glebâ minerali ventri appositâ esuriem facilè tolerasse, fabulantur. Insuper vitrum malleo ductilem reddere; silicem in Adamantem, viliora metalla in Aurum, mille milliares Margaritulas in unam Magnam naturali præstantiorem transformare. Carbunculosque ex crySTALLIS in quantitate & qualitate multiplicare, & sic cuncta miraculis refarcire novit. 1538. cum Carolus Egmondanus, Gelriæ ille Hercules jam septuagenarius, ut alter Æson rejuvenescere optaret, advolavit ad ipsum quidam impostor Paracelsicus, Ducem suo auro potabili in quadragenarium renovaturus: sed quid sit? versipelli huic Principi versutior Alchymista, eludit, immensam-
que

Mera prodigia & miracula prodit hic lapis.

que pecuniæ summam emungit, foroque cedit & au-
fugit.

Slichten-
horst. Hi-
stor. Geln.
P. m. 443.

Nugantur absque ullo fundamento in Sacris Lite-
ris extare sui Lapidis fabricationem, ibique naturam
ejus mysticam cum universæ Theologiæ revelatæ my-
steriis symbolisantem, quasi digito monstratam, Pa-
tresque vitam produxisse ejus beneficio, atque hanc
ipsam ob causam tam paucos morbos fuisse in primo
Mundo: sed, cum postea amissa esset ejus notitia,
morbos invaluisse. Ad hæc abutuntur S. Sanctâ Scri-
pturâ, Oratione Dominicâ, Apostolorum Symbolo, om-
nibusque Fideli Mysteriis, Psalmis, Carminibus, Hy-
mnis, Rhythmisque Sacris, imò Pontificiorum super-
stitiosis Missis, grandia parvis, Sacra profanis admo-
dum blasphemè miscent; assimilantque. E. gr. Sanctam
individuum Triadem, Dñum Christum, incarnationis My-
sterium &c. ficto & ineptissimo suo Lapidi. De Elia
Artista & Enocho, Præcursoribus Christi ad judicium
universale, revelaturis Alchymiam, sæculumque au-
reum restauraturis, de Expeditione Argonauticâ, de
Rege Salomone, tribus ex oriente Magis, Platone, Ari-
stotele, Alphonso Castellæ Rege, infinitisque aliis,
omnium seculorum, ordinum, religionum, nationum,
que hominibus tanquam Alchymistis, multa inconcin-
na fabulantur, eosque falsè mendacissimorum libello-
rum, quos ipsi finxerunt, faciunt Autores. Sed au-
diamus lucifugum quendam Thrasonem de suâ, uti
vult, artium Reginâ & Theologiæ dignitate & nobili-
tate proximâ, jactantem: Post Hermetis Trismegisti
„tempora floruit hæc ars apud Ægyptios, Arabes,
„Græcos quoque & alios, prout sexcenta ferè Philo-
„sophorum nomina nobis indicium faciunt, qui de La-
„pide Philosopho scripserunt, & Chymicæ artis my-

Ubi extat
ejus fabri-
catio &
quinam Se-
cretum ha-
buerunt.

Eorum va-
nitatem
etiâ libri
declariant,
in quibus
Platonis &
Aristotelis
nomina in-
scribunt, ut
istæ glorio-
sæ in scrip-
tiones
specie do-
ctrinæ viris
simplicibus
imponant.
Agricol. in
Epistola.

Anonymi
Thraſoni-
cum de ſuo
lapide com-
mentum.

Si Dis pla-
cet.

„ ſteria nobis ut poſteris , licet infinitis involuta para-
„ bolis & obſcuris involucris teſta , reliquerunt. Præ-
„ cedentis abhinc ætatis intervallo , Monarcha & My-
„ ſteriarcha noſter , Philippus Theophraſtus Paracelſus
„ &c. in Germaniâ floruit , & hanc artem & veritatem
„ Chemicam ſcriptis pluſquam Divinis (non tamen cui-
„ vis , ſed (quod NB.) tantum doctrinæ filiis obviis)
„ hinc inde poſt mortem relictis plantavit , denuò dila-
„ tavit , illuſtravit , & dexterrimè expoliivit , in morbis
„ deſperatiſſimis : Leprâ , Podagrâ , Paralyſi aliisque
„ incurabilium (iudicio Galenico) morborum , vulne-
„ ribus diris & inveteratis , radicitus ſublatis cura re-
„ liſta , perpetuâ memoriâ digniſſima , ut innumera
„ metallicæ tranſmutationis documenta ſilentio jam præ-
„ teream. Habuimus hætenus aliquot Theophraſti
„ Diſcipulos & Sectatores pios , qui , quâ cum laude
„ & felicitate etiam plures morbos deſperatos curave-
„ verint , innumera hinc & ubiquè non tam in Germa-
„ niâ , quam in Italiâ , Galliâ , Belgio , & Angliâ cura-
„ torum teſtantur exempla , & Libri de huius nobiliſſi-
„ mæ ſcientiæ amplificatione & genuinâ declaratione ,
„ præſtantiſſimi & penè innumerabiles. Papæ ! Quanta
„ verba , ſpecioſa fateor , ſed cætera nuda , vana , men-
„ daciſſima. Cætera myſterii Majeſtas hiſce pediffequis
„ apologis ſtipatur , ſomniis ſcil. & revelationibus , pro-
„ ceſſibus ex Principum laboratoriis , ante ſæcula con-
„ ſcriptis , & ex antiquis Palatiorum Cænobiorumque ru-
„ deribus effoſſis M. SS^{tis}. Quidam potius mortem ſubire ,
„ quam ſuum ſecretum ulli homini revelare conteſtantur ,
„ & ſilentio pertinaciſſimo cuncta involvere & in tumultum
„ ſecum avehere malunt.

Interim ſplendida hæc mendacia elumbesque nugæ
maximâ hypocrifiſi fictæ , cujuſdam pietatis faſciis in-
volutæ ,

volutæ, olim multos deceperunt: sed cautior jam mundus, ita ut his fumivendulis Philosophiæ adeptæ studiosis, non adeò leve esset alios (nisi Leberide cæciores essent) naso suspendere adunco. Sed oportet, ut chymærifera Alchymiam unico quasi per transfennam obtutu representem, ut ita horum factorum impostorumque somnia vel technæ omnibus innotescant, quanquam, quod ad ipsos attinet, me in hac re oleum simul atque operam perditum iri, probè noverim: sed hoc me nihil movet.

Lapidis fabula olim plures quam hodiè decipit.

Approximantem jam video horum Philosophorum turbam imaginariis titulis & Symbolis Cræso ditio-rem, victu & amictu Iro pauperiorem. Hic præparare satagit lapidem ex metallis, mineralibus, lapidibus, terris, tartaro, pulvere tormentario, vegetabilibus &c. Ille ex solo sale, præcipuè petræ, asseverans solos sales in metalla transmutabiles viribusque pollere, immatura metalla lavandi, maturandi & perficiendi. Tertius ex astris, igne, aëre, aquâ, ventis, meteoris, median- tibus spiritibus, intelligentiis certisque anni tempestati- bus. Quartus ex animalibus, hominum scil. bruto- rumque etiam abjectissimorum, ut serpentum, bufo- num, ranarum, salamandarum; glirium, murium &c. ossibus, cerebro, sanguine, spermate, urinâ; imò, quod pejus sonat (sit auribus honos) ex omni- geno stercore, præcipuè humano, volunt plurimi confi- cere benedictum suum lapidem, dissuadentes aliis in metallis laborem, ut infructuosum; noctes atque dies in hac fragranti minerâ ab aliquot sæculis strenuè ope- ram navant, & in fœdis hisce scybalis Mediatorem in- ter hominem & metalla, spiritum mundi, primam ma- teriam; tandem Vegetabile, Animale, ac Minerale Regnum latitare vociferantur. Ex hisce saltem, quem

Doli aper- tio.

In sole & sale sunt omnia.

Alchymi- stæ se mu- tuo ever- tunt dum alius præci- piat aliud.

Ex merdis vitriolum Sapientum & Hermi- tis aves ex- trahunt.

Astralem vocant, rubrum oleum auro comparandum, quod verum sulphur cæleste salque volatile, ipsorum judicio, colore, odore & sapore jucundissimum, fragrantissimum & dulcissimum præbet, extrahere intendunt. Aliqui tamen immaculatæ puellæ puerique fæces cæteris præferunt. Quidam suavem, quem spirant porcorum cocta fimeta, odorem aliquando sunt experti, stupentes (sic scribunt,) quod res ubivis reperta, vilissima & abjecta, tanta præstare possit miracula. Apud quosdam cuncta in principio nodo Gordio involvuntur, quæ tamen postea videntur revelaturi. Alii initio omnia palam facere videntur, quæ tandem in fine, præmissis contradicendo, rursus Cæsiis nubibus reddunt tenebrosiora.

Scripta eorum sunt ænigmata.

Obscurissimi sunt eorum Libri, quod Scriprores isti res alienis non proprius vocabulis nominant, & quod alii aliis atque aliis vocabulis, a se confictis, utantur, cum res non mutant.

Obscurum per obscuriora declarant, uno halitu simul calidum frigidumque expirantes; jam nihil tam facile, post nihil difficilius. Sed propriæ eorum phrasæ sunt in apricum ducendæ, ut liquidò constet, me candoris terminos non transiisse. E. Gr. Ars hæc levis, est creans humorem igneum, medicinam universalem & auri argentique copiam. Gaudete jam socii, nam renidebit (si tantum vultis) auro argentoque vestra domus. Est una vilis res ubique reperta, quatuor inserta naturis, nube referta.

„Hoc accipe, quod in sterquiliniis calcatur, absque scalâ ascensurus cades in caput. Fixum fac volatile & volatile fixum, & habebis totum magisterium. Materiam suam ubique locorum reperiri & unicuique suppetentem, in pauperum æque ac divitum possessione versari. Neminem fore, qui materiam ipsorum in prætio habiturus esset, si proprio suo nomine appellaretur. Hinc Sendivogius sæpius se nonnullis de verbo ad verbum artem revelasse fatetur, „qui

Jam ars inventu est facillima.

„ quibustamen incredulis, & nimis alta sapientibus ve-
 „ risimile fieri non potuit, quod margarita adeò precio-
 „ sa in subiecto adeò contempto (merdâ scil.) abscon-
 „ ditum latitaret. Imò & hoc adjungit, artem & mate-
 „ riam universalem manu facilius palpari, quam inge-
 „ nio excogitari & inveniri posse. Addit: cave tibi à
 „ retortis, crucibulis & vesicis, nam munifica natura
 „ hæc omnia spontè facit. Sed paginam verto & ilicò
 „ phalerata hæc verba in fumos abeunt: Post mille la-
 „ bores tantum Prædestinati artem assequuntur. Nun-
 „ quam aliquis Chymicus adeptus, materiæ nomen ve-
 „ rum nominavit. Non quodvis succedere cuivis. Be-
 „ nedicti universalis materia ex longinquis Regionibus
 „ ingenti labore & sumptu petenda est. Magnum uni-
 „ versale antiquis Philosophis fuit notum, & de hoc
 „ magnificè & verè scripserunt, unicus enim illis in-
 „ scribendo fuit scopus, ut persuaderent hominibus, ta-
 „ le esse in rerum natura opus atque artificium, atta-
 „ men nemo, licet vel doctissimus & subtilissimus sit, in-
 „ dè aliquid exhauriet, nisi ipsi antea à Deo fuerit pa-
 „ tefactum. Præterea pietate, jejuniis, eleëmofynis &
 „ præcibus, acquiritur Lapis: igitur arcendum vulgus
 „ profanum, atque ut sese abstineant milites, ganeo-
 „ nes, calumniatores, tyranni, avari, superbi &c.
 „ clamitant: tantum Sanctis & Piis fores hujus Sanctua-
 „ rii patent. Arrigite aures & canentem ausculta:

Jam diffi-
cillima.

*Huc veniat patriæ Codrus pietatis amator
 Et quicumque Deum & Sydera sancta colit.*

Quam Pharisaicè! Sed quæ hæc omnia jam cohærent?
 quænam est assertorum connexio? Nulla; sed omnia
 sunt A'ægodiorum & contradictionibus refertissima. In-

terim hoc Paracelsi pecus, admodum magnificè de sese sentiendo, nullos, præ Algemistis, veros novit Philosophos, verenturque sapientiam cum illis morituram, quod tamen condonandum est his morionibus, ullumque vix crediderim illis invisurum, quia illorum Patriarcha Paracelsus fatuos, Phrenæticos & Maniacos longè antecellere, omnes Philosophos pro more, mystis & plumbeis suis argumentis probare nititur.

Satanæ
suppetias
quidam im-
plorarunt.

Quidam, ut sibi majorem apud alios existimationem conciliarent, familiarem cum spiritibus & dæmonibus finxerunt conversationem. Post initum cum diabolo pactum, ejus suppetias implorarunt alii, qui, ut fertur, Alberto cuidam in formâ oblongæ umbræ, Nigricantis primò, post Cinereæ, Albæ, Flavæ, tandem intensè Rubræ apparuit, consultusque, horrendâ voce respondit: *Solve & coagula, plus dicere prohibeor*. Quasi verò ille artifex stupidum Chymicastrum per hanc colorum metamorphosin, imaginarii lapidis fabricationem ejusque prædicatos effectus docere voluisset. Sed minus rectè hi Philosophi per ignem philosophantur, de hoc phantasmate mihi longè alia mens est: Algemistam scil. carbombus nigrum, curis canum, paupertate pallidum, ex adulterandâ monetâ flavum exsiccatumque, tandem libatione sui rubentis sanguinis suorum scelerum pœnas laturum. Dignum sanè tali patellâ operculum! Nil magis admirabile pervolventibus horum miserorum scriptis videtur, quod quanquam maximo suo cum damno & probro Paracelsicæ hæreseos falsitatem sint experti, sermone tamen & scriptis, quanquam mendacissimis, ad extremum vitæ halitum eam defendant aliisque persuadere conentur. Quis jam, præter Beckerum, effascinatos non diceret hos nefarii Paracelsi sectarios? E. gr. Finge tibi talem Phræneticum, igne, labo-

Tandem
fraudes eo-
rum capite
plectuntur.

laboribus & curis, nocte dieque desudantem, omnesque suas facultates, integras domos & fundos per caminum efflantem, donec: *deceptus & exspes, ne quicquam fundo nummus suspiret in imo.* Cæterò mente corporeque sanum & in omnibus sibi egregiè sapientem, diceresne hoc toxico, quasi Diaboli fascino, infectum? Mihi saltem quadam vesaniâ laborare, atrâque bile turgere videtur, Ejusmodi tamen naturæ portentum, virum alias doctissimum atque Clariss. nec minus quondam opum divitem, (cujus nominis jam oblitus sum) ante annos aliquot, jam lro pauperiorem, extremo sua fata die in nosocomio Basiliensi clausisse, miserente ipsius quovis Spectatore, memini.

Vel saltem paupertate pressi ad peram & baculum rediguntur.

Proluvium illorum à quibus in re honestâ citius decem excussis quam nummum.

Ut plurimum sunt Melancholici.

Itali Germanique imaginariam hanc artem deperiunt.

Hodiè inter gentes nulla magis quam Itala Germanaque hunc Molochum colit, ejusque sacris insudat: nec miror, in solo natali hanc Zizaniâ altissimas egisse radices, quoniam sparsim alibi etiam inter Nostrates ejusmodi huic Numini sacramento obstricti Lych-nobii, in latibulis dilitescunt. Plin. l. xxx. c. i. refert Britannos mirè insanivisse in Magiam usque ad ipsius ætatem; sunt adhuc qui in Alcumistica parum sobrii sint, quanquàm lex capitalis apposita est. Parisiis ante 50. annos in lapidis investigatione sese macerantium numerus, quater millesimum excedebat. Horst. Obs. Med. p. m. 347. De Sinensibus testatur Adamus Olearius; quod Alchymiam strenuè colant, & in laboratorijs plurimum temporis terant, sæpe cum jacturâ omnium suarum facultatum, jugiter desudantes, ut ex sequioribus metallis argentum, & medicinam mortalibus in hoc mundo immortalitatem afferentem, elaborent: semper tamen simili ut apud Europæos eventu.

Abhinc duobus (ni fallor) annis, jactabat Amstelodami quoddam ex hoc grege pecus inventum, (ut cum

Ar-

Alchymi-
starum
fraudes &
imposturæ.

Archimede loquar, centum bouum mactatione dignum, & hoc omnibus obviis maximâ hypocrisi persuadere conabatur, donec nimis credulum quendam fallaciis suis irretiebat, nec absque lytro aliquot millium florenorum ex suis cassibus solvebat; siquidem ut piscis non capitur absque escâ, ita aurum Algemistis non provenit, nisi pars auri admisceatur.

Aurum ex
aripigmen-
to vel ar-
gentum ex
plumbo
candido in
copiâ con-
ficere pro-
mittunt.

Consistebat mysterium ex argenti limati librâ unâ, cinabris tantundem, hæc cæmentata in duobus arctissimè junctis probèque lutatis crucibulis, per 24^{or} horas aperto mandabit Vulcano; & ecce miraculum! Argentum enim quatuor unciiis auctum retrahebatur ex crucibulis, annuncians artificibus aureos in propatulo montes: sed proh dolor! *gaudia principium nostri sunt sæpe doloris.* Liquefacturis hoc argentum, vagus ex cinabari Mercurius, triste *Vale* denuntiavit, seque in fugam conjecit, quem brevi Impostor, ob poenæ metum, insecutus est.

Alchymi-
starum
technæ de-
seguntur.

Alius Sycophanta sese adeptum Benedicti Universalis glorians, nuper in eodem Oppido sua arcana cuidam mihi noto gemmario offerebat: sed hic cautior præcedenti, artem arte deludebat, & pauperculum magnamque pietatis speciem præferentem Chymicæstrum, deridendum exposuit. Perdidiſſet non valdè pridem ejusdem farinæ quispiam opulentum mercatorem, nisi honestus quidam Pharmaciæ chymicæ cultor, (qui mihi fabulam narravit) in tempore hypocriticas technas nebulonis mercatori detexisset, cui etiam in benefacti testimonium centum aureos donabat. Præstigiator hic per excavata, quibus utebatur, instrumenta, aureos pulvisculos crucibulis injiciebat; aurumque granulatum abscondebat carbonibus & tigillis. Mihi ipsi adolescenti cum aliquot sodalibus lucri novita-
tusque

tisque avidis similis corporibus oberransque Dæmon quondam impoluit, ex argento vivo fixum facere se posse præferens. Hoc secretum nobis ex pacto certâ pecuniæ summâ, sub æterni silentii Sacramento, revelaret. Sed labor irritus, frustrataque spes nostra: Interim (pro more) modicâ summâ nos emunxit circulator. Sed ne longus sim, ac rem in compendium conferam, Michaëlem Majerum horum Phræneticorum technas, fraudes, dolosque, quibus utuntur, in suo fucorum examine, describentem, Lectoribus commendando.

Interim quidnam veri falsique sub larvâ tanti decantatissimi lapidis lateat, quantumque sit in rebus inane, mihi incumbit investigatio. Investigatio in lapidem. Ut decentiori tamen ordine procedat noster sermo, in antecessum paucula de metallorum præparatione, naturali genesi, & accretione, sunt præmittenda, ut tantò liquidius constet, quid ars in eorum destructione & Metamorphosi valeat, quid ferrè reculet.

Artem in metallis elaborandis, eaque etiam tum in alias res, velut in lapides, vitra, aquas, liquores perspicuos, servata mistione mutandi, posteaque, reducibiles, spiritus, olea, sales, calces &c. transformandi, tum inter se, potissimum ob conjunctum commodum & necessitatem, virulenta in salubria, viliora in pretiosiora, aut saltem minus ad usum necessarium copiosa, permiscendi, *admodum vetustam & semper & jam excul-tam esse, passim veterum scripta testantur*, lippis tonsoribusque est notissimum; per Vulcanum Anatomicis tamen, cæteris evidentiora; hæc sacrarii adyta patent: sed ignobiliorum metallorum in nobiliorum, speciatim in auri transmutationem, ab adversariorum myriadibus tam pertinaciter dente Theonipo arroditur, ut

quamvis hanc oculis viderent manibusque tractarent increduli, sese præstigiis delusos exclamarent. Nec miror; cum enim olim Platonici & eos secuti Academici Pyrrhoniique omnem fidem sensibus subtraxerint, nihilque affirmati comprehensique esse obnixè contenderint, non est mirum inveniri hodiè horum simias, qui non credant, quod ipsi vident, quanquam sæpè tam mendacia figmenta proponant illi ipsi, quæ longè incredibiliora sunt, quam quod ex atomis Democriti fabricatum esse mundum constet. Sed transgredior ad metalla.

Quidam ex Sale, Sulphure & Mercurio vel ex succo salino seu spiritu in terra coagulato. Alii ex arsenico, calce, arenis, halitibus, vaporibus, aquis imò ex omnibus elementis volunt prognata metalla.

Ex Dei sapientia thesauris æternis prodierunt metalla.

Metalla ab exordio sunt seminiformi.

Deuter. 8. dicitur terræ promissæ lapides esse ferrum & æs è montibus effodi.

Metallum (à μέγας & μέταλλον, quod sedula inquisitione per scrobes, cuniculos; lavacra, ramenta & puteos sit investigandum, vel quia alterum in alterum transire potest, ut ferrum in æs; plumbum in stannum; argentum in aurum &c.) est corpus minerale, ex succo mercuriali concretum proxime, fusile ignibus ictuque mallei in longum & latum ductile, inque profundum coactile: vel metallum est substantia admodum solida & rigida, ex succo salino seu spiritu in terra coagulato, vel durum est & prius ignitur, quam funditur, vel molle & prius funditur, quam ignitur. Duo nobilia ut aurum & argentum; Quatuor ignobilia ut æs, stannum, plumbum & ferrum, audiunt, quibus additur in numeri septenarii complementum, (inditis tum una Septem planetarum nominibus) argentum vivum. Quod ad ortum attinet, ego putem certo terrarum generi, ab initio, benedictione Divina, inditam esse vim metalliferam, quæ postea datis causis externis in actum erumpit, suoque nutu provehitur ad substantiam metalli perfecti, & quidem intentione (ne horrete Novatores!) naturæ: imperfecti verò ob quædam externa; & materiam esse in illo terrarum genere non simplicem; sed humorem unctuosum mistum certâ

spe-

specie terræ, quæ formam succi assumere queat: qualis est vitriolum & sulphur, quæ sunt resolubilia in succos; humor verò ille mercurialis est, speciei que vaporis perrepens mineras, comprehendit illas terras, secumque in succum unit, qui postea principio formativo concepto proficit in mercurium metallicum & hinc in metallum, astipulantibus activis. Non differunt à se invicem metalla, nisi quod magis vel minus puriora sint, & in locis & partibus Terræ purioribus vel impurioribus inveniantur; hinc in locis arenosis ferè semper aurum reperitur, quia hi loci puriores sunt cœnosis.

Metalla certo loco & non ubi-
vis nec extra locum
nativæ matricis
gignuntur.

Causa activa in spiritu
fecundante, passiva
verò in humore
conformi est.

Quoniam enim è fluviis item colligatur metallum, non tamen in eis natum esse putamus, sed vel abrasum productumque è minerâ: vel detectum impetu aquæ & laxorum provolutorum; & sic ortus respectu omnino sit minerale, fossile, subterraneum, terræque focura.

Si Historicis fides, nascuntur metalla in subterraneis, sicut vegetabilia, facie plantarum ex trunco in ramos divisarum, quas venas vocant: certas formas in libero aëre, dum succis permiscantur, acquirunt: quin & sursum contendunt, ut plantæ & non rarò digitos, cubos, pyramides, filamenta comasque suas in terræ extimo ostendant. Hinc vegetabili virtute seminantur: æs enim minutatim contusum, testante Aristotele, à Cypræ ruricolis seminatur, emissisque aquis augetur colligiturque. Scrobes impletæ aquâ ferrugineâ ferrum gignunt: ita in Pieria Macedoniæ ab antiquis Regibus defossam quatuor foveis, aurum renasci tradiderunt sesquipedali magnitudine. Apud Garciam Lib. 1. cap. 47. extat similis de adamante cæterisque gemmis historia. De vitibus clavículas foliaque aurea progignenti-

Semifica-
vis metal-
lorum.

bus, referunt Mizaldus & Merula. De accretione metallorum multa sparsim per sua opera habet expertissimus Glauberus. In boletis Bohemicis nuper argentum est inventum. In quadam Bohemiæ sylva, aliquis virgultam argenteam, unius cubiti longitudine hominem superantem, repperit. Ibidem expullulans è terra aurum, ad instar minutissimorum filorum vitis sarmentis, sese contorquet. Aliquando arborum medullæ includitur, & per omnes ramulos in forma tenuissimorum filamentorum despartitur.

Cifos lapides, præsertim cæruleos ex Leodico, rubros ex Suecico agro ad nos allatos, aëre & tempestatibus decrefcere & consumi, & è contrariò, dum cum maternâ adhuc essent mole uniti, accrescere, attentionibus patent. Rectè igitur vulgò excifus mortuus, fixus seu rupi adhuc unitus, vivus vocatur lapis.

Similium infinita plura possent in apricum produci exempla, sed supersedendum, ut his qui metalla, mineralia, nec lapides amplius non nasci, nec accrescere: sed primævam habere ex creatione originem & materiam sui generis singularem contendunt, etiam locus sit. Antiquam hanc opinionem nuper renovavit quidam Anglus, sat speciosis argumentis asserens: omnia metalla mineralia & lapides, quæ jam inveniuntur, ante diluvium universale fuisse, hæcque post hunc generalem cataclysmum non aucta, sed semper diminuta.

Comparentur jam hæc cum prædictis, Lydioque hoc lapide explorentur & protinus falsi argues hanc opinionem. Nec mirum, similes Triclinarios scriptores in suo Antro Platonico minus videre posse oculatissimis metallorum fossoribus, magistris, futoribus, probatoribus, monetariis, excoctoribus Chymicis &c. quibus ferè nunquam à manu discedit metallicis labor, qui-

que

*Vid. journal
des Sçavans
de l'an.
1683. pag.
156.*

*Woodward
an essay to-
ward à na-
tural His-
tory of the
earth part.
4.*

que omnes perreptant sedulò venas, & observant miram earum accretionem. Suffragari tamen nolim quibusdam historiarum compilatoribus cuncta prodigiis referentibus, scilicet: metalla & mineralia ubique terrarum, etiam in omnibus quatuor elementis, vegetabilibus, latrinis & cloacis gigni; in nubibus genitum, ex aëre depluisse; ferrum mari innatasse; ex multo igni provenisse; imò in viventium dentium alveolis, defunctorumque cranis repertum fuisse aurum; non solum hominum brutorumque ossa, sed integra eorum cadavera in metalla & lapides conversa. Quod haud rarò vaccam rusticus petit lapide, ipsam vaccam pretio superante.

De dente
aureo pueri
Silesii Hor-
stius & alii.

Sed tædet hisce Legendis, utpotè ex mutilatis rerum historiis prognatis, nec candoris lardo, sed crassiss mendaciis probè transfixis, diutius inhærere. Valeant igitur hæc otiosorum hominum commenta & perscrutemur, quid æmula naturæ ars in metallorum, & quidem præcipuè in auri argentique transmutatione polleat. *Francisc. Bacon. opusc. philos. pag. m. 153.* Quod ad principiationem attinet, affirmare non possum, utrum tale quidpiam in rerum natura sit, nec nè? Chymicosque in eo nimium desudare existimo. Sed utcunque sit (num solutio; aut extractio, aut verò conversio, fiat per ignem) sedulò quærendum est, qui sales, sulphur, vitriolum, mercurius, aut corpora istiusmodi simplicia, in singulis metallis reperiantur; & quâ quantitate.

Quomodo ex ferro fiat æs & vitriolum, ex ære ærugo; ex plumbo stannum & cerussa &c.; ex stibio plumbum naturâ & arte; ex arenâ vitrum, quomodò orichalcum & æs mossynicum infinitaque plura conficiantur, non morabimur, quanquam & in hisce transmuta-

De arte
transmuta-
toria.

Quo sensu
Alchymia
ars certa
dici potest.

tionis veritas clarissimè liquet : sed investigabimus , quomodò projectione famosissimi lapidis , possunt mutari viliora vulgò & imperfecta metalla in aurum.

An sit, quinam sit, ex quibus componatur & quomodò & in quæ agat hic lapis , omnium Nationum ævorumque Eruditiores inter se altercantur. Pars maxima , Veterum Chymicorum scripta secundum literam intelligens , irritò successu oleum & operam perdidit. Cautiores alii ænigmaticè , parabolicè & hieroglyphicè volunt intellectos terminos , quibus Antiqui mysta sua Posteris reliquerunt : & revera Phœnices , Ægyptios , Chaldaeos Hebræosque , quos imitati quondam sunt Græci , veluti Pythagoras , Democritus & alii , populo denegata Philosophiæ arcana , hisce fasciis involvisse constat ; atque etiam in Prophetarum Oraculis legere est , potestque aliquid ex Salvatoris modo , in docendo Populum , colligi.

Esse in rerum natura aliquod corpus minerale lapidi , pulvi pulve forme , vel (si mavis) tincturam essentiam &c. quod in exigua quantitate possit plus corporis alterius mineralis imperfecti seu potius vilioris metalli perficere & in suam primam essentiam vertere (fide dignissimorum Scriptorum autoritatibus , ratione & autopsiâ edoctus , omnibus cum suâ arte nondum mortuis artificibus) astipulor. Hanc materiam sua natalia auro argentoque debere , stat apud me sententia. Ex his extrahitur. Ex his per congruens menstruum , mediante Vulcano , referatis eorum claustris , conficitur , fitque causa efficiens suâ inseparabili tincturâ seu animâ , in subjecto congruo , & proportionem , seu pondere corpori , à quo separata fuit , conveniente & benè præparato , transfigurationis. Aurum enim sicuti argentum in partes nobiliores & igno-

Resolvitur
in sum
componen-
tia.

biliores

biliores separabile est, & proin reducibile, in essentiam
 tingentem liquoremque potabilem. Hanc auri (au-
 reitate illæfâ) destructionem quadantenus norunt, qui
 unquam ejus crocum confecerunt, quippe solutâ ejus
 compage, destructâque ultimâ formâ, imperfectionis
 formam inducunt, ejusque exaltatam animam (sic vo-
 cant) sulphuream auro multò perfectiorem, relicto suo
 corpore nigricante, eliciunt. Hæc radicalis & semina-
 ria vis vel anima auri adeò activa est, ut à suo corpo-
 re liberata, omnia reliqua exsuperet metalla, propor-
 tioneque conveniente, in suam naturam vertat. Eli-
 citur etiam ex auro aliquid chalcanti, redigitur in flo-
 res, vitrum, cryсталlos; solvitur in calcem, salem, aquam:
 prædicta de auro, etiam de argento intellecta, volo. Du-
 plex aurum efficitur arte, unum apparens, quod assequun-
 tur misturis, tincturis aut gradationibus, ut in præceden-
 tibus. Alterum in cujus materia instituerat quidem
 auri generationem natura, sed impedita, aut alias in-
 tercepto motu, non absolverat, quomodò immaturum
 aurum in venis vigere norunt & maturando exaltare:
 hanc materiam *Kur*, *Adrot*, *Azop*, *Donech*, *Nostoch*,
Limum aureum &c. vocant: efficacia enim artis, quæ na-
 turæ imitatrix, tantum valet, ut etiam huic assistere
 ejusque motum promovere possit, seu ad finem omni-
 nis seu quadantenus. Metalla verò consistentiam liqui-
 dam habuisse, docuit autopsia multaque experientia.
 Hæc imperfecta metalla fossiores non ignorant, viderunt
 incoagulata primum, post concrevisse: viderunt
 expertique sunt in potentia, post, coctione absoluta.
 Alicubi post præfractam venam ferri in pulvem quan-
 dam inciderunt, quam ferri matrem crediderunt, quia
 certâ fide didicerint. Ex ejusmodi steatomate com-
 pertum est enatum argentum pilosum villosumque &

Artificium
 de metallis
 aliis in alia
 mutandis.

crif-

crispum. Multotiens inventum argentum molle instar pulvis est, quodque super candela fluxerit. Traditur quorundam fluminum aurum initio molle & facile liquidum, sed postea absumpto humore evadere durissimum.

Famosissimam Alchymistarum doctrinam, quæ omnibus metallis, mineralibus, & salibus &c. non solum inesse aurum docet, sed (uti volunt,) animam auream à proprio corpore separabilem, & quæ aliud animare possit, jam indagare superest. Afferit hæc Vulcani profapia, sequiorum metallorum mineraliumque &c., (ut absurdarum, de quibus in præcedentibus, transeam) animam, non minus, quam ipsius auri, nobilem. Hinc omnes intenderunt nervos, ut crassa illa corpora evertere, eorum animam puram elicere, & in meliora (seu arte, seu naturâ, seu solâ efficacissimi hujus agentis virtute) purioraque transferre corpora, & consequenter imperfecta & ignobilia metalla, immenso suo cum emolumento, in nobilissimum & purissimum, nec naturali inferius aurum, convertere possent. Allegant, Saturnum nihil esse, nisi impurum immaturumque argentum, hoc iterum tantum colore, quem potest, (sic dicunt) ars donare, ab auro differre, volunt.

Inter alios, hæc etiam sententia expertissimum Glauberum, Propugnatorem habet; & quidem præcipuè his verbis: *Anima igitur, cum omnibus attributis metallicis, consistente in tam exigua quantitate, quæ vix centesima pars ponderis, quâ extractâ & separatâ, corpus reliquum non amplius metallum, sed terra quædam est inutilis & mortua; non dubitandum, quin fixata denud corpus aliud metallicum reassumere & perspicere possit. Quare firmiter credo, persuasus prædictis rationibus, ejusmodi parabilem esse medicinam, è rebus*

Quomodo exsequiori-
bus metal-
lis conetur
enixè facti-
tare aurum
Alchymista.

Hæc ars
olim cum
primis erat
celebris
apud Egyp-
tios, per
quam (sit
penes Au-
tores fides)
opes & di-
vitiis maxi-
mas Impe-
trabant; ita
ut Diocle-
tianus im-
perator eos
ante supe-
rare nequi-
verit, quam
omnes eo-
rum libros
combusse-
rit.

Glauber.
Furn. Phi-
los. p. v.
pag. 49.

Idem Furn.
philos. p. iv.
pag. m. 45.
de lapid.
philos.

rebus mineralibus & metallicis, in fluxu nimirum transmutantem metalla imperfecta in meliora. Hæc ille. Secundum alios, alio modo aurum argentumque è quovis sequiori metallo &c. separatur. Admixtum scilicet vilioribus & impurioribus metallis &c. aurum vel argentum separationem facit, rejicitque dissimile, attrahitque sibi simile, tanquam sui nutrimentum, convertitque in propriam suam, auream vel argenteam, substantiam: sed hæc multò falsissima sunt. Integra horum vanissimorum figmentorum plaustra possem producere, ni vereretur, crambem toties recoctam, audientibus nauseam parituram. Cum sequenti Platonico dimittam igitur hos mendaciorum Encomiastes dulcisonasque Syrenes: *Ingenia prava vertere haud proclive.* Promissa cadunt in debita, vel possunt actu præstare, quod promittunt, vel non possunt: sed ipsi unanimiter conqueruntur, suam artem jam diu quæsitam, à multis annis, à variis, ad usque diem hodiernum, multis & laboribus & sumptibus, semper latere. En impossibilitatem! Concludo igitur, quod, licet in quibusdam metallis & mineralibus, præsertim in Venere, Jove & Saturno, lateant aurum & argentum, vix sufficient tamen adhibendis, propter eorum à reliquo corpore separationem, operibus & impensis, & neutiquam separatum hoc aurum, vel argentum, (quod illi vocant animam) aliud metallum, vel minerale, in suum esse convertere potest, sed semper in eadem ipsissimâ, quâ separata est, quantitate, manet, nec ullo unquam modo augeri queit. Interim Glaubero non assentior, qui reliquum à separatione corpus, ut terram inutilem, aspernatur, quoniam dexteriores Artifices (præterquam quod duplo plus aliis: E. Gr. ex Lib. I. Saturni gr. v. vel vi. auri, vel dragmam unam argenti:

Artis impossibilitas.

Aurum, quod ex sequioribus metallis separatur imperfectiora metalla in suum esse convertere nequit, sed cum auro vulgari in omnibus convenit.

Q. Alii

Alii vero vix gr. ii. vel iii. auri, vel scrup. duos argenti, ex æquali plumbi pondere, elicere possint) hanc suo auri exutam molem in formam pristinam, nec usu priori inferiorem, restituere norunt. Ab istis tamen haud tantoperè adhorreo, qui sentiunt, quod sicut auri & argenti, sic quoque singulorum metallorum tincturâ, seu animâ, ritè à suo cadavere separatâ, aliud aptum corpus iterum animare, & in suam primam existentiam ve essentiam mutare possit, & idcirco æque benè anima, cupri cuprum, stanni stannum, ferri ferrum, quam auri aurum, argenti argentum, &c. denuò producere, semper tamen in minori quantitate, quam fuerit ejus primum corpus, à quo disjuncta fuit. Interroganti autem, posito, non concesso, aureitatis micam ex ingentibus sequiorum metallorum massis &c. posse separari, compensabitne exantlandos eapropter immensos sumptus & labores? Resp. minimè gentium imperitis & bardis, modicum tamen quæstum, atque, ut habeat, undè honestè vivat, suppeditabit dexterrimo Separatori.

Simile generat sibi simile.

Ridicula quorundam opinio.

Ars sine lucro.

Vana & auda Chymicastro-
rum verba,

Magis extra oleas vagantur, qui putant, artem ex merâ sui facultate transmutationem facere, requirentes à Chymico, ut aurum faciat manu, ut calceum sutor; Sed hi cachinno excipiendi. Tandem artis possibilitatem & potentiam in parvo (absque multo lucro tamen) credo; Algemistarum verò prodigiosa Encomia imaginarii, mendacis & infamis Lapidis in transmutatoriâ abominor, nec magni æstimo decantatissimæ hujus Panaceæ, in arte medicâ, vires atque virtutes. Gratis asseritur, in ipso potentiam & proprietates omnium vegetabilium, animalium & mineralium latere, atque vim omnium morborum curativam possidere; nec magis opus esse, officinas tot phiolis, cantharis & pyxi-

pyxidibus replere, vel tot sumptus infumere in tot speciebus peregrinis medicinalibus adferendis quia unus, unicè, semper, omnibus, & in omnibus sufficeret hic Lapis. Sed utinam! proderet tandem ille, qui tot millibus annorum prædicatum lapidem usu ipso comprobasset salutarem, resarciturus ex vanitate, arrogantiâ & mendaciis connexum, & per tot Alexandros dissectum nodum. Describendo Sophorum Lapidis præstantiam inter viventes, penè oblitus eram, ejus in moribundos & mortuos benevolentiam, & præ cæteris prærogativam: In limine enim mortis existentes, vel ejus soluti unicâ guttulâ in os inditâ, recreari, & à Charontis cymbâ retrahi, mortuis verò infusa adeò vegetos floridosque & integros manere, tantquam suavi somno occupati obdormivissent, absque corruptione, ferunt. Sed exempla talium effectuum eventuumque adhuc requirimus, & vereor, ne omni carituri simus, usque ad restitutionem sæculi.

Veri Adepti
ad Calendas
Græcas ex-
spectantur.

Lapidis cir-
ca morien-
tes & mor-
tuos præ-
rogativa.

Quis jam non miretur, hoc otiosorum hominum inutile commentum, à tot ævis & à tot tantisque omnium Ordinum Nationumque hominibus; religionis instar, huc usque obtrusum, posterisque commendatum, nec simul deploret mortalium vanitatem, qui, neglectis Divinis & ad æternam salutem conducentibus, brevissimam ætatem nugis terunt; ac proinde messem faciunt segeti conformem, quod cæcis ethnicis quadantenus condonandum, è contrâ haud remittendum est hominibus Christianis, specillo Revelati Verbi oculatissimis, peccatum.

Deploranda
mortalium
vanitas.

Vidistis, Lectores, leviculam hæreseos & Legendarum de Sancto Lapide Philosophorum adumbrationem, in gyrgathis locati idolatræ Adepti, per cancellos vesanis suis Sectariis, quod de Idoli fabula &

Quorundam horum morionum finis Horum plurimique desiderat, videat Basil. Valentini.

Lullium Paracelsum Turb. Philosoph. Tabul. Smaragd. Pantalcon. Sendivogium Helbigium Lacinii, coll. Snyder. Vreelwyk & alios.

de inventis divitiarum cumulo & honorum fastigio dignis, super est, idem millies repetendo, narrabunt: sed quoniam mihi nec lubet, nec placet horum morionum deliramentis auscultare, cum sequenti *Vale*, pro colophone, ad utiliora transgrediar.

*Alchymia est scientia sine arte,
Cujus scire est pars cum parte,
Medium est strenuè mentiri,
Finis mendicatum ire.
Etiam ad crucem pervenire.*

C A P U T. VIII.

De utriusque Sexus Agyrtis.

Fingit se Medicum quisquis Idiotam prophanus.

Judeus, Monachus, Histrio raptor, Anus.

Agyrtæ Medico-rum simiæ.

Est aliud hominum genus, (de quibus dicendum foret, se hoc unum scire, quod nihil sciant) ad ludibrium artis natum, qui sese vulgò Operatores vel Orvietanos vocant. Angli *Montinbancos* hos, Galli *Charlatanos*, Itali *Ciarattanos*, Germani *Teriacks-Krämer* / *Storier* / *Land-fahrer*; Nostrates *Quacksalbers*; nuncupant, quorum unus olim mihi, Germaniam suam fecundam matrem, Hollandiam verò optimam nutricem esse, confiteri non erubuerit: Hinc multi putant, quod sicut asperrimis montibus & clivis, profundisque vallibus horrida Sabaudia, cæteris Europæ Regionibus caminorum Purgatores & Mendicos, sic Germania Agyrtas, suppeditet. Et mirum non est, quia in pluribus Germaniæ oppidis, Pharmaciæ vel Chirurgiæ Tyrones, post absolutum Tyrocinium & artis specimen, non statim ad Magisterii dignitatem

tatem admittuntur, multò minus iis conceditur, ut offi- Ex quibus
regionibus
plurimi ad
nos acce-
dunt.
cinas publicas instituunt vel lares figant.

Paucissima, quanquam instructissima, in Germaniæ urbibus sunt Pharmacopolia, plures quidem Chirurgorum officinæ: sed hæ omnes olim coaluerunt in publica Collegia, tot & tantis Privilegiis, Legibus & Regulis, præcipuè quod ad numerum Sociorum, à Magistratibus munita, ut Candidatis expectandum sit, donec Sociorum aliquis viam lethi calcet, & tunc nondum omnibus promiscuè ad Magisterium via aperta est, quia hoc plurimis familiis hæreditarium est; id est, si defuncti Pharmacopæi Chirurgique vidua, Filius, Filia, Gener, Nepos vel Cognati, officinam continuare velint, (quod ferè semper fit) frustra ab alio competatur.

Qua ratio-
ne hoc fiat.

Quid jam agent illi repulsi? Vel ad vitam Magistris servire, vel in ignobili vico, vel obscuro pago aliquo officinulam instituere, vel peregrinas Oras perlustrare, & ut sibi victum parent, haud rarò agyrtam agere coguntur. Hæc tamen repulsa Chirurgiæ, quam Pharmacix Tyronibus, est tolerabilior, quoniam sæpissimè privatis Dynastis vel Nobilibus, barbi-tonsores agendo, inserviunt, vel castra, cum munere tonsoris castrensis seu vulnerarii, sequuntur.

Ex dictis jam satis patet, cur dentur Circulatorum Plantaria, & ex quibus oris per totam Europam dispergantur.

Attamen nondum illi sunt pessimi, & aliquatenus in quibusdam tolerari possent. Magis abominandi Galli, Itali, Angli & Nostrates, ex fece Plebis Blatterones & Bardi, qui vix prima elementa Alphabetæ, (taceo scribere vel legere) norunt, nullâ artis Pharmaceuticæ nec Chirurgicæ, multò minus Medicæ instructi scien- Quales A-
gyrtæ pes-
simi sunt.

tiâ & imbuti disciplinâ, profanas manus in Sacram Medicinam injiciunt, miseros spoliunt, & tanquam clandestini Sicarii, vel Carnifices Privilegiati, impunè de corio humano ludentes, innumeros in orci fauces præcipitant;

Et mirum est, cum plurimi Medicorum electione admodum cauti sint, ut, si Medicus quispiam alicubi sedem fixerit, non nisi post longum tempus ipsi sese credere audeant, accedenti tamen perfrictæ frontis Agyrtæ, & per aliquot hebdomadas commoratu-
ro sese statim confidant, &, quod sæpè observavi, infima plebecula, quæ vulgò paupertatem suam, & rei familiaris tenuitatem Medicis objicit, pecuniæ interdum satis magnam quantitatem, imò postremum nummulum audacissimis his Sycophantis obtrudat.

Rident interim hominum levitates nostri mundi deceptores, qui, ut merces suas divendant, magnificis & splendidis encomiis, testimoniis & picturis ante tabernas in foro suspensis, eas commendare non erubescunt.

Et quoniam ut plurimum ex viciniâ nihil testimoniorum possunt adferre, omnia ex remotioribus (nam minuit præsentia famam) ubi fama major est, quam res ipsa, majoremque exsuscitat admirationem & fiduciam, adsciscunt hi vanissimi, ingenio subdolo, versipelli animo, effrænata linguâ ac inverecundâ, perver-
sissimis moribus Scurræ, atque sine lare & tecto homines.

Mores &
fraudes cir-
cumfora-
neorum
describun-
tur.

Vidi ego qui ferè integri plaustrî vecturâ testimonio-
rum & commendationum Cæsarum, Regum, Princi-
pum & Magistratuum onusti, in publicum prodirent,
& coram populo ostentarent; & tamen hæc omnia, vel
sub-

subreptitio modo acquisita, vel prorsus ficta, multòque falsissima erant.

Sic Lutetiæ, Coloniae Agrippinæ, Francofurti &c. nostrisque in oris vidi hujus farinæ homines, magno fastu & pompâ & maximo famulatio stipatos, omnes discoloribus vestibus, (vulgò *Livrey*) amictos, in theatrum prodire, ita ut Principem, vel Regulum aliquem videre putares, (Reges enim simulant, cum homines flocci sint) qui tamen nihil, præter tres quatuorve ineptissimas nugas venales (quibus sexcentas adscribebant virtutes) haberent, & vespere post finitam histrioniam, iterum deplumes, comitatu similes essent.

Horat. in-
trorsum
turpes spe-
ciosi pelle
decora.

Hæc interim novitate permoti homines, ad illos, tanquam ad Jovem Sospitatorem, consumpturum suo fulmine omnes in oculis nummos, advolant, immemores, quod *procul à Jove, procul à fulmine*. Tandem post acceptum damnum, ut Piscator ictus, sapere incipiunt, donec novus inter Solem & Orcum errans, & cæcutiens vagabundus Latro, pristinam cantilenam repetat, & his hominibus levibus maximâ cum carnificinâ marsupia, sanguinem & animam, per virulenta remedia extorqueat. Sed quoniam singuli decipere & decipi possunt: nemo omnes, neminem omnes fefellerunt; tandem, dum scelera palam fiunt, foro cedit & aufugit.

Quis enim omnes horum Nebulonum fraudes vivis coloribus adumbrare possit? Quis grandiloquentiam, temeritatem, vafriciem, ineptiam, vanitatem, latrocinium & fictam pietatem, (quâ nil violentius est ad occupandos animos imperitorum) horum nefariorum scurrarum describere queat?

Sin.

In Ægypto
quodlibet
membrum
corporis
peculiarem
& sibi pro-
prium olim
Medicum
habebat as-
signatum,
quorum
alii Ocula-
rii, alii
Dentarii,
alii Auricu-
larii. &c.

Singuli sese novo nomine baptisant: quidam Medici Ethnici, Judaici, Turcici, Indici, Hispanici, Gallici, Anglici, Germani, Regii, Principis &c. alii Ocularii, Dentarii Auricularii &c. tertii Virorum Mulierum, Senum, Prægnantium, Infantum titulis gaudentes.

Hic labia leporina, mammas, calculos, hernias clavos &c. secat, vel potius secandi notitiam præ se fert, & de eâ gloriatur. Ille dislocata membra restituit; Plagas sanat, cataractas, dolorem tumoresque tollit: & suam in obstetriciis peritiam & operam nimis credulis & meticulosis offert mulierculis; Alter, de Orvietano, seu Antidoto suo, Balzamo vulnerario, Unguento ad Ambusta, Emplastro Odontalgico, Pulvere Dentiricio, infami Proteo, seu omnium colorum & nominum capaci; *Therebinthinæ* Oleo, præcipuâ Aggyrtarum aurifodinâ, multa inconcinnè garriunt, crassaque sua mendacia scurrilibus jocis condiunt.

Scorta circumducunt hi ganiones, ut meticulosas mulierculas, occultos suos languores illis revelare verentes, per has suas impudentissimas medicastras decipiant.

Innocuos pulveres pro Arzenico vel Sublimato assumunt, ventrisque intumescentiam fingunt, vel si revera hæc venena assumant, Oleis & pinguibus sese antea præmuniunt, statimque post assumptionem, rursus evomunt: ut vires Orvietani sui probent magisque commendabiles reddant. Viperas quoque cicuratas, & à veneno repurgatas, brachiis apponunt. Probè munito glutinosis thoraci fervens Oleum & liquefactum Plumbum affundunt, ut inutile & putidum suum ad Ambusta Unguentum magis distrahant. Ad suorum ad vulnera balsamorum commendationes, elevatam lateris cutem, apparatu magno, sed reverâ tenui ense, in plebis con-

conspēctu pertundunt, multarumque ulnarum funem trajiciunt, postridiē denudato dorso (instar furciferi pegmati affixi) præcedenti die inflictum, sed jam quasi per suum balsamum curatum terribile cutis vulnus, magno fastu suis auditoribus & adstantibus monstrant. Lumbricorum Terreſtrium, vel ex bulbis quibusdam filamentorum myriada, phiolis aquā repletis populo exhibent: ut inutilia sua ad Vermes Remedia commendent. Ut dexterrimi dentium clavorumque evulsores videantur; craniis ex Ossuariis allatis, dentes effringunt, & ex equorum ungulis clavos, & verrucas efformant, quibus circumdati insigniis, quasi monachi suis sphærulis præcatoriis, per plateas obambulant, quosque maximā vociferatione ad se invitantes. Itinera, fora, nundinās, & fermē quosvis hominum cætus, quasi rugientes leones astutæque Vulpes, circumambulant corporei hi diaboli, ubique incautioribus insidiantes & nocentes.

Verſutè
populum
illudunt.

Abhinc duodecim annis, integram hic novimus pessimorum vagabundorum turbam Ægyptiorum nomine infamem, medicinæ peritiam præ se ferentem, ad quam undique accurrebat vesana plebecula. Hi ignorantiam confitentes (nam neque scribere, neque legere poterant) Pharmacopœis conscriptos & refertos omnigenis ineptissimis Pharmaciæ & Chirurgiæ receptis libellos offerebant, petentes, ut ex hoc remediorum cornucopio congruum aliquod huic illive morbo, vel lent eligere medicamentum, quod, vel simile quid, prout Pharmacopœo placebat, præparatum ægris offerebant, de commodo vel damno parum solliciti; quoniam maximam præmii, quod convenerant, partem, jam dudum receperant.

Quædam Medicastra, in vicinis hujus urbis pagis
R clara,

clara, cespitum geruli, ni fallor, uxor, quotidie olim medicamenta emptum ad nostrum accedat Pharmacopolium, quæ tamen ipsa barda penitus ignorabat, & tam longè aberat, ut miserorum morbos melius exploratos haberet, ut nostrum quotidie imploraret consilium. Interim rudis hæc Verula Rusticis erat in deliciis, & ab hoc Arcadico pecore, pro magni Æsculapii filia habebatur.

Vidimus ante quatuor circiter annos cujusdam Sycophantæ Theatrum resupinis hominibus opertum, eorumque levitatem cum oculatioribus semper risimus. Hunc tota civitas, quasi Deodatum, admirabatur, omnisque Cæcorum, Luscorum, Lipporumque cætus vilis Restauratorem salutabat, sed prohi dolor! præter vanam ostentationem, gesticulatâ superstitione, nominisque Dei Prophanatione mixtam, vix ullum oculorum morbo laborantibus levamen attulit, nullique amissum visum (ut in initio passim sparserat) instauravit. Tandem huic opificio valedixit, & in funambulum mutatus noster Ocularius, ultimis Amstelodamensibus nundinis spectantibus verè, ut in medicando fictè, miraculum fuit.

Sic in opprobrium Medicinæ & Medicorum audacissimi Agyrtæ fiunt deteriores licentiâ. Ex Germaniis & aliis Regionibus proscripti huc, quasi ad tutum asylum, allabuntur, & aliquandò in optimis Urbibus, quin etiam in celeberrimis Athenæis, indignantibus & averfantibus blateronum conspectum Musis, lares figunt, fictâ modestiâ & hypocrisi plebem & ruricolos decipientes, ingentem pecuniæ vim corradunt, seseque sanguine & sudore miserorum faginant.

Reverà, & non inani gloriolâ, de quodam asserunt, jam dudum, (uti dicunt) carrum ejus in siccum esse sub-

Martial.

LVIII.

Epigr. 73.

Hoplomachus nunc

es, fueras

Ophthalmicus ante;

Fecisti Me-

dicus, quod

facis Hippo-

machus.

subductum, & annuos illius reditus, reditum Ducis Legionarii multò superare, & non equidem miror; quia forsan hic Domi suis Opiatis, Euphorbiatis, Antimoniatis, Mercurialibus, Guttågambis & Cataputiis plures cives & rusticos è medio tollit, quam Dux legionarius armatus in præliis hostes. Quod exemplis lustrare, quoniam multis præstantissimis Medicis innotescit, supervacaneum foret: En tamen inter quædam mihi dudum in praxi obvia, novum, & quod jam nuperrimè, & dum hæc scribo, videl. XVIII. Kal. Febr. Anni 1699. in nostrâ viciniâ accidit: cuidam panni tonfori remedium sudorificum petenti, ille pulvisculum duabus vicibus assumendum, præbuit, qui à præscriptâ dosi haud sudans, alteram quoque devoravit: sed deplorando sanè eventu: expergilcens enim manè cum eo decumbens uxor, maritum penes se in lecto diem Iuum obiisse terribili stupore, fletu & dolore comperit.

Quamvis de Christo olim Pharisei: *Nunquid ex Principibus aliquis credidit in eum aut ex Phariseis?* Ioan. VII. vers. 49. Huic etiam Magnates, antiquitate & nobilitate familiæ & stemmatis illustrissimi, credunt, suamque valetudinem confidunt. A quodam Dynastâ nuper accersitus quadrigisque vectus hic *ἐξυμνῶς* rudisque Agyrta, in medicinæ probum tolerabat, ut à servitio Doctor salutaretur.

Est etiam mos Agyrtarum & studium, ut pauperibus quibusdam gratis dent sua medicamenta, pompali quadam ostentatione, & postquam per aliquot horas præforibus expectarunt, certâ conditione: ut scilicet magnis præconiis omnibus commendent & ad cœlos putida & vilissima illa medicamenta attollant. Vafra hæc escâ, & dulce canente fistulâ plumosiores allekti à ver-

N. Machia-
vel de
Alexandro
vi. Pont.
Max. testi-
monium:
Is nihil,
quam mor-
talium Im-
postorem
egit. ine-
pristimo
huic homi-
ni optime
quadrat.

suto aucupe strangulantur, castrantur vel ad minimum deplumantur.

Bellè vestitum illum juvenem (qui in præsentiarum, singulis diebus Saturni, pulverem dentifricium (quasi verò Venetum) atque Emplastrum ad Odontalgiam vendit) ultimis nundinis, suis adstantibus sic gloriantem audiui: *Omne scorbutum curat brevi meus Pulvis, omnesque dentium capitisque dolores infallibiliter meum Emplastrum; utriusque plures octingentis pyxidiculis hodiè vendidi.* Et revera in momento, me aspiciente, quidem viginti distrahebat. Attamen nullius momenti nugæ sunt: Pulvis enim præter vulgare nihil habet, nec potest. Cum Emplastro ego ipse, vel per familiarem Chirurgum in decem vel duodecim Odontalgicos vel Cephalicos periculum feci: sed semper irritò successu. Interim multo lautius securiusque jam vivit Agyrtam agendo, quam fallacem aleonem, cujus gregis fidus socius; (ut mihi nuper narravit quidam honestus civis Amstelodamensis, qui hominem intus & incute noscebat) quondam fuit. Qui ante paucos annos Hagæ-Comitis degebat, omnium ad se accedentium juvenularum denudata crura inspiciebat. Ut se præsentem urinam redderent, quotquot ex sequiori sexu ipsum adibant, volebat alius. Urinæ non solummodo, sed sanguini, sudori, alvinis fæcibus &c. imò laborantium pediculis, hodiè medelam adhibere volunt aliqui, sed quam fausto eventu, videant, qui decipi desiderent.

Auræ popularis fumo insolescentes, nondumque contenti, quod in Medicorum segetem eorum falx incidat, adhuc eos impunè insectantur & calumniantur, quod sæpe ab infamibus oberronibus cum indignatione audiui. Vidi quondam Rothomagi in Galliis Nebulo-

Agyrtæ
calumniantur
probos
& doctos
Medicos.

bulonem sui gregis antesignanum, qui voce stentoreâ, pollicitationibus & sesquipedalibus verbis nihil non poterat, evomens non sani hominis voces spurcissimas, quibus receptam Artem Medicam, eamque profitentes rejicere, pedibusque conterere nitebatur: sed quid sit? Medicorum musitationes, ægrorumque deceptorum quærelæ tandem ad Prætoris volant aures, qui hominem ad se accersit, & præsentem Senatu & quibusdam Medicis, de suâ arte interrogatur; sed, proh dolor! tam longè aberrat, ut bardus hic blatero humaniores litteras, vel minimam Medicinæ, tam Theoreticæ quam Practicæ, particulam calleret, ut vix prima Elementa Alphabethi, & tria ineptissima Pharmaca nosceret, quapropter indignatus Prætor, pigrum sed validum scurram nequam in carcerem conjicit, brevi ad triremes relegandum. Si in aliis Regionibus tam severè, (ut quidem jus & fas esset) de his latronibus cognosceretur; tantum meo iudicio, humano generi conciliaretur benefactum, quantum mundo attulerunt illi, qui in legitimum furibus stipendium constituerunt patibulum.

Non valde dissimile ex eodem grege pecus in meâ praxi offendi: curaturus hic Asthmaticam, ubi de amplâ curationis mercede transactum esset, ejusque dimidium, (quod ei moris est) ante abstulisset, virulentissimos pulvisculos ex guttâ gambæ & euphorbio ægræ præbuit, quorum ope cum ferè vitam & viscera per anum expulisset, mox eam refecit insigni cardiaco, scilicet stercore caballi, ex tenui cerevisiâ ad aliquot pintas cocto, addiderat in ferientis tussis levamen vetustissimum sambuci acetum. Ad hanc infirmam à consanguineis vocatus ego, Agyrtam de morbo & reme-

Valdè conspicuum
cujusdam
ignorantia
exemplum.

diis interrogo, tandemque ab arroganter primò renitente prædicta intelligo, præterea ut suam de morbo sententiam diceret, urgebam; noluit primum, tandem consensit & quidem his verbis: *Ego dico hanc fœminam passione hysterica laborare, utrumque in thorace illam spirandi difficultatem inducere.* Interrumpo; ubinam naturalis uteri situs? In pectore: Pulmonum? In abdomine: respondebat. Risi bipedis ruditatem hominumque leuitates, qui tales accersunt asinos. Interim idem ille à plebeculâ magnus ex matulâ Harolus æstimabatur.

Infinita plura hujus farinæ possem proferre, sed tædet in relatione harum nequitiarum & scelerum diutius tempus terere.

Quantum jam ad curatos per Agyrtas attinet, testor me inter illos, qui unquam illorum auxilium implorant, neminem vidisse, seu ab aliis audivisse, verè curatum; restitutus enim vel casu convaluit, vel operationi naturæ, nondum enervatæ, curatio adscribi debuit, nunquam verò validissimis & virulentis Agyrtarum remediis absque consilio & judicio, cum summo vitæ periculo, exhibitis.

Fortè fortunâ ex mille unum ægrotantem sanabunt.

Res igitur commiseratione dignissima est, quod à Magistratibus in nefarios hujusmodi grassatores, ob clades, quas ex suis carnificinis passim edunt, animadversio nulla instituatur. Quin etiam stupendum, nonnullos existere viros, alioquin honestos, non levi optimarum rerum eruditione præstantes, versatissimosque in publicarum rerum usu, qui, tum erga se, tum erga communem utilitatem, minus æquos se præbent circa rem Medicam, quod probis exercitatissimisque Medicis nonnullos Sufflones, Chymicastro, Empiricos & Theatricos Agyrtas, illiteratos homines, Thessalios

Agi-

Afinos subleſtæ fidei, rationis Methodique expertes, antepoſant; qui, quo in pollicendo ſunt procaciores, eo majorem virtutis opinionem apud credulos adipiſcuntur, facilèque reperiās, qui ne teruncium quidem planis hujusmodi & ſycophantis commodare annuat, ſuummet verò caput vitamque, omni fortunâ auroque nobiliorem, poſtmodum illis committat.

Appendicis inſtar huic Catalogo ſubjungi poſſent Chirurgi Operatores, Lithotomi, Herniarum Secatores, luxatorumque artuum Locatores legitimi, Vulnerarii, Barbitonſores, Balneatores, Mediciniſices, Seplaſtarii, Pigmentarii, Carniſices, Obſtetrices, Scariſicantesque Vetulæ, cæterique omnes, qui ſe Paralytica membra, vel luem Veneream, vel Epilepſiam, (ſic inſallibile ſe contra Epilepſiam remedium poſſidere, jactat quidam Piſtor hujus urbis, quo cum multos per ſe curatos, nuper cuidam meo cognato ex Gelriâ advenæ, gloriabatur. Ita alii ad alia) vel Podagram, brevi curaturos promittunt & gloriantur: tandem qui fœdatus ſcorbuto Gingivas purgant, Dentefque dealbant. Simplicium, Chymicalium, Herbarum, quorundamque Medicamentorum domi foriſque Venditores.

Sed quandoquidem horum aliqui admodum ſint neceſſarii, cæteraque vulpecularum turba ad Medicinæ vineam vaſtandam impar ſit, hæc aliquomodò tolerari poſſet, ſi unusquiſque tantum intrâ ſui muneris terminum maneret, & profanas manus non tam facilè, (ut vulgo ſit) in univerſæ Medicinæ ſacra injiceret.

Sed parva hic mihi facienda eſt digreſſio: ſcilicet, dum prelum hiſce chartulis ſuſcit, ecce novum prodit in Orbis Scenam miraculum! Lithotomus videlicet ille expertiſſimus & beneficus Frater, *Jacobus Beaulieux*,

Ere-

Hi omnes
agyrtæ
quidem no-
men odio
habent, ſed
emolumen-
tum depe-
riunt.

Eremita & peregrinus, Burgundus, qui Calculos & Hernias, felicissimo cum successu, passim GRATIS secat, & de quo asseritur, ipsum hanc dexteritatem, Dei nutu, seu immediatè revelatione quâdam, absquè ullâ præviâ disciplinâ, acquisivisse: quamvis à quibusdam interatur, illum dudum, in Nosocomio Charitatis Parisius, Lithotomiæ tyrocinium suscepisse: ita ut nuperimo bello, etiam in exercitu Gallico, Chirurgum castrensem egerit. Sed hoc nil ad rhombum facit, atque nunquam interituræ gloriæ hujus boni viri, ullatenus nocere potest, solummodò optandum foret, quod similes multi & officiosi, & liberales Samaritani, succurrendis Mortalium aliis atque aliis quoque ærumnis & miseriis, invenirentur, atque, ut verè tales esse possent, si, sicut Ille, cilicio tecti, pane & aquâ contenti, abstemii & cælibes, in omnium rerum affluentia egère & esurire nollent, saltem modico salariolo, & victu amictuque contenti, miseris opem ferrent; nec quod suo luxu & prodigalitate decoxissent, ex afflictorum facultatibus peterent supplendum. Sed è diverticulo in viam.

De solitâ
Pharmacop.
Chirurg. &
obstetri-
cum in Mc-
dicos im-
morigera-
tione.

Priusquam tamen hancce telam succindam, de his, & affinibus adhuc paucula, instar oræ vel fimbriæ, præcedentibus attexam, & licet hæc propriè non sint res agyrtarum, nec hi absolutam cum eorum negotiis habeant Analogiam, tamen, quia mihi modò quadantenus de iis erat sermo, nec libeat de hisce novum cudere Caput, & interea inter Mundi jamjam collapsuri morbos, etiam, hoc ulcus S. Medicinam defœdet, necesse est, ut quoque hujus hic fiat mentio; Saltem eam ob causam, ut Tyrones tempestivè arma parent, id est optimæ Doctrinæ Medicæ ea fundamenta jacciant, quibus in posterum turbinibus Nasutularum scio-

sciorumque Gurdorum, neutiquam circumagi possint, sed contra hos perpetuos Contradictores & Sugillatrices maneant immobiles. Solitam igitur, & ferè popularem Chirurgorum, Pharmacopœorum & Obstetricum in Medicos immorigerationem, vilipensionem & repugnantiam, quasi tabulâ depictâ, demonstrabo. Hæc equidem subindè adeò sunt intolerabilia, ut jure meritò inter præcipua praxeos medicæ tædia, recenseri mereantur.

Femellæ enim vulgò Obstetricum oracula de rebus consulunt, eorumque imperata promptè faciunt, nec solam puerperis Medicinam faciunt pergræcantes ac obfuslæ hæ Medicastræ, sed & ad cæteros sexûs morbos: videlicet ad suppressa, nimis pauca vel nimia catamenia & lœchia, sterilitatem, passionem hystericam &c. remedia præbent, imò turgentibus ex furtivâ Venerè Asciticis, tutius quam Medici aquas pellere, pristinumque honorem sanitatemque, restituere norunt. Quibus omnibus profectò multa & plus Medicis lucentur, ita ut his superbientes, interdum satis arroganter Medicis obgannire audeant hæ Audaculæ & Bibaculæ: quæ sanè tœdiosissima res est, nec semel à probis & generosis, sed minimè istis assentatoribus Medicis, repudiata praxeos Medicæ causa fuit.

Nec minus faciunt Pharmacopæi, Chirurgi, ipsique Barbitonfores, (quod hominum genus hodiè in penetralia Sacræ Medicinæ, illotis manibus, irrepit, nec ventoso Chirurgiæ seu Pharmaciæ titulo contentum, morbos internos curare & pharmaca propinare, pluribus Thraasonicè audet) ac si tot flagella Medicorum forent, ex quorum nominis famæque ruinâ lucrum captare student, vulgò se suaque extollunt, Populo ablandiuntur, & Medicos dente Theonino rodunt. In

specie, ob tot, quas in vitâ præparavit Medicorum formulas (vulgo Receptas) se praxis Medicæ peritissimum putat Myropola. Majora jactat Arrogantulus Chirurgus, suisque Discipulis ac famulis (ut tralatitium est & me quondam à quibusdam audivisse memini) commendat, ne unquam, nec in minimis transeant in Medici à suâ dissentientem sententiam, sed ipsis potius semper obloquantur. Ipse misellus Barbirafor infra suam dignitatem, se agere putaret, si Medicum, ut decet, veneraretur. Sed de his satis. Videamus jam quibus privilegiis, jure & auctoritatibus isti Medicorum vexatores agant, & an bonâ vel malâ fide? Unicum, summum & præcipuum eorum Regale, est Livor cum pedissequo Vituperio, ex quibus fontibus scaturiunt Obtrectationes & Calumniæ in Medicorum imperitiam ac ignorantiam, quas jugiter crepare, ipsis in omnibus est universale Symbolum: è Converlo, se ipsos extollunt, suamque propriam experientiam assidue jactant, & artis, quam suam vocant, experimento nituntur, opinantes, Medicos, propter tantam in Medicinâ rerum copiam, vix de omnibus aliquid, & consequenter de toto nihil, sibi comparasse. Ast illi, tanquam ab singulorum membrorum apud antiquos Medicis superstites, in rem unam, videlicet Chirurgiam, Obstetricium &c. utpote Medicinæ partibus, strenuè incumbentes, unusquisque in munere suo Medicos longè præcellat. Sed miserè hallucinantur nostri Garruli & Loquaculæ, suisque plumbeis argumentis in proprium peccant caput: Et quidem, quod ad primum, nempe Medicorum in praxi ignorantiam attinet, fateor subindè quorundam imperitorum juniorumque cruda studia in ægros, imò in ipsa nosocomia propelli, subindè à quibusdam, ut sapientiam ostendant, Sophisticas

sticas argutias inaniaque verba apud ægrotantes, præsentibus Chirurgis Obstetricibusque, proferri; tandem etiam à Chirurgis eorum eruditionem, qui vix hiscere sine vapulante Prisciano tria verba Latini Sermonis, nec crocum ex calendulâ norunt, suboleri; etiam si hæc impedire nequeant, quo minus cuivis docto & experto Medico, (bardos vel nasutulos non curo) debitus honos & reverentia à quocunque grato & prudenti deferatur. Sed graviter molestèque fero, quod etiam illi omnibus numeris absoluti, spartamque, quam nacti sunt, ornantes, & propterea omni honore dignissimi Medici, à tam rudibus & indoctis, non satis digni, ut istis calceorum corrigia solvant, adhuc ignorantia insimulentur, quin etiam, quod hoc pecus (bonos & probos hic ac ubique excipio) mendaci ore & durâ ferreâque fronte, interdum apud ægrotos, plus optimo quovis Medico polleat, eos quoque culpando: in Pulsu explorando, Vomitorio, Purgante, Hypnotico vel Sudorifico præscribendo, (quod & illi possunt) totum hodiernum studium Medicum, versari. Accedit, quod, uti tempore pacis arma, sic tam longis morborum induciis, Medici aspernentur; interim illi illæque, ne salem lingant, in radendis semper barbis, ac subveniendis quotidie parturientibus, quasi manuum mercede, facilius quam tenuioris fortunæ Medici miselli que Myropolæ, inopiam tolerare queant. Hinc Arrogantuli sese Chirones ac Podalyrios æstimant, ægrotantes invisunt, iisque visitationes, ad instar Medicorum, computant, licet cum quodam ejusdem Gregis mihi quondam noto, circa plurima (propter crassam suam ignorantiam) ipsis ignotissima, Deum, ut bonam prensationem faciant, precantur, nec vix de morbis, eorumque differentiis per somnium cogitarunt, sed ex uno vel altero vernaculè

scripto libello, forsan unum alterumve remedium de-
depromserunt. Atque sic quoque, me secundum, de-
decantatissima illorum experientiâ, argumentum, ex-
plosisse existimo. Tandem in genere notandum est,
majus impendere ægotantibus periculum, ab omnibus
Medicinam profitentibus, qui eâ leviter sunt imbuti,
quam ab iis, qui nihil omninò norunt.

Nam ut ab unâ parte maximi in Medicinâ momenti
est, non tantum similia à dissimilibus fecernere, atque
morborum genium & causas &c. exploratas penitus-
que cognitâs habere; Sed & perspectâ morbi ideâ &
vero schemate, remedia cuique affectui debita, pru-
denter assignare, ut quibus incognitis, aut non per-
pensis nec rectè cognosci morbus, nec curari ullo pa-
cto potest; Sic ab alterâ, obiter tantum observanti-
bus, luce meridianâ clarius liquet, quantum distent
hæc *era Lupinis*, quantamque jacturam Humanum
Genus ab his (solum & nonnunquam satis læviusculè in
suo opificio tinctis, cæterarumque omnium Medicinæ
partium, imò terminorum, verborumque ignaris, &
tamen neglectis morborum nominibus, causis, signis,
differentiis & veris remediis temerè ad eorum curationem
ruentibus) Pharmacopæis, Chirurgiis & Obstetricibus
për tot sæcula fuerit passum, atque adhuc in præsens
patiatur: ita ut, procul omni dubio, ab quocunque rei
Medicæ prorsus ignaro, & consequenter nihil faciente,
ægris minus, quam ab illis Bardis, & nihilominus Ar-
rogantulis Medicastris impendeat periculi. Hi sunt
laborum fructus eorum Heroum, qui Tractatus Me-
dicos linguâ vulgari, quasi ad nunerum & pondus,
conscribunt, atque sic Medicinam à vulgò vituperan-
dam reddunt. O! quam bonum esset Medicinæ re-
bus, si duodenarii illi Scriptores utilioribus tempus
fal-

fallerent, & nostri Pharmacopæi, Chirurgi & Obstetrices Medicis magis essent morigeri, nec tam temere, & audacter Medicis rebus sese immiscerent, sed debitum illis honorem deferendo, non detrectando, suâ sorte, & munere contenti viverent.

C A P U T. IX.

De vulgò dictis Medicorum opprobriis, & de iis, qui morborum hoc nomine Infamium, Curationes indiscriminatim promittunt.

Cum gloriosos hos de Medicis Triumphatores attentè intueor, nil nisi Portenta, Monstra ac Miracula sese mihi dant spectanda. Crudeles hic in humanum genus grassantes dominantisque Tyranni; illic tot Hercules horum Tyrannorum Domitores. Video Saturninos ac Malignos. Video instructam aciem eorum, qui Herculeâ clavâ ac labore hos rursus profligare sagunt. Carnivora pestis, horrida Tabes, torva Mania, foedissima Elephantasis, prosterbens Epilepsia, Calculus carnifex cum suo Equuleo Podagrigo. Turpis ac infamis venerea Lues, murmurans deliransque Melancholia, Suffocans Hydrops, Malorum *Συρραμὴ* Scorbustus, Quartana quadriduo assultu metuenda, cæterique Hæreditarii & Mortalium Archi-Hostes ad arma provocant & cladem inferre conantur. Eos atrocibus minis vanisque gloriationibus abigere machinantur Thra-
Blaterosum gloriationes,

Vid. Epitaphium Paracelsi: *Conditur hic P. T. Paracelsus, qui dira illa vulnera, Lepram, Podagram, Hydropisim, atiaque insanabilia corporis contagia mirifica arte sustulit &c.* Sed vana sine viribus ira & Ματῶν ὁ Σίουφῶ πέρρον αἰλῆς: nec curant inanes hos strepitus tam jurati Protoplastorum Hostes, vulnerrantes trucidantesque, quos volunt, ita ut reluctantibus quamvis Blateronum pollicitationibus ac Scriptis, jam nullus, magis ac ante mille annos, ab his trucibus Tortoribus servetur, tritumque displodatur: *Tollere nodosam nescit Medicina Podagram.* Hisce qui fidem derogat, mecum propius accedat, accuratè tam inpugnatos, quam eorum propugnatores ac defensores perlustret observetque sedulò, quid arma armigerosque despicienti monstrorum agmini, quidque arrogantibus eorum (si Dis placeat) domitoribus eveniat. Quam parum ah! omni tempore ad Νέοῦ Θεῶ seu morbum Dei, truculentissimam Pestem, Arma Medica potuerint, non quam nimis, ex historiis patet. Tunc enim ultrò citròque querimonias, de V. Sum. Clysterum, & Laxantium vanitate, Dulcoratorum majoribus è novâ quasi fermentatione turbis, Acidorum nullitate, Purgantium, Vomitivorumque damnis, Stypticorum frustrationibus aut subsequis, si fluxum fortè sufflaminent, anxietabus, Diaphoreticorum, Diureticorum, Cardiacorum &c. in sufficientiâ, Topicorum ineptiis &c. jactantes, passim audiuntur. Ex mille Phthysicis, Tabidis, Hecticis vel Atrophiciâ laborantibus, vix unus, & quidem maximo molimine, integroque prætereà accedente Armamentario Medico, servatur. Maniaci & furiosi magis severâ disciplina, vi, vinculis & in publicis privatifque phylacis, præsertim Delphensibus, quam ullis

Morbi Obstinatissimi
nec acan-
tea incur-
biles.

medicamentis coërcentur. Veræ squamis asperæ, terribilis Arabum, Judæorum, Græcorum, hodiernorumque Chinenſium Lepræ ſeu Elephantiaſis ſanatio, jam ac olim, abſque miraculis deſperata eſt; & *Οὐ μόνον τῇ ἑαυτῶν ἀκρίβει.*

De vagabundis tamen, Crotalo alboque faſcio Eleëmofynas petentibus, incurabilibus quaſi, ſed potius piggerrimis Erronibus, mihi longè alia mens eſt: Harlemenſiumque Magiſtrorum in hiſce ritus ac facilitatem, in ejuſmodi nebulonibus ad mendicitatis gradum, cum prædictis inſignis, ac ſolemni Bullâ, promovendis, ſalvo Doctiorum judicio, nequaquam probare poſſum: Nec cur illi hoc faciant, capio; niſi quod forſan ſquammoſum & furfuraceum ex tineis & porriginibus illorum caput coöperientem pileum, quaſi ex naturâ Doctorem judicent. Hæreditariam vel inveteratam Epilepſiam incurabilem eſſe, & cum ægrotante ut plurimum vivere & commori, apprimè norunt, qui in imaginariâ ejus curatione oleum ac operam perdiderunt. Renum & veſicæ vitia difficulter medicam manum admittunt, quod & Hippocratis oraculo ſancitum. Ut plurimum lethalis, ſemper medicamentis incurabilis eſt, abſolutus ac confirmatus veſicæ calculus. Ejuſdem farinae eſt vulgò luxuriæ ac otii ſoboles Arthritis, ſaltem ſi hæreditaria, inveterata nimis, Tophacea & nodosa ſit. De qua ita Clar. Sydenham: *Et fidenter afferro, multâ & longâ obſervatione ſuffultus, maximam partem eorum, qui Podagrâ periſſe putantur, non tam ipſo morbo, quam ſubleſtâ atque indebitâ medicatione fuiſſe peremptos.* Solâ abſtinentiâ tamen aliâ quatenus curatos, intemperantiâ recidivam paſſos, novi.

Delichenofis, ſe ſalſe Leprofis profitentibus.

Hipp. Sect. vi. Aphor. 6.

Licet peremptoriæ contra Luem Veneream sententiæ ac decreta , ut & perpetui belli denuntiationes , imò ejus. exequiarum schedulæ passim ad compita , fora , templa &c. affigantur , iisque quotidie excusa & vulgata nova nuntia (*novella*) vulg. *couranten* prægraventur: non desinit tamen propterea vectigalium Veneris conductor , à scortis scortatoribusque more solito antiqua & sueta exigere Regalia censusque. Hypochondriacos novi , qui à S. A. præparatis , ad amissim morbo adaptatis & assumptis Medicamentorum plaustris , adhuc præscribentibus opinionum Heroibus , ne hilum quidem profecerunt: sed semper incurabiles manserunt: nec curatu faciliores mihi videntur illi Melancholici , qui nodos in levi scirpo quæritantes , culpam imaginantur , ubi nulla est , & Divinæ misericordiæ diffidentes , se orco destinatos , lamentatione sedulâ nocte diuque deplorant. Quis nescit , quantæ difficultates , contrarias sibi invicem indicationes curativas requirentem Hydropem , medicaturo , occurrant? Scorbutus est inter morbos longos , refractarios & curatu perdifficiles , & sub omnium morborum larvâ corpora nostra aggredi solet , quorum Catastrophe ut plurimum patientibus funesta , & Medentibus probrosa est.

Morbi , qui à parentibus in natos hæreditario quodam jure propagantur , diffi- culter admodum , imò vix unquam admittunt Medicam manum.

Unica Quartanariorum olim desperata fatis res & spes , post corticum. Peruv. K. Kinæ inventum , aliquo modo aucta est: Sed morborum Hæreditariorum , perindè ac quondam , manet exspes. Accedit , quod multi morbi sint incurabiles , quia laborantes extra paroxysmum sani , non tot Medicamentis uti volunt , præsertim , si non statim juvent ; itaque non per se , sed per accidens sunt incurabiles. Enimverò si curatio ex voto non succedat , Medico tribuunt non subjecto & conditioni morbi , & tunc Medico valedicunt , & ali-

aliquandò agyrtae consulunt. Ad hos igitur omnia promittentes, sed pauca præstantes. Æsculapios, jam redit ordo, qui, quod difficillimum omnibus Medicis hætenus visum fuerat, facillimum prædicant, & methodum quandam programmatis suis se habere profitentur, qua, intrà paucas hebdomadas vel dies, quovis inveteratos & pertinacissimos morbos, radicitus extirpare se posse profitentur. Sed, an eventus respondeat promissis, judicent, quorum maximè interest, ipsi ægrotantes, & tametsi se in genere ac promiscuè omnes morbos curare glorientur: in specie tamen in suis schedis commendatitiis omnium maximè de Lue Venereâ, Epilepsiâ, Melancholiâ, Nephritide, Hydrope, Arthritide, Scorbuto &c. blaterant.

Quam facilem Epilepsiæ curationem Pistorille, & quos novi, alii, polliceantur, jam in præcedentibus dixi: effectus tamen famæ non correspondet. Quam temerè illi faciant, qui Melancholicos dulci canente fistulâ allicientibus Invitatoribus tam facilè sese committunt; ipsi videant. Infinita ad Nephritim & calculum remedia suâ frequentiâ quævis alia, ex novis & quotidianis nuntiis, propulsant, & ea legentibus ab importunis Commendatoribus, quasi invitè, obtruduntur: Sed an idcirco ejus valoris & pretii sint ut illi prædicant, nec plura polliceantur quam præstare possint, ea expertis Robertis dijudicandum lubens trado; unâ tamen omnes præmonendo, ut sollicitè ab acribus Medicamentis, (ut eorum maxima pars est) partes, per quas transeunt, violenter afficientibus, & exulcerantibus, vel ab iis, ex quibus ipse calculus concrevit & in quæ denuò resolvitur, ut ab acidis, terrestribus, tartareis, salibus volatilibus, salino-acidis, austeris, glutinosis, sale urinæ vel ipsius calculi, (Helmot. Duelech) utpotè

Temerario
ausu faci-
lem gravis-
simorum
morborum
curationem
promit-
tunt.

ex quibus, quotquot Lithontripticorum nomine superbiunt, ferè componuntur, sibi caveant: Cætera autem insipida & inefficacia, & neque bonum neque malum generantia, aggravantia vel levantia Remedia, non quidem metuenda, sed etiam flocci pendenda sunt. Nocet, meo judicio, calculosis, omnis potus fermentabilis: nec præstantius ad calculum ipsique diathesi ad eum novi remedium, quam quivis dilutissimus, vel aquæ puræ, tam calidæ quam frigidæ, potus. Arthritidem vulgò podagram inter alios, ut alter Apelles, tam vivis & veris suis coloribus depinxit, immedicabilitatis (sit verbo venia) stigmatè notavit, ejus crudeli carnificinâ à multis annis ipse emaceratus, atque ad interitum compulsus, Clarissimus Sydenhamius, ut concipere nequeam, quo pacto Circulatores perquam temerario aulæ ejus curationem, etiam in Senibus, tam faciliè suscipere, ac Ægrotantibus promittere audeant; nisi quod mox, post initum de curatione pactum, tantum anticipatæ & paratæ pecuniæ consequi sperent, quantum Doctus atque artis peritissimus Medicus, cum post mille labores edacesque animi curas ac sollicitudines, licet fausto insuper Apolline, ad Medicinæ finem, sanitatem, ægrotantem perduxerit, nequaquam habiturus esset. Jure meritò igitur hos Sycophantas sequentibus indignatur prædictus Clar.

Sydenh. de
podagr.
pag. m. 62.

Autor. En vobis omnia, quæ hætenus mihi comperta sunt in hujus morbi, scil. Podagræ, curatione. Si quis objiciat multa esse remedia specifica ad Podagram; Ego me ea nescire lubens fateor & vereor ne promissores isti perindè sint ignari ac sum Ego. Et sanè dolendum est, Medicinam (Artem nobilissimam) hujusmodi nugis, quæ, sive ab inscitia, sive à pravitate Scriptorum, credulis objiciuntur, usque aded-

deturpari; cum in omni ferè morborum genere hujusmodi aliquid à Nugivendulis tanquam Θεῶν Χάρης decantetur pleno ore &c. Verba cedro digna! Quibus ego meam ad Bibaculos maleferiatosque nepotes, si dictis solum audientes habeam, attexo exhortatiunculam: Videlicet, ne his vanis nimium confisi pollicitationibus, liberius bibendo quotidie vini stent pactis, donec minaci ferulæ Bacchi sit porrigenda manus: semper enim ebrietatem pœna comes sequitur; Nam sanè plus aloës, quam mellis habet, cum gravissima mala: ut narium Hæmorrhagiam, Tremores, Anorexiam, Cachexiam, Icterus, Podagram, Hydropem, quasi tot luctuosi, accelerati ac jam instantis lethi prodromos procreat: Nam οἷον ἀπεργατὸν τοιαύτη ἡλαστότη.

Sed è diverticulo in viam; profectò recentem Podagram ex artis lege curaturo, ipso Æsculapio, & Herculeo opus est labore & industriâ: Ad inveteratam & quasi in habitum degeneratam verò medicandam, operam luderet, nec hilum proficeret ipse herbarum potens Apollo. Inter morborum Iliada corpora nostra immentâ phalangè undique obvallantia, non minimus est, à trino satellitio, Dyspnæâ, Urinæ paucitate & Siti intensâ stipatâ, generalis Hydrops, Anasarca vel Ascites, (particularis non tam formidabilis) sive situm theatri, in quo sævissimas exhibet tragœdias, spectes, seu propter contra indicantia: Aquarum videlicet Evacuationem, Sanguinisque Instaurationem, vel, auditis libentius? (mihi enim perindè, cum res in idem redundet) læsorum lymphaticorum consolidati nem: evertet enim evacuans Catharticum, quicquid Corroborans, consolidansque substruxerit. Hydropicos tamen, licet semicoctos, & jamjam, quasi cataclysmo, submergendos, in pristinam sanitatem levi negotio restituere, as-

severant Impostores , quibus tamdiu credunt ægroti , donec iis suas facultates , & Libitinæ vitam sacrificaverint. Proteum Scorbutum tam universalem profitentur Bardī , ut omnibus morbis hunc semper adesse putent , & cum morbum aliquem ignorent , immeritò Scorbutum , (quem etiam tantum nomine tenus norunt) acculant. Tandem postrema acies morbi Gallici Exterminatorum , quasi ingens agmen , jam suâ decreta executurum , appropinquat. Præcedunt Antesignani , sequitur promiscua multitudo , efflagitant levamen oppressi , nummosque in antecessum , ut largius Liberatores suos remunerare possint , corradunt : Sed eheu ! diris & foedis Symptomatibus infames hostes collato pede præliantur , nec ad latum unguem cedere , nec clamitanti Imperatori : Dedite vos mihi ! obtemperare , neque ullas inducias , nisi antiquis conditionibus , concedere volunt.

Luis Venereæ facilitatem & tutissimam curationem , alius præ alio gloriantur.

Sed ad rem. Quis tantus in Medicinâ hospes , quem lateat , quot præter vagabundorum Iliada , Venereæ Luis Curatores , sub Veteris , Novi , Aurei , Argentei , Nigri , Albi , &c. Angeli , titulis ac Insigniis , hic indè lares fixerint & simul ignoret , quomodo Nuperimus quis , quasi alter (vetus Stemma , Nobilitatem , Aureum Pharmacopolium , peristromatibus ornata Cubicula & Lecticas jactans , & Epigraphis suis commendatoriis : *cum summæ Hollandiæ Curiae cognitione* , præfigens ;) sui Balnei , instar Panaceæ , Commendator , etiam per suos de Morbo Gallico linguâ vulgari quidem conscriptos , sed speciosis Epithetis ornatos Libellos , quotidianos rerum novarum Catalogos , (*novellas* ,) (ut ferè omnes hodiè sui immodici faciant Commendatores) auxerit ; Libellorum fronti nomen familiæ quondam literis claræ , jam verò foedissimo

Vulgò de Couranten.

mor-

morbo curando inclarescere studentis, affigendo. Por-
 rò de suis peregrinationibus, de Italiâ, Româ, Regi-
 nâ Christina, ejusque Laboratorio, Borri &c. multa
 fabulatur, acsi Agyrtæ Itali faciliiori & sæliciori, quam
 Nostrates, methodo, diram hanc Luem curare possent.
 Præterea, Alcmariensem Cornelium secutus, Novato-
 rem agit, & quosvis à se dissentientes adoritur, hic
 Philos. & Med. Dr., admodum catè & cautè tamen,
 sua (si Dis placet) secreta medicamenta fictorum à se
 nominum fasciis involvens & condens, casus ferè nimis
 particulares, ac familias infamare valentes; si alias ve-
 ra sint, addens, ægrotantes dulci canente fistulâ ad
 ædes suas, ut verissimi Samaritani, invitat; perindè ac si
 nemo alius, sed ille solus, huic Neapolitanæ Scabiei re-
 ctè mederi posset, & cætera omnia ad hunc morbum
 remedia, huc usque incassum fuissent applicata. Quanta
 arrogancia! Sed *Οὐχ ἅπαν τὸ ἀμαρῦσον Χρυσὸς ἐστὶ*. Præ-
 terquam quod hujus Autoris tam magnificè de se sen-
 tientis opinio, à rerum Magistrâ Experimentiâ quotidie
 refellatur: Quoniam viâ tritâ & hætenus fuerâ, mise-
 rorum myriada curata fuerint, & adhuc quotidie ab
 aliis & me feliciter curentur: Quibus superaddo, ex
 mille aliis tantum hoc unum, sed instar omnium, præ-
 stantissimi Expertissimique Laz. Riverii Testimonium:

*Lues Venerea à me curata est in pluribus Decocto ex
 sudorificis & purgantibus per viginti dies usurpato.
 Si hæc non sufficerent, ad frictiones ex Unguento Mer-
 curiali veniebam. Multi in mediâ hyeme hoc solo
 Decocto curati sunt, quibus diata sudorifica admini-
 strari non poterat propter aëris inclementiam. Vide-
 tis Lectores hunc indubitata fidei & auctoritatis Me-
 dicum, suo tempore etiam plurimos, & quidem despi-
 catissimo ab nostro Novatore Remedio, scil. per Mer-*

De quodam
 immodico
 sui ad cu-
 randum
 morbum
 Gallicum
 Commen-
 datore.

River. Ob-
 servat. Med.
 Obs. 73.

curium ptyalismo, curasse, nec igitur illum solum, unicam & veram habere, rectè hanc labem curandi, methodum: Sed potius hunc figulo invidentem figulum, propter dulce lucrum, & ut ædes suas, locumque, in quo degat, omnibus redderet commendabilem, tam magnificè de se & contemptim de aliis loqui.

Colophonis loco addam, quod etsi gravissimi illi morbi, qui vulgò Medicorum Opprobria, & ob magnitudinem Sacri audiunt, aliquandò ægrorum patientiâ, obedientiâ, in victu sedulâ diligentîâ, Medicorum peritiâ & selectis Medicamentis (inter quæ Decocta vel Apozemata ex lignis radicibusque lignescentibus &c. Clariss. quondam CRAANEN magnifacio) præter opinionem tollantur: ab optimis quibuscvis remediis destitutis ægrumque sibi relinquentibus, nec ullam victus rationem observantibus tamen Agyrtis, nequaquam curabuntur: nec ullum ante hac rectè curatum, vel unquam curatum iri, facillè crediderim, sed constanter nego. Hinc patet quam temerè faciant, qui plura, quam præstare possint, præsertim ejusmodi morborum facilem curationem polliceantur, & quam dignas suæ levitatis luant pœnas, qui ejusmodi Sycophantis & fumi-vendulis fidem habeant & sese concredant.

Decocta in
spirituoso
aliquo
menstruo
ex lignis ra-
dicibusque
lignescen-
tibus laudo.

Verus artis
Medicæ de-
fectus.

Tandem præter vulgares morborum Catalogos, ingentemque Remediorum Oceanum, tot tantique adhuc Morbi novi, vel saltem incogniti, complicati, mixti &c. cum suis causis, & absoluta, Radicalis & usque quaque perfecta Therapeia, tam ad acutos quam Chronicos & Hæreditarios morbos, & qua hic etiam à Diathesi ad singularem hunc, alius ad alium morbum liberaretur, in Democriti puteo latent, atque in naturæ

finu

finu reconduntur, quandò, aut à quibus in lucem extrahendi nescii : ita ut quisque doctus & probus Medicus, in hisce candidè suam ignorantiam profiteri nunquam detrectabit, licet multi Sycophantæ arbitrentur, artem Medicam in hoc præsertim deficere, quod remediis magnis atque efficacibus indigeat: nequaquam, cum attendenti satis liqueat, præcipuum Medicinæ faciendæ defectum non in eo verti, quod nesciamus quo pacto huic illive intentioni satisfacere debeamus, sed quod non satis sciamus, quænam sit illa intentio, cui satisfaciendum sit, cum rudissimus quisque facilè, quonam medicamento vomitus, purgatio, sudores &c. provocari poterint, novit: Sed probè exercitatus sit oportet, qui dicere queat, ubi hoc illudve remedium in usum revocari debeat: in hoc uno enim totius rei cardo vertitur, atque ex amissim idem illud est, circa quod Pompatici nostri Conjectores plurimum hallucinantur.

CAPUT. X.

Auxiliorum Materia, dispunctis vanis & inutilibus, evoluitur cum exhortatione ad Medicinæ Tyrones, ut præ omnibus utrique Pharmacie, tam Galenicæ quam Chymicæ strenuè incumbant ad acquirendam sua propria Medicamenta postea componendi, suisque ægris propinandi, dexteritatem.

Ars medicamentaria est primæva Medicinæ curatrici filia, hæc cornucopio Vegetabilium, Animalium Mineraliumque instructa ubivis prodit, & peritè prudenterque adhibita (quæ res ingentem requirit doctrinam, circumspeditionem, apparatus industrium, & in usu experientiam non vulgarem) artis filios Deo assimilât in subveniendis Mortalium ærumnis: Quapropter potentissimi olim Reges & Principes medicamentosas plantas suis propriis nominibus honestarunt, sic Mercurialis & Moly à Mercurio; Panaces ab Hercule; Nymphæa à Nymphis, Centauria à Chirone Centauro; Achillæa ab Achille, sua nomina mutuata sunt. Illyriæ Rex Gentius, Gentianam baptizavit. Lysimachia ab ejusdem appellationis Rege Macedoniæ suum nomen obtinuit. Attali Regis Pergami; Jubæ Regis Mauritanix, Artemisix Reginx Cariæ; Mithridatis Regis Ponti, lustrica cognatione, quædam superbiunt. Verum graviter molesteque fero, tam utilem artem indignè ac perperam à multis exerceri, qui nequidem priora illius Elementa norunt, aut illis noscendis

ope-

operam navarunt: Nec assentior fumivendulis illis Chemicis, qui inter magnifica auri potulenti præconia hoc quoque habent, quod vires integras conservet, instaurer, roboret, solidum cibum præbeat & æternam quasi compagem adversus omnes injurias donet. Nam hæ nugæ sunt illorum Thrasonum, quorum culpa universa Medicina despiciatui est. Sed quid opus est in mustaceo leaureolam quærere? Imminusus est materiæ Medicæ thesaurus & infinitus remediorum numerus, in quibus quicumquæ optimè fuerit versatus, magnam partem Medicinæ maximèque necessariam adeptus est: Nullus enim in arte medicâ præcellere potest, qui pharmaciam ignoret, nedum partem illius theoreticam, sed practicam etiam, & medicamenta re ipsa componendi artem. His sanè solis morbi propelluntur. Qui hæc optimè noverit, aggredi potest curationes, etiamsi reliquarum Medicinæ partium quodammodò rudis fuerit; quotidie enim videmus multos plebejos & animalulas remedia ægrotantibus exhibere, cum vires quorundam Medicamentorum didicerint & sæpè multo faustiori Apolline illis, qui profundiore, sed absque experienciâ, tenent scientiam; in quibus luculentè probatur hoc Aristotelicum I. Metaph. cap. I.: *Videmus expertos magis id, quod intendunt, consequi, quam illos, qui rationem absque experienciâ tenent.* Hæc remediorum cognitio soli propriæque experientix (quæ est ejus, quod sæpe eodemque modo fieri visum est, memoria & observatio) debetur: Quis enim artificii peritissimo non plus tribuet quam otioso speculatori? Multum etiam refert, sive is, qui utitur, sæpè expertus fuerit, sive acceperit ab iis, qui experti sunt. Cæterum remediorum notitia apud imperitos, est, veluti ensis in manu furiosi: Nam temerarius eorum usus

Prærogativa in utraque Pharmaciam peritorum.

Quibus
mediis
pharmacæ
peritia ac-
quiratur.

multos interimit, casu autem sanat; idcirco cæteris palmam præripit, qui cum ratione conjunxit experientiam, hæc in remediorum probâ notitiâ consistit: ratio in usu eorum oportuno. Dolenda igitur multorum in re tam necessaria imperitia & ignorantia; Nam uti quisvis artifex sine debitis instrumentis, sic nec Medicus absque congruis Remediis aliquid operari potest. Oportet ergo Ipsum divitem Medicinæ penum perscrutari, vegetabilia sæpe propriis manibus tractare, animalia eorumque partes ac mineralia jugiter examinare, nihilque intactum relinquere, donec ex innumerabili hac materiâ optima quævis & utilissima, brevi usu ventura, sibi vindicaverit, (Medicamentorum enim electio temporis progressu, eorumque frequenti tum aspectu, tum contrectatione, perdiscitur. Medicus quippe in illis eligendis, præparandis & miscendis, non modo interesse, sed maxime eorum dosin, morbo, temperamento, parti affectæ, ægrotantis ætati &c. convenientem præscribere debet, ne ulla fraus errorve subrepat) neque ab his laboribus cesset Philiatæ, antequam singulorum Anatomem, Præparationem, Resolutionem & Compositionem, secundum utriusque Pharmacæ leges, probè calluerit. Hic mihi in mentem venit (quod nuper audiui) cujusdam his studiis vacui, vel saltem levissimè tincti, facietum satis exemplum, qui, ut videretur aliquid facere in præcipiti vel ipsi ignoto casu, semper præscribebat Syrupum aliquem, V. Gr. papav. Erratici vel similem, aquæ stillatitiæ simplici cuius permixtum ut si nil indè commodi sentiret patiens, etiam nil damni indè pateretur. Probè hic didicerat, sed nimis generalem fecerat Clariss. Sylvii auream regulam: *ut in casibus dubiis ac incertis medicamenta in usu revocentur,*

Luculentum Impe-
riti exem-
plum.

quæ

quæ tantum prodesse, nullatenus nocere possint ægris, conjectatis sive laborent, sive non laborent affectibus.

Interim (quod maximè dolendum) tam cruda studia in ægros propelluntur, quanquam certè hic multò cautius ageret illis, qui neglecta auxiliorum materiæ à pueris institutione, inconcinnis, nauseosis, periculosisque suis remediorum formulis pharmacopœorum famulis, ipsisque barbitonforibus risum moveant, & nisi ab illis castigentur, ægros in maxima pericula conjiciant.

Quid etiam honoris Medici magis indignum, quam quod nesciat, cujus consistentiæ, coloris, odoris saporisque illius futurum sit præscriptum Medicamentum? Poteritne ex illis ingredientibus expetita formula componi? Et quod magis urget, si quoque doses viresque illius imperitiam arguant. Quorum omnium sat multa proflare exempla, utinam essent ultima hodièque non viderentur! Apud omnes Pharmacopolas in confesso est, & integræ uncix & dragmæ, pro granis & guttis Narcoticorum, Catharticorum, Vomitivorum, imò Causticorum, immenso cum languidorum periculo, subindè temerè præscriptæ, hæc clarissimè testantur. Absurdarum cupidò, sed forsan meis dictis fidem deroganti, paucula quædam, sed verissima exempla adducam, parciturus tamen Autorum tam viventium quam mortuorum nomini & famæ. En sequens Enema, videte Condita, Mixturas, Bolos, Pilulas, Tabellas &c. & cognoscite.

℞. Rad. Apy. Petroselin. Brusc. Graminis Asparag. Portento-
Malv. Fœnic. Bismalv. an. ʒij. sus Clyster.

Sem. Anis. Fœnic. Aneth. Carui, Dauci, Am-
mios. Cartham. Ruthæ, Bacc. Laur. Cumin.
an. ʒβ.

Flor. Chamomill. Melilot. Anthos. Stæch. an. πij .
 Coq. in Vin. Alb. ad Medias in colat. πij . dissolve
 Butyr. recent ζiv .
 Mell. Rosat. ζij . Sachar. Rubr. ζj .
 Benedic. lax. $\zeta \beta$. Vitell. ovi. n. j.
 Ol. Nucum. Anethin. Lini an. ζij .

F. Clyster statim injiciendus.

Parvus hic xxvi. unciarum Clyster, quondam in meo Pharmacopolio ab non infimo hujus civitatis Medico cujusdam pistoris uxori, tum nephritide & colica laboranti, fuit præscriptus.

Sequuntur aliæ monstrosæ remediorum formulæ, olim apud celebrem hujus urbis Pharmacopæum præscriptæ, quæque adinstar portentis, in hujus oppidi Collegio Pharmaceutico, conservantur.

Rx. Sem. Erucæ ζjs . Sachar. Perlat. ζvj . pulv. in 8. dosis dividendus.

Remedio-
rum por-
tentia.

Rx. Ol. Castor. ζiij . Euphorb. ζij . Caryophil. ζj .
 Ceræ novæ q. S. j F. Linimentum.

Rx. Succolat. ζiv . Rad. Satyr. condit. ζij .

Testic. Gallor. in lacte coct. Castanear in vino
 malvat. coct. Rad. Ering. condit. an. ζj .

Amigd. d. Pinear. mundat. Pistach. Virid. Nucl.

Nuc. Indicæ an. $\zeta \beta$. Cass. lign. Bol. Cerv. an. ζiij .

Sem. Fraxin. Borac. Venet. an. ζj .

Spec. diamosch. dulc. Diamb. an. $\zeta \beta$.

Lign. aloës, fol. Maj. Nuc. mosch. Croc. Or. an. ζj .

Caryophyl. Galang. min. Zzib. alb. Card. Minor.

Piper. long. an. ζj . Ol. Cïaoi, Macis an. ζj .

C. S. Q. Syr. Nuc. Moschat. cond F. S. A. Cond.

Rx. Essent. Satyr. Extrac. ζij . Nuc. Ind. recent. Pinear.

mundatar. an. $\zeta \beta$. Pistach. virid. nucl. Avell.

Amigd. d. an. ζj . Pip. alb. Zzib. alb. Calam. ar.

Ga-

Galang. min. Cardam. min. mund. an. 3ß.
 Borac. Venet. Auri Potabilis an. 3iij.
 Sem. Eruc. Ling. avis urtic. an. 3ij.
 Magist. Perlar. Or. Sal. Passerum. Corall. Rubr.
 an. 3iv.

Boleti cervin. Priapi Tauri. Cervin.
 Testic. Talpar. exiccat. carn. Scinc. mar. an. 3iß.
 Moschi laudabil. Ambr. gris. an. 3ß.
 Ol. Macis, Nuc. Moschat, Ciai. Garyophill.
 an. 3j.

C. S. Q. Syr. Rad. Satyr. condit.

F. S. A. Electuarium.

Approximo ad magis vulgaria.

R. Pulv. Oc. Cancr. gr. xv. Sal. Prunell. 3ß.

Croci gr. vi. Laud. Opiat. gr. viij.

F. Pulvis, Febricitanti Vetulæ.

R. El. Hydrag. & Chologog. Sylv. an. 3v. Crem.
 Tart. 3jß.

Aq. Fœnic. q. f. F. Haustus.

R. Extr. Cathol. gr. xxv. Troch. alhand. 3ß.

Dyagrid. viij. F. Pill. n^o. vii. pro dosi.

R. Diagrid. Vitr. Antim. Salf. Paril. Extr. Cath. an. 3j.

Mercur. vivi, Præcipit. alb. Bezoar. mineral.

Antimon. diaphoret. an. 3ß. Ther. Venet. 3iß.

Ol. Caphuræ lumpéri an gr. xv.

F. S. A. Massa Pilular.

R. Elect. Cariocostin: 3v. Diaphænic. de Bacc. Laur.
 an. 3ij.

Spec. Diagalang. Diacumin. an. 3ß.

Laud. opiat. gr. ij.

Aq. Caprifol. 3iv. F. Haustus.

R. Pill. Fætid. Aloëphang. an. gr. xv.

Resin. Agaric. gr. viii. Mercur. dulc. gr. vij.

Nimis hæc
 Laudani
 quantitas,
 procul du-
 bio, sopo-
 rem le-
 thumque
 attulisset.

Hæc vulga-
 res doses
 excedentia
 periculo-
 sam Hyper-
 catharin
 produxis-
 sent.

Non cul-
 pandus es-
 set hic Anti-
 quarius,
 quod se-
 cundum
 Antiquos
 opiata pur-
 gantibus
 miscuerit, si
 solummo-
 dō quanti-
 tatis pro-
 portionem
 melius ob-
 servasset.

Troch. Alhand. gr. vj. Elix. Proprietat. ʒj.

Ol. carui gr. xx. F. pil. N^o. V. pro Doli.

1 R. Croc. Metallor. pulv. ʒj. Crem. Tart. ʒß.
Pulv. Mastic. Ciaoi. an. gr. v.

2 R. Oxyfach. Vomitiv. ʒiij. pro Dosi.

3 R. Aq. Meliss. & Menth. an. ʒij.

Ant. Diaphoret. ʒij. Oc. Cancr. pulv. gr. xxv.

Margarit. Præparat. ʒiß.

Tinctur. Croci ʒiij. Ol. ciaoi. ʒj. Macis. ʒij.

Syr. de Symp. Fern. ʒj.

F. mixtura.

Hæc sequentia magis ridicula, quam periculosa sunt V. Gr.

R. El. diascord ʒß. pulv. Oc. Cancr. gr. xxv.

Ant. diaphor. ʒj. Croci gr. viij. pulv. Rad. Con-
trayer. ʒß.

M. F. Bolus, quod sine cuiusdam liquoris additione,
impossibile factu est.

R. Aq. Endiv. Lactuc. Portulac. Cichor. Caprif. Ace-
tos. Plantag. an. ʒij.

Oxymell. f. ʒij. M. F. Iulapium.

1 Non posset sine summo periculo propinari hic pulvisculus: vulgarem qua-
druplo non tantum superat dosim: Sed in genere omnia ex stybio Vomitoria,
pessimè in substantia, tutius in infusione porriguntur, quia diutius, quam par
est in plicis porisque ventriculi hærendo, molestissimos periculosissimosque vo-
mitus nauseamque continuare faciunt.

2 Nec vacat periculo, suctam excedens, hæc oxyfachari vomitivi dosis.

3 Hujus prodigiosæ mixturæ Præscriptor à Pharmacopæo de ingenti ejus
prærio monitus, excanduit; porro de horrido ardore, penitus ad cauterium
potentiale accedente, conquarenti, indignabundus caperataque fronte satis mor-
daciter dixit: Accipe tum Olei Cinamomi dragmam. Sed prudentior Pharmaco-
pæus tantum dragmæ tertiam, seu guttas xx. sumebar, dimicurâ etiam Olei Ma-
cis quantitate, atque tum vix præ ardore ab ægro sumi potuit.

Similium plurima specimina, multâ annorum serie, nec
in unâ solum civitate à me observata annotataque, in-
dagare possem: Sed brevitati studens, verbulo finiam:
me non semel vidisse præscripta, apozemata, quorum

fic.

sicca ingredientia incocturi liquoris ferè dimidium su-
 perabant. Tabellas, quarum pulveres sachari quanti-
 tatem longè excederent : Emplastra, quæ Linimenti,
 Linimenta quæ Emplastri consistentiam referrent : Pi-
 lulas liquidis submersas. Mollia Electuaria, præ pul-
 verum copiâ, solida reddita : itaque asinos ad lyram,
 Bæoticosque redivivos. (Sed fallitur Pharmacopæo-
 rum Schola bardos æstimans, qui usualium vix cente-
 simam norunt, Chinæque radicem à Rhabarbaro; Ne-
 petham ab Urticâ; Opium à Glycirrhizæ succo &c.,
 (ut subinde vidi audivique) internoscere nesciunt.
 Levioris enim hæc sunt ponderis, infraque dignitatem
 illorum; qui accerrimo suo ingenio ac subtili judicio,
 invisibilis cujusmodi particulæ figuram argutè perlu-
 strare, & in infinitum Geometricè dividere possunt.) En
 luculenti, potius malè olentes tam crudorum Studiorum
 fructus! Plura referre horret animus; non enim indiget
 verbis veritas, his torpet mens inscia recti; tollatur igitur
 abusus, vanaque doctrina, maneatque ante omnia necessa-
 rius rectè dignoscendis & præparandis remediis usus,
 & si unquam alibi, in artium Regina medicinâ, ut in
 præcedentibus inculcavi, nunquam uni rei, multò mi-
 nus inani alicui speculationi, est adhærendum, sed sem-
 per aurea mediocritatis Regula est observanda: id est
 actuali non otiosa, nec solum in specie huic illive, sed
 in genere omnium in Medico requisitorum cognitioni
 & peritiæ, actuosè & pro viribus annitendum est. Qui-
 dam Medicus Persa rogatus undè suam comparaverat
 sapientiam, respondit: *ab indoctis & Bardis*: Nam ab
 omnibus, quæ illi fecerant, sibi caverat. Aurea pro-
 fectò Barbari verba multosque Christianos confunden-
 tia, qui tantas vel similes contemnentes sententias,
 nunquam veram in Medicina præctica consequentur sa-
 pien-

Increpatus
à quodam
Professore
quidam mi-
hinotus
Sartor. Sar-
torumque
Collegii
Decanus ;
quod tales
bæoticos
promove-
ret Magi-
stros, qui
nequirent
vulgarem
confuere
vestem, le-
pidè re-
spondit :
Mi domine,
si nos illos
amande-
mus, ibunt
Hædervir-
cum.

Undenam
illæ lachry-
mæ.

Quod Bel-
gic. sonat
Proverb.
Hy waagt
'er een
Boer
aan.

pientiam; sed blaterando, mentiendo, per plateas cur-
sitando, ineptè medicando, in artis scandalum proxi-
mique stragem ætatem terent! Undè jam hæ lachry-
mæ? meo judicio, eo quod Academiæ citius ac faci-
lius multò Bullas, quam Mechanicorum Collegia Ma-
gisterii Diplomata conferant. Sæpe vix peracto duo-
rum, trium, vel ad summum quatuor annorum studio
cuius laurea offertur atque Doctor salutatur, qui bul-
latus & solummodò ex libris Doctor, statim in utram-
que involat Pharmaciâ, persuasus sibi una cum bullâ
ejus Chirurgiæque peritiâ nunc traditam, atque has,
(sua magnificâ bullâ longè inferiores) jam ad unguem
intelligere. Sed errat Arrogantulus, denegato enim
ipsi, si studeat uspiam publicam instituere Pharmaco-
pæam, ad hoc privilegio, donec ejusdem civitatis
Decani Assessorumque Collegii Pharmaceutici examini
sefe subjecerit, quo casu non raro contigit, ejusmodi
Sciolos præsumptuososque, propter crassam suam igno-
rantiam repulsam passos, quod nemo mirabitur, cui in-
notescit, Tyronem Pharmacopæum sex septemve an-
norum disciplinâ opus habere, priusquam ritè publi-
cò satisfaciat examini. Hinc tantos nostri averlantur la-
bores, malentes domi in latibulis maximo suo cum
emolumento quædam sordidè, squalidè & confuse mis-
cerè, suisque ægris propinare. Quod cacoëthes hodiè
in immensum altas & apud Veteranos & apud Tyrones
egit radices, ita ut multi, etiamsi sibi de suâ in utra-
que Pharmaciâ sint conscii ignorantia, nihilominus
propter dulce lucellum suum virosum minutal cum pe-
riculo in Rustico, (uti ferunt) experiantur. Sed
penè oblitus eram quendam memorabilem, admodum
singularem, pluribus hac in urbe notissimum, atque
ad me ipsum pertinentem casum. Quidam hujus urbis

junior Medicus casu alicubi offendit honestum quendam Civem, à multis annis asthmaticum, cachecticumque, & cui ego ab aliquot annis à valetudine essem, blandè ipsum alloquitur, interrogat de sanitate malæque habitudine, arrogat sibi promittitque ipsi integram sanationem pristinaeque sanitatis restitutionem, quem in finem ipsi gratis offert quoddam Conditum, ter quaterve de die, ad nucis moschatae magnitudinem fumendum, sumit Credulus: Sed Eheu! postridiè tantà opprimitur hypercatharsi, ut sibi maximo cum cruciatu viscera per podicem exprimere videretur, & moribundus me accerseret; accedo ocysimè intellectæque hâc ipsi fermè funestâ fabellâ, protinus violentum proscribo Conditum; præscribo Anodynum, sub adstringentem Clysterem, Mixturam & Apozema, quibus auxiliis primò parum remisit, iteratis, post dies aliquot, prorsus tandem desiit Superpurgatio. Hic primus Tragoediæ actus: Catastrophe Autori ac Actori Medico Tyroni, modo sequenti fuit lethalis. Restitutus jam, nec sinè causâ iratus Civis accedit ad Medicum, reportat Conditum, illique opprobans, quod suo viroso oleto ipsum ferè necasset. Ridet Medicaster, juratque suum Conditum optimum, probatissimum, quod ut probet experimento ejus Bolum satis magnum devorat. Abit, tamen ob sibi illatas afflictiones, admodum malè contentus Civis: sed quid fit? Post paucos dies enixè à Medico, ut ad ipsum accedere dignetur postulatur; obsequitur: Tum Medicus Civi: Amice dilectissime, veniam precor, quod te meo Medicamento tot tantisque affecerim doloribus & periculo: ipse jam Ego ex sumpto, te præsentè, Bolo graviter periculoso alvi fluxu laboro, & à te, quænam tibi à tuo Medico in hoc casu sunt propinata remedia-

Verissima
sed simul
horrenda
Tyronis
Medici hi-
storia.

rum genera , avidè peto. Assentitur Lacrymanti Civis , valdè miratus levitatem hominis petentis remedia illius , quem antea ipsi despiciatum reddere satis arroganter esset conatus. At proh dolor ! incassum erant omnia mortem in procinctu habenti Medico remedia , qui tandem post paucorum dierum decubitum , nec impedire valentibus expertissimis Medicis , reluctanter spiritum exhalavit. En audaculi deplorandum atque omnibus numeris absolutum imperitiæ pariter ac arrogantiae exemplum. Sit hoc tibi instar Phari , qui tibi de tuâ ignorantia probè conscius contra conscientiam te ipsum proximumque in discrimen conjicis. Sis , quaeso , alieno periculo cautior , & erit tibi ab inimicis salus. Adderem simile , quod nuperrimè in honestissimo pariter ac notissimo cive hic accidit , funestissimæ hypercatharseos exemplum , nisi proximi amore percitus , ejus errata occultare , ejusque famæ parcere mallet : hanc ob causam hic silentio quoque non valdè dissimile quid , de morte duorum in hac Civitate publico stipendio Medentium , præteribo ; licet fama , utrique assumptum Emeticum funestum fuisse (in præsentiarum , & dum hisce ad finem festinat Typographus) percrebescat.

Hisce missis accedo ad Sceptringeros inter remedia Monarchas , impavidè detracturus , quicquid larvæ personatæ agglutinatum sit , ne scruta hæc impedian , quominus deplumes hi gryphi possint perlustrari. Aedes dum famosissima atque botanopolarum usurâ præciosissima igiturque pauperis incomparabilia , quanquam expectationem vulgò fallentia , à multis ævis gentium suffragiis maxima & decantatissima Medicamenta , ut videam , in quibus , & quantum sueta vestra Elogia elata ornataque sint hyperbolis ; an interfigne tui arrogantiae

gantiæ pallatii ab uno latere pro inscriptione non habeat: *Mundus vult decipi*; ab alterâ: *Quantum est in rebus inane?* Antiquitatis prærogativâ meritò præcedentia, parique passu ambulanti offendò *Theriacam Andromachi* (ab Andromacho Neronis Medico: ut distinguatur à Squillâ, quam Avicennâ Theriacam contra venena; ab Opoponace & Aristolochiâ, quæ Theriacam ad puncturas appellat) Panacæam vulgi, cum hic frequens soleat in quovis morbo absque respectu ætatis, temperamenti, sexus, temporis morbi, ad ejus usum, tanquam ad sacram salutis anchoram confugere (*vulgò Venetam*, quoniam antequam tam frequentibus navigationibus lustratæ essent Indiæ, solum Veneti ingredientiæ ad hoc Compositum nugas haberent venales) *Mithridatiumque Damocratis*, ipsius Plinii suffragio *excogitatas luxuriæ Compositiones*; de quibus rationis indice exploranti compertum est, illas nihil aliud esse, quam Inconditas numerosorum, qualitativus & viribus ut diversissimorum, sic inter sese contrariorum simplicium absque ordine & methodo Farragines, quorum magna pars nuspiam reperitur, major incognita, maximaque frustranea atque inutilis est, ita ut nemo sanæ mentis dolebit, opinor, quod refrigescat apud nostrates in tales Divos relligio, nec Germanis Italisque invidabit, quod harum Aulicociarum subinde aliquot centenas, imò ferè ad bis mille (quod me olim Francofurti ad Mœnum vidisse memini) libras, magnis ceremoniis & pompâ componant, astipulante privilegiisque muniente Seplasiariorum conatus Magistratu. Sic enim est harum Gentium indoles, à majoribus receptis ritibus semper mordicus inhærere, & pro iis, tanquam pro aris & focus, dimicare, maximo quidem avarorum Seplasiariorum emolumento,

quoniam sola Theriacæ Mithridatiique olla ipsis propemodum victum amictumque præbeat, persuadentibus subimet ipsis tam Oppidanis, quam Ruricolis sese à morbis, incendiis, tempestatibus, falcinis &c. vix momentò fore immunes, nisi horum Calipodiorum alterutrum in manticâ circumferrent, vel ut minimum in suis ædibus servarent. Hinc myriades omnis præstii stannearum pixidum quondam ibidem apud Pharmacopœum mihi familiarem vidi, quæ nundinarum tempore ab hospite, mercatore, civi & rustico paucis diebus tam avidè distrahebantur, ut in sinum ridenti Myropolæ singulis horis diurnis vespertinisque, vix daretur vel cibandi vel placidè respirandi tempus: Quamobrem huic verò Alchymistæ ex Oletoque Aurificini Sacrum, à quam plurimisque frustra desideratum *Adepti* titulum, pervoluntariè concesserim.

De Confectione Alkermes & Hyacintho.

Sequitur alterum non minus nobile auri margaritarumque ornatu, Arabum majestatem præ se ferens par: *Confectio Alkermes & de Hyacintho*, quæ perverso admodum ordine antiquitus descriptæ, & à recentioribus Arabicæ Disciplinæ sequacibus emendatæ interpolatæque nihil aliud sunt, quam Confusa inordinataque quorundam exoticorum simplicium Congeries, in quibus (si paucissima quædam excipias) nullam vim cardiacam, (ut quotidianâ etiam constat experientiâ) dispicias, quicquid venalitii præcones de iis garriant.

Alkermes Confectionis basis enim, quid aliud quam *Cocci Baphici*, seu granorum ex ilicum genere suffruticis Sacharo in spissata Tinctura (Syrupum vocant) magis, me iudice, ad tingendos pannos, quam ad confortandum sanguinem refocillandosque spiritus apta, parique existimo jure ab antiquis in medicina introducta, quam à novatoribus *Conchenilia*, quam magni

ho-

hodiè quidam faciunt, etiamsi pulverisatum hoc infectum ejusque Tinctura, præter colorem satis gratum, nihil habeat unde superbiat Medicus. Ingenue enim fateor, me capere non posse, quo pacto subaustera, plerumque vermiculum in se continentia *Kermes Grana*, secundum Veteres, cordis infirmitatibus; ut Syncopei &c. succurrere potuerint. Quia Hystericæ non ferunt *Ambram*, nec Myropolis libet tantemere merces, vulgò emittitur, mancumque reddit Compositum. Quod ad *Lignum Aloës*, mercatorum fidem attestor, qui sæpe sapius in rebus minoris momenti nobis imponunt. Proscribo genuinum, vomitivum purgantemque *Lasuli Lapidem*, licet hodiè, Aromatariorum primipilis id asserentibus, nuspiam fermè repariatur, ejusque loco quidam Marcasiteus marmoreque albo conspersus lapis proindè nocentissimus, substituitur. *Perlæ* atque *Aurum*, meo judicio, exigua vel nullà vi pollent cardiacâ, solumque ad splendidiorem fucum lenociniumque adjiciuntur; licet apud quosdam inter cardiacâ secundi generis, id est diu in sanguine manentia, & lentè sed constanter confortantia primum locum obtineant, ac si hæc terrestria & gravia quibus digerendis ventriculus noster est impar, non potius suo pondere per inferiora deturbarentur, quam spirituosâ & aromatica, quæ quidem subito, sed tantum pro momento, refocillare volunt.

De Perlis &
Auro.

Quibus olim permotus Rondeletius, Medicus Monspeliensis eruditissimus, quanquam peregrinis simplicibus aliàs addictissimus, confectionis hujus parum tutum usum esse, admonuit, quod alterius Monspeliensis Medici calculo comprobatur: aitque quendam virum non ignobilem sibi notum, ab illâ in gravem foedamque Dysenteriam incidisse. Quod minimè miror; expensa

ingredientis acriusculi subindèque corrosivi lapidis virtute. Simplici plebeculæ, usque, qui varietate delectantur, persuadetur, eximium quid hujusmodi Confectionem esse ob admistum Aurum. Verum ludibrium merum est. Aurum quippe ore sumptum nullius est usus & efficacix: subdolumque inventum est hominum Arabum more viventium, ne dicam prædantium, ut miserabilium ægrorum illis plus æquo confidentium è loculis nummos callidius eliciant. Aromatarii etiam & Myropolæ Auxitanæ, (*du Languedocq*) ubi olim ut plurimum cudebatur, indèque ad alios adferebatur, illius Liguritores naso suspendebant. *Confectio de Hyacintho* in multis cum superiori colludit, in eo præsertim, quod non minus vitiosa sit, nullaque facultate cardiacâ prædita. Dispensatoriographi nostri recentiores de illâ pariter mira deblaterant, ob *fragmentorum Præciosorum*, & *Auri argentique bracteolas* aliquot, quæ eam ingrediuntur, non tam oculos quam mentem ægrorum obloquentium sub specie medelæ perstringunt & ludificant; Tenuia quippe ejusmodi fragmenta; omni colore fulgoreque vacant, spiritusque nostri eâ ratione, quam idiotis suadere nituntur, minimè opus habent. In illis fragmentis, ut in ridiculis *Serici crudi Folliculis*, ne tantilla quidem vis alexiteria vel cardiaca residet, quin potius insipida, cretacea noxiaque sunt, ipsumque *Corallum*, nec centesimam *Thraasonum* de eo encomiorum, meretur. Posset igitur exiguâ jacturâ ex finibus usibusque medicis eliminari tamosa *Hyacinthorum Confectio*, cum nihil eorum penitus extequatur, quæ de illâ jactantur.

De quibusdam magnis Compositionibus.

De aquis *Theriactalibus*, *Imperialibus*, *Angelicis*, *Mirabilibus*, *Magnanimitatis*, *Besoardicis*, *Celestibus*,

bus, Aureis, Hystericiis, Epilepticis, Nephriticis, Alexipharmacis, Vitæ Reginae, Perlarum &c. Speciebus Salomonis, Diambrae, Diamoschi, Diamargaritonis, Cordialis, Ducis, Lithontriptici, Lætificantis, Liberantis infinitisque similibus; de ingenti ingredientium numero superbientium Syruporum Legionibus, Electuariorum turmis, Conditorum, Conservarumque cuneis; Aquarum Simplicium distillatarum acie, Pulverum, Trochiscorum, Pilularum, cornubus; Oleorum, Unguentorum &c. sarcinis, calonibus & caculis, reliquo hujus exercitus comitatu, milleque otiosorum nugatorum inventis, Amplissimorum Titulorum ut: Egregii, Optimi, Morbi, Pestis, Febrifugi, Universalis &c. catervâ stipatis. Idem pronuncian- dum, quod de vitiosis libris censeo.

Pergula pictorum, veri nihil, omnia falsa.

Quandoquidem frustranea plurima sunt, meraque fig-
menta ab Arabibus eorumque asseclis, ad crumenam
ægotantium exhauriendam, inventa. Si ingredientia
ex quibus constantur, flocci nihilque sint, ex iis com-
posita, quo loco (quæso) prætiore habenda in mor-
borum eorumque causarum expugnatione? Splendide
ut plurimum hæc vaneunt, perperam susque deque per-
missa, nullisque veracibus testimoniis, vel rationibus
suffulta sunt. Solis enim in arrogantum morionum buccis,
fastuosisque Dispensatoriis percrepant, citra ullum evi-
dens experimentum. Quasi earum præstantia in mul-
tifariâ compositione consisteret, & quanto plus inesse
compositionis, tantò validiores virtutes medicamento af-
ficeret. His subindè ipsis morbis periculosioribus, sæpe
dum viveret, (ut testatur de Quercetano Johannes
Re-

Renodæus) Aulicos & nimis credulos fefellit Medicus quidam, hominum mendacissimus, bibacissimus, vanissimus, salacissimus. Ut rem in pauca conferam: puto plurimas operosas inter auxilia medica compositiones sua natalitia duntaxat quorundam nugivendulorum figmentis debere, eorumque obstetriciâ arte natas, qui nunquam manibus operi admotis, magno molimine in hoc defudarunt, ut viderentur maximo apparatu & pompâ fecisse, quæ nec unquam viderint, nec ipsi intellexerint. Interim (quod pessimum) ex his tricarum officinis tanta volumina absurdissimarum Compositionum farragine repletissima, in gratiam ut volunt, sed magis putem, in confusionem Philiatrorum, in forum medicum sunt protrusa, ut in delectu innumerabilium, inutilium, noxiarumque Compositionum anxius hærens Medicinæ Tyro, vix, quo se vertat, nesciat. Ita ut optandum foret, quod maxima ejusmodi Dispensatoriorum farrago, in æternum tenebris oppressa mansisset, nec assiduè ejuldem farinæ nova scilicet, sed antiquis suffurata, in lucem prodissent.

De Besoardo
dico Lapidem.

Si quidam Gesticulator jure meritò laudandus veniat, quod molam cæteris omnibus anteponat lapidibus, ob illius usum generi humano adeo necessarium; vice versa potiorique ratione, *Besoardicum Lapidem* insectari mihi liceat, cum eo, velut instrumento, tam ex Judæis, Muhamedanis & Ethnicis, quam ex Christianis Aromatarii, postque eos Pharmaceutæ, tot hominum myriadas miserè circumvenerint, ex quo lapis iste offensionis adinventus est, in quem jam pridem turpiter impactum est. Falsis infandisque experimentis fide temerè habita. Infandus lapis, à quo ante sæculum tot ferè offensi sunt, quot à melioribus remediis adjuti. Facile planumque mihi foret, solidis celeberrimorum

morum Autorum argumentis & experimentis, veluti validissimis machinis seu bombis, exstructum dudum ex isto fabuloso Chimæricoque lapide ædificium diruere. Sed quia inveteratus iste abusus, Lucrionum sordibus & dolis introductus, exolescere incipit, egregio Medicorum, tam infami mangonio infensorum, studio & operâ, non ita hic multus ero. Paucis duntaxat perstringam: utrumque ex orientali vel occidentali Indiâ Beloardicum Lapidem merum esse figmentum, nihilque de eo ab Autoribus antiquis memoriæ proditum, solumque à centum vel circiter annis in Medicinam introductum, eorum præstigiis, qui continuò satagunt, ut apud vulgus plus æquo credulum nova medicamenta intrudant, ut immeritorum periculo quæstum indè expiscentur. Vafrities equidem ingeniosissima, egregium Agyrtarum inventum, omni ratione destitutum, nullo experimento firmatum, muliercularum fabulis innixum, vel profligatæ audaciæ hominum, quos contrâ animi conscientiam id asserere, quod nunquam animadverterunt, minimè pudet! fallaci solum fraudulentoque veteratorum Judæorum Lusitanorumque testimonio suffultum, qui pro fictitii Lapidis paucissimo pondere purum putumve aurum & argentum ex ægrorum oculis eliciunt: quibus majori igitur est quæstui, quam famosus ille Lapis Philosophicus Alchymistis. Hanc ob causam hic animalis *Bezoardicus Lapis*, quasi Tenebrionum idolum, auri sacrâ fame inter egregia Medicinæ præsidia intrusum, à multis totius Europæ celebribus Medicis spernitur, rariusque ab quocunque hodiè præscribitur, nisi ut ægrotantium cognatis grâtificentur, qui forsan de illius viribus mirabilia sibi imaginantur, atque sic suspicionem calumniamve à se amoliantur eorum interitus,

tus qui illo usi fuerint , quasi vero sacram & ultimam salutis anchoram contempsissent. Alias plurimi , inter quos Cæsarum , Regum , Pontificumque Archiatri , Professoresque celeberrimi , ejus usum condemnant , omnes harmonicè convenientes , præter nomen atque opinionem citra ullum successum ex hoc Lapide nobis nihil superesse ; nullumque unquam memorabilem ex eo sæpe & sæpius in febribus malignis , ab ipsis exhibito effectum se conspexisse ; Lapidem , qualiscunque sit , puram putam esse fallaciam , sive ex Oriente , sive ex Occidente allatum , optimumque nullius prorsus esse momenti , præterquam quod nulli jam reperiantur genuini , sed omnes spurii suppositique sint : ubi enim credideris te sincerum germanumque comparavisse , ossa usta , cretam , gypsum , cineres , conchas , sanguinem ficcum , lapillosque minores te emisse , comperies , sic convenienti liquore quodam incorporata & concinnata , uti ajunt impostores Judæos illum fabricare. Rivos claudet Clariss. Andr. Laurent. Henr. 14^{ti}. Galliar. Reg. Archiatri sententia : Consil. Cap. 1. 14. Quod „ ad me attinet , de Lapide Bezoardico nequaquam „ bene ominari possum , si ab illo meliora , quam triginta retroactis annis , intueri non detur , seu , si „ mercatores in Indiis negotiantes nobis hic vivum spirantque Animal , ex quo extrahitur , non sistant. „ Gnarus quippe sum , omnes hujus lapidis propolas „ planos esse vafrosque impostores , speciosaque illa „ acroamata , quæ de illius virtutibus palam jactantur , meras esse nugas , ad fordes & quæstum , vulgigique , nimis utique creduli , dispendium concinnatas. Sed jam vertenda pagina , audiendaque & altera pars est.

Lapis Bezaar ab Hirco, Cervæ Capræque simili Animali, Orientalis Asiæ Americæque oris indigeno, (de quo consule Monardum, à Costam, Clusium, Amatam Lusitanum &c.) Persico idiomate Bazar, Indico Bezar, vel à facultate Besoardica, hoc est, Alexiteria eximiaque sic dicitur. Nonnulli Bezaar ab Hebræis deducunt, apud quos Bel dominum notat & Zaar venenum; unde Bezaar quasi Dominus veneni. De ejus variante magnitudine & pondere, formâ ut plurimum ovali, superficie lævi, substantiâ lamellatâ, colore plerunque atro virente, odore seu nullo seu Ambram griseam spirante, tandem de notarum *συνορμη*, quibus supposititii & adulterini à veris discernantur, ad nauseam Autores. Inferior huic, etiamsi ejusdem speciëi animalis moleque major sit, est Lapis Bezaar Occidentalis, qui à propolis multò negligentius viliusque habitus, scabrâ superficie, inconditis discoloribusque suis fragmentis luculenter denotat, lapidifices Americanos rudiores multò Asiaticis (vel si mavis) nostratribus esse Sycophantis. Quod pace tamen tantorum veneni dominatorum plurimorumque aliàs morborum debellatorum dixerim: nam tametsi eorum testimonia, qui vivum animal viderunt, contrectarunt, manebant, lapidem ex ventriculo seu proventriculo ipsi extraxerunt, credam, quid tum? quoniam etiam de ejusmodi, licet verissimo Lapide, fide dignissimi Medici Summorumque Principum Archiatri unanimiter attestentur, hunc germanum sat magnâ dosi sumptum vim nullam, seu occultam seu apertam, possidere, quâ ullo maligno vel benigno morbo opitulari possit.

Sed ut sequentibus locus sit, hoc filum abrumpere cogor, concludendo; si adeò rari & veri Lapides Bezaar nihil poterint, quamnam tum sit habenda fides

suppositiorum apud Propolas Pharmaceutasque nostrates prostantium myriadibus, quibus avarus Aromaticarius foenerantem Myropolam, hic Medicum, ille ex opiparo hoc Lapide opem efflagitantem ægrum, miserè circumvenit? Sic ut meo saltem arbitrio optimè atquè tutissimè agat quisque probus prudensque Medicus, ne diutius improbis Lapidem Bezaar fabricantibus prædonibus ludibrio ac lucro sit; ut nunquam præscribendo, sed jugiter apud suos ægotantes eum despiciendo par pari referat, suâque vice etiam veteratores, tam fabros quam venditores, irrideat, eosque tandem adigat, ut has suas nugas venales puellulis pro sphærulis lusoriis, vel, si maluerint, cæcutientibus delirantibusque Cœnobitis pro corollis vendant precatoriis.

De Cornu
Monocerotis.

Quoniam *Μονοκέρας* fabella (quæ olim antiquitatis oculos adeò effascinauerat, ut inefficax hoc Cornu in gazophylaciis Cæsarum, Regum, Pontificum &c. inter cæteram pretiosam suppellestem, semper primum sibi vendicaret locum) hodiè planè exoleta est, exiguum temporis in eo lustrando impendamus: tantummodò in transitu illud (ut peregrinantes nuper Romæ jam grandævam Christinam Suecicam) veluti vietum antiquitatis monumentum, salutabo. Haudquaquam me morabuntur nugatorum sibi invicem contradicentium historiolarum, invisibilis seu potius non existentis animalis; nec præpediar fictis, tam Hebraicis, Arabicis &c. quam Barbaris ejus nominibus: dixisse sufficiet, quod duplex Unicornus, incognitum terrestris scilicet & commune marinum, nihil singulare præ cæteris animalium præsertim cervorum cornubus habeant, tertium fossile, formâ, colore, lavoreque cornu referens, multisque Germaniæ

Vid. Scroder. L. V.
Cap. 39. Renod. Cap.
XXI. Fol.
673. Plin.
&c.

locis satis vulgaris lapis sit, iisdemque cum lapidibus viribus polleat. Quæ omnia serio considerata maximam mihi admirationem movent, eò quod vix capere valeam, quomodo exiguum alicujus cornu, forsitan Eboris &c. frustulum tot æva tot tantisque viris tantoperè ludificari potuerit, nisi mentita raritas, quæ rebus vulgò admirationem conciliat, *nam ardua quæ pulchra*. Hinc omnium temporum ex mendacio fraudibusque lucrum captantibus ludionibus atque agyrtis multò facilius fuit hanc Chimæram sustinere, quam probis oculatisque Medicis opus levidense fuit, ultimam huic monstro mactando manum adhibere. Ignorabat quippe malè cautum vulgus, cujus facile luditur ingenium, quantum distarent æra lupinis. Jam verò, si utque quaque sublatus abusus non est, valdè certè attritus penèque extinctus est, veteratorum opprobrio, quibus technas fraudesque prorogare, & pro iis, tanquam pro aris & focis pugnare, volupe est. Altum jam in Pharmacopoliis de benedicto pridem hoc cornu silentium, asserentique *Andr. Baccio*, suum ex hoc effocto cornu amuletum, præsentē veneno semper fudasse, nulla fides, nec Seplasiariis suppetit occasio (uti ante 25. annos me adhuc vidisse memini) exhalantis aquæ vaporibus coctum Cervinum cornu, (Philosophicè Præparatum vocant) Unicornu petentibus vel præscribentibus, duobus tribulve assibus singulum granum vendendi. Si maximus Unicornuum Imperator, quem in Divi Dionysii juxta Parisios fano ante annos aliquot vidi, magni Ludovici esset maximum præciosissimumque cimelium, nuper Confœderatis Principibus credere fas esset, ipsum, ejusmodi nervo non facilè novum redintegraturum bellum. Fertur, quendam Archiatrum suo Principi sciscitanti, num crederet mirandis virtuti-

bus, quæ vasculo ex cornu Monocerotis confiato (quodque suis prædecessoribus permagnò vānerat, auroque contrā pendebatur,) tribuebantur, festiviter respondisse: *Credam, ubi rescivero ditionis illius* (subintelligens tractum, in quo Unicornu esset vernaculum) *Regem esse immortalem.* Sed hæc satis de Monocerotis supposititio cornu. Qui plura velit, *Paræum* Lib. de Venenis Cap. 27. legat, ubi strenuissimis rationibus experimentisque anilia de illo ludicro Amuleto deliramenta perdoctè refutantur.

De *Margaritis & Auro* (de quo etiam Cap. v. præcedenti actum) mihi in describendis Alchermæes Hyacinthorumque Confectionibus aliquatenus sermo fuit; quibus ne cramben bis apponam, solum hæc addam, Perlas, Margaritas, & inter eas magnitudine excellentes Uniones, albicantes sive lactescentes ac ad rotunditatem proximè accedentes, esse lapillos, qui in ostreorum valdè similibus testis seu conchis, summo vitæ discrimine à piscatoribus Indis è maris fundo allatis, inveniuntur.

Virgil. III.
ÆN. v. 57.

*Quid non mortalia pectora cogis
Auri sacra fames.*

Duplices vulgò censentur, orientales, quæ splendore candore, lævoreque cæteris præferuntur; & occidentales, quanquam nec nostra Europa illis, cæteris longè tamen vilioribus, careat. Atqui hæc planè sunt præstantissimæ illæ *miliares margaritulæ Orientales*, sive per se, sive cum pinsendis orient. vel occidentalibus, vulgò *Stamp Paarden* permixtæ, quas Propolæ Myropolis, hi ægris procurant, & sat carè vendunt, vel potius, forsitan ne nimia efficaciam obsint, aut si mavis, ut plus
lu-

lucrentur, Nacrâ seu matre Perlarum adaugent, diluunt, ipsamque hanc nacram interdum pro succedaneo substituunt, & tandem utramque in calciformem cretæque formâ & viribus parem pulverem redigunt, ita ut assumpturi post agonizantes, ab his Margaritis Orientalibus *Præparatis*, ab hac Manu Christi Perlata (sic tabellas ex sachs. & perlis vocant) adeo refocillentur, ut (ni alias in fatis sit) tamen viam lethi calcent, exitumque funesto probetur, medicamentum perlatum vulgo ultimum esse apparatus, uniusque lucri illicitis splendidam hanc medicationem in ægorum triclinium irrepisse. Cujus farinæ offendo facietam apud Renodæum, historiam. Novi (narrat) Lutetiæ Chirurgulum, Empiricorum astutissimum, qui sex aureos postulabat, quod hirudines duas ægroto admovisset: quod cum mirarentur multi, *majorem*, inquit, *mercedem deberem efflagitare, quia mensem integrum illa duo animalcula liquore perlarum cibavi.* Papæ! Sed credisne Lector cum illo ultimum obiisse sui Collegii Collegam? Comminutæ igitur Perlæ (licet illa ingentis prætii Cleopatæ, vel incomparabilis, naufragio absorpta, Philipp. 2^{di} Hispaniar. essent) parum vel neutiquam ægotantis corculum fulcire, viresque deperditas recreare valent. Ast integris, magnis & multis, eximias cardiacasque virtutes, assigno, idem de auro affirmo: si enim quibuspiam ægotantibus aurum opitulari valeat, melancholicis certè, non ex pulvere seu portione exhibitum, sed gravi mole porrectum, hoc est, si afflictas eorum res opulenta aliqua fortuna sublevet, vel si deploratis rebus suspendio vicini (ut cui-dam olim contigisse narratur) ad arboris radices quam ad suspendium elegerant, flavi illius metalli ingentem deprehendant molem, undè exhilarentur melancholicoque

coque mœrore & tædio liberentur. Insuper apud dubitantem vel meis dictis fidem derogantem, testor domicellarum torquibus ex margaritis è collo suspensis ornatarum læta gynæcea: testor universam protervorum fastuosorumque, Ducibus Cræso Crassoque, turbam, quibus hæc Timoclis cordi insculpta sæpè per ora perstrepunt:

*Argentum & anima & sanguis est mortalibus,
Cujus sibi qui non congeffit copiam,
Vagatur ille vivos inter mortuus.*

Tandem testor tristes egenos, qui, etsi optimum famis condimentum nequaquam deficiat, nihilominus prædictorum remediorum defectu semper manent incurabiles.

De Mumia,
Ossibus de
Corde Cervi,
Amuleto ex Arzenico.

Dudum ex ipsis Pharmacopœorum officinis relegatam, fœdam ulcerosamque *Mumiam*, commenta de *Corde Cervi Ossis*; virulentum, licet Adriani VI^{ti} Pontif. Max. amuleto clarum *Arzenicum*, infinitaque ejusmodi plura, revocare nolo.

De Salsâ &
Chinâ.

Smilacis asperæ Americanæ, vulgò *Zalsâ Parilla*, & Caroli, v^{ti} arthritide, famolæ *Chinæ Radices*; nequitiam miris encomiis, quibus olim celebratæ fuere, satisfaciunt. Qui etiam hodiè sub symbolo, *eadem terra & ciconias & serpentes profert*, in curanda Neapolitanâ scabie occupantur, eventu probant, alterutrum esse verissimum: has videlicet radices in solo patrio & adhuc recentes ad nos advectis effœtis longè esse efficaciores; vel omnes simul, tam succulentas quam exsuccas, olim & jam, hic illicque, nunquam aliter, quam fastuosis inanibusque titulis, excelluisse.

Tametſi non inficior, decantatiſſimum *Stibium* Vulcani ſoboli Paracelſique nepotibus inſtar oculi pupillæ eſſe dilectiſſimum, cum bonâ Loripedis ejuſque ignivomorum poſteriorum veniâ, etiam hæc jam à me tangenda eſt. Si Chemicorum aſſertiones de omnipollente (ſi Dis placet) *Antimonio* veræ ſint, magis mirandum inſtarque miraculi eſſet, ullos huc uſque ſupereſſe morbos, quam mirandum, quod omnes hoc univerſali curentur. Hoc quippe ſalutare numen omnibus mortalium inſirmitatibus ex indiſtriâ ſuccurrere novit, atque ipſo Sylvio teſte, *non minus corporis humani, quam auri purificationi inſervit*; & ut in præcedentibus genuinam ditiffimamque Panacææ mineram profert.

Secundum alios, ſexcentorum Remediorum ferax eſt.

Procul hinc igitur diſcedite Proſani! qui divum hunc, blaſphemè admodum, dirum & diabolicum inter remedia monſtrum indigitare audetis. Quid *Antimonium* ejuſque præparata vulgò *Antimoniata* ſint, neminem latere poteſt, qui ſaltem in limine Chymiam ſalutaverit. Nihil magis deprædicatur pariter & deſpicitur; ab his laudatur ac ad cœlos extollitur, ab illis culpatur ac ad inferos deturbatur; quam ſit minerale hoc ſtibii corpus, huic Philoſophi per ignem mille proprietates qualitatesque præſtantes aſſingunt, ipſa nec neglectâ mendaciſſimâ de porcis fabulâ, acſi Veſtphali (quod tamen multò falſiſſimum) *crudo Antimonio* etiam ſuas ſaginarent ſues. A Galenicis æruſcatorum Paracelſitarum idolum, unicum agyrtarum moleſtiſſimumque catharticum nuncupatur.

Sed non libet mihi hanc litis ſerram trahere: ut plurimum enim uterque reus altercans, & rariſſimè in plerisque cum beatis medium tenetur, conſenuerunt in hâc mundi ſenectâ veritatis limites excedendi peſſimi mores, hoc ineluctabile hodiè fatum. Melius igitur

Z

opti-

optimo Leeuwenhouckiano, rectè videre discernereque cupientibus, opus est perspicillo. Nam etiamsi vulgò mendaci non credatur & verum dicenti; tamen multis mendacissimis omnium ætatum Autoribus, in veris est habenda fides, quæ ut rationis cribro à mendaciorum fursuribus separentur, necesse est. Sed devius in viam. Certissimum quod in multis satis superbis ineptisque scriptis de *Antimonio* plurima ventilentur, quæ sensui & experientiæ rerum omnium fidæ magistræ refragentur, nec minus est verum, quod ubi duro nodo durus quærendus est cuneus, habito semper virium respectu, *Antimonium* præ aliis valdè efficax (ad everrendam scilicet ventriculi saburram, ut istud Augiæ stabulum exactè si fieri possit expurgetur, ne redivivum malum de novo classicum canat,) præstet remedium. Nam per se calcinatum, vel minori triplo nitri quantitate detonatum, cujusnam etiam coloris, formæ, vel nominis, hepatis videlicet, croci, reguli, floris, vitri &c. veniat, in infusione haustum, vel quod pejus in substantiâ-assumptum, ventriculum alvumque susque deque movendo anxie perturbat, visceribus vim infert, ad vomendum ineptos admodum exagitat, torquet, in robustioribus illiusque impetum sustinere valentibus fursum deorsumque varios humores expellit, quosdam vomitu frangit, interdumque vasa disrumpit & sanguinem prolicat, alios hypercatharsi laceffit: tandem hanc vim vomitivam etiam in paucissimâ quantitate nunquam exuit, sed è contrario aliquandò jam cicuratum ad pristinam feritatem redit; omnesque ejus præparationes quovis fiant modo eò tendunt, ut quadantenus hebescat illius acredo adjunctorumque fræna sævitiam mitigarent. Præstantius igitur robustis, eufarcis, nauseabundis, ad vomendum promptis, iisque qui à quotidianis,

dianis debilioribus medicamentis non amplius afficiuntur, ut lienosis, hypochondriacis &c. quam infirmis, macilentis, obesulis, ventrosis, asthmaticis, tabescentibus &c. suppeditat medicamentum.

Crudum, id est nullo modo præparatum, nullam corpus exagitandi vim habet; hinc olim exiguum internum ipsius usum noverant. Qui etiam hodiè ejus libram unam vel alteram apozematibus (ut sæpissimè fit) incoquant, idem comperiunt: Sale & Sulphure, id est activis suis principibus, mediante Nitro, privata Calx, vulgò *Antimonium Diaphoreticum*, parique passu æqualibusque fermè viribus incedens *Bezoardicum Minerale*, tota satis neminique nocitura (quod & panis est) sed propemodum inefficacia, si non alicui volatili nubantur, pariter, (etiamsi inter medicantium vulgus decantatissima,) sunt remedia, minimè convenientia virtutibus facultatibusque, quas illorum præcones illis attribuant. Accedit quod chymicastrosum officinalium cohors, ut copiam augeant & thecas lagunculasque repleant, cretam addant, & hoc pacto propolis aromatariis; illi mediantibus proxenetis laboremque propter vile præmium detrectantibus myropolis Medicis; tandem hi inscii & pharmacopoeis confisi ægrotantibus imponunt. Sed gradum sistam, quoniam hæc vel ambubaiis sunt nota, nec veritas indiget rerum verborumque copiâ vel elegantia.

Triformis mercatorum scilicet, fumivendulorum, furumque Princeps, unumque ex Chemicorum Triade Numen, fugax Proteoque mutabilior *Mercurius*, cum bonis quidem bonus est, sed cum malis est admodum maleficus, ipsique non male quadrat, quod alias de quibusdam hominibus: *Quod noti nimis omnibus, ignoti moriantur sibi.* Utinam! non tot & tantis,

De Argento
vivo seu
Hydargy-
ro.

tis, vel intimius rectiusque quam huc usque, Argenti Vivi vires innotescerent: nec titulo *Vitæ*, subinde facto, mortis fieret, vel execrabili ptyalismo vitæ focum, calidum humidum, prorsus depromeret. Non cuivis enim homini Corinthum adire contigit, draconemque hunc adeo mitigare suumque facere captivum, ut per siphonem in viscerum angustissimorum capillariorum carceres impulsus, à Phylacistâ sub arroganti *Nostro*, tanquam Bajazethes in caveâ, ostentari quiverit, & post ejus mortem ab hæredibus, veluti vile mancipium (brevi tamen vincula, in emptorum irreparabile damnum disrupturum,) lauto sat prætio vendi potuerit. Impertit tamen probè præparatum *Argentum Vivum*, præsertim nobilissima ex suâ familiâ progenita *Cinnabriorum Triga*, non contemnendum in morbis Chronicis & Saturninis auxilium.

De Acidu-
lis.

Ad *Acidulas*, *Chalybeata*, *Elixirium Proprietatis*, *Spiritum Cochleariæ*, utrumque *Sal* vel *Spiritus Volatiles Aromaticum* & *Oleum* (vulgò *Sylvii*,) *Pilulas Francofurtenses*, *Nicotianæ suffitum*, *fabarum Caffè foliorumque Theæ potum*, jam venit ordo. Sed quoniam hodierni *Acidularum Fontes* miris encomiis pridem celebratas vires nec habeant nec habuerint, hac ætate ut plurimum tantumque à ditioribus, (ut Lauretana Diva, opulentis nimirum à devotis) recreationis animi gratia visitantur, quibus accedit, quod in nostro solo aquarum sat sit, quæ levi negotio, seu additione salis communis, ut Aquisgrani sit, seu alio modo medicata plenisque poculis hausta, æque benè humorum colluvies saburraque, ac peregrinæ proluere possint, præsertim si ex more apud acidularum fontes, etiam scammoniato aliquo minutali, vel per Jalappam medicato vini spiritu, veluti calcari-

bus,

bus, urgerentur. Invia fermè etiam jam est via, per quam olim *Stadium Chalybeatum* percurreretur, nec morbi diuturni, curatu difficillimi laterique mordicus hærentes, jam inertes huic *Marti* plus victas dant manus. Celeberrimi quondam *Proprietatis Elixiri*, cujus uncia vulgò in pharmacopœis imperiali vendebatur, ad paucas quoque guttulas propter imaginariam efficaciam fumebatur, præteritum modò ac æstimatio adeò remissa sunt, ut dimidium heminæ sex assibus ab interpolatoribus vendatur, integrisque cochlearibus absque ulla assumentis turbatione sorbeat. Miris encomiis dudum celebratissimus, maximus scorbuti monstri dominator *Cochleariæ Spiritus* ferè usu exulat.

De Chalybeatis.

De Elixire Proprietatis Paracelsi.

De Spiritu Cochleariæ.

Præterito primo Autori maximo suo emolumento pridem decantatissimus duplex, tam *Volatilis Aromaticus* quam *Oleosus Sal* (potius *Spiritus*) vacillanti valetudini milleque morbis (ut nuper fama ferebat) diutius opem ferre nequit, solum delicatulis aromatizando vino inservit. Nec ullus hodiè Clariss. (dum viveret) Autoris amplius curat declarationem: videlicet. *se nulli mortalium aperuisse salium suorum volatilis præparationem, hæredibus suis quo etiam se mortuo agris inserviant relinquendam.* Quandoquidem hodiè quisque nundinalis coquus ubivis de sua in præparandis his *Salibus Volatibus* dexteritate gloriatur: nec debitus panchresto huic nuper remedio honos amplius constet.

De Sal. Volat. Ar. & Oleos. Syl. vii.

De exiguis, nomine *Frankofurtensibus*, re nostratibus *Pilulis*, saxifragis pridem *hirci sanguine mespilorumque ossiculis*, altum silentium. Ut brevis sim, omnia tanto encomiorum fastu superbientia ac mirabilia ortu Panpharmaca sibi ipsis desunt, & tam ad altè radicales & diuturnos, quam ad subitaneos & acu-

De Pilulis Frankofurtensibus.

tissimos morbos curandos, æquè imparia sunt. Magis adhuc oleum operamque perdet, qui harum fidelium unâ (ut Thrasones volebant) plures simul dealbare parietes studeat.

Nil mirum igitur, hos emeritos amplis dimissionis diplomatibus munitos, hodiè penè ad præterita sæcula relegatos videre; eaque quæ pridem in omnium ora trita ac optima audiebant, jam vix tepidè nominari.

De Nicotiana suffitu,

De familiarissimo hodiè *Nicotianæ Suffitu* ingens fumantium agmen tam sentit reverenter, ut saluberrimum omnibus & in omnibus (etiam cum Diemerbrouckio ad pestem) esse credant.

De Potu Kaffee & Theæ.

Sed utinam hæc Thymiamata omni momento libantes sacrifici non æquè ac *Tabaco* infensi ægrotarent, ipsique quoque catharris, cephalæa, odontalgia &c. vexarentur, nec assiduè potando per reciproca pocula illius beneficia prohiberent. Quibus quantisque paucis retrò annis laudibus novatorum Principes fabarum *Kaffee* foliorumque *Theæ* potus in conservandâ restituendâque sanitate extulerint, lippis tonsoribusque notum est; ast eventus nequaquam respondit, immodicèque potitantes subindè inflationis, appetitus prostrati, imò tremoris paralysisque pœnas luunt. Atqui hæc cum cæteris propè transiere, jam nova rerum facies, jam alia artium rapax capaxque Apollinis profapia; aliud jam à diligentissimis luxuriæ medicæ interpretibus in maximo habetur prætio; novi denuò super vetus mundi theatrum histriones haud dudum novum quid in scenam medicam produxerunt, quo quasi cuniculo suffossum antiquissimum cardiacarum propugnaculum, maximo seplasiariorum detrimento, subverterunt, eorumque spolia prædati sunt.

Vul-

vulgò *Pedra-Porco* seu petram porci, id est, calcu-
lum suis, præpotentem hunc arietem audacisque natu-
ræ miraculum nominant: nec refert quod, ut splendidius
venundetur, illum maximis expensis à distantissimis ex-
portari regionibus deprædicant, quoniam ut hæc com-
penset, emptorem suum illicò inconsultoque Paracel-
so Adeptorum albo inserit, datque copiam paucissi-
ma lapidis soluta grana magno auri argentique pon-
dere vendendi. Hic siquidem Lapis, cum res in car-
dine & mors præ foribus sit, ne quicquam intentatum
relinquatur, secundum venerandum axioma: *Præstat
anceps remedium experiri, quam ægrum Libitinæ
hiantibus faucibus absorbendum relinquere*; ultima sa-
lutis anchora pro ditioribus, magno medicamentorum
apparatu jam fessis, censetur, instarque exoleti perla-
ti jam extremi apparatus morborumque parergi lo-
cum obrinet. Sed an eventu istis magis prospero, his
hominum levitates in sinum ridentibus Adeptis (qui-
bus benignâ conniventia præsidio sunt quidam Medici)
dijudicandum trado. Hanc meam de hoc Lapide sen-
tentiam haud ita pridem suo quoque, de lautâ ejus
infusione sudare nequeuntium extremâ anxietate virium-
que dispersione, testimonio mihi confirmabat, non
infimus, quidam hujus urbis Practicus.

Elixir Anglicanum vulgo *Salutis*, nimirum si ca-
cando salus acquiratur; Famosissimum nuper Parisiis
& humoristis tremendum, *Antifebrile Anglicanum*;
Inconcinnus maximeque parte ex insipidis calcibus com-
positus *Comitissæ* vel *Myladi de Kent* satis celeberrimus
hodiè, nec minus nugax *Pulvisculus*; de quo nuper
orta inter Medicum & Sepiasarium lis sic compone-
batur, ut ejus granum, quod huc usque assi, & con-
sequenter unciam 24^{or} florenis vendiderat myropola, in-

De Pedra-
Porco.

Elixir. Sa-
lutis Pulvis
Comitissæ
de Kent.
Balz. Leu-
cotelli. Lap.
de Goad.

tu-

futuro tantum octo solidis seu 48. assibus venderet. Quod si hic Medicus hodiè æquè promptè annonam laxare posset, procul omni dubio à pauperibus magnus Patriæ à fame liberator salutaretur. Ridiculum *Leucotelli Balsamum*; à partu adhuc rubentes, de *Godâ Lapis*, & *Acmellæ Indicæ* Spiritus Lithontripticus, cæteraque novatorum idola præcedentis exercitus, (ducibus pedis pollice miraculosè lienosos *sanante St^o Pyrrho*, *Scrophulas* manus digitis septimo foetu masculino, (de Regibus autem quibusdam Christianis mihi longè alia mens est) de quorum miraculosâ nec in Rege Francisco apud Hispanos captivo cessante per contactum sanatione extat hoc cujuldâ Galli Epigramma.

Miraculosa
Lienoso-
rum &
Scrophul.
curatio.

*Hispanos inter sanat Rex Cheradas, estque
Captivus superis gratus ut ante fuit.
Indicio tali, Regum Sanctissime, qui te
Arcent, invisos suspicor esse Deo.)*

terga claudunt. Dum illi progrediuntur, gradum hic sisto, sat mirari nequiens, quo pacto multa absurda & vanissima, si saltem nova, à multis opinione vulgi haud infimi subsellii Medicis magnificè admodum habeantur, ægrisque præ aliis commendentur, quamvis illi ipsi à veteratoribus propolis vel avaris myropolis, dulcissimoque lucello inhiantibus Stⁱ *Pedro-Porco* mystagogis, miserè naso suspendantur adunco.

Dum de his chartulis typographo tradendis cogito; ecce novum iterum prodit in orbem medicum pharmacum, quod *Fabam Ignatii*, quia fabæ figuram imitatur, indigitant. Ex hujus (instar nucis vomicæ cornæ) rasuræ tribus quatuorve granis tincturam Aq. Card. B. eliciunt: hanc ægrotanti propinant absorben-
dam,

dam, qui mox quoque post salutarem hunc haustulum in magnos cum levamine sudores resolvatur. Sic ferunt. Quod si hæc vera sint, actum est cum *Pedra-Porco*, subvereorque ne ejus possessores (si per eam huc usque acquisitus census, non fermè æquiparat capitalem, quam pro eâ erogarunt summam) sint passuri damnum, atque *Petra-Porci* ferculo inclusa, in sanctuario penes alios vietos emeritoque Medicinæ divos locetur. Nihil etiam stabile vel immutabile in rebus humanis, quoniam dum inter imprimendum ordo ad hancce paginam Typographo tradendam venerat, mihi nuntietur, quod Anacardiformis hujus *Fabæ* æstimatio & pretium denuò dimidio remissum sit: ita ut quæ præterito vere ducato aureo seu quinque florenis vendebatur, jam hoc autumno, ipsis Kalendis Septembris 1699, tantum imperiali sive 50. stuveris, veneat.

De Faba
Ignatii.

Ad leniendos dolores (*somnus enim dulce dolorum levamen*) in hunc usque diem procul dubio convenientissimo hypnotico, quocunque modo præparato vel potius crudo *Opio*, à laudante nuper novatore pauxillum emolumenti accessit. Panem enim famelicis, opium cruciatibus tortis commendare: quid aliud sodes quam æthiopem dealbare. Fatendum tamen, omnia remedia quantumvis optima, (præsertim inter illa monarcham Opium) esse manum Dei, sed gladium in manu temerarii bardique. Corticis Peruvianæ *Kinæ Kinæ* fama per æthera volavit, ac inter detecta hoc sæculo ad febres auxilia etiamnum primas tenet, ab ipsisque novitatis inimicis colitur, & licet à mordacissimis convitiatoribus, qui aliud nihil, nisi quod ipsi faciant detegantque, rectum putent, convellatur, recidivarumque stigma ejus bonæ famæ inuratur, bruta solum hæc sunt è pelvi fulgura: ipsi enim illi, qui palam *K. Kinam*

De Opio.

De Kina
Kinæ.

contemnunt, clam suis præbent ægris, propriâ conscientia convicti, nullum melius huc usque in foro medico ad febres intermittentes innotuisse remedium. Sed rivis hinc clausis ad alia pergerem, nisi generalis vanitatis ætymi pedissequa particularis saltem levem sui adumbrationem etiam ardentem efflagitaret. Aliorum igitur mysteriorum concupiscens per patens hujus sacrarii introeat ostium, lustretque mecum, quos præter hæc suprema Medicorum vulgus numina colat; penates scilicet tutelares singuloque individuo præstitos auxiliareque Deos, inexhaustosque specialium fontes exploret curiosus. Sed in antecessum de integris nationibus pauculum. Itali pro nationis more, ut in cæteris omnibus, sic in materiâ medica nil moderati habent & in absurdis excellent. Germani præprimis, quod Chymicorum furnuli excludunt, magni faciunt, & quoniam apud ipsos maxima consuetudinis vis est, plurimum à majoribus receptarum magnarum Compositionum, & operosissimorum Præparatorum inani ostentatione & titulis superbiunt. Omnia, præter Phlebotomiam & Clysteres, Galli parvi pendunt. Germanis Angli in pompâ medicâ ferè approxinantur.

De omnibus aliquid præferunt nostrates, cuique hic sua est curta suppellex, & quisque suum sibi eligit, deprædicat, servatque probatissimum. Hic semper & omnibus *insulsam Antimonii calcem*, vulgò *Diaphoreticum*, vel *Cancrorum lapillorum pulverem*, omnigenæ formæ fasciis involutum, præscribit. En inter infinita similia specimen, in hoc nugacissimo pariter ac in quâdam civitate celeberrimo (vivente opinionum Heroe præscriptore) pulvisculo.

℞. Ocul. Cancr. pulv. gr. xxiv. Ant. diaphor.

Gr. xvi. F. Pulvis pro duabus Dosibus.

Ille

Ille omnis generis *Salium Volatilium* assiduus est commendator. *Falappam* alter plurimi pendit. Huic *Lac*, præcipuè *Ebutyratum*, sacrum est. A plurimis solum *Chymicalium pyxides* in prætio habentur. Quendam quondam novi, cui *Lumbrici terrestres* exsiccati, tam in substantiâ, quam in decoctis, magnum essent mysterium. Quibusdam *Sal Armoniacum*, aliis *Rob Sambuci*, *Diascord. Fr. Crocus*, *Opium*, *Mercurius dulcis*, *Gummi Ammoniacum* &c. suarum receptarum (uti dicunt) basis est. Multi *Acidum* commendant, plures damnant, idem fit cum *Kassée & Thèæ* infusionibus. Maximos artifices sese putant alii cum ex industriâ *absurdissima* præscribant.

Pars non nisi magno apparatu conatuque comparabilia (V. Gr. *Decocta*) suis propinat ægris. Fastidit hæc pars altera, præbendo tenui apparatu levissimoque negotio parabilia secundum regulam, quo simplicius, eo melius; ut *Mixturulas*, *Pulvisculos*, &c. Memini famosum olim Medicum Judæum cujuscunque ætatis vel sexus ægrotanti semper tria propemodum eadem medicamenta, *Mixturam* scil. *Linimentum* & *Linctum*, præscripsisse. Conspurcat tandem Receptarum compilator suis inconcinnis integrum chartæ folium, redarguitur denuò ab uno callopodio contento. Sequentia, hodiè quibusdam totius Hollandiæ celebribus practicis usitiora, sed infrequentiora, nec ubivis obvia sunt.

R. Terr. Irland. ʒij.

Succ præparati ʒj.

Asæ fætidæ ʒß.

Caphuræ.

Myrrh.

Vitr. Martis.

Sal. Volat. C. Cerv.

Croci Or.

Extr. Hell. Nigr. an. ʒj.

Tart. Vit. ʒβ.

G. Galb. in Spir. Vin. dissoluti ʒβ.

F. Pill. ad magn. pisi minor.

℞. Aq. Meliss. Samb. an. ʒij.

Menth. Fœnic. an. ʒj.

C. Cerv. Præparat. Cinabar. Antimon.

Succin. Præparat. an. ʒij.

Sal. Prunell. ʒj. Bezoard. Min. ʒβ.

Tinct. Chalib. ʒvj.

Antifebril.

Contrayerv. an. ʒij.

Conchenill. Antimon.

Croci. an. ʒj.

Sp. Cochlear. ʒβ.

Sal. Ammoniac. ʒj.

Syr. Papav. Errat. ʒij.

M. F. Mistura.

℞. Tinct. Conchenill.

Winteran.

Croci. Granor. Kermes.

Antifebril. an. ʒij.

Opii. ʒj.

Elix. Vitæ.

Salutis an. ʒij.

Spir. Volat. C. Cervi ʒiv.

Ol. Ment. gr. viij.

M. D. in Phiolâ.

℞. Terr. Irland.

Pulv. Contrayerv. an. ʒj.

Aristoloch. Long.

℞. Crem. Diaphoretic.

Che-

Chelar. Cancr. Cinabar. Antimon.

Antihect. Poter. an. ʒß.

Cinabar. Nativ.

Mercur. dulc.

Carn. Viperin. an. ʒj.

Croci. ʒß.

Ol. Mac. Still. gr. vj.

F. Pulvis in 8. dof. æqual. dividendus.

℞. R. Enul. Camp. Angelic.

Galang. Zedoar.

Curcum. Rub. Tinct. an. ʒjß.

Contrayerv. ʒj.

Sal. Tartar. Sperm. ceti, Conchenill. an. ʒß.

Fl. Croci. ʒj.

Chalyb. Præparat. ʒijß.

R. Jalapp. Rhei an. ʒij.

F. Senn. mundat. ʒß.

Incis. & contus F. Species pro vin. medicat.

℞. Fol. Senn. mundat.

Rhei elect. an. ʒjß.

Passul. minor. ʒß.

Sem. Anis. Fœnic. an. ʒß.

Croci, Macis. Sal. Tart. an. gr. vj.

Coq. in s. q. Aq. pur. in Colat. diss.

Spec. Diacartham. Diaturb.

Pulv. Jalapp. an. ʒß.

Aq. Cinnamomii ʒj.

Rob. Sambuc. ʒjß.

M. F. Haustus.

Sed neque hæc, simpliciore methodum amantibus ar-
rident, quibusdam horum, in foro medico advenis,
indigenos, ut notissimos, longè præferentes.

Quoniam de decantatissimo hodiè Salutis Elixire

fiat mentio, quorundam descriptiones hic prodere fert animus.

Elixir Salu-
tis.

R². Spic. Nard.

Sem. Anis. Carui. Fœnic. Amom.

Dauc. Cretic.

Rad. Enul. Camp. Liquerit.

Galang. Minor.

Cort. Winteran. Aurant.

Succ. Liquerit.

Fol. Diſtam. Cretic. an. ʒβ.

Senn. mundat. ʒij.

Rhabarbar. ʒj.

Rad. Jalapp. ʒijβ.

Incis. & contus. infundantur in Sp. Vin. St. i. vel pint. 4^{or}.

Hujus gustus parum ab vulgò venali Amstelodamenſi differt.

R². Rad. Enul. Camp.

Liquerit. raf. an. ʒj.

Imperator.

Calam. Aromat. an. ʒβ.

Sem. Anis. Fœnic. an. ʒj.

Coriandr. Petroselin. Carui. an. ʒβ.

Bacc. Juniperi ʒj.

Cort. Arant. exterior. ʒij.

Fol. Senn. mundat. ʒijβ.

Rhei lect. ʒj.

Croc. Gallici. ʒiij.

Passul. minor. ʒviiij.

Spir. Juniper. pint. v.

Hæc contusa conquassataque in balneo saltem. 24. horas macerentur, filtrentur, usuique servantur.

Hoc Elixir magnâ copiâ vendit fabricator, etiamſi ad exemplum Agyrtæ Angli, simul cum lagenulâ non vendat libellum de viribus ejus.

De-

Sequitur alia formula, quam alio specifico cum pos-
fessore permutavi.

R. Prunor. Gallic. Passul. major.

Thamarindor. an. ℥iv.

Fol. Senn. mundat. ℥ij.

Rad. Angelic. Contrayerv.

Cort. Winteran. an. ℥β.

Ciaoi. ℥ij.

Nuc. Moschat. Mac. Garyoph. Croci. an. ℥j.

Sem. Anis. ℥iij.

Foenic. Cardam. min. Carui. an. ℥β.

Rhei electi. ℥j.

Jalappæ ℥iij. Salis Tartari. ℥ij.

F. horum Pulvis grossus, duabus Stoopis, seu octo
pintis Spiritus frumenti f. a. extrahendus.

Elixir seu Essentia Salutis.

Processus Quartus.

R. Rad. Polypod. Quern.

Mechoacann. Alb. an. ℥β.

Hellebor. Nigr. ℥j.

Turbith. Gummos.

Jalapp. Resinos. an. ℥j.

Fol. Senn. Mundat. ℥vj.

Afari Recent. N°. viij.

Sem. Anis. ℥j.

Coriandri.

Scammonii.

Cinamomi Acuti an. ℥β.

Balz. Peruvian. ℥j.

Crassè contusa, infundantur calidè p^r, aliquot dies;
in Spir. Vini vel Frumenti Stoop. i. vel uncis lxxx.
dein

dein cola, exprimè, & per chartam emporeticam filtra, usuique serva.

Nota.

Hanc antiquissimam hujus Elixiris Compositionem antè 50. & quod excedit annos, cuidam Pharmacopœo nostrati in usu fuisse, novi, ita ut non habeat, ut de ipso quasi novo, & quidem suo invento, glorietur Agyrta Anglus, vel ipsius proxeneta, Kasseopola Amstelodamensis.

Dosis.

In parvulis & infirmis à ʒj. ad ʒij.

In adultis & robustioribus, à cochleari uno ad duo seu ab ʒß. ad ʒj.

Sed quorsum hic tantâ molimina, entiumque præter necessitatem multiplicatio? quoniam quinque ingredientia ad hoc Compositum pharmacie peritis abundè satisfacere queant: *Enula Campana* nempe, *Jalappa*, *succus Glycyrrhizæ*, *semen Anisi*, *Spiritusque Vini vel Frumenti* sufficiunt, & omnes ad illud numeros implent; hisce color, odor, sapor, viresque Anglicanæ comparantur, dissolutâ quippe spirituoso menstruo Jalappæ Resinâ, acri-exsiccante gustu virtuteque suâ catharticâ, facilè attendenti sese prodit: nec minus manifesti sunt Helenii ac Anisi sapores. In omnibus igitur ac ad amussim quadrat potioni laxanti, quæ in phiolis obsignatis sub titulo Elixiris Salutis & Anglicanæ prostat Amstelodami, ejusmodi simplicissimum, ex 4^{or} prædictis ingredientibus, mediante vini vel frumenti spiritu, Extractum.

Sed fidus tanti auxiliatoris socius, *Comitissæ*, (instar *Melchizedeki* absque parentibus vel Comitatu) Pulvisculus, hic *incognitò* minimè est transeundus: sed maximo hiatu proclamandus: idcirco

Pulvis Comitissæ.

℞. Oculor. Cancr. ʒv.

Corall. Rubr. Præparat.

Mar-

Magarit. Præparat.

Corn. Cerv. Præparat. an. 3j.

Succin. Præparat. 3ß.

Lap. Bezoard. Min.

Troch. Viperin.

Rad. Contrayerv. an. ʒij.

Aur. Foliat. ʒß.

M. F. Pulvis subtilis.

Alio modò

℞. Chelar, (alii extremitat. ped.) Cancr. 3ß.

Corall. R. Præp. Margar. (etiam macræ perlarum) Præp.

Corn. Cervin. Philos. Præp. an. ʒiv.

Lap. Bezoar. Orient. Carn. Viperinæ exsicc.

Radic Contrayervæ an. 3ß.

Succini Præparati ʒj. Ambr. grif. gr. vj.

Foliorum Auri N°. xx.

M. & redigatur. in Alcool.

Tam magnarum & eximiarum virium atque virtutum est mirabilis hic Pulvis, ut sive quis grana quinque maximâ cum circumspeditione assumat, sive unciam integram negligenter simul devoret, perindè sit, atque res in idem redeat. ô Catholicon, ô egregium Pulverem, ô Pan-Pharmacum! Alterum sanè opinionum Heroum Myropolarumque Unicornu & Bezahar.

Jam insciè reclusum Arcanorum penetravi hortum, quo me vertam nescius. Silentii enim leges propter Mystrarum commodum subscribere, mihi nefas; (licet me non lateat tritum axioma, quod idem illud, quod in re medicâ semel divulgatur brevi despicitur, & ad excellentissimi & famosissimi cujusvis remedii exauctorationem & contemptum sufficere, *imprimatur.*)

Invita in apricum producere flagro. Nec refert quanti

sint mei conatus momenti , si saltem ulli unquam specificis litaturo tantillum emolumenti indè eveniat.

Specificica
quædam
recensentur.

Sic febricitantes multos præcipuè quartanarios, *mandibularum lucii tostorum pulvere* ad ʒj. vel ʒij. cum vino sumpto , per quendam agyrtam , magnum prætexentem secretum, novi curatos. Ad tertianas haud minoris profectò valoris, sed millies probatus est, hic Riuerii , ex ʒß. Sal. Absynth. ʒj. Spir. Vitrioli ʒiv. Aq. Card. b. Haustulus. Vili amuleto, ex *Hederâ terrestri* cum pauxillo salis & aceti contusâ & carpis applicata , omnes intermittentibus laborantes , fausto plerumque eventu , curabat quidam plebejus. Catameniorum æstum sufflaminatum , ferè semper & citissimè à quâdam Medicastrâ novi proritatum , *per Tincturam sanguineam* , mediante vino , vel ejus spiritu, vel cerevisiâ antiquâ & generosiori , *ex recenter menstruatarum indusis* calidè extractam & epotam. Alius multoties *glutinoso ex Limacibus humore cum radicum Consol. Maj. pulpâ* , fausto Apolline inveteratas pertinacissimasque tusses tabemque curavit. Vidi qui immani dolore cruciato *Odontalgico* juberet *sinistram vertici imponere* , & momento quasi fascino sedabatur dolor. Idem rusticus quidam unico *urticæ folio* , denti applicato vel dolentis lateris auri intruso , efficiebat. *Oleum ex Baccis Sambuci* quibusdam pro Guttâ Rosaceâ magnum est secretum. Sequens famosi quondam *Burri* ad idem non est contemnendum.

℞. Sach. Saturni. ʒijj.

Ung. Pomat. ʒx. MS.

Eventu satis prospero quidam magni nominis Medicus Hemoptoicis , Extabescentibus , alviq; nimio fluore laborantibus , semper vinum rubro-nigricans Illicenicum (vulgò *Allicantse tint*) promiscuè præscribebat. Ne exul-

exulceratæ Variolæ nimis alta inprimerent vestigia, cui-
dam hoc linimentum instar magni erat thesauri.

℞. Sach. Saturni ʒj.

Ol. Amig. d. r. exp. ʒj. MS.

Probatissimus hic ad stranguriam est pulvisculus;

℞. R. Liquer. ras. ʒiʒ. Saxifrag. ʒj. Oc. Cancr. Nuc.
Moschat. an. ʒʒ.

F. Pulvis pro 4^{or} dosibus.

Hæc haud infimi subsellii Practici ad Nephritidem pi-
lularis massa, vel potius ex hac pilulæ in ejus solum
ædibus prostabant.

℞. Gum Cerasini. ʒʒ.

Succ. Liquerit. depurat. & denuo inspissat. ʒj.

Oc. 69. Pulverisat. ʒij.

Ther. Venet. ʒiʒ. Laud. Opiat. gr. xv.

Balz. Peruvian. ʒj. MS. F. Pil. N^o. LX.

Alterius non minoris famæ ac eidem affectui medentes
sunt.

℞. Ther. Venet. ʒʒ. Pulv. Oc. 69. ʒij.

Balz. Copaiv. ʒj. Ol. Succ. gr. xxx.

Laud. Opiati gr. xvi.

M. F. Pill. magn. pisi minoris.

Sequens ad idem Collectio decies millies Seplasiario-
rum mortaria resonare fecit.

℞. Rhei Electi ʒiij. Bacc. juniper. ʒv.

Cass. Fistul. ʒʒ. Liquerit. ras. ʒvj.

Agaric. alb. & levis. ʒj.

Lap. Judaici. Z. Ziberis. Rad. Galang. min. an. ʒʒ.

Mithridat. Damocr. ʒiij. Macis. ʒj.

Grosse contusa infundantur in Spir. Vin. Rhenani pin-
tis duabus. Apoplecticis, uti & catharrois, quidam
indubitata opem ferre solebat, Calcis vivæ & Euphor-
bii pulverisati misturâ sub naso tenta. Hoc ad infan-

tum Terminos seu motus Epilepticos cuidam celeberrimo fuit specificum.

℞. Rad. Pæoniæ Irid. flor. an. ʒij.

Croci gr. xxiv^{or}. Sach. Penidiat. ʒß.

F. cum f. q. Spiritus fl. Tiliæ molle Electuarium, bis terve de die, ad pisi magnitudinem præbendum.

Hæc magni nominis, ac tam interni quam externi usus, *Leucotelli Balzami* formula nuper ex aliâ Provinciâ mihi pro magno secreto missa est.

℞. Cer. Citrin. ʒxvj.

Ol. Olivar. ʒiij.

Ther. Ven. cum Aq. Ros. lot. ʒxij.

Balz. Peruvian. ʒij.

Vini canarin. ʒx.

Santal. Rubr. ʒj. MS.

Unico resolvente emollienteque Cataplasmate, cujus basis erat Fæx Vini, (vulgò t Pântje) Magister Cornelius Jispensis; Vitriolo albo pluvîâ soluto, Magister Feyus Oorschotanus, quasi miracula fecerunt. Ejusdem farinæ novi alium, perpaucissimis, vixque nomine dignis remediis celeberrimum. Tantoperè à Novatoribus neglectis ac contemptis frictionibus, & mediante Linimento ex axungîâ canis vel felis cum Ol. Laurino, adhuc felici eventu paralyticis membris medetur quidam in vicinia hujus oppidi rusticus. Cum Linimento ex catellis, ranis, lumbricis terrestribus, mediante oleo olivarum & vino cocto, antea, quasi miracula edidit alter. Omnis generis plagas ac ulcera, hoc unico quidam felicissimè curat, obliquè ac lividè successus aspectantibus Chirurgis.

℞. Ol. Rosar. ʒxij.

Mucag. rad. consolid. maj. Pulv. Ceruss. an.

ʒvj.

Cer.

Cer. Alb. Lytharg. aur. Lap. Calam. an. ʒiij.

F. Unguentum.

Hic Balzamus est panacæaque Magistri, quondam à bajulante pixidibus phiolisque refertum canistrum cane, famosissimi, Martini Wildenboer:

℞. Ung. Althææ.

Ol. Laurin. Chamomill. Hyperic. Rosati,

Vulpini Trifol. odorati an. ʒiij.

Therebinth. ʒvj. Petr. Spic. an. ʒix.

Nigellæ ʒvj. MS.

Suis lumbifragâ Venere enervatis, ex eadem Tribuvenereis fratribus, hoc quondam Apellæ Medici Amstelod. *Roccomoræ* præsens probatissimumque erat remedium.

℞. Conf. rad. Ering. Satyr. mar. an. ʒj.

Cort. Arant. condit. ʒvj. Nuc. jugl. cond. No. i.

Confect. Alchem. ʒß.

Ambr. grif. ʒj. Moschi ʒß.

Cum Syr. cond. Citr. F. Opiatum molle.

Quod sequitur sub titulo Stomachalis Conditum, ab extimæ urbis regionis incolis, millies ex uno pharmacopolio ablatum est.

℞. El. Hier. Picr. ʒvj. Rob. Ribes. ʒiij.

Sp. Diacartham. Crem. Tartari. an. ʒß.

Diagrid. ʒß. Ol. Sulph. P. Camp. g. x.

M. F. Conditum.

Paratu facillimum, nec propter argentum vivum, ut ferè reliqua omnia, formidandum, hoc magni Noloscomii Parisiensis ad omnigenam Scabiem Unguentum parile non habet.

℞. Sulph. Pulverifat. ʒß.

Salis culinar. Saponis nigr. an. ʒj.

Aristoloch. Fabac. pulv. ʒß.

Ol. Laurin. ℥ij.

Aceti Vin. cois ℥v.

Butyr. veter. rancid. ℥j. Ol. Olivar. q. f.

F. terendo f. a. Unguentum.

Ex Mastich. Myrrh. Oliban. Succin. &c. mediante Spir. Vin. Rectificato Distillatum; olim. Sp. Matrical. Burri indigitatus, summo jure (quod expertis innotescit) summam laudem meretur. Hoc simplici Sparadrapo, inveteratissimas ad desperatas Cacoëthes, præcipuè in tibiis, vidi brevi curatas.

℞. Empl. Diapompholig. ℥ij. Grisei ℥j.

Defensiv. Vig.

Ung. Alb. Caphurat. an. ℥β. Caphur. ℔j. MS.

Hæc Tabellæ ad infantum adulatorumque lumbricos sunt clarissimæ.

℞. Mercurii Dulc. gr. xxiv. Diagrid. gr. xij.

F. Pulvis dividend. in 6. doses æqual.

Unaquaque cum pastæ ex Sach. pan. albiss. ℥jβ. & mucilag. Gum. Tragacanth. Aq. Ros. Extract. duarum dragmarum bolo incorporanda.

Duo sequentia ad Oculorum (& quidem præcipuè ad Suffusionem) affectus remedia, possessori Oculario celebri ac expertissimo, etiam jamnum opes ac famam conciliant.

I ℞. Aloes pulv. ℔j. Tut. præp. ℥β. Camph. gr. vj.

Sarcocoll. ℔β. Vit. Alb. gr. ij. Mel. Rosat. ℥β.

Sach. Canth. ℥β. Aq. Chelidon. ℥ijs.

Spir. Vini. ℥ij. Album. unius Ovi ad duritiem coctum.

Post levem per noctem digestionem colentur, filtrentur, & ter quaterve de die guttæ aliquot cum spongiâ oculis instillantur.

2 ℞. Sach.

℞. Sach. Perlati ʒj. Canth. Alb. Magister. Tutia
an. ʒp.

Vitr. Alb. grjß. Camph. griij.

F. pulvis subtilissimus cujus infletur ter quaterve de die parumper per calamum in oculum.

Magnus parvulorum Medicafter, Vomitu, Atrophia, Diarrhæa, & Tussi languentes, simplicissimis hifce feliciter restituebat. Ex Mastichis Granulis electis Scutum, Nucis Moschatæ oleo expresso oblinitum, eorum ventriculo applicabat. Sitientibus Ptisanam ex hord. integro & parum liquerit. cum Julapio Rosaceo & Corall. Rubr. Præp. mixtam propinabat. Ad inflammatas vel excoriatas Papillas, hoc remedio nil supra,

℞. Ol. Amigd. d. rec. expr. e. gr. ʒj.

Affiduè teratur in mortario, vel scutulâ plumbeâ, pistillo plumbeo, donec post unius seu alterius horæ laborem, fluidum ac clarum oleum in spissum ac cæruleum sit mutatum Unguentum.

Nec ad earum fissuras sequenti:

℞. Succ. Acaciæ ʒj. solvatur in *uncia semisse* Mellis Rosacei, ac penicillo applicetur.

Capsularum omnis prætii myriadas, sequenti ad Herpetem Unguento refertas, quotannis civibus ac exteris vendebat Scabinus ac Pharmacopœus Hagiensis veteranus, ante 23. annos meus Magister.

℞. Grandin. Plumbei minimi.

Aq. Fortis an. lbj.

Hujus in calcem versi edulcorati ac exsiccati.

Plumbi ʒiv. Ceruss. panis ʒij.

Præcipitati albi ʒj.

Axung. Porcin. lbjß.

Balz. Peruvian. Ol. Lign. Rhod.

Rosei coloris terr. (Belg. *Roosjes-lood.*)

Q. pro

Q. pro grato odore ac colore sufficiat.

Subindè post initum de pensione contractum, magnatum infantulis simul hisce internis medicinam faciebat.

℞. Rad. Graminis ʒvj Liquerit. ʒß.

Rhei elect. ʒij. flor. Calend. mß.

Fol. Menth. p. ij.

F. Pappa.

Manè *Lavamento*, ex *Aquâ Mercuriali*, *Albis Rbaris Trochiscis mixtâ*, crustulas rigabat. Lactentis matrem vel nutricem, semel hebdomatim, *Infusione Rhabarbari* everrebat, & sic citò tutò ac jucundè foedam hanc labem curabat. Ab jugiter extremo periculo continuante, cæteraque remedia respuente, narium hemorrhagiâ, exsanguis & syncopticos, per celeberrimum hujus *Academix Professore* & *Practicum*, hisce remediis vidi curatos.

℞. Vitriol. alb. Aluminis,

Nitri an. ʒij.

Dissolvantur in aq. Plant. ʒvj. Rosar. ʒiij. Acet. dist. ʒij.

M. F. Fomentum.

Quocum tempora, aures, frons, cervix &c. continuò irrigari debeant, ac eo madentes ex stuppâ turundines naribus intrudi. Interim bibat sequens *Julapium*.

℞. Aq. Cichor. Rosar. an. ʒvj.

Syr. de moris ʒij. Sp. Vitriol. ad gratum acorem.

Ac ad præcautionem per aliquot dies nihil aliud, quam

℞. Ribes. Rubr. mundat. ʒß. Contus. coquantur in Pluv. ad pint. 1^{or} cui adde Ol. Vitrioli ʒß. MS.

Ad idem, hoc pridem non obscuri *Amstelod. Practici* erat secretum ℞. Bol. Vulgar. pulv. q. l. album. unius ovi, misceantur frontique imponantur. Bibat etiam sequens.

℞. Aq.

24. Aq. Plantag. ʒiiij. Syr. Myrtin. ʒvj.

Sp. Vitriol. q. s. ad acorem.

Omnibus tamen aliis, in sanguine confestim sistendo, palmam præripit famosissimus ex Alumine, Vitriolo, ejusque phlegmate & oleo, *liquor Stypticus, seu Anchora Sauciatorum Webberi.*

Dum hæc scribo jam ipsis Kalendis Augusti A. 1699. mihi nuntiatur Dordraco, de Rulando ibidem redivo, per paucissima quædam Antimoniata mirabilia peragente.

Duplex, pauperum scil. & divitum, Vinum K. Kinatum, quod Lutetiæ Regis nomine conficitur, ac ut præsens febribus remedium venditur, nec alibi inutile fore reor. De K. Kinatis Clysteribus, quanquam quibusdam sint instar magni secreti, certi mihi nil constat. Nec magis de putido cujusdam ex ore foetenti consilio: scil. *ut si sese brevi vellet curatum subinde ore patulo virulentos fætidissimæ latrinæ exhalationes hauriret,*

Tandem ut abigatur squalidi præcedentis consilii fœtor, colophonis loco, suavissimè olens Regiumque hoc, nec ubivis obvium Compositum, (Aaronico profectò, si translatores non hallucinentur, multis parasangis superius, quippè quod solum ex Cinamomo, Calamo, Cassiâ, Mirrhâ ac Olivarum oleo fuit) præcedentibus specificis addam.

Descriptio, Sacre inunctioni Maximorumque Regum Coronationi inservientis, Olei.

24. Ol. recent. & fragrantiss. fl. Jasmini & florum Arantiarum, Lign. Rhodii genuini an ʒvj.

Cinamomi ʒij.

Flor. Benzoin. albiss. ʒj. Ambr. Grif. ʒß.

Molchi. ʒij. Zibethi ʒj. MS.

Oleum in-
unctionis
sacræ.

Levigentur in porphyrite, mox super cineres tepidos in mortario & pistillo vitreo ad perfectam usque mixtionem probe agitentur, obturentur, & conserventur.

Conditura
ad Regum
Principum-
que cada-
vera.

Sequentibus haud ita pridem cadaver Illustrissimi Principis condierunt.

℥. Fol. Lauri, Menth. Scord. Serpill. Absinth.

Rorismarin. Majoran. Lavend. Ros. rubr.
an M. iv.

Coquantur in aceti fortiss. ℔xij ad dimidias colatur. addend. Aluminis rubri ℔j. salis communis ℥vj. denuo ebulliant ad aluminis & salis dissolutionem, tandem adde

Aloes. Croci, Mirrhæ an. ℥iv. MS.

Ad idem

℥. Aq. Vit. Math. & Sp. Vin. Rectificati an. pint. ij.

Ad infarciendum evisceratum cadaver requiruntur Bombic. albiss. ℔v. vel q. f.

Ad idem

Salis tostii & subtiliss. pulverisat ℔v.

Ad idem

℥. Aloes. Mirrh. Thuris, Stirac.

Mumiæ pulverisat. an. ℔ss.

Ad idem

℥. Aloes ℥vj. Myrrh. Thur. Styracis, Mumiæ an. ℥iij.

Ladan. Calam. Aromatic. Aspalthi an. ℥iv.

Colophonix, Lupinor. an. ℥v. Sem. Coriandri

Cumini, Nigellæ, Fœnic. an. ℥iv. Rad. Irid.

Gentian. Valerian. Arist. long. rot. an. ℥ss. Galang.

Macis, Nuc. Mosch. Garyoph. Cinamomi, Z. Zi-

beris an. ℥ij. Croci ℥j. Ros. rubr. Fol. Laur.

Bacc. Junip. Laur. an. ℥ss. Abrotan. Scord. Menth.

an ℥vj.

F. Pulvis.

Ad

Ad Idem

2. Ol. Spic. Thereb. Lavend. Rosmar. an. ʒij.
 Bals. Peruviani, Ther. Venet. an. ʒiij.
 Croci pulv. ʒj. Kaphuræ. ʒß.

MS.

Ad Idem Sparadrapum

2. Cer. flav. ℥xij. Resin. Pini ℥iij. Picis, Masticeis,
 Therebinth. Ol. Junip. Lavend. Bacc. Laur. an. ℥ß.
 Styr. liquid. ʒiv. Petrol. flav. ʒiij. Camph. ʒj. Gum.
 Elem. Colophon. Thuris. Benfoin. an. ʒj. Lique-
 fiant & misceantur.

Mixtis toral magnum linteum s. a. immergatur.

Ad Idem candelæ odoriferæ.

2. Styrac. Calamit. Carbonum. lign. an. ℥iv.
 liquid. ℥j.

Mastic. Ladani. Benzoin. an. ℥ß.

Kaphuræ ʒiij. MS.

& cum mucilag. g. Tragacanth. aq. Ros. extr. F. Mas-
 sa, ex qua Candelæ longiusculæ.

Tot ac tanta pompatica tamen, ut opinor, ad unius
 cadaveris pollinctaram non requiruntur, paucioribus
 profectò, ac multò simpliciori & viliori methodo à
 dexterioribus corpora mortua condiri queunt. De quì-
 bus, consule *Guiberti Corpora mortua condiendi modum*.
 Ecce Lector ex primipilis ac gregariis aliquot dele-
 ctum manipulum, quem, instar speciminis, à multò
 majori ac ferè 30. annorum serie, (nec anticipatâ non-
 nunquam pecuniâ, vel saltem meorum cum aliis reci-
 procatione) conscriptâ turbâ segregavi: similibus enim
 potiundi, olim magis ac jam, fervebat animus. Nu-
 merum auxissem, si recensitionis album nimis longum me
 non deterreret: Receptarum enim Compilatoribus, for-
 mularum descriptionibus abhorrens hanc spartam liben-

ter trado, ac ad hos me conféro, qui (ad Græcorum normam imitationemque, qui uno ore prodiderunt, remedia illa esse optima, quæ simplicissima, juxta axioma, quod fieri potest per pauca, non fieri debet per multa vel plura.

*Ire per ambages, cum sint compendia rerum,
Stultitiæ summum dixeris esse gradum.)*

ægotantes magno medicamentorum apparatu onerare nolunt, ac curtissima supellestile contenti, ferè omnia sua (ut dicitur) secum portant, operosis ac sumptuosis levi negotio parabilia, ac plus salis quam sumptus habentia, præferentes; etenim artis medicæ pompa & dignitas, non tam in formularum concinnitate & elegantia, quam in morborum curatione cernitur. Quæ ut verum fatear, nec mihi, legitimis saltem conditionibus, displiceant. Non enim refert quam multa, sed quam bona sint, quæ præscribuntur; dexterrimi quoque artifices, paucissimis indigent instrumentis: nec varietas semper in Medicis, veluti in aliis delectat; indigenum exoticum interdum longè superat, & pompalis farrago ut plurimum magis Seplasiario quam ægro prodest: *unum vel paucò numero medicamenta, hæcque agris congrua, laude digniora sunt pluribus, si quidem paucò numero securius satisfiat.* Hipp. l. i. de *diætâ in acut.* Accedit quod audito solo cujusvis Compositi necdum visi aut gustati nomine, quidam ex tempore fremant vomituriant ac impallescant, ut gelidæ videantur mortis imago. Ex quânam aliâ putes causâ? quam multiplici & multiformi Compositorum varietate, sicut vel levi morbo profligando, herbarum, radicum, seminum, florum, gummatum, mineralium &c.

hor.

Pauci probè norunt quantum unica Opii granula sanguinem &c. incrascent, & e contraguttula ol. Ciomomi eundem rarefacere valeat.

horrendi plerunque gustus odorisque, diversique generis medicaminum, tota, ut sic dicam, plaustra cumulatim sarciminatim ac variegatim præscribunt, & variè à Pharmacopœis miscenda tribulanda & ad nauseam usque sumenda exhibent nugatores; cum olim Medicina vel amplissimo Senecæ testimonio, paucarum herbarum fuerit scientia, (nec minus hodiè in pluribus morbis pauca homogenea & efficaciora sufficiant,) quæ in tam variam & tantam alicubi medicamentorum farraginem hodiè est progressa, ut vel ad eorum conspectum vel mentionem aut odorem, vomituriant aliqui, imò verò derepentè vomant nonnulli, & nonnunquam per inferiora alvum largiter exonerent, ac si dejectorium pharmacum hausissent. E contrario deformem habitum antiquitate tuentes Lemovicenses; distorto vultu immundoque cultu excellentes Sabaudi; ut & rudes Lotharingi, præter allium & crocum, nullum noscunt pharmacum. Agrestis Germaniæ turba, unico allio est contenta. Multos inter simplices Hollandiæ rusticos invenias, qui in vitâ nullum, vel si ullum, nil aliud, quam lactis serum, vel cochleariam, viderunt medicamentum, intereà ad summam senectutem, donec hoc unico tandem (exulantibus cæteris) morbo conficiantur, contenti ac sani vivunt. Unde liquet oleum & operam perdere, qui solum exotica efflagitant & coëmunt, sumptuosa alioquin & cara, incerta, ementita, neglectis vernaculis & indigenis, vilioris prætii & securioribus. Devicto Mithridate, compositionis scheda ipsius manu-exarata, in scriniolo inter res curiosissimas à Cneo Pompejo deprehensa est. Misturam istam à Pompejo minimè æstimatam aliqui memorant, quod paucissimis passimque obviis simplicibus constaret.

Simplicissima quædam remedia.

*Antidotus verò multis Mithridatica fertur
 Confociata modis , sed magnus scrinia Regis
 Cum raperet Victor , vilem deprehendit in illis
 Syntbelin , & vulgata satis medicamina risit !
 Bis demum rutæ folium , salis & breve granum ,
 Juglandesque duas , totidem cum corpore ficus :
 Hæc oriente die parco conspersa Lyæo
 Sumebat metuens , dederat quæ pocula tutor.*

Ut superscriptis versibus liquet , duabus juglandibus aridis , totidem ficibus , viginti rutæ foliis , cum salis grano probe contusis , compositio illa constabatur , in lemmate vi illi adscripta , ut qui jejunos illa uteretur , à veneno totis 24. horis tutus esset.

L. III. De
 pnosophist.

Huic annecto stupendam ex Athenæo de Citriis historiam ; „ Prædonibus igitur paratum theatrum in-
 „ gressuris caupona quædam mulier , eorum miserata ,
 „ utrique malum citrium edendum in viâ tradidit.
 „ Hi postea horrendis crudelissimisque animalibus pro-
 „ jecti & ab aspidibus percussi , nihil denique passi
 „ sunt. Dubius fuit dudum sanè Princeps , atque
 „ militem eorum custodem si quid edissent vel bibis-
 „ sent interrogavit. Ut verò citrium illis traditum eo-
 „ dem die fuisse cognovit , huic postero die Citrium
 „ dari , illi autem nequaquam jussit. Is demum qui
 „ Citrium prius comederat , nihil rursus passus est , at
 „ ille morsus statim interiit. Ejusdem farinæ porro
 de similibus infinitas plures præcedentibus possem at-
 texere historias , ut de Cochleariâ , Salviâ , Roremarino ,
 Majoran. Consolid. Plant. Millefol. Levistic. Cichor. Ta-
 nacet. Sambuc. Brassicâ , Sedorum generibus , &c. tanquam
 tot testes , prosperos morborum eventus multoties non
 ma-

magis alligatos operosis ex Compositis remediis, quam vilissimis (quorundam judicio,) Simplicibus, igitur, ut regula tenet: *Quo simplicius eo melius*. Si exemplum efflagitas Lector, agedum: inpræsentiarum, circa æquinoctium autumnale hujus anni 1699. mihi nuntiatur Bruxellis, Epidemicæ malignæ, quæ nuper ibidem, paucis hebdomadis sex millia & ultra mortalium neci dedit, & cujus aliquot vestigia & semina etiam in hac civitate (& uti ex Angliâ scribitur) quoque Londini ab oculatioribus Practicis observantur, præcipuam & unicam quasi remoram factam fuisse, cæteris omnibus frustra tentatis, quod NB, per vilissimum *succum Taraxici*. Sed brevitati studens hæc sicco pede transibo. Ne tamen quis cogitet, quod proscribendo inutiles hominesque fastidio enecantes Compositiones, nullas velim, meam de illis sententiam hic apponam. Legitima, patre ratione, matre experientia, dextrâ obstetricante arte, Composita medicamina, semper, & præsertim in morbis complicatis laudo, *abundans enim cautela quid nocet?* glandesque quasi, quæ initio praxeos in deliciis erant, in ætate maturiori negligere quid refert? At inconcinnas & ad luxum fastumque, ex sese invicem destruentibus simplicibus, congestas noxias Rapsodias, non fero. Quodnam licet Compositum unum alterumve utilissimum simplex ingrediatur, adeo frequens ejus cum aliis mistio dubiam reddit hujus singularis experientiam: ita ut nescias, à quo tandem virtus agendi emanaverit, aut in quonam principio operationis latuerit: & ut legum multitudo sæpe vitiis excusandis accommodatior est quam iisdem prohibendis, adeo ut illorum populorum status sit optimè constitutus, qui tantum paucas habent, sed quæ accuratissimè obser-

vantur: sic pro immensa ista multitudine simplicium, quibus confusæ sine ordine ejusmodi Compositorum moles refertissimæ sunt, pauca *probatiores* in privatum usum eligere & ad quotidianam praxin accommodare quis vetat? In promovendis vel retardandis à peripheriâ ad centrum, vel ab hoc ad peripheriam humorum motibus, vel evacuationibus, posset auxiliorum chaos, quoad interna, & forsan ad externa, terminari: Ex. gr. Sub his quatuor signiferis cæteri gregarii facile coeunt 1^o. Catharticis nimirum: 2^o. Hypnoticis: 3^o. Sudoriferis: 4^o. Adstringentibus. Catharfeos enim vexillum Præparantia, Alterantia, Laxantia, Emeticaque sequuntur; nec immemor sui vexilli Opio duce, Narcoticorum Anodynorumque est Tribus; Calefacientia, Attenuantia, Incidentia, Reserantia, Diuretica, Menses vel Partum promoventia & Fætum vel Secundinas expellentia Carminativa & Alexipharmaca Diaphoresis jussa capeffere, quis non videt?

Quatuor
remedio-
rum Prin-
cipes.

Postrema ac tarda Refrigerantium, Repellentium, Incrassantium, ac Stripantium acies, austerum astrictumque suum ducem sectatur. Tandem mixtæ ex sic dictis Specificis, ut Cephalicis, Thoracicis, Cardiacis, Splenicis, Uterinis, Lithontripticis, Arthriticis, Febrifugis, &c. vel Occultarum Qualitatum remediis, copiarum terga claudunt. Emollientia, Maturantia, Emplastica, Vulneraria, Pus, Carnem, Callum, Lac & Semen Generantia, Cicatrisantia, Sternutatoria, Apophlegmatismi, Vesicantia, Caustica &c. quasi littores Castrenses ad latera & circumvagantur. Atque sic penè innumerabilis (quem tanto rerum tumore ad posteros pertulerat fama) exercitus, ad quatuor prætorianas cohortes, vel potius ad earum Duces restringitur ac reformatur. Tanta tamen integrarum phalan-

langum exauctoratio illis, qui multitudine varietateque delectantur, neutiquam arridet, hanc enim plurimum malorum symmata protrahere conqueruntur, & probare conantur: tam contractam Pharmaciam, duorum triumve mensium spatio memoriæ mandatam, Materiæ Medicæ incuriam & pigritiæ pabulum ignavissimis mulo-medicis subministrare, affirmant, & licet tales ac tanti, eodem modo, iisdemque (absque ullo jam amplius Autorum inspectione) in omnibus, remediis, medentes opinionum Heroës ab vulgo pro promptis ac expertis habeantur, ab his tamen oculatioribus, cachinnis ac derisibus digni censentur. Sed hæc, ut plures similes, levi negotio possent componi lites, si litigatores duntaxat tantum ad charitatem quantum ad livorem conferrent, nec mutabiles ab uno extremo ad aliud profusè transilirent. Quis enim rationis compos meam medicamentorum in quatuor classes divisionem, cum grano salis intellectam, quasi Empiricæ fomitem criminabitur? Nullus opinor, qui videt, quod cuicumque uno ex his quatuor Imperatoribus auxilio indigenti liberum sit, tot ac tantos veteranos vel tyrones, licet antea exauctoratos, conscribere milites, quales quantos voluerit. Absit ut murcidis vel bibaculis suggereret, unum alterumve memoriæ mandatum remedium ad singulos, Agyrtis tria ad omnes morbos sufficere. Denique jam commendatæ magisque necessariæ, etiam si per se satis commendabili utrique Pharmacie, tanquam primariæ Medicinæ parti, ut indefessè inhiat Tyro, ipse ipsi autor sum: Medicum enim rationalem & Principum Medicorum doctrinâ inunctum, in pharmaceuticâ arte debere esse instructum, nullis it inficias. Nec enim remedia præscribere poterit, nisi medicamentorum facultates in numero habeat. Nihil

Tam abbreviatus remedium numerus non omnibus arridet.

Sano sensu tamen quartanarius remedium numerus ad omnes morbos sufficere possit.

enim Medicum è pelagi sinu, aut abyssi profundo eruitur, nec ab aëre quicquam ad ima nutat, delabiturque, quo non luxuriat hoc Sanitatis contrà morbos Armamentarium. Ex eo siquidem tot medicamenta depromuntur, quibus humani corporis hostes morbi causæ & symptomata oppugnantur expugnanturque, seu à dietæ vitio exoriantur, seu extrinsecus adveniant, idque vel à causâ manifestâ ut intemperie & solutione continui, vel à causâ latente, vel cujuscunque alterius novelli nominis volueris.

Hinc patet quam malè sibi consulant, qui inanibus curiositatibus & speculationibus sophisticisque disputationiunculis tempus inutiliter terendo, quarundam nugarum fiant idololatræ, ac propter Pharmacisë neglectum, nunquam in medicos idoneos evadant; & licet aliorum in his intentio curiositatem scilicet vel lucrum respiciat, nobis nullus alius præter hominis sanitatem finis est, nullatenus ejusmodi mendicante adulatione, (*Curiosos solos considero, è luto meliori fictos, sapientiæ alumnos, magna Reipublicæ literariæ lumina, spes & fulcra Patriæ, uno verbo Philosophos,*) egens, seseque commendabilem reddens.

Restat ut vias, quibus Philiatræ hanc sibi vindicent & præter quas nullas novi, hic breviter indicem: experto ac dexterrimo videlicet Spagyrico Pharmacopœo, in suâ multæ distractionis Officinâ, per annos aliquot inservire: seu potius, quod præsertim Exteris, & generaliter omnibus Medicinæ Studiofis expeditius, eorumque dignitati convenientius sit, aliorum artis peritorum instructioni, orè & labore, seu ratione & re informantium, sese tradere. Multæ enim publici pharmacopolii minutæ ad futuram præxin medicam nil faciunt; usualium præcisa cognitio,

eo-

eorundemque dextra præparatio (omissis de ejus differentiis ad ravim usque disceptationibus) præsertim requiruntur, omnibusque numeris absolutæ sunt: nec opus est simplices visibiles perceptuque faciles labores & operationes sub titulo & specie Medico-Physicarum, longè petitis atque ad rhombum nihil facientibus nudis verbis, nimisque exiliter netis invisibilibusque tricis, discantibus reddere difficiles intricatasque: sufficit imò præstat (ut jam in præcedentibus quadantenus annui) solum omnia ex triplici sic dicto Regno Simplicia, iterato visu, gustu, olfactu, contrectatione; probè cognoscere, eorumque nomina vireſque, tandem legitimam ac genuinam naturalem & artificialem ἀνάλυσιν, ἀναγέννησιν, ἀνατομὴν, & in Composita μεταμόρφωσιν gnaviter ediscere, laboreque improbo sibi comparare ac in succum sanguinemque vertere. Hæc res rerumque nervos continens methodus discanti omne fert punctum; quod haudquaquam etsi à Platone, Epicuro, Democrito &c. excogitata speciosiusque verbis contexta, ab eorum simiâ Euripo mobiliore antiquitatisque pertæso Gallo ad lubitum suiſque cerebelli captum renovata, à quibusdam secundum temporis rationem millies recusa Corpuscularis Physica poterit. Ad cujus regulam tamen plurimi omnia naturæ *Φαινόμενα* præcisè adaptare volunt, & stat pro ratione voluntas: hinc multi magni sibi videntur Oratores, si plurimis sesquipedalibus barbarisque verbis paucissima, imò ea dicant, quæ nec decem quidem Sybillæ intelligant, licet interea quidquid est in arte antiquum & sanctum ludibrio habere non erubescant: adeo ut cum suo more philosophandi sese dudum delassasset horum aliquis, tandem conquerendo candidè fateatur, quod *externa internaſque plurimorum simplicium*

De iis qui
semper in
omnibus &
ad omnia
Corpuscu-
larem Phi-
losophiam
crepant.

accidentia tam intricata altèque abstrusa sint , ut ad interiora penetrandi non pateat aditus , Labyrinthique plus quam Dædalei in eorum *Ἀνατομῇ* *ipsi obviant ; ratio est , quia sua ramosa etiam à ramosis differant , viscosa & terrestria diversissimam sæpius à se invicem figuram obtineant , ita ut ejusdem classis simplicia respuant hanc misturam , quam alia ejusdem speciei corpora haud difficulter admittant. Sed protinus quasi dicti inscitixque pœniteret , hanc sinceram suam confessionem retractat , palinodiamque canit inconstans , pro comperto jam habens , hanc varietatem tam à superficie diversa , quam à figura pororum meatuumque dependere, Quanta verba ! sic Aurum requirit salia peculiariter disposita ; Argentum aquam fortem , Antimonium diversa salia , Euphorbium acida , Cuprum , Ferrum , Plumbumque cuiusvis ferè liquori cedunt &c. Quasi verò horum infinitorumque similitum , tempore improboque labore detectorum notitiam , non unicæ experientix , sed & his cerebellorum phasmatibus acceptam haberemus referendam.*

Tandem ad sequens ejusdem , hodiè haud obscuri Philosophi-Medici , maximi ponderis attendite monitum , quicumque Apollineæ militix sacramentum dedistis : Illud autem observatu dignissimum est , quod Medicos etiam ad majorem & certio rem medicamento- rum notionem deducere potest , eorumque actiones clarius patefacere ; nempe remedia agere , pro modificatione illius miscelæ salinæ terrestris. Papæ ! Quibus hæc , cum suo suorumque dogmatum commendatione , amplissimisque ad sua placita ambabus ulnis amplectentes promissis , prolata , annecto : Hæc ubi serio examinata , ritè investigata , tandemque clarè & distinctè percepta fuerint , absque omni

omni dubio Medicina ita tractata, artificis successu felici pedem sistet firmum agrumque ad beatoris vitæ deducet fines. Quam magnificè! Similes suo tempore hoc scommate impetebat modestissimus Cicero: pertæsum est levitatis, assentationum animorum, non officii sed temporibus servientium.

Cicer. ad
Qu. Fr. l. i.
Epist. 2.

Et profectò omnem posteritatis fidem superabit, quod res imaginaria, conjuncta indefesso & inexplebili novandi studio, omnem meliorem, à tot ævis ac tantis priscis Atlantibus Herculeo labore excultam expolitamque Philosophiam & Medicinam, pessum dare poterit, ipsâ nec Theologîâ, imò nec Jurisprudentiâ, Græcisque &c. literis intactis relictis; ut nullus doctus audiat, nisi harum chimæricarum particularum turmas ac legiones aliquot, una cum strepitu materiæ subtilis, pororum, tubulorum &c. tanquam machinas bellicas, vel si mavis, sacras ignorantiae anchoras, & nil magis quam obscurissima Veterum in Medicinâ vocabula (etsi iis opponantur) significantes, semper ad manus ac in promptu habeat, fusèque de iis multâ λογισμῶν καὶ πανλογίᾳque garrire, argutèque disputare queat, Si defunctis aliquantula tantum de viventibus superesset notitia, proculdubio pullatus incederet universus Hippocraticorum Galenicorumque Cyclus: nam etiam si in cudendis operibus absolutissimis ætatem triverit, nec poenitendos inde expectasset fructus, hodiè nihilominus, antiquâ dormiente gratiâ, cum paupere Aristotele cogeretur ire pedes. Quod facillimè ex eorum atro livore conspersis scriptis, qui nullum lapidem non movent, ut studiosam juventutem ab veteribus avertant, conjici potest; nec mirum, quia neglectâ veterum lectione, tutius suâ vetustissima (ut læpius audiavi) pro novis, & quidem suis inven-

tis , tradere possint. Sed undè jam hæ lacrumæ ? Meo (salvo tamen aliorum) judicio , præter lucelli ambitionis ac novitatis cupidinem , ex nullo alio , quam pigritiæ fonte , scaturiunt hi rivuli : nimis siquidem operosum est , tot & tantos inspicere ac legere auctores , commodius est ad hæc ratione temporum instar actionis heroicæ , habetur , illos nec visos , nec auditos , spernere , & cum hujus ætatis Argis invisibilia videre , ad visibiliaque cæcutire. Sed inferentes mihi audire videor , quod saltem ^{μαθησιος} mustricolæ calceata nova Medicina veterem superet ; quod concedam simulac mihi monstrent , quod facultates naturales &c. res non naturales ; affectus præternaturales in Microcosmo præcisè ejus , (vel ut alii volunt) mechanicas leges sequantur , quadrantibus pariter rursus hisce ad amissim remediorum qualitatibus : præterea cum reverà viderim , illos de aliorum in suâ disciplinâ ruditate conquerentes Mathematicos Doctores istis in praxi Medicâ esse feliciores. Sed falsum prius & posterius , ac vana sunt sine viribus verba. Ipsis enim expertis Empiricis in curandis morbis longè infeliciores sunt similes scioli ; exemplorum myriades hoc confirmant. Imaginariorum igitur corpusculorum decantatissimam Physicam , ut & secundum quosdam ad artem medicam requisitissimam Mathesis scientiam , vero Medico in Praxeos abstrusis non magis quam mendico trutinam monetariam necessariam esse , quis non videt ? Prætereo sententiam cujusdam doctissimi Theologi , patriâ Rheti , qui post longas in Italiâ peregrinationes , indefessaque Mathematica studia , ægerrimè ferebat , quod quidam Medici ad Mathesis præcepta medicinam facere velient : præ omnibus eos abhorrebat , qui hanc in Metaphysicis facerent

Matheseos
fundamen-
ta in Medi-
cinâ practi-
câ parvi
ponderis
sunt.

judicem , sæpe sequens candidè fassus : *Bon Mathe-
maticien , mauvais Chrétien*. Sed de his latis ; redeo
ad promptuarium medicum , ex quo prudens promus
condus ignaris poscentibus , non quæ petant , sed quæ
habere debeant , promit ; maximâ semper , præsertim
circa Vomitoria , Opiata , Catharticaque cautione ,
consciis , quod hisce de corio humano ludatur , ac
idcirco præstet in eorum defectu , quam excessu pec-
casse. De cæteris minus sollicitus , levi negotio , re-
nunciando aliorum præscriptis , ipse millenas omnis
materiæ , formæ , & consistentiæ &c. formulas (vulgo
receptas) pro arbitrio confarcinat : nec tam curat , ex
quo particularum genere singula sunt conflata , quam
eorum effectus in humano corpore observat. Ita ut
ipsi parum ad rhombum faciat , sint ne calefactio , fri-
gefactio &c. in rebus ipsis , sive in mente nostrâ , id
est à motu solâ mente comprehensibili , vel à modo
afficiendi sensus , tactum & gustum , relativæ vel secun-
dum gradus , ex majori vel minori motu , abundantia ,
vel penuriâ , amicitia vel inimicitia , familiaritate vel pe-
regrinitate fictæ materiæ æthereæ ; debeantne Veterum
Calida , Exsiccantia , Frigida , Attrahentia , Repellentia ,
Corroborantia , Maligna (sic dicta à modo afficiendi
sensus humanos , quibus novitii Autores nomina im-
ponunt à motu , quasi sic sola mente non sensu ali-
quo ab homine perciperetur) &c. in Neotericorum ,
Salina , Volatilia , Aromatica , Oleosa , Acida , Attenuan-
tia , Aperientia , Incrassantia , Coagulantia , Vesicantia ,
Terrestria , Referantia , Corrosiva &c. anabaptisari.
Nequaquam , quoniam hæ verbis non mente differen-
tes terminorum nominumque mutationes , quoad Theo-
riam obscurum per æque obscurum explicant , ad praxin
verò planè *impossibiles* , saltem frustraneæ sint.

Ad enatas, per tot laborum molinima, pharmaco-
rum formas, quibus tot tantaque volumina sunt refer-
tissima, rectè distinguendas; præsertim ac primò, ad
ingredientium facultates, secundò ad singulorum, &
quidem tam manifestè inter se repugnantium propor-
tionem ad se invicem; tertio ad Compositi consisten-
tiam coloremque, attendendum est, ut exindè liqui-
dò pateat, an ipse autor vel transcriptor, conscripta
sua unquam viderit, composuerit, intellexerit, nec
ne? Nam hoc in multis verissimum esse, non paucæ
intricatisimæ atque apud Autores Antidotarios pas-
sim obviæ inconcinnæ farragines, ingredientium cumu-
lationes, & præparandi modi, evincunt, de quibus
jam in præcedentibus. Ast jam dubius hæreo, sint ne
Democriti cæchinno, quam Heracliti lacrumis magis
digni, hodierni opinabiles Pharmaciæ Reformatores?
qui nullum lapidem non moveant, ut non solum Ve-
terum, sed & Neotericorum, publicâ Magistratus au-
toritate stabilita, amplissimisque privilegiis munita
Composita Medicamenta, ac si malè & contrà artis
leges præparata essent, Tyronibus suspecta aspernanda-
que reddant, ipsis interea Correctoribus ad propria
offendicula, quæ tamen antiquis imputant, impingen-
tibus. Ne autem gratis hæc asseruisse videar, paucula
quædam breviter, ex Clariss. Autore Principii Visco-
si, Ramosi, & Terrestris, placidæ disquisitioni subjec-
te fert animus. *Primo* Syrupi ex succis acidis, ut
Limonum, Granator. &c. Fragrantes, ut Violar. Ju-
lap. Rosatum, Menth. ex aquâ &c. facilius ac melius,
minorique virium jacturâ, quam ex Autoris, secun-
dum methodum Zwelferianam, sacharo tabulato, com-
ponuntur modo sequenti. *℞.* Succ. vel Aq. pß. vel ʒx.
Sach. panis opt. (*vulgò Handp Brood*) *℥j.* vel ʒvj,
li-

Abfurdo-
rum Com-
positorum
causa.

Audacia
quorun-
dam non
Re-fed De-
formato-
rum.

In quorun-
dam com-
positiones
inquiritur.

liquantur in fictili super prunas, intrâque horæ quadrantem F. Syr. Propter easdem rationes millies expertis sequenti modo paratus Violar. Syrupus etiam magis quàm illius arridet. ℞. Florum Violarum mundat. ℥xvj. pluvix ferventus ℥xxxx. seu pint. duas, extrahantur per noctem apud focum in cantharo probè clauso. Tincturæ manè colatæ adde, Sach. pan. opt. gross. pulverfati ℥v℥. vel ℥lxxxviii. liquefcant sine coctione in fictili, & F. Syrupus. vel. ℞. Fol. flor. Violar. q. pl. Aq. q. s. Infundantur tepidè per horas aliquot in terreo stanneove vase benè obturato, & percolentur, de novoque aliâ aquâ extrahantur, donec omnis tinctura planè extracta sit: cui adde Sach. vulgaris alb. (*vulgo witte Poeper*) q. ad debitam consistentiam sufficiat, quo liquato, coletur per cilicium & F. Syr. Alio modo ℞. Flor. Violar. q. v. Contundantur in mortario marmoreo, extrahaturque iteratis Aquæ additionibus colationibus expressionibusque tinctura suffic. Sach. pan. contusi. quant. in aprico inspissanda. Cautelæ observandæ sunt, 1º. ne coquat; 2º. ne acidum falsumve accedat; 3º. ne ferrum attingat. Sed 1º. ut infusio liquefactioque in vasis terreis vitreatis seu stanneis fiat; 2º. quod præstet ante extractionem folia in mortario contundere, quam integra infundere; uti & 3º. per dimidium horæ quadrantis sacharum super prunas solvere, quam Syrupum cum quibusdam aliquot septimanas radiis solaribus exponere, quoniam tanto tempore idem fit quod hi meticulosi timeant, propter imaginarium enim coloris fragrantixque damnum alterationemque momentaneum ignis calorem reformidant, evanescente interim tantâ superficie (*pationæ scil.*) & tamdiu hianti Phœbo exposito Syrupo. 4º. ut æstate servetur in caveâ. 5º. quoniam hic Syr.

cum tempore fiat fluidior, semper pro arbitrio addi potest Sach. panis contusi quant. volueris : notetur tandem 6^o. quod approximante vere novoque Syrupo, vetus ab intensiori suo caruleo colore purpureascat. Postremò addam, quod Violarum caritate hic Syrupus à Rhopopolis Myropolisque adulteretur, vel sequens pro succedaneo substituitur : ꝛ. Rad. Irid. flor. albiss. coquantur in 1. q. aq. communis, sub finem addendo coloris (*vulgo Uermoes*) q. pro grato colore, suffic. Colaturæ per subsidentiâ clarificatæ, adde Sach. q. 1. & F. Syr. Quod cum eodem Zwelfero (cujus in primis vitulâ ipsum hic arasse, nemo non videt,) Doctiss. Autor omnes ex calidis aromaticisque conflatas Syruporum decoctiones primò distillationi vult subjectas, liquoresque hos spirituosos, vel etiam alias aquas spiritusve distillatos, postea Syrupis addere, nequaquam procedit, quoniam absque ulteriore coctione, tunc debitam consistentiam obtinere nequeant; præterea, quod hi spirituosos ac oleosi liquores destillati Syrupis admixti, eos fermentare & acescere faciant, cocti verò in auras exhalent.

Denique & hoc quoque mihi displicet, quod medicamine pollens Autor, post prænominatum Zwelferum, passim Olea destillata, Ambram, Moschum &c. Syrupis addat; ratio est, quia venalia hæc olea ut plurimum Therebinthinâ, Butyro insulso, &c. adulterata, obtuso suo sapore rancidos reddant Syrupos, exhalante etiam per patula pessimèque obserata ollarum ostia illorum spiritu volatili, ejusque loco accedentibus accarorum myriadibus. Improbandi igitur sunt, ejus Syr. Caryoph. Ciaoi, Cort. Citri &c. Longè (salvo aliorum judicio) præstat, singulis remediorum Formulæ vel Dosibus, quam Compositionibus asser-

vandis,

vandis , tam Spirituosa Volatilia immiscere. Ob
eandem & plures opportuniori tempore reservandas ra-
tiones , valde etiam ad credendum difficilis sum , hunc
expertissimum quamvis Autorem cæteros suos Syru-
pos , præsertim ex succo Papav. Alb. vel Flor. Papav.
Rheados recenti , suis præscriptis modis , unquam
composuisse. Regerenti an ego vulgata his reformatis
tum præferam ? seu quales quomodoque paratos syru-
pos velim ? respondeo : paucos admodum abunde
(salvo doctiorum judicio) medenti sufficere , ex. gr. Syr.
Violar. Limon. Papav. alb. Erratici , ex Succo Card. B.
Alth. Fernel. Mel. Julaplumque Rosar. Cæterorum ex
calidis aromaticisque exauetoratorum loco verò sub-
stituerem eorum (id est hujus alteriusve ingredientis
pro re natâ) Infusiones , ex tempore usui necessario,
ferventi pluvîâ vinoque extrahendas. Postremò re-
centes Austerorum , Viscosorum , Tenacium , Inodo-
rum , Inspidorumque Decoctiones , evanidis ex iis in-
spissatis Syrupis longè prævalere , quis non videt ?

Secundò , quod sua sic dicta Antidota , ex duplo
Mellis vel Sachari conficiat Autor , minimè ei propter
sequentes rationes adstipulari possum : quia temporis
tractu exarescant mucescantque , & consequenter desi-
derata fermentatio , ob humidi sufficientisque acidi de-
fectum , suffocetur. Propter supra dictas rationes , ejus
ex oleis stillatitiis aliisque fragrantibus additamen-
ta hic iterum proscribenda sunt. Præstitisset , saltem me
judice , quod hoc suum proprium de pilulis monitum ,
etiam hic melius observasset : *Salia non admisceantur*
massæ Pill. diutius asservandæ ; citissimè enim formam
mutant , & ab interno vel externo aëris humido di-
luuntur. Præstat igitur salia extemporaneo usui pi-
lulis permiscere. Sic etiam olea stillatitia , quæ tem-

*poris tractu avolare solent, rarius huic affundantur, nisi sub ipsum exhibitionis tempus. Quam citò verò hæc oblitus est, vide in ejus Massis Pill. Coch. min. & fere omnibus sequentibus. Sequens absque Sacharo vel Melle infermentabile (quod in Electuariis Purgantibus desideratur) Excellentissimi & famosissimi olim *Burri* Lenitivum Electuarium, omnibus Autoris Electuariis, etiam ejus *Lenissimo & Suavissimo* facile palmam præripit.*

24. Prunor. Massiliens.

Ficuum optimar.

Passular. Major. Mdator.

Minorum an. ℥iv.

Herb. Cichor. Fumar.

Borrag. an. ℥jß

Succ. liquerit. ℥ij.

Sem. 4. frigidor. major.

minor. an. ℥iv.

Flor. Sambuci. ℥j.

F. ex. f. q. pluvix f. a. Decoctum

Colatur. add. Pulpas ex.

Fruet. Tamarindor. ℥viij.

Cassix Filt. ℥xiv.

& Colaturam ex Mann. Calabricæ opt. ℥vj.

Tandem pulverem ex Folior. Senn. Mdat. ℥v.

Sem. Coriandri ℥j.

Dyagrid. ℥jß.

M. & Fiat. f. a. Electuarium.

Magnificus ac Celeberrimus ille pridem in nostris Regionibus Medicus tandem Romæ ad vitam carceri fuit traditus, quia (ut volunt Pontificii) opinabatur, Virginem Matrem S. Mariam quartam in Essentiâ Divina efficere Perlonam. Quod ego tamen à tam perspi-

cacissimo Heroë vix crederem: sed potius, quod jam peregrinando oculatior factus, Religionem ac Majestatem Pontificiam aliquatenus suspectam habere ceperit, & per specillum Protestantum perlustraverit. *Tertio.* Quo jure Autor Aquas Plantag. Fumar. Burs. Pastor. Card. B. Cochlear. Cort. Arantiar. Hirundinum ex sua Pharmaciâ Galenicâ in Chymiam Physicam transferat, non magis comprehendendo, quam ejus in destillandâ Aquâ Prophylacticâ ad siccitatem (quod NB. absque omnia corrumpente adustione fieri nequit) dexteritatem. En igitur meliorem hujus aquæ, sive aceti medicati, destillandi methodum. \mathfrak{R} . Rad. Angelic. &c. Conscissis contusisque affunde Acetum; digerantur, destillentur, abstractâque vix aquæ quartâ, ab igne cucurbitam remove. Cola reliquum, præloque fortiter exprime, expressumque liquorem jam ad siccitatem, absque ullo adustionis metu, destilla. Quoniam Acetorum omniumque acidorum destillationes principio nil nisi phlegmata, in fine verò fortissimos præbeant spiritus, de hoc altero non aspernando gaudet hæc methodus commodo. Aq. Alexipharmac. Amstelodamens. fit eodem modo. De aquis suis Compositis, Ung. pomatis, &c. idem quod de Dispensatoriis, (vulgo uno eodemque tenore conscriptis) sub incudem revocandis, sentio: uti enim harum magna pars absque detrimento rescindi posset, sic Autoris Aquar. Vitæ, Spirituum Carm. & Aromaticorum, Spirituum seu (ut Autores Novitii volunt) Salium Volatilium Aromatic. Oleos. Uterin. Stomach. Cephalic. Cardiac. Antivener. (imò si velis) Verrucalium, Anticlavicorum, Pernionicorum &c; supervacaneorum Unguentorum, Pomatorum quarta, abundè *Pharmacæ Med. Physic.* sufficeret: ad unius enim normam millenas conficere,

quid facilius? Nec opus est, imò nugacissimum, singularum unius ferè materiæ fabricæ ac formæ Compositionum quinque vel sex formulas præscribere. *Quarto* restat, ut digito ejus Unguenta tangam; quod ex solo Lythargyrii Aceto cum Oleo Rosato terendo, lene, pingue, albissimumque fiat Unguentum, ejus ex ipso Lythargyrio pulverato, fusco, friabilique existente: porro, quod ille ignorare videatur, quod omnia albicantia ex quavis axungia Unguenta, ut Pomat. Rosat. &c. valido, per semihoram in mortario marmoreo pistilloque ligneo, tritu fiant albissima. Valde improprie, si non inutiliter quoque, ab illo Pictorum Vernices inter *Medic. Physica* Medicamenta recensentur. *Quinto* mutilatum suum Extractum Catholicon, anabaptisatum Pill. Cathol. Nostræ Descriptionis, succo decoctove prunorum extrahere intendit, oblitus quod per similia menstrua solum *Viscosas relictis decantatissimis Ramosis* (potius Resinosis) extrahi antea docuerit, (sed bonus etiam aliquando dormitat Homerus,) perit igitur, (qui inexcusabilis sanè error) hic Colocinth. Hellebori Nigri, Agaricique primaria ac potior pars Resinosa. Sequens Dispensatorii Amstel. Extr. Cathol. ad artis regulas magis quadrat, atque ad hujus specimen cætera ejus generis omnia possunt fieri pilularia Extracta.

4. Pulp. Colocinth. 3vj. vel duplum triplumve,
Agarici Albi, Helleb. Nigr. an. 3ß. Ingredientium
Aromatic. Spec. Diarrhod. Abb. ziv.

Ex hisce grossè contusis extrahatur calidè digerendo, post lentè destillando, per Spir. Vini Tinctura, quæ transcolata præloque expressa, iterum in Cucurbita ad Spir. V. abstractionem destilletur, dein in vase aperto evaporetur, addendo

Aloes

Aloes lucidæ , antea in Tincturæ aliquantulo
dissolutæ ꝑj.

& sub finem (ne densetur) Scammon. ꝑb.

MS. & F. Massa.

N^a Quidam non malè ad meliorem extractionem , ex-
pressis ingredientibus , secundo Sp. Vin. affundunt.

Æthiopem lavare etiam mihi videntur , qui nescio
propter quid Ramosi vel Viscosi ; in extrahendis Ja-
lappæ , Scammon. &c. Resinis , prius aquâ , postea
Sp.V. utuntur , Althææque mucilaginosas Radices prius
in Vini Spiritu infundunt , antequam in aqua deco-
quant. Nec minus in describendis suis Ambræ Pomis
hallucinatur , ac apud Ipsum de requisitissimis ad ea ,
Ladano , Styraçe liquidâ , Pistillo fervido , Illinitio-
ne &c. altum silentium. Firmiori stat talo sequens
horum ex celeberrimâ olim Dⁿⁱ Lieftinckii Senioris
Pharmacopœa Descriptio :

4. Rad. Ireos Florentin.

Cypri rotund.

Lign. Sassafr. Rhodii ,

Cinamom. Acut. Garyophill. an. ꝑiv.

Herb. Majoran. Nobil. miiij.

Rad. Calam. Aromatic.

Cert. Citri an. ꝑiiij.

G. Labdani. ꝑvij. Styraçe. Cal. ꝑiv.

Benzoin. ꝑvj. Styr. liquid. ꝑb.

Carbonum tilia vel falicis q. pro colore decenti. f.

Omnia ritè s. a. pulverisata , cum s. q. Mucilag. G.
Tragacanth. Aq. Rosar. extr. pistillisque ferè canden-
tibus , valido promptoque labore , in pastam manibus
tractabilem confundantur.

Præstantissima hæc Massa quotannis , in hoc tum
publico , & celebri Civitatis Delfensis , Societas In-
dia

diæ Orientalis ibidem , Orphanotrophij , Nosocomiorumque Pharmacopolio componebatur , ex quâ figurâ ac odore gratissimæ formabantur pilæ vel poma , quibus amplissimus Senatus , illustrissimi prædicti Collegij Socii conspici , ac venerabiles prædictorum domuum Administratores , donabantur.

N. 1. Formata super cribrum in umbra per 14. dies exsiccentur ; dein linimento ex Ambrâ & Moscho mucilag. Tragacanthæ permixt. ad nitorem fragrantiaque augmentum illiniuntur.

N. 2. Pro lubitu etiam ex pastâ parvæ pilulæ , pro monilibus vel torquibus , formari queunt.

N. 3. Hæc poma 30. annos & supra (expertus loquor) fragrantiam suam conservant , conclavia , cistas , vestes & linteamina gratissimo odore condiunt.

Inscitiam imperitiamque quoque suam produnt , qui ex Opio puro , seu oleis stillatitiis , aliquantuloque Croci permixto ; vel ex Alcë , Gum. Ammoniaco , &c. Spir. Vini. Aquâ , Aceto , &c. solutis , absque æqua Pulverum proportionem , Pilulas , semper duras rotundasque permanentes , facere prætendunt promittuntque ; quoniam (ut *ipsissimis* utar verbis ac terminis) *hæc soluta ac pilulificata brevi fluidificantur.*

Periculosius errant , qui Mercurium dulcem , semper suâ gravitate subsidentem , coquendis addunt Tabellis. Præstat ac tutius est , singulis ex Sach. panis , mediante mucilag. Tragacanthæ , pastæ bolis vel frustulis , singulas Mercur. Dulc. &c. addere Doses , ex iisque probe deplitis , trochiscos placentulas pastillosque formare. Porro quod Clariss. hic Autor , in describendis suis ex acidis Tabellis , ad Sach. ℥j. ponat Succ. Berber. q. s. nihil est dicere , quoniam in eo cardo rei vertatur. Quod etiam quinque Sachari uncias

vix sex ol. dist. guttulas addere audeat, mancam aliquatenus ejus in iis peritiam arguit. De Tabellis ex Ol. Vitrioli, infusione flor. Violarum, vel ex Mannâ, ne verbum quidem habet. En unam alteramve formulam. 24. Succ. Citri. Arant. Berber. Infus. flor. Viol. à ʒvj. ad ʒj. Incalescat super ignem, ac insperge, jugiter spatulâ agitando, Sach. Pan. albiss. contusi exsiccatique ʒiv. quibus absque coctione liquefactis, ilicò in rotulas effundantur. Ex Mannâ autem fiunt hoc modo: sachari uncia ad consistentiam vulgò durioris coctæ, ab igneque remotæ, additur Mannæ puræ contus. ʒj. permixt. post alteram levem ebullitionem, effundantur. Diversas notas ac regulas in Tabellarum fusionibus observandas adderem, & jam in aliis addidissim, ni subvererer, ne hæc præter opinionem in aliquantulam molem aucta, *Brevis Discursus* titulum ac terminos transilirent. Præterquam quod minus arduum foret onus, tot ac tantos Novatorum libros sub incudem revocare. Accedit quod hæc tantula quantula veris artis peritis abundè satis demonstrare valebunt, veram & magis concinnam, (ut eorum Autores sibi persuadent,) ex similibus quam ex aliorum scriptis, neminem sibi comparaturam esse methodum: neque semper experientiam esse penes illos, (etsi apud externos absentia famam augeat) qui sese novo scribendi modo commendare satagunt. Priusquam tamen hocce filum penitus abrumpere queam, illud adhuc aliquantulum assuenda lacinia prolongabo. Et quidem primò satis admirari nequeo, Nostrum utriusque Pharmacie peritissimum reformatorem ratiocinatoremque absolutissimum in conficienda tritissima Antimon. calce (vulg. Ant. Diaphoretico) adeò scrupulosè fusionem, propter imaginariam revicturam vim Emeticam pro-

hibere ; quoniam contrarium ipse centies comperi , ab omni-
 que perito pro comperto habetur. Secundo , quod
 mox sui oblitus cum vulgarium Myropolarum offen-
 diculo in tam crassos incidat tantus Artifex errores ,
 ut ollam suam cum Antimonio detonato confestim &
 maximo ambustionis periculo in aquam conjiciat , ita ut
 (uti ille) non solum *cum fragore sales dissolvantur* ,
 sed (expertus loquor) *fiat fragor & densi fundantur*
ab aethere nimbi , & maximo cum tonitru fragmenta
 ollæ , calcis , ferventisque aquæ imbres , temerarium
 adeò undique coöperiant , ut facti recordatio ipsi diu-
 tius quam Autori nostro (qui seu nunquam fecit ,
 quod conscribit , seu ad præterita mala oblivioni traden-
 da admodum facilis est) superstes sit. Ad me quod at-
 tinet , pedetentim ac per vices pauxillum super spatulam
 ex crucibulo ab igne deposito capio ; ferventi pluviae
 sensim immittendo omnem , quæ in crucibulo erat ,
 materiam albicantem exstinguo ; coquendo solvo , per
 cribrum transmitto , indissolubilem , quæ in fictilis fundo
 vel colo manet , ab arenâ carbonibus vel particulis
 regulinis fæcem glareosam abjicio , nitrosum lixivium à
 subsidente pulvere per decantationem separo , ex eo-
 que Cremorem Diaphoreticum & Nitrum Antimonia-
 tum mihi comparo ; albissimum , qui fundum petierat ,
 pulverem (quanquam non sit *è minera puriore* , ut ille
 vult , sed ex stybio vulgari) pluviali abluo , edulcoro ,
 denique puteali præcipito , chartæque emporeticæ , in-
 fundo , ex qua bacillo plano cretæ frusto impono ;
 omnemque hunc laborem unius vel ad summum lesqui
 horæ spatio absolvo. Videte jam Experti , ac de utra-
 que methodo judicate.

Miraculi ad instar mihi quoque apparet , quod ali-
 cubi Aquam Fortem per linteum , hoc illaso , filtrare

norit. Pergo, idem Ille, qui statim insensibiliter integrum (uti dicunt) elephantem deglutivit, jam à muscâ præfocari videtur, quoniam Medicos Pharmacopœosque, (ex quorum myriade vix unum hanc occasionem habere, ipsum non latet, præterquam quod res flocci sit) frustra exhortatur, *ut flores laxantes pro Conservis, Succis aut Syrupis, primò manè decerpant, & hoc quidem propter arduam profectò rationem, cujus abbreviatus sensus est, ne absorpto per Phœbi radios fermentabili rore, nil nisi austeram faciem reperiunt.*

Sequentibus, ut ut Glauberianis, tantum ad pompaticam ostentationem (ita ut à Senatu Veneto, vel potius ab Universi Moderatoribus dura ac generalis Magistratus Sanitatis, ut Itali vocant, provincia tantorum Inventori & Detectori videatur imposita) nullatenus ad Auxiliorum Materiam pertinentibus, absque damno carere possumus: *Sale primò videlicet infer-viente in defæcandis ab insectis, purgandis, corrigendisque ulterius aquis; Secundò dealbatione alvorum navium aquæ portatarum Zythepsarum; Tertiò Suffitu ad fumigandas cellas: Quartò pulvere ad sup-primendas potulentorum fermentationes vel ad ea aro-matizanda. Omphacii Acetique factoribus quoque sua acida fermenta relinquenda sunt: dolendum præ-terea, quod memoriam labilem confortans Esurinus Spiritus præter Hartmannum & Zwelferum sit igno-tus fermè Medicis Pharmacopœisque thesaurus, uti & quidquid præ cæteris Phosphoris egregiis incu-nabula præbeat; quodque plurimos lateat, quod Solis irradiatio plurimis parasangis prævalet igni vulgari, ad corporum exaltationem obtinendam, (quod ego tamen non credo,) ejusdemque farinæ per-plurima, Historiæ Naturalis vel curiositatum Scri-*

ptoribus tritissima, licet in Medicinâ faciendâ propter jam dictas atque adhuc dicendas rationes flocci faciendâ. Primò, quia hæc nihil ad Materiam Medicam faciant. Secundò, quod autumnò, hyeme, & vere satis laudabiles aquæ hisce correctoriis &c. non indigeant. Tertiò, quod sola creta pulverisata (expertus loquor) ad absorbendum acidum, atque ad sistendam ulteriorem fermentationem sulphur, in omnibus spirituosus liquoribus Vino Cerevisiâ Fructuumque fugacium succis sat valida; Cardamomum minus verò aromatizandæ cerevisiæ omnibus numerus absolutum sit. Addam, quod ego gratissimam cerevisiam mense novembri coctam, sine ullo remedio, per integrum annum ab omni acore & fermentatione conservem; atque ex albâ cerevisiâ, V. G. Bredanâ, æstate cum vasculo in tabulato collocatâ, absque ullius fermenti additione, acerbissimum (præstantissimumque destillatum præbens) acetum, mihi conficiam.

Si Novatoribus quidpiam super Medicorum, semestriumque Spagyrorum Pharmacopœorumque, vulgus detegere, & sic posteritati experiundi desiderio inferire sit animus, pro viribus agant, ut communi mortalium bono ex ignorantie puteo remedium, protinus absque labore vel instrumentis, aquam salis dulcem reddens effodiant: cui hoc semel prospere cedit, ab universo genere humano procul omni dubio, ut Jovi Conservatori, merum aureum Rhodio Colosso majus monumentum in æternam beneficii memoriam & hostium erigeretur. Nec mirum, quia hic cum aquam dulcem ex marinâ olim primum destillante Siculo, non aliquot mille à Mauris obsessos præsidarios, sed in genere omnes homines, præprimis tamen Neptuni dorsum fulcantes aratores, à mille malis conservaret.

1534.
Sebastianus
da Pollere
Siculus in
obsidione
Gerbi in
Africa test.
R. Jov.

Sed

Sed ad rem. An non præstitisset, ut Doctiss. Autor de remediis artificialibus acturus, ea nobis simpliciter, ad laudabile exemplum autorum de reipublicâ Pharmaceutica meritissimorum, ut Renodæi, Scroderi, Zwelferi &c. attamen suis vivis coloribus depinxisset? Et in singulis formam ac consistentiam, efficientem basin quoad quantitatem qualitatemque, ad amussim delineasset? ita ut legentibus in genere primoque intuitu appareret, quod *Syrupi*, *Condita*, *Conserve* & *Tabellæ ex saccharo*; *Electuaria ex melle*, vel *saccharo vel ex utroque*, *pulpis*, *mannâ*; *Opiata ex Opio*; *Pillulæ ex Aloë*; *Emplastræ & Cera-tæ ex cerâ lythargyro* &c. *Unguenta ex axungia*; *Olea per Infusionem ex ol. olivar.* &c. &c. in primis consistant, quantumque horum ad singulorum legitimam consistentiam requiratur; quænam inter Composita *Hieracina* vel *amara* &c. vocentur; quomodo maxime artificis commode possint componi: ut *V. G. ex nitroso Antimonii Diaphoret. lixivio* (quod omnes diffundunt) *Cremor Diaphoret. & Nitr. Antimoniatum ex superstitute à distillatione Sal. Volat. Aromatici, Aq. Vit. Sp. Carm. Sylvii menstruo, Olea Balzamaque, præsertim Nuc. Moschata, vulgari Indico non inferioris*; *Quam levi negotio per quæ & à quibus medicamenta adulterentur*, &c. quâ ratione uno furno omnes & simul x. vel xij. & supra processus Chymici queant absolvi, quo pacto alter à semel succenso foco per longum tempus & semper in equali maneat calore; qua methodo plus quam vulgari ex vitriolo oleum distillari possit; qui hæc distillatio per plures dies absque furni apertione, alternis licet diebus ipsi nova materia ingeratur, continuari possit; qualiter venalia Chymicalia à Chymicis (Laborantibus) atque Aromaticariis vulgò adulterentur, & quâ viâ eorum fraudes

des detegantur. Quæ omnia (si Jehova vitam ac ocium concesserit) ore labore ac scriptis pro tenellis viribus ulterius demonstrare conabor.

Wier. L.
De lamiis.
pag. m. 226.

Postremò simplex purum putumque Opium etiam omni ac quovis modo preparato seu correcto præfero; ejus insignis calor ex amaritie etiam Veteribus innotuit, quod & ante 150. annos subolfecerat Wierus, dicens, *In extremo refrigerandi gradu id designari, cum insigniter amaricet, inflammetque, mirum est.* Præterea centum abhinc annis & ultra Opium in lamellas scidit, torruit, pulveravit, vinique spiritu tincturam extraxit Jos. Quercetanus; etsi haud dudum super hanc Opii Tincturam quasi nuperrimum inventum litis ferram traherent, quilibet sese primum ejus inventorem prædicantes, duo Clariss. (dum viverent) hujus Athenæi antecessores. Supperaddo sequens magis rarum & quod nuper legi apud Fonsecam Consultat. Med. pag. m. 72. *Opium debet esse torrefactum, ut docet Gal. tertio per loca, ita enim ejus malignitas, quæ in fumo illo fætido sulphureo consistit, corrigitur. Quare hanc præparationem Opii (NB) non sibi arrogant Chymici, cum Galenus eam proposuerit multò prius.* Ita ut Novatores Antiquos solutâ suâ arrogantia immeritò, & quidem sicut in aliis etiam in hisce, de veri ignorantia suggillent. Præter necessitatem & utilitatem saltem meo judicio *lixiviosum Tartari Sal Elixiri Propr.* additur, quandoquidem ad absentis acidi destructionem non requiratur, præterquam quod *Elixiri* ingratum saporem conciliat. Meum sic præparare soleo: *℞. Croc. opt. ʒj. Sp. Vin. Vulgar. ʒx. Extrahatur calidè tinctura & coletur.*

Expresso croco iterum affunde Sp. Vin. ʒx. Extrahatur exprimaturque tinctura ac prima. Quibus tinctu-

ris

ris tunc adde Aloës Lucid. & Myrrh. in lacrymis subtiliss. pulverisat. an. ʒj. probe agitata digerantur in sole, aqua vel arena, per XLVIII. horas, post per subfidenciam clarificentur decantentur in usumque asserventur. Cui tamen hoc Elixir cum Sale magis arrideat, ei addat vel Sal Tartari vel Nitri fixati (Antimoniati) ʒij. Cum acido autem, Ol. Sulphur. per campan. vel Sp. Vitrioli ʒʒ. & digerat adhuc simul per XXIV. horas, & habebis, quod desiderabas, Elixir Salsum vel Acidiusculum.

Hoc modo nullam Croci Tincturæ, facile alias pulverum interstitiis seu poris inhærentis, jacturam facis: sed insuper ex superflite, quod fundum petiit paulisper evaporato sedimento non contemnendam conficiendis pilulis laxantibus aptam (vix Ruffinis inferiorem) massulam habebis.

Sed objicienti quod ejusmodi Elixir absque sale Tartari parum admodum de Myrrha habeat? respondeo, quod nec præsentia nec absentia hujus salis, ad piceam & tenacissimam myrrhæ compagem solvendam tamen imparis, majorem Elixiri Myrrhæ virtutem procurabit. Longè aliud profectò, sed paucis notum, radicali Myrrhæ solutioni requiritur menstruum.

Cæteroquin Autoris ex Glaubero *spirituum ardentium ex vegetabilium fermentabilibus succis farinis &c. destillationes* ambabus ulnis amplector, ac uti aliorum, sic etiam ejus honestos conatus utilesque labores, laudo; & licet in quibusdam, forsan à me non satis intellectis, ab ipso diserepem, illum cætera tamen magni æstimo & reverenter colo. Absit tamen, ut aliquis in gratiis agendis pocillatori oblivisceretur Symposiarchæ, seu in legendis Novatorum novissimorum scriptis adeò occuparetur, ut pridem, vel in
no-

novis inveniendis, vel in inventis reformandis, Principes, de auxiliorumque materiâ meritissimos, Glauberum, Zwelferum, &c. despiceret.

An Medicum deceat manu propria sua medicamenta elaborare.

Denique mihi huic Capiti calcem imposituro obviat famosa illa quæstio, liceatne, fatisque sit decorum, nec Medici majestate indignum, Medicamenta præparare? Ad quam affirmatè respondeo, Primò quia nihil est quod vetet; Secundo quia præterquam quod Hippocrates Galenusque Pharmaciam in Medico ut per necessariam exigant, passim ex eorum sequaciumque, omnium regionum ac ætatum principum Medicorum, nec minus ex clarissimorum Neotericorum (uti E. G. Plantius in vitâ Fernellii refert, magnum Regiumque illum Medicum Lutetiæ propriâ manu sua remedia componere solitum) scriptis sole clarius liquet, eos propria præparata Medicamenta suis ægris præbuisse. 3^o Necessitas quoque postulat: cuncta videlicet publicâ utilitate demetientibus salus populi suprema lex est: sed Pharmacopœi singulis medicamentis vel adimunt vel immutant vulgo Antiballomenon & succedanea (sic vocant) quid pro quo mel pro sacharo sumunt, atque in suæ ignorantie typum omnia fingunt. Unde Pharmacopolia multa pilis arculis & aliis pluribus vasis nitentibus ornantur, sed medicamentis optimis & probatis destituta mucidisque vero oletis referta: atque pyxidibus inscriptiones appositæ simplicia aut composita quædam sæpe designant, quæ nec Pharmacopola novit, nec vidit unquam: sed sat esse putat, si ad ostentationem ea plebeculæ objiciantur, à quibus gloriam aucupatur, simul & lucrum. Accedit quartò, quod linguæ Latine sæpe ignari Myropolæ subindè summo ægrotantium discrimine Medicorum formulas præposterè præparent, nec eorum laborantium valetudo

Pharmacopœorum in immutandis pro lubitu Medicorum formulis liberâ potestas.

tudino morborumque eventus refert, si Medici so-
lummodò, ut illis gratificentur, multas prolixissimas
ac ex suis imaginariis præciosis medicamentorum for-
mulas exarent, ac intra unum alterumve diem ægro-
tantium abacos menſasque ſuis Pharmaceuticis merci-
bus onerare geſtiant. Tales ac tantos Medicos cæteris
præferunt *φιλοχρήματοι* Pharmacopœi. Quorſum id fa-
ciant, cogitandum relinquo. Quinto ac ultimò ini-
quum poſtulant de Medicis conquerentes eoſque pro-
pter medicamentorum ægris porrectionem ſugillantes
Pharmacopœi, quoniam & illi in Medicorum ſegetem
ſuam ſalcem immittant, & ſic (uti dicunt) par pari re-
ferant, bonis malisve avibus iſtis perinde. An pa-
tiens autem ſolvendo par ſit nec ne, non ita ſuſque
deque habent.

Perperam
Pharmaco-
pœi de Me-
dicis con-
queruntur.

Quod Joannes Sueciæ Rex A° 1590. cum nulli
(quod tamen mirandum) adhuc in Sueciâ eſſent Me-
dici, cujuſdam Pharmacopœi medicatiunculis periit, in
eorum perpetuam infamiam atro carbone notavit Cla-
riſſ. S. Puffendorffius.

Introd. ad
Hiſt. pag.
m. 459.

Valde deſiderandum foret, ut noſtrates medicantes
Myropolæ poſt tot patratas cædes, ex hujus periculo,
tandem ſapere vellent.

Sed ſubvereor, ne hæc verba mortuo ſiant, & ne
peſſumi hi mores in commune mortalium damnum ar-
tisque vituperium ſemper ſint ſuperſtites.

Jam paginam verto, Pharmacopoliorum cauſam ali-
quatenus acturus. Primo publicæ venalibusque medi-
camentis refertæ officinæ in republicâ neceſſariæ ſunt,
ut petenti vulgo ſemper ſuppetant medicamenta. Se-
cundo graſſantibus epidemicis malignis ac contagioſis,
peſte, dyſenterîâ &c. publica pharmacopolia non im-
meritò ante omnia miſerorum ſolatium refugiumque

Communi
tamen bono
optandum
foret, ut hic
uti in Ger-
maniis in-
ſtruſſima
eſſent Phar-
macopolia.

Hipp. 4. v.
29.

evadunt, ipsiusque Hippocratis suffragio, citra Medicum non autem absque medicinâ aliqui curari possunt. Ad hæc Medici tum temporis in visitandis ægris adeò occupantur, ut remedium præparationi vacare nequaquam possint. Et profectò (quod Deus gratiose avertat) si ejusmodi atroces mortalium hostes has oras ac olim aggredierentur, quam maximè verendum esset, hæc hodiè adeò neglecta collapsa & vacua Armamentaria Medica haud parvum detrimentum Reipublicæ allatura, multique nimis serò cum Phrygibus saperent. Diutino videlicet universalis nostræ regionis incolumitatis ac optimæ valetudinis intervallo, & perpetuâ sanitatis cum morbis initâ pace, non solum milites Pharmacopœi torpuerunt armaque medicamentaria ruginem contraxerunt, sed quod pessimum, Novatorum omnigenis artificiiis, quasi tot cuniculis ac bombis, probè ac ubertim olim instructum Armamentarium Medicum jam adeo est destructum, ut pro magnis omine & nomine Medicis, dextris ac industriis Pharmacopœis, refertissimis absolutissimisque Pharmacopoliis, vix aliud præter permultos quidem sed levissimis studiis tinctos Medicastrorum, Pharmacopœos ignavos, mutilatas ac vacuas Pharmacopœas infinitasque Medicastrorum, Barbitonorum, Agyrtarum, Vetularum officinulas, quibuslibet optimis ac necessariis (licet titulo paucorum selectiorum superbiant ac interim vilissima sint) ad profligandos morbos omninò destitutas, cæteris vix Petro & Paulo sufficientibus, invenias. Sic omnes fiunt deteriores licentiâ. Hinc illæ lachrymæ. Intereâ sub præsumptuoso reformationis velo, conniventibus Principibus ac Proceribus, hæc effecta sunt. Nunc quisque Veterator æquè ac Novitius in hisce (quod sanè dolendum) absque limitibus sibi concessas

De ubivis
apud no-
strates me-
dicamenta
distrahenti-
bus plebe-
iis.

cessas indulgentias putat, Pharmaciam tractat, Pharmacopœum agit, verbo impunè de corio humano ludit, etsi simplicium nomina vix audierit, vel ulla medicamenta unquam viderit, & neutiquam eorum Præparationi Compositionique interfuerit. O temporâ! ô mores! Sed interloquentem mihi audire videor: quod aliis exprobras ipse facis, propria tua medicamenta tuis ægris præparas ac propinas, nil in publicâ pharmacopœâ præscribis. Huic hæc oppositio sufficiat secundum axioma: *Opposita contra se posita magis elucescunt*. Prædicto modo me medicinam facere fateor ac concedo, quia à teneris præceptis Pharmaceuticis instructus, diutius Pharmacopœum quam Medicum egi, ac mihi ad faciendam Pharmaciam prius publico Magisterii Diplomate, quam ad Medicinam Testimonio Academico (vulgo Bullâ) facta sit potestas; ita ut licet publicam officinam nec venalia jam habeam, etiamnum sat multa ritè ac S. A. præparata ad quotidianam praxin mihi præstò sint. Fateor insuper, me invitum quasi ac nisi tædio lassatum olim meo Pharmacopolio publico valedixisse; simulque miror, tot, propter prædictas rationes, tam abjectam depauperatamque hodiè publicam Pharmacopœam adhuc colere: rarissimè enim ab unâ parte in Pharmacopolio suas formulas (vulgo receptas) præscribit Medicus, quapropter ab alterâ Pharmacopœo non absque extremâ ruinâ possibile est, semel forsan in anno vel mense præscriptum semper in promptu ac ad manus habere. Sed quidam in arte consenuerunt, & jam, prout fert illa ætas, ad mutandum difficiles sunt. Alii nihil aliud didicerunt, semperque cum Calendario-graphis meliora sperant. Cæteri, quibus res angusta domi præcisaque ad majora melioraque sperandi occasio, vi-

Magna igitur inter nos intercedit differentia.

lissimo pretio Officinulam Pharmaceuticam coëmunt
suaque sorte contenti, quia tempora lætiora nun-
quam viderunt, tenuiter ac miserè ætatem vivunt.

An Phar-
macia pro-
fessio sui
generis sit?

Tandem paucis sequentibus hos rivos claudam.
1º Non initio, sed sensim nec absque prægnantibus
causis Pharmacia professio sui generis facta est, sentien-
te antiquitate, *quod pluribus intento minor sit ad sin-
gula sensus.* 2º. Ne Medici imperitiâ ulla fraus er-
rorve in præparandis medicamentis subrepat. 3º. Quia
in rerum fausto infaustoque eventu uterque Medicus
Pharmacopœusque sese invicem ad animi majorem
tranquillitatem semper rei benè & S. A. gestæ habeant
Testes. Ad Germanorum igitur laudabilissimum exem-
plum numero pauciora, qualitate & quantitate majo-
ra, saltem secundum Dispensator. Amstelodamense vel
Hagienſe instructissima Pharmacopolia, ut patriæ no-
stræ essent vernacula, in commune bonum exoptaret
quisque probus ac peritus, quæ tum præcisè & ad mi-
nimum quater in anno ab expertis visitatoribus rigide
& procul ab alicujus modi conniventia essent visitan-
da. (Quod examen prædicto officinarum vilipendio
jamdudum in insuetudinem abiit.) Eum in modum, ut
corrupta vel male præparata eliminarent, Pharmaco-
pœisque delinquentibus multam imponerent.

Quomodo
Pharmaco-
polia refor-
mari pos-
sent.

De Vulgä-
rium Chi-
micalium
aliorum-
que Phar-
macorum
venditori-
bus, ut &
de simpli-
cium Pro-
polis vulgo
Materiali-
stis (Drogi-
sten.)

Interim tamen dum hæc exspectantur, respectu ho-
diernarum collapsarum Pharmacopœarum valdè cir-
cumspectè agat utriusque Pharmaciæ peritus Medicus:
venalia quidem ac vulgaria ne habeat, quædam singu-
laria tamen sibi que probatissima componere suisque
ægris impertire ipsum non dedecet, sed oportet. Quoad
cæteras jam præter publica Pharmacopolia Agyrtarum
(vel ut audire malint) Laborantium & Medicamento-
rum tam Chymicorum quam Galenicorum venditorum
offi-

officinulas, has sicut tot latronum speluncas ac gelidæ mortis armamentaria funditus everſas vellem. Ab fœnerantibus quoque & dolo malo effœta, mucida, putrida, carie & ſenio confecta ſimplicia expolientibus, & è contrà quævis optima ſordidi lucelli gratiâ depravantibus & adulterantibus *ῥωππωλαῖς*, ut unusquisque Emptor, tam Medicus quam Pharmacopœus, niſi inſtar Argi totus oculatus ſit, eorumque technas Lynceis oculis detegere norit, cautè caveat, ſeriò moneo; alioquin magnos illos & longè latèque in Medicos, Pharmacopœos, Chirurgoſque dominantes dominos Propolas, præter tuam lanam, quam etiam oculatiſſimis & prudentiſſimis ſuâ uſurâ detondent, inſuper tuo ſanguine ac ſudore ſaginare debebis. Quomodo & quibus tam ſimplicia quam Compoſita & Chymica Medicamenta ab avaris Mercatoribus ac Laborantibus adulterentur, nunc divulgare exemplisque illuſtrare mihi primò fuit animus, jam verò ne hic Tractatulus Brevis Diſcurſus limites excederet, oportuniore tempore locoque reſervabo.

Drogiftæ
vili pretio
merces in-
copiâ præ-
emunt, eaſ-
que poſt
cariffimè
Pharmaco-
pœis di-
vendunt.

Me non ineptè tamen facturum ratus ſum, ſi tenuem meam de publicis Magiſtratus privilegiis munitis pauperum Pharmacopoliis conſiderationem addam; quoniam annuus porrectorum medicamentorum calculus haud contemnendum in eleëmoſynarum ſcriniis faciat vacuum. In confeſſo eſt, quod licet antea taxationibus aliqua-tenus diminutum antiquum ſit remediorum pretium, levi negotio tamen quivis Pharmacopœus adhuc dimidium ſerè in egenorum damnum lucretur. Ex quo conſtat, quod hoc accreſcens lucrum hac ſcirpulâ præſecari nequeat. Aliud idcirco huic malo remedium ab Ampliſſ. quarundam populo frequentium Civitatum Proceribus adinventum eſt. Videlicet ipſi alicubi in Urbis Noſoco-

comio vel Orphanotrophio propriam Pharmacopœam instituunt, cui juvenem Pharmaciae peritum præficiunt qui modico salariolo secundum Poliatrorum urbisque Chirurgorum iussa & præscripta omnia præparet, agrisque officiosè interserviat, eorumque quæ ipsi confiduntur reddendæ rationi Inspectoribus semper præstò sit; atque sic magnis illi Magistratus privati (vulgò Urbis) Pharmacopœi supputationibus usurisque sese eximunt, & multis inutilibusque sumptibus parcunt, & ut ab huic usui dudum assuetis asseritur, tertia quam quotannis Pharmacopœo solverent pecuniæ pars, cæteris paribus, abundè huic annuo sufficit expenso.

Considerationes de publica & pauperum Pharmacopœa.

Nec suum ad hoc utilissimum opus conferre, sic jubente magistratu, hæsitavit quidam præstantissimi Medici; in quem finem universalia quædam, tam Simplicia quam Composita excogitarunt remedia, quæ modico vaneant pretio, & nihilominus satisfaciendis indicationibus Medentium satis valida & generosa essent. Præteritis igitur infinitis caris, quæ ornatus & fastus ad pompaticam ostentationem in praxin medicam intruferant medicamentis, quædam ubique obvia & proin vili comparabilia nec ideo minus æstimanda, sed omnibus numeris absoluta, in publicorum pauperum infimæque angustæque fortis hominum privatorum, nosocomiorum &c. usum, concinnarunt, quibus immensis profectò in tot miserorum emolumentum parserunt sumptibus, atque de eleëmofynarum ærario optimè meriti sunt hi Viri. Quod idem ab antiquissimis primisque artis proceribus præstitum, atque etiam ab aliis qui aliquot lustris nos antecesserunt, quibus summæ curæ studioque fuit egenorum salutem modis omnibus, minimis quoad potuit expensis eorum vitam servando, pecuniisque parcendo, restaurare.

Sin-

Singula jam ejusmodi remedia hic referre nimis tediousum esset, & in civitatibus, in quibus laudabile hoc institutum dudum invaluit, examinari potest; alias levissimo negotio alia, forsan meliora, his surrogari possent. Quidni ex usualibus Compositis etiam hæc paucula publico pauperum Pharmacopolio sufficerent: ut E. g^r ex Aquis Simplicibus destillatis Fœnic. Rosar. Hyssop. Menth. Ciamomi. Ex Compositis una acida, ut acetum aliquod per infusionem medicatum, Calendulæ vel Sambuci vel Destillatum: ut Aqua Alexipharm. vel Prophylactica. Altera Salina volatilis seu Aromatica: ut Aq. Theriacalis vel Vitæ, vel ex Cochlearia cum Spiritu Vini, vulgò Sp. Cochlear. Ex Syrupis, Althææ, Papav. Simpl. & Erratici; Cichor. cum Rheo. Ex Electuariis unum instar Pariensis ad Clysteres; alterum pro Conditis & haustibus purgantibus, utramque paginam absolvere possent. Ex conservis, Conserv. Rosar. Rubr. Ex Opiatis & Odynis &c. nobilis hæc trias, unum solidum magnus videlicet in doloribus opitulator, Opium crudum, alterum molle, V. G. El. Diacord. vel simile: tertium liquidum, ut Tinctura Opii mediante Spiritu Vini, Medentis expectationem nunquam frustrabitur. Tria quatuorve Emplastrâ, & totidem Olea & Unguenta sananti Chirurgo requisitam opem ferre valebunt. Quibus si accedant Pillularum purgantium quarumvis Massa generalis; V. Gr. Extr. Cathol. vel aliud, & Vinum aliquod Emeticum cum paucis aliquot parvi momenti aliis, abundè sufficiet Galenicè Compositorum instruendæ pauperum Pharmacopœæ numerus. Quantum ad Chymicalia, vix dubito, quin sequentia & Medico Spagyrico satisfacerent: tria quatuor nimirum Mercurii præparata; ut Mercur. Dulcis, Præcipitat. alb. & rubrum, tantumdem

dem Stybii, ut Crocus Metallor. vel Vitrum Antimon. Bezoardic. Min. seu Regul. Antimon. Med. vel Antimon. Diaphoreticum: porro Nitrum Alcalifaturn, Antimoniatum, Sal Prunellæ. Alkali aliquod fixum (non refert cujusnam, nec an unius tantum vel plurimarum simul fit herbarum,) & Volatile informâ siccâ vel liquidâ perindè est: ut C. Cervi; Cranii humani, Salis, Urinæ; vel Ammoniâi compositi (*vulgo Sal Volatile Oleosum vel Aromaticum*) Cornuum & Ungularum Animalium. Acidus & Dulcis Vitrioli, vel Salis, vel Nitri, vel Sulphuris Spiritus. Olea Succini, Anisi, Juniperi, Rorismarin. Garyoph. Philosoph. Balsamus Sulphuris Communis & Therebinthinatus.

Ingentem adhæc simplicium officinalium viribus & usu inter se convenientium numerum, hic quoque præsecare atque ad pauca præstantiora redigere, quis vetat? Ex. Gr. præter prænominatorum Compositorum ingredientia & usuales nostrat. vilissimoque pretio comparabiles Radices, Herbas, Flores, Semina, Fructus &c. vix alii quam sequentes salutari merentur pauperum Divi Tutelares & Auxiliatores: ut ex Regno Animalî Oculi Cancrî, Cornua & Ungulæ Cervi, Bœum, Cera, Mel. Ex Vegetabili Lig. Guajac. Santal. Citr. & Rubrum, Sassafras, Cortices Arant. Citri, Granat. Peruvian. Chinæ Winteran. Rad. Aristoloch. Fabac. Curcum. utriusque Mechoacannæ, Rhapontici, Agaricus, Fol. Sennæ, Cass. Fift. Colocinth. Tamarindi, Bacc. Juniperi, Lauri, Crocus, Gum. Ammoniac. Galban. Arabic. Therreb. Thus, Olibanum, Myrrha, Aloës, Sacharum, Manna, Tartarum Rhenanum, Camphora, Assa Fœtida, Succus Glycyrrhizæ, Resina flav. Colophonia, Sang. Draconis, Ex Minerali uterque Bolus Armen. & Vulgaris, Alumen, Vit. alb. Tutia, Lythagyrus, Ce-

Cerussa, Lap. Hæmatit. Antimon. crudum, Mercurius vivus, Sulphur, Limatura Chalybis.

Ex præscriptis hisce omnibus, tam Simplicibus quam Galenicè vel Spagyricè Compositis & Præparatis, unusquisque Poliater pro sui ingenii modulo, vel Collegarum suffragio, ex tempore quotidiano usui potest consarcinare qualdam remediorum formulas polychrestas sive ad multa utiles, quibus Medico meditante & præscribenti nec minus Pharmacopœo præparanti multum temporis laborisque parcitur, atque hoc modo ab utroque tantum unâ horâ expediri potest, quantum alias, si unicuique privato ægro singula Mixturulæ, Boli, Pulvisculi &c. formula (*recepta*) à Medico præscribenda & à Pharmacopœo præparanda sit, integro die effici nequit. Quod attendentibus ex hac unâ alterâve Orphanotrophii Delfensis usuali formulâ apparebit.

24. Conserv. Absinth. Helenii,
Elect. Hier. picr. an. ʒxij.
Diagryd. Crem. Tart. an. ʒß.
MS. F. Conditum.

Conditum
purgans.

24. Aloës Hepat. ʒiij.
Troch. Alhandal. Diagryd. an. ʒx.
Gum. Ammoniac. Sal. Prunell. an. ʒiij.
Cum aq. Menth. q. f. F. Massa Pilularis.

Pilulæ pur-
gantes.

24. Argent. Viv. ʒiij. Therebinth. Vulg. ʒvj.
Axung. porci ʒiv.
Vitriol. alb. Sulphuris vivi an. ʒvj.
Ol. Raparum ʒxij.

Ung. ad
Scabiem.

MS. F. Uguentem.

24. Oliban. Mastich. Myrrh.
Aristoloch. Rotund. Irid. Flor. an. ʒß.

Pulvis Ce-
phalicus.

F. Pulvis.

H h

24. Bac-

Pulvis ad
suffitum.

24. Baccar. Juniper. ʒvj.

Fol. Salv. Majoran. Lavend. an. mʒ.

Olibani ʒiij.

Horum ad exemplum ejusmodi mixturæ, ut mixtura Diaphoretica & Antifebrilis, Antipleuritica & Pectoralis, Anodyna & Carminativa cum & sine Hypnoticis, Hysterica, Antiscorbutica, Antinephritica & Diuretica, Cardiaca & Confortans, absque Syrupis tamen (qui singulis potiunculis antequam ægris porrigantur addi debent) ad stopas aliquot misceri, & per sat longum tempus in usum quotidianum conservari queunt. Divisos porro in Dosibus Pulvisculos, formatas Pilulas, Tabellas, Nodulos, & similia, omnes conservare norunt. Decocta, ut Purgans, Scorzonera & C. Cervi, Guajac. & Sassafr. Hordei, Clysteris, per æstatem tertio vel quarto die renovari debent, hyeme autem per quatuordecim dies & diutius conservantur. Emulsionēs & Amigdalata hyeme quidem per aliquot dies durare possunt, sed æstuante Syrio statim acescunt & corrumpuntur, hinc tunc temporis cum necessitas exigit tantum sunt præparanda.

Atque sic puto me paucis hisce oculatioribus viam monstrasſe, per quam (sint veritatis impatientes quicunque voluerint) Medici & Pharmacopœi à supervacaneo labore levati, & quod præcipuum palmarium & ante omnia necessarium est, non contemnendæ pecuniæ summæ, quæ annuatim prolixis alicujus Pharmacopœi privati supputationibus erogatur, in pauperum, magis panis quam inutilium medicamentorum indigentium, solamen & emolumentum, parci possit.

CAPUT. XI.

*Tadia Medicorum, seu varii Vulgi in Medicina
Errores adumbrantur.*

Non absque gravi prægnantique causa artis Medi-
cæ Legislator Hippocrates hoc suum Oraculum,
 Δεῖ δ' ἂν μόνον ἑαυτὸν παρέχειν τὰ δέοντα πιστὸν τε, ἀλλὰ καὶ τὰ νοσήσας, Hipp. Aph.
 καὶ τοὺς παρόντας, καὶ τὰ ἐξουθεν, id est, *Oportet autem non* 1. S. 1.
modo seipsum exhibere quæ oportet facientem, sed eti-
am ægrum, & præsentem, & externam, cæterorum Quinam ad
 sequentium Caput primum ac principium esse voluit. ægri resti-
 Frustrâ enim auxilia præscribit Medicus, præparat tionem
 Pharmacopœus, si adstans illa porrigere negligat ægro. suum con-
 In cassum quoque quam fidelissime suo munere fun- ferre debe-
 guntur tam Medicus quam Pharmacopœus, Chirur- ant.
 gus & præsens, si ægotantes eorum consilia remedia-
 que respuant. Nec externa, videlicet res non natura-
 les dictæ (adde ægotantis fortunam, & locum com-
 parandis medicamentis opportunum,) minoris profectò
 prætii sunt: sed ad rectè medendum hunc Quatuor-
 Viratum necessariò requiri, unanimiter suffragatur uni-
 versus Medicorum Cyclus. Hæc tamen prohi dolori
 tam ritè justè & ordinatim disposita ab rudi omniaque
 egregia ut plurimum invertente, tam decumbente quam
 adstante, vulgo adeò turbantur, ut hodiè vix vestigium
 tanti Oraculi reperiatur.

Quomodo
& à quibus
hic ordo
invertatur.

Medicum enim unum vel alterum, Medicastrum vel
 Agyrtam (nam hoc ipsis perindè) pro lubitu accersunt,
 dimittunt, iterum alios advocant, sed nec magis eo-
 rum parent regulis præscriptis; & sic ab unius consilio
 animi quadam volubilitate transiliunt temerè ad re-

sponsa aliorum, sæpeque in hos incidunt, qui de Urinis multa nugari potius quam judicare peritè norunt. Porro remedia accipiunt vel rejiciunt, saltem rarissimè imperato tempore ægris propinant: præterea grande nefas esse putant ab his conceptis semel erroribus vel latum unguem recedere, vel meliora sequi. Quibus, si nondum sufficerent, accedit, quod Myropolæ præscriptarum rerum defectu suis succedaneis omnia alterent ac corrumpant, ita ut præsentia præteritis conferenti, atque ad hunc Hippocratis primum Aphorismum hæc quasi ad Lydium lapidem exploranti, hodierna Medicina Practica videatur confusum indigestumque sine ordine Chaos. Quæ deploranda sane res est, & quam maximè redarguendus Populi quorundamque Medicorum error individuus multorum comes malorum. Ne tamen magis singularis sim, omissis infinitis aliis, ad quinque principes, ex Medicorum tædiis Populique Erroribus commixtas, causas horridum hocce monstrum restringere conabor. Primò scilicet ad Medicorum copiam ægrorumque penuriam. Secundò ad populi ergà Medicos immodestiam, avaritiam, & ingratitude. Tertiò ad vulgi paupertatem. Quartò ad Stoicum prædestinationis prætextum. Quintò ac ultimò ad Medicorum inter se invicem invidiam. Ad Medicorum multitudinem ægrotantiumque paucitatem quod attinet, vix dubito, quin abhinc viginti annis in pluribus hujus Provinciæ Urbibus plures Medici quam ægrotantes fuerint. Ratio mihi est merum frigus, nostrum aërem adeò temperans, ut eodem tempore, cum olim hic ut jam alibi Siriaco torreretur spica calore, non ingratus quibusdam sit focus: secus æstate mediâ ab æstuante sole in tot canalium fossarumque squaloribus scatentia stagna introducebatur intestinus motus seu fermentatio, à quâ

Non solum
populus
sed ipsi Me-
dici adhuc
confusio-
nem con-
tribuunt.

putrefactio intolerabilisque aquarum foetor universum inferiorem aërem, & consequenter inspiratione spiritus, sanguinem humoresque nostros inquinans, hinc Epidemicorum Ilias, ut continuæ ac intermittentes Febres, Cephalalgia, Pleuritides, Diarrhoeæ, &c. Tanteperè ut omnibus in genere Medicis, si ipsi saltem sani essent, tum temporis plus satis agrotantium incumberet observatio & cura, & uti alii, sic & Medicorum quidam morerentur & ipsi, decreveretque hoc modo eorum numerus, accresceretque superstitum praxis & existimatio. (Tales publicæ stagnantes aquæ, in quas quilibet suas qualescunque sordes & excrementa projicit & platearum latrinarum & cloacarum illuvies exoneratur, habentur Harlemi, Lugd. Batav. Amstelodam. Hag. Com. &c. Admodum tamen hallucinati sunt illi Medici, qui in magno morbo Epidemico anno 1669. hic vaganti putarunt, atque nostræ Reipublicæ Proceribus inter alia persuadere conati sunt, quod etiam Tinctorum decocta aquas publicas inficerent, quoniam hæ ex acidis salinis & austeris tincturæ potius putredini resistunt foetoremque corrigunt, ita ut in aquis officinas tinctorias allabentibus magis quam in cæteris pisces invenias.) Jam verò frigidis æstibus omnes passim homines in nostratum Medicorum irreparabile damnum semper rectissimè valent; & si forsan hinc indè unus alterve ægrotet, hæ decimæ solum sunt censusque existimatorum Heroum, nec cæteros à populo despectos fastidiosque tangunt. Secunda erroris popularis circà Medicos causa ex immodestia, avaritia & ingratitude suam originem trahit. Vellet enim populus, ut Medici semper curarent, hinc prognatum est dicterium, in Cathedrâ sanari omnes, in praxi verò interire plurimos; quo nihil aliud innuitur,

quam quod Medicus sine suo non rarò frustretur. Sed nihil in humanis diuturnum, nedum perpetuum. Omnibus semel calcanda via lethi, et si incertum sit, quem dierum mortalibus terminum naturæ Autor statuerit. Præterea è tot hominum millibus, quam paucis quæso datum est, ad senectæ limen peringere.

Aliorum nil refert, convaleatne vel moriatur æger, si saltem citò unicaque quasi Medici Visitatione fiat, nec morbus in languorem extendatur. Quidam Æsculapium exoptant *βροπλοιγόν*, ut suos claudos, cæcos, surdos, mutos, paralyticos, epilepticos, fatuos, pauperes, prodigos, ebriosos, luxuriæ vel furacitati deditos, divites &c. maritos, uxores, parentes, liberos, fratres, consanguineos &c. trucidet, ipsosque ab his liberet, divitum verò brevi hæredes faciat. Contrarium si eveniat ægerque restituatur, invitis illis te curasse comperies, atque à morosis restitutorum consanguineis tandem vix pensionem emendicabis.

Fertilior
enim seges
est alieno
semper in
arvo,
Vicinum-
que pecus
grandius
uber habet.

De quibusdam, tam viventibus quam defunctis, opinionum Heröibus, multi semper delirant; hæc eorum Oracula, hosque Divos testantur! Nec quivis alius, licet optimè faciendo, adeò placebit, eorumque gratiam captabit. Hæc vel similis, tam grata ac marito suæ uxoris de suo defuncto marito cantilena, in tui vituperium tibi semper audienda est: *Hoc illudve piæ memoriæ vander Straten, Geesteranus, &c. &c. dixit, affirmavit, præscripsit.* Sed an ergo verissimum, absolutissimum, optimum, aliorumque Medicorum dicta & facta superans? Nego, atque id multò est falsissimum, quod eorum dicta & scripta perscrutanti, si nulla præjudiciorum gravedine modò laboret, facilè patebit. Sordida avaritia, ut ubicunque, sic hic quoque primas tenet: inveniuntur enim homines, qui utut ægrotantes præ avaritiâ

Me-

Medicum & Medicamenta negligunt, faciliusque multò veterinarium ad suum ægrotantem equum bovem vel canem accerlent, quam ad seipsos morbo detentos Medicum. Avaritiam tamen suam excusant quidam, prætexendo à Medicamentis averfationem: sed hoc in plurimis falsum esse ex eo liquet, quod iidem illi Medicorum Medicamentorumque reformidatores subindè virulentum aliquod minutal clam ex unius vel alterius Agyræ officinulâ allatum, si solum teruncio ematur, devorent, seseque, ut assem lucrentur, aperto vitæ discrimini exponant. Sequitur fidelis avaritiæ soboles ac focia, meritorum oblita ingraticudo, cujus effigiem, quatenus ad Medicinam pertinet, Antiqui facetè admodum sub formâ Dei, Angeli, Hominis, & Diaboli, adumbrarunt. Placuit igitur subscriptos tabularum versiculos, tam propter leporem quam propter tyrones, qui tabulas forsan nunquam viderint, licet satis invito, hic describere.

*Dum nigris ægrum prope mors circumvolat alis,
Funestamque aciem jam fera jamque parat,
Tum me promissis beat & domus omnis adorat,
Tum vocat immensum me venerata DEUM.*

Accipe cum-
doler; post-
curam Me-
dicus oler.

*Paulum ubi convaleuit; paulum me numine nostro
Cessit, & in nostris auribus ista sonant:
Tu Cælo nobis demissus es ANGELUS alto,
Præmia quæ vestri & quanta laboris erunt.*

Cum di-
cant Ay-
mi, dic Tu
da mi.

*Jamque Machaonia magis & magis arte levatus
Cum sedet ante focum progrediturque tripes.
O HOMO! non frustra tantos subiisse labores
Nosces; quod restat, tu modò tolle malum.*

Exige dum
dolor est,
nam post-
quam pœ-
na recessit:
Audebit Sa-
nus dicere,
multa dedi.

Ass

*Ast ego si penitus jam sanum præmia poscam,
 Ille DEUS pridem mox CACODÆMON ero.
 Cautior exemplo tu dum dolet accipe nostro,
 Qui Medicæ exerces gnaviter artis opus.*

An hic Typus jam suo Archetypo quadret nec ne, omnibus Medicinæ practicis dijudicandum trado, nil hærens, quin ad unum omnes eum authenticum verissimumque profiteantur. Quænam quæto ipsis promptior ad pecuniam exigentem Medicum responsio? *Tantumne tibi pro aliquantulo alvum sudoresve movente? (his enim duobus universam Medicinam definiunt.)* *Tantumne pro tuis visitationibus deberem?* Nullo modo Catapotia tua (quorum similia in foro uno triente emere queo) non sumpsi, evomui &c. & vicinus noster Medicus N. N. pro tribus suos ægros visitat assibus, igitur nec tibi quoque plus dare volo. Sed quando? post unum alterumve annum, & quid si tum peto? ad Kalendas Græcas. Hinc protecto læpius ab horum non ignaris nostrarumque rerum milertis Studiosis Anglis me audivisse memini, quod vellent potius in regione patriâ veteramentarium sutorem quam hic Medicum agere, & si illi nobis non honestiores liberalioresque haberentur & pro unico solido sive 6. stuverorum nummulo ipsis ægotantes visitandi forent, nunquam ex Angliâ se huc propter tam viliter hic habita studia medica appulsuros. Et meherclè dolendum est, quod cum Jurisperito pro consilio 6. solidi, Medico vix unus persolvatur: & sic bona, licet contrarium quondam attestante Satana, sanitati vitæque præferantur. Tertia Vulgi in Medicina erroris causa duram ærisque inopem egestatem radicem agnoscit. Mul-

Hiob. Cap.
 2. v. 4. pel-
 lem pro
 pelle &
 cuncta
 quæ habet
 homo dabit
 pro vita
 suâ.

Multi enim accepti beneficii satis essent memores, si apud ipsos non daretur vacuum, læpissimèque algeret nudo clausa culina foco, nec tam ablativo quam St. Pecuniâ carerent. Quod tamen non adeò mirandum, quoniam nuperâ rabe bellicâ multæ quondam ex suis facultatibus manuumve mercede honestè subsistentes familiæ jam adeò depauperatæ sint, ut sibi suisque vix victum amictumque habeant, & ad nummariam gratiam referendam prorsus impares sint. Intereâ tamen Poliatros, sive publico stipendio à Magistratu dotatos pauperum Medicos, accersere erubescunt, & privatum vocare malunt, non tamen ut quidem deceret morbi principio, sed cum jam in augmento vel statu est, vel etiam ad interitum vergit laborantis; qui si prima secundave Medici visitatione etiam non proficiat in melius, nec vitam cum morte commutet, denuo Medicum dimittunt suam sortem deplorantes, quodque superest Divinæ providentiæ committentes. Vellent è contrario divites, si tantum per somnium de morbo cogitent, ut Medicus tempore quovis importunissimo ad ipsos advolaret, retardante interim aliquandò dudum satis tot exantlatorum laborum stipendio.

Irrepsit quarta erroris vulgi in arte Medicâ causa ab iis qui ut in omnibus sic quoque in morbis inevitabile Fatum astruant, urgentes Deum æterno absoluto & immutabili consilio semel constituisse, quandò & quo mortis genere quisque interiturus sit, & cum Furcis sibi persuadentes, certum singulis destinatum esse periculi modum, aut fame, aut bello, aut aquis, aut suspendio, aut morbo, aut ætate, ita ut ulterius vita prorogari non posset; & si quispiam etiam forsitan Medicorum aut adstantium errore perierit, illos excusant, quod impossibile sit hominem servare, quem

Fatum à
fando di-
ctum, quasi
Deorum
decretum.

De frivolo
prædestina-
tionem
prætexen-
tibus.

Itali nul-
los ex su-
spectis pe-
ste locis ad-
venas, licet
sanissimos
& Princi-
pes, neque
eorum far-
cinas, mer-
ces &c. ad-
mittunt in
suasque ur-
bes recipi-
unt, nisi
post qua-
dragesi-
mum ab-
exitu è tali
loco diem,
(quem qua-
rantaine
vocat) cer-
tissi-
mum judi-
cantes, eam,
qui per
quadragesi-
ta dies con-
tinuos ex-
tra locum
infectum
sanus vixe-
rit, nullo
contagio
infectum
esse: qui
ordo nobis
quondam
etiam in iti-
nere Ger-
manico ali-
quo modo
molestus
fuit.

2. Par. Cap.
16. vers. 12.

Deus ad se vocat. Quæ per hanc sequelam absurda senten-
tia favet plurimum Medicinæ contemptoribus atque Me-
dicastrois; eaque è contrariò Medicorum Medicamento-
rumque delectus tollitur, nec sic refert cuinam, docto
an indocto, experto an rudi, vita hominis committatur,
cum moriendum necessariò illi fuerit, quem salutifero-
rum remediorum despectus atque neglectus, Medicaastro-
rum aut adstantium temeritas, vel ignorantia, aliusve
casus sustulit. Hinc etiam in genere uti Medicos & Medi-
camenta contemnunt, sic se, nec morbos licet periculo-
sissimos, V. Gr. pestem nec mortem reformidare, te-
merariâ quadâm pietate gloriantur. Alios homini
Christiano admodum incongruæ increpant inconstan-
tiæ, desperationis, mortisque horroris; Italicorum etiam
ita dictos sanitatis Magistratus & leges incredulitatem
diffidentiam & atheismum sapere volunt; nec ad instar
Regis Azæ se unquam Medicis confisuros declarant.
Quæ omnia quam bella & bona videantur, mihi
quam potero breviter, refellenda sunt: omissis tamen
iis quæ animæ salutem spectant, solum de salute cor-
poris agemus. Itaque dudum agitatum de Stoicorum
mobili vel immobili fato, seu Christianorum æterno,
immutabili, absoluto vel hypothetico consilio seu de-
creto Divino cum consequentiis, scilicet an tum
frustrâ essent admonitiones, hortationes, leges, præ-
mia, supplicia, remedia nec ne, disputationem (si hæc
paucula sequentia excipias) intactam relinquens, ad
rerum causas secundarias, quarum ope quasi mediis
Deus solet operari, & quibus nisi quispiam utatur
præmaturam sibi mortem accersit, me convertito. Vi-
delicet Deus in suo decreto neminem ad finem præde-
stinavit, quin etiam ipsum ad media ordinaverit, per
quæ finis acquiri debeat: quos delegit ad salutem iis
in

in tempore quoque decrevit dare fidem, conversionem, in iusto & bono perseverantiam ad finem usque, & porro omnia quæ ad salutem necessaria sunt &c. Similiter ad salutem corpoream, vitam vel mortem, comprobatur quotidianus rerum eventus, quod si quis æger medicum & remedia negligat aut malis utatur moriatur, è contra si docto medico remediisque bonis & suo tempore administratis, convalescat. Porro, ut cum mortem reformidantibus Sanctis, Abrahamo, Mose, Davide, Elia, &c. matura fugâ licet, imo necesse est, pericula famis, belli, aquæ, ignis, quæ Deus in facinorum nostrorum supplicium immittit, imo pestis, si commodè per officia poterit, evitare; sic non minus licitum, imò necesse est morbis medicas adhibere manus. Qui hæc spernit, remediorum Autorem Deum contemnit & tentat, & ut pericula provocans istis peribit: propriæ enim necis conscius censeretur debet, qui sese præsentis periculo objicit. Vitam quam longissimam Deus nobis in benedictionem pollicetur: licebit igitur eam omni arte ab imminente periculo præservare. Ideo ratio homini data est, ut non immediatum Dei auxilium sibi pollicetur, sed mediis quæ constituit & creavit prudenter & cum ratione utatur. Non pollicetur ars medica vitam perennem: medicinam facimus, non ut mortem inevitabilem evitemus, sed ut eam integra sanitate exspectemus: usque adeòne mori, miserum. Minimè enim nos Reformati ii sumus, ex quorum religionis principiis omnis usus medicinæ tollatur. Absit enim, absit, ut Deo Opt. Max. consilia tribuamus cum exclusione remediorum executionis, iisdem consiliis Divinis sapientissima ratione simul ordinatorum. Credimus Deum, quorum vitam hic aliquandiu conservare decrevit, illis omnibus etiam media præordinasse,

Medicorum medicamentorumque contemptores sua vulgata calumnia, *Th. Wolf*
Myin ep-
gen dood
sterben /
in scopulos impietatis impingunt.

Juxta Verficulum:
Hæc tria tabificam tollunt adverbia pestem,
Mox, longè, tardè, cede, recede, redi.

Qui amat periculum, peribit in eo. *Iesus Syrach.*

per quæ secundum communem saltem quem servare solet ordinem agendi illud effectui dat, & ad eum ætatis terminum ipsos perducit, quem semel ipsis fixit: atque hinc, licet ea connexio non sit semper certa mediorum conservandæ hujus vitæ cum ipsa vitâ, quæ est salutis & mediorum infallibilium salutis, officium hominis esse, mediis & remediis, quibus Deus juxta dispositionem consilii sui vitam hominis solet conservare, uti, eventum non tantum Deo commissio, sed etiam, si mediis illis utatur in timore Dei, eventum salutari, quomodocunque cadat, ab ipso expectato.

Quendam novi, qui Pontificum Medicum præferebat Reformato. Quasi vero, nullum alium quam mobile & hypochondriacum igitur, herbis verbisque prorogandum, agnoscentes decreta Pontificii præimmunitabilem & inevitabilem prædestinationem statuentibus Reformatis, morborum curationibus toto Pectore incumberent.

Tandem enim exhaustis ultimo senio vitæ principiis satis cedendum est, ita volente naturæ conditore; hanc mortem prohibere nulla ars potest. Interim tamen nullum excusat, cujus ignorantia & negligentia culpa pravisque remediis æger interit: sed præmaturæ, quam morbi aliique casus accersunt, morti prudens peritusque Medicus obviam vadit, & salutaribus præsidiiis legitimè adhibitis vitam jam fermè abeuntem revocat in præcordia, ita ut anticipantem sic mortem differre aliquatenus dici possit. Ex quibus omnibus concludere possumus, quod etiam si homo ignoret Divinum de suo extremo & inevitabili vitæ termino Consilium, non magis tamen, ne propriæ mortis reus efficiatur, legitima & ordinata in morbis &c. ad recuperandam sanitatem media negligere debeat, quam cibum & potum, victum & amictum, ad conservandam vitam.

Dædalus hic sit, non Icarus, terræque legat confinia non coeli, in futuris caligans vermiculus terrestris.

Præterea sicut male faciunt, qui cum prædicto Rege Asâ nimium confidunt Dei instrumento Medico, & interim instrumenti Creatorem ac directorem negligunt; sic ab altera parte non minus malè, vel potius satis

impiè, aut saltem valdè stolidè faciunt, qui Medicinam omninò negligunt & per malevolentiam invidiam aut contemptum malè de ea loquuntur, nec quidquam salutare ab ea procedere posse arbitrantur, sed à solo Deo morborum sanationem, nullis remediis adhibitis, exspectandam esse existimant.

Tandem quadam quasi retorsione quidam ipsos Medicos contemptus auxiliorum in morbis acculant, dicentes, quod cum cæteræ artes vel scientiæ ab nullo alio quam ab ignorante despiciantur, hæc ars insuper ab ipsis artificibus Medicis odio habeatur; quoniam illi ipsi ægrotantes remedia, quæ tam immodicè aliis semper commendare satagunt, ipsi negligant. Hæc & similia sæpius audiui, nequaquam tamen veritati congrua; & licet in paucissimis delicatulis & nauseabundis Medicis, uti in aliis hominibus, non ex odio in benedicta remedia sed ex singulari quadam antipathiâ vera essent, in plurimis aliis tamen multò falsissima esse, lippis ton-

Falsum est ipsos Medicos ægrotantes nulla assumere medicamenta.

Accedo quintò ac ultimò ad Medicorum inter se invicem mordacem invidiam, quæ hic inprimis, si unquam alibi, sceptrum tenet; non enim ut inter alios socios duntaxat, hic mendicus in mendicum quodantenus accenditur, sed opinionum Heroës alios non aliter, ac olim Johanna Navarra Regina Philippi Pulchri Regis Galliæ uxor foeminas Brugeses, intuentur. Ingressa hæc Brugæ A^o 1301. & intuita foeminarum in forma præstantiam & in amictu luxum, foeminino quodam livore plena exclamavit: *Ego me solam Reginam esse arbitrata; sexcentas heic conspicio.* Unusquisque etiam tam fortunatorum moriorum se solum Medicum esse & rectè sapere putat, cæterorumque Medicorum vulgus, licet inter illos sexcenti

Livor inter Medicos sceptrum tenet.

iplos longè superantes invenirentur, ut ignarum aspernatur, fœdo livore, & ferè Vatiniano atque ad Theologis tribui solitum accedente odio iterum hos præfules & se invicem insectantur varii mutabilisque vulgi opinione & favore privati fratres minores. Asserti mei multa exempla ubicunque in propatulo sunt, ex quibus, ut brevis sim, tantum sequens generale (ut privatarum personarum nomini & famæ parcatur) eligam, cætera sicco pede transeundo. Quidam homines tenaciter cui-dam Medico, quem suum vocant, & qui ut loquuntur, eorum naturam novit, vel cui quodam respectu vel commodo devincti sunt, adhærent. Alii è contrâ inconstanter hunc dimittunt aliumque accersunt, imò ferè in singulis ipsis supervenientibus morbis alium vocant Medicum; qui ultimus, licet cum primo comparatus, indoctus & bliteus sit, nihilominus, quod primus S. A. fecerit, statim hic adulator, inaudito ac inconsulto primo (quod pœnâ dignum) ut hominum gratiam captet suæque commendet, improbabit, atque ex vasto auxiliorum oceano, ut videatur quid novi produxisse, aliquid aliud, forsan nugacissimum, ad decipiendum populum præscribet, & si tum, fortè morbo jam antea primi Medici remediis ad declinationem vergente, æger in melius proficiat, magnus hic bardus salutatur Apollo, resistentibus primo, probo, docto, ac perito, & cui unice hocce beneficium acceptum haberent referendum, non nisi meris probris atque convitiis; quæ impudentia & arrogantia hodiè in immensum excrevit in artis artificumque contemptum. Quibus insuper in malorum cumulum accedit, quod stolidi plebs in hisce suis erga probos Medicos erroribus ab his Thrafonibus, ut plurimum famâ Medicis, in suum proprium commodum vulgi-
que

que detrimentum assiduè foveatur & justificetur. Hisce denique omnibus, ut huic Capiti finem imponam, probè consideratis & inter se collatis, nunquam satis admirari licet, tam conspicuam præstantissimorum Juvenum nostratum catervam (ad nobilissimos externos verò, quibus omnia lætiora domi, hæc non pertinent) tam despiciatam hodiè parumque fructuosam Medicinam adhuc amplecti, nec potius quodvis aliud, melius vitam profitentis sustentare potens negotium, pragma, artemque mechanicam, quam tam humiliatam hodie sui que veteris encomii, *dat Galenus opes*, dudum oblitam artem Medicam, suscipere. Nam veluti ab unâ parte in nostris oris paucissimi Medici, licet opinionum vulgi possessores sint, vix suâ praxi ægrotantium defectu sibi victum amictumque parant; sic ab altera prætereà cum populi erroribus, præjudicio, avaritia & ingratitude, popelli egestate, deliris foeminis, plumbeis myropolis, natalulis barbitonforibus, audacissimis agyrtis, ex Medicorum belgico idiomate exaratis libris sapientibus plebejis, ipsisque sciolis vel bardis, pro tribus stuveris vel nihilo ægros visitantibus tuis lividis collegis, præsertim cum longè latèque in hominum opiniones dominantibus famâ Medicis, tibi jugiter atque ad nauseam colluctandum est.

Sed hæc quoque spes avida, in jam jam inchoando novo & forsan faustiori quam præsens fuit sæculo, vel in magnatum consanguineorumque favoribus, vel ad opinionum Heroùm hortos Adonidis videlicet honoris fastigium & facultatum cumulum pertingendi, superare potest.

Hodie quis vis mercator officinarius vel mechanicus commo-
dius ac honestius sibi ex suo negotio alimoniam comparat, quam Medicus ex praxi medicâ.

C A P U T XII.

De tuendâ bonâ valetudine, per rectam vivendi normam, usumque moderatum rerum ad feuciter vivendum necessariorum.

Ecclesi. xii.
vers. 12.

Si unquam alibi, in hanc Medicinæ de *Conservandâ Sanitate* partem investiganti vanitatum Ilias obviat, quæ explicatis nugarum cortinis protinus propriam vilitatem proditura in scenam comparet, ita ut omnibus attendentibus discernere perquam facile sit, sit ne hæc res tanti, quanti ipsam fecerit antiquitas? Pluribus negativam arrisuram non dubito, licet veteres (in scii, *quod faciendi plures libros nullus sit finis, frequensque meditatio carnis afflictio sit.*) sese in probando contrario ingentibus de hac materiâ conscriptis voluminibus delassarint, & hæc fila tam subtilia duxerint, ut alicui, ne his tricis irretiat, non minus Ariadnæo filo opus sit: quod quoniam ego non habeo, eminus solummodò quædam principalia, & quorum cognitione humanæ valetudinis curam gesturis præprimis opus est, perlustrabo. Singulas igitur *partes* minutias considerare nefas; sufficiet ex hac in trita Medicinæ divisione parte quartâ, & *sex* Medicis res non naturales dictas, *Ærem* videlicet, *Alimenta*, *Corporis Exercitium vel Otium*, *Somnum & Vigiliam*, *Animi Pathemata*, *Excreta & Retenta*, complectente; paucula carptim ac oscitanter ad finem jam testinanti annotasse. Primò *ærem ventosque*, & quinam magis vel minus boni, optimi vel pessimi sint, quod attinet: hic in antecessum mihi est dicendum, quod in genere bene dispositus & benignus maligno, purus effluviis

De aëre.

tel-

telluris, maris, aliorumque corporum inquinato, sit præferendus. Quantum ad *ventos* quoque, haud parum interest, an mare, an terram, hancque amænis flosculis lætabundam cadaveribusve squalidam, an lacus, paludes, an rivos & flumina transmeent: naturæ quippe ruspatores austrum marinum salubrem, boream à mari suspectum à terra sanum perhibent, quod spirante austro mare lucidum, flante boreâ atrius observent. Alioquin mihi *cuique sano suus patrius maximè congruus videtur*. Quoniam consueta longo tempore etsi deteriora insuetis minus molesta sunt, consuetudoque quasi natura adsciticia est. Quo sic posito prosternitur fictum tot dissentientium opinionum *de aëris ventorumque qualitatibus* monstrum; sive ille illique verò puri vel impuri, humidi vel sicci, frigidi vel calidi &c. sint, singulisque anni temporibus mutantur, dummodo semper & eodem modo sese habeant, uniuscujusque Regionis Incolis Polaribus, Æquinoctialibus, Montanis, Insularis, Paludicolis, Urbanis, Agrestibus, ipsisque Metallicis, (licet fodinæ sæpe malignos vapores exhalent,) salubres satis bonique sunt. Dixi *cuique sano*; quoniam ægrotantibus aëris anni locique mutatio interdum aliquid emolumenti attulit. Quod à consuetis porro minor sit læsio, probant rectè valentium in solo patrio, licet advenis insaluberrimo, myriades. Prætereibo vastissima Asiæ, Africæ, Americæque, (magis tamen incolarum penuriâ superstitemque acedia, quam Aënis, Terræ, Ventorumque ibidem pravitate) deserta, ad littora vicinæ nobis Zelandiæ experiundi gratiâ appulsurus, à quâ iterum vix anchoram sustuli, quin febriculam, non indigenis, sed peregrinis ibidem endemiam, habuerim comitem. Amstelodamum Londinumque cingens aër plurimis

Patrius cuique sano satis aptus est.

Hipp. sect. II. Aph. 50.

peregrinis , saltem principio , satis molestus est. Idem cum diætâ ex Septentrionali Europa in Galliis comorantibus viatoribus Germanis , Belgis , &c. pro fausto adventu Scabiam Francicam (Gallis *la Galle*) largè illa donat : à qua tamen , quod benè notandum , incolæ & jam aliquo tempore ibidem assueti adventores planè non afficiuntur.

Etiam si Constantinopolis Thraciæ & Memphis Ægypti (hodiè *grand Kairo*) nunquam à peste immunes sint , ex huic infecto aëri assuetis oppidanis paucissimi tamen moriuntur. Docent præterea infinita exempla humanam naturam ita venenis , ut tandem nihil noceant , assuescere posse. Sic ego quosdam novi , qui exorsi cum granulo , postea duas integras Opii crudi dragmas innoxie devorarent ; alios , qui tantumdem Jalappæ vel dragmam Dyagridii deglutiebant , & Fallopius Ferrariæ se novisse quendam Germanum studiosum scribit , qui Scammonii unciam integram citrà alvi laxationem vorabat. Quis ignorat , vino perpetim madentes bibaculos tabaciq̃ue fumiflones & perennes suctores , jam Baccho fumoq̃ue quasi conditos & tamen valentes ? Et nostratibus vellerum glabronibus cadaverosam vellerum mephitidem , & latrinarum cloacarumque purgatoribus virulentos oleti foetores ad instar Ambræ vel Moschi esse. Tandem *confert ad aëris salubritatem , ut semper eodem modo sese habeat* , atque subsequentes anni eorumque tempora & tempestates sibi invicem similes sint. *Omnis subita mutatio periculosa* ; etsi sæpius dum Francofurti ad Mœnum habitarem pistorum famulos asperima hieme solum indusio caligisque vestitos , & ex his illisque civium ædibus ab subigendâ ibidem farinâ reduces sudoribusque diffuentes , absque ullo sanitatis de-

Traçtar.
Simpl. pur-
gant. Cap.
XLVIII.

Vulgo
Plooters.

Hipp. Sect.
31. Aph 51.

detrimto per plateas incedentes cum stupore viderim. Progredior ad *Alimenta, Cibus & Potum*, quæ ut ut vulgaria tot classibus divisionibus & subdivisionibus, sunt stipata, ut simplex eorum nominum catalogus legentibus oneri sit; eoque minus mihi libeat de eorum qualitatibus & tempore utendi, tam in sanis quam in ægris & neutris, prægnantibus, infantibus, mediæ ætatis hominibus, & senibus, & quibus ratione temporum, locorum, ciborum generum, exercitationum, laborum &c. plenior, quibus tenuior victus conveniat, & quæ hujus farinæ plura sint, ut quidam præcisè metiri conati sunt, singulatim tractare. Sufficiet hic iterum sano ut in reliquis aliis consuetudini, cujus in vitæ instituto vis maxime elucet, litare, secundum versiculum,

De Cibo & potu.

Hipp. Lib. de Veter. Med. Nec modum, nec pondus, nec numerum cognosci posse, nec aliam certitudinem reperiri, quam corporis sensum.

Omniibus assuetam jubeo servare dietam.

Quod sic esse probo, ni sit mutare necesse.

Gal. 2. Aphor. 27. Eam quantitatem esse exhibendam, quæ ventriculum non gravet.

aureamque mediocritatis regulam & sequens Celsi præceptum observare atque in pretio habere: *Sanus homo, inquit, & qui suæ spontis est, nullis obligare se legibus debet, neque Medico neque Jatrალიpta egere. Hunc oportet 1º habere varium vitæ genus 2º modo largius sese invitare, 3º nullum cibi genus recusare quo populus utatur, 4º semper plurimum sumere, modo hunc concoquat.* Quæ maximè consideranda sunt. Nam qui sani scrupulosè nimis ex Medicorum præceptis vivunt, miserè vivunt, & Medici, qui tam exactè regulas diætæ quibusdam sanis præscribunt, contra ipsam artem peccant, quæ nullas determinat, præter hanc, non satiari cibis, & impigrum esse ad labores.

Victus indicatur à viribus, vires autem indicant

fui conservationem ; at victus ad pondo & mensuram vires non conservat , sed imminuit & debiles valetudinariosque facit ; hinc homines qui quotidie in diætâ peccant vulgò saniores sunt quam illi meticulosi , qui se strictissimè diætæ legibus obligant. In genere potius ea quantitas , qua ventriculus non gravetur , sumenda , juxta tritum illud Italorum proverbium , *Qui multum edere optat , parum comedat* , hoc est parum edendo diu vivet , & sic multum edet. Semperque ciborum simplicitas varietati præferenda : nam uno cibo , eoque simplicissimo contentum esse , maximum est sanitatis præsidium. Neque ullum cibi genus , quo populus utitur , unquam recusandum est : magis enim deplorandi quam invidendi sunt illi delicatuli , qui ut plurimum absque appetitu discumbunt , nil nisi exquisita , splendidè venundata , vel ex distantissimis regionibus exportata æstimantes. Ut semper tamen propriæ sanitatis amans memor sit velim , medium semper tenuisse beatos : nam omne nimium vertitur in vitium , & naturæ est inimicum. Hæc qui flocci pendunt , suæ ipsius salutis proditores sunt , & pessimo victus genere sanitatem decoquunt ; alter alterum in vitia trudendo , & priores malè iter ingressos pecudum more , non qua eundum est , sed qua itur sequendo , alienis se perdunt exemplis , quod enim ab aliis gerunt vident , id sibi normam vitæ rentur ac præfigunt , ab eoque ne latum quidem unguem discedunt. Sardapali exemplo , vivunt ut edant , non edunt ut vivant , & sic gulæ causa maxima pars mortaliū vivit , & perit miserè : nam Diogeniano suffragio , *ex iis egrotamus ex quibus vivimus*. Hic speciatim plurimum delinquere solent appetitui potius quam rectæ rationi auscultantes pueri & foeminae

sine

sine delectu obvia quævis palato arridentia ingurgitantes.

Quamvis tot leges diæteticas circa alimentorum, temporis sumendi, &c. delectum, quibus antiquitas humanum genus devincire conata est, flocci pendam, cursim tamen & quasi in transitu unam alteramve digito quasi indicabo.

Admodum, saltem meo judicio, pro singulis anni temporibus convenientem victus rationem, in his versiculis Schola Salernitana vivis coloribus depingit:

*Temporibus Veris modicum prandere juberis,
Sed calor Æstatis dapibus nocet immoderatis,
Autumni fructus caveas ne sint tibi luctus
De mensâ sume quantum vis tempore Brumæ.*

Hipp. S. 22.
Aph. 15.
Ventre
hyeme sunt
calidiores.

Sed quandò & quoties in die & utrum uberius quidem prandendum, parcius vero cœnandum sit, secundum ejusdem Scholæ præceptum docet.

*Ex magna cœnâ stomacho fit maxima pœna.
Ut sis nocte levis, sit tibi cœna brevis.*

Hæc rursus à singularum gentium consuetudine dependent; quarum quædam, duce natura, nullaque temporis ratione habita, cum esuriunt vescuntur aliæ certis horis jentant, prandent, cœnant, placentibus unicuique suæ patriæ præ alienis moribus, tametsi inter politiores Europæ Nationes hanc magnæ cœnæ pœnam nullam non sæpius suo damno expertam fuisse crediderim.

Sintne jam fructus & olera carne, hæc piscibus, vel vice versa ad pastum magis apta? nugacissima quæstio est: sanis enim omnia sana. Et quondam, ut Poë-

Prima omnium ætate fructus erant homini pro pane, aqua pro vino, & forsã idem alimentum atque bovi & equo Hippocr. Lib. de Venter. Med,

In Boreali-bus Europæ partibus nullum est frequentius edulium, quam pisces siccati, qui ibidem panis vicem suppleant.

Vulgò Kawiard.

Testibus Platina & Munstero in Cosmograph.

tarum fabulæ perhibent, glande victitantes Protoplasti, jam strumis infames Suevi montani & Tyrolenses caseoso pressoque lactis coagulo; piscariæ & navigationi incumbentes Oceani Septentrionalis littorium Accolæ piscibus tam recentibus quam salitis; admodum senescentes Yslandi frigore ventisque arefactis asellis; Utriusque Indiæ ac Africæ Paganæ multitudo quarundam arborum radicibus; æque læti ac sani, quam panis helluones Galli, carnis Angli, lardi Hispani &c. vixerunt vivuntque hodie. Qui his verissimis, licet contra conscientiam, adhuc refragari audent impetuosè, volunt carnem in genere, quia majorem cum humano corpore similitudinem ducere videtur, magis cæteris omnibus alimentis nutrire. Sed his, ut mihi dicant, regeo, unde veniat, quod grani ac graminivora animalia æquè benè ac carnivora valeant, exsuccumque fœnum non minus ac illa carnem, hominesque diversissimarum dapum ferculorumque myriades, in suum proprium succum carnemque vertant. Ne autem in profliganda inter alimenta omni prærogativa, & in supprimenda luxuriæ prole cupidiarum nimirum æstimatione, omnia edulia quæ humana petulantia & luxus excogitarunt æque probare videar, quædam censoribus ratione & experientia exauctorare cogor: ut ex animalibus *Ostreas*, *Limaces*, ex lacteo accipenseris Moscovitici *Compositum* &c. ineptissimos nuper ex Indiis allatos sed cachinno dignos *Avicularum Nidulos*; ex vegetabilibus *Cucumeres* atque Pauli Secundi Pontif. Max. triumque Imperatorum Germanorum Frederici scilicet III. Henrici VII. & Alberti Austriaci nece infames *Melones*; Claudii Imperatoris cæde per Imperatricem Agrippinam infamatos *Fungos*, & mille alia linguam palatumque

que quidem titillantia ; sed ventriculum lædencia & per consequens Secundæ Coctioni perniciosa , quæ lurconum glutonumque grex in humanæ valetudinis ruinam excogitavit. Convitia autem , quæ nugax ætas in innocentem caseum displosit , veluti quod optimum sit deterrimum nulliusque utilitatis , vel quod misello caseo pauxillum exorabilius sonat , *Caseus ille bonus quem dat avara manus* , flocci pendens , sicco pede transibo : in transitu tamen generale alimenterum condimentum *Sal* , hoc præconio salutaturus , *Non sapit esca probè , quæ datur absque sale*. Sequentem simul Pontificiâ longè viliozem indulgentiam Acetariorum amatoribus concedam : *utere Lætucis & mollibus utere Malvis*. Cæterum crudarum carniū ferculis gelidæque haustibus admodum paucos hodiè delectatos iri reor : præterea quod hæc Anthropophagica epula communi politiorum gentium consensui , invito commendatore *Bontekoe* , refragentur. Tandem si cibus vires gravet , corrigatur inediâ , somno , quiete , & si hæc non sufficiant , humorum saburra leniter vomitu eliminetur.

Ad jocosæ munera Liberi , Soli sanguinem , potulentorumque facile præcipuum *Vinum* , quo nihil est jucundius quo nihil melius dedit natura hominibus , jam venit ordo. *Merum* Deos hominesque lætificare dicitur , nec immeritò convivii coagulum , lac senum & Veneris , hilaritatisque seminarium nuncupatur , & rectè admodum à S^{to} Paulo suo Timotheo adversus debilem ventriculum multiplicesque infirmitates commendatur. Sed ah ! Tartareus abusus regale hoc Dei donum respectu u-

Judic. ix.
v. 13.

1 Tim. 5.
v. 23.

tentium sæpissimè in foedum Diaboli excrementum convertit. *Vino* enim multi mortales quasi Circæo toxico in sævissimos leones , salacissimos hircos , vel

squa-

sq̄ualidissimos suos mutantur. Qui præ cæteris magis vividis coloribus omnia depingere student, hanc vini effigiem tradunt: nempe quod mel quidem ori, sed fel capiti, voluptatis non necessitatis potus, dubius amicus, incentivumque libidinis sit; (nam à *Libero Patre ad lumbisfragam Venerem præceps est gradus*) quod ut dolosus luctator cerebrum capret primum, mox ventriculum atque pedes; quod splendeat color ejus, sed statim mordeat ut coluber, & tanquam perniciosissimum deleterium suum virus in totum corpus diffundat. Hinc temulentiam sic Laconicè loquentem quidam introducit. Anonymius:

*Nullus erat sævis unquam bellator in armis,
Qui dederit gelidæ millia plura neci.
Nemo tot impunè cædes, tot funera nemo
Edidit, ac nostræ sæpe dedere manus.*

Spuri-
um confu-
sumque
ex com-
mixtis Ara-
bis, Par-
this, Sara-
cenis, Mau-
ris, Scy-
tis, que
Chaos,
(hodierni
Turcæ) a
victis Græ-
cis invito
suo Legis-
latores Ma-
homethe,
etiam Græ-
cari didice-
runt.

Sed quis nescit, rerum optimarum pessimum esse ab-
usum, & quod omnia quæ in vini decus ac dedecus
vulgò proferantur nequitiam vinum sed ejus potores
tangunt, qui modico, medico, opportunoque, vel incon-
tinenti & luxurioso, ejus usu vel abusu prædicta encomia
vel convitia per se nobilissimo & innocenti latici acqui-
siverunt. Hoc duntaxat summè deplorandum est, quod
contra ingentes omnium regionum ac nationum temu-
lentorum exercitus, vix manipulus abstemiorum o-
lim Nasiræorum Rechabitarumque institutum regu-
lamque sequens invenitur: nam quamvis mundi
deceptor, Sanctorumque Prophetarum simia Mahú-
methes suis Turcis vini potum prohibuit, non ces-
sant tamen Barbari, testibus historiis & viatoribus,
clam se vino obruere jugiterque mero madere. Sed

ne tam arduum , tam domesticum , tam inveteratum adeo malum , cui plurimi à teneris assueverint , animis callo quasi obducto inveteratis , ad imas usque fibras evellere , propositique mei limites excedere , meamque falcem in Theologorum messiem injicere videar , hæc missa faciam , atque ad vinum cæterosque potus redeo. Interea mihi penè exciderat tritus semperque in ore combibonum perstrepens jamque perstringendus Schol. Salernit. Versiculus.

*Si nocturna tibi noceat potatio vini ,
Hoc tu mane bibas iterum , & fuerit Medicina.*

Crapulæ videlicet , vel saltem ut ei assuecas. Regium profectò atque ad perdenda vina genitis crapulamque crapula discussuris bibaculis dignum consilium. Perindè enim est , ac si ignem igni addere vellent. Hinc tandem tot tantorumque lerna malòrum hos miseros obfidet.

Distinguitur *Vinum* ratione regionis , vetustatis , qualitatis &c. in *Hispanicum* , *Rhenan.* *Gallic.* &c. *Novellum* , *Horotic.* *Bim.* *Trimum* &c. in *Rubrum* , *Flav.* *Alb.* &c. *Edentulum* , *Dilutum* , *Pendulum.* *Forte* , *Fragrans* , *Dulce* &c. juxta versiculum.

*Si bona vina cupis , quinque hæc laudantur in illis.
Fortia , formosa , & fragrantia , frigida , frigida.*

Vino proximè accedunt *Sicera* præsertim *Gallicæ* , cæterorumque fructuum fugacium , *Cerasorum* , *Ribes.* *Fragor.* &c. succi ; quos omnes reliquorum vegetabilium &c. succi & infusiones modo sint fermentabiles , ardentemque spiritum distillando suppeditare queant , E. Gr.

Sachari (ex quo notissimus Americanorum potus, quem Lusitani *Aquadenti*, Nostrates *Bilduibel* appellant) *Mellis*, *Herbarum Florumque fragrantium oleoque volatili scatentium*, *Squillarum*, *Herbarumque littoratum* (ex quibus Indi Orientales suum *Araq* conficiunt) sequuntur. Nec minus ex *Fruментaceis farine* (ut trans eam *Americanorum* ex quarundam arborum radicibus *manso edentularum in farraceum redactis potum*) *fermentabiles* ac inebriare valentes *potus spiritusque ardent* *subministrant*, atque tot, inter se ratione aëris, aquæ, gustus, loci & consequenter nominis diversissimis, vinoque vix inferioribus *Zythis seu Cerevisiis*, initium causamque conferunt.

Unica & sola tamen inter omnes hos prænominatos potus *Aqua sitim restinguere valet*, nullusque adhuc in fructibus succus, vel jam expressus potus, secus quam ratione sui vehiculi, vel si mavis, basis lymphæ, deficiens in animantibus, uti & in vegetabilibus, humidum, (ex quo legitima in animalibus sitis causa) restaurare potest. Reliquum, quod in potulentis visui gustuique gratissimum ac spirituosum, penetranti suo calore & volatilitate intestinum progressivumque sanguinis & per consequens humorum spirituumque motum promovet atque accelerat, quorum tum impetum pororum repagula referantur, ita ut huic mobili fugacique, multumque humidi sequentibus haustibus reparandum secum rapienti pressori per patula eorum ostiola undique latissimus ad auras pateat exitus.

Sed an *Hydropotæ* hoc antiquissimo ac simplicissimo, & etiamnum maximæ mortalium parti familiarissimo potu, quoque pergræcari modumque excedere queant, quidam, saltem certâ conditione, negant, plurimi affirmant. Qui negant calidum humidum, licet maxi-

maxima quantitate quotidie sumptum, nunquam afficere, sed contra sanguinem spiritus & humores in legitima & blandâ circulatione, vel in noxiorum superfluumque humorum secretionem confirmare & conservare statuunt: cui doctrinæ ingens hodierna *Tinturas Theæ Coarvæque* jugiter forbillantium utriusque sexus multitudo confidit. Affirmantium rationes ab eventu dimanant, ab eorundem nimirum potuum multibibis & compotricibus, utpote inter quos haud pauci de vesicæ ac abdominis inflatione & gravitate, appetitu prostrato, tandem de manuum tremulo motu conqueren-tes, atque sic dignas suæ credulitatis & incontinentiæ poenas luentes, passim inveniuntur.

Tandem de potu in genere dicendum est: *Nequid nimis*. Interea consuetudini, cujus vi naturæ leges frequenter evincuntur, aliquid dandum.

Alia enim temeti portio Italis, Gallis, Hispanis, alia Germanis, Gothis, Helvetis, Muscovitis &c. convenit; dum nec illorum unus *propter nimium est, est, mortuus est*, sed plurimi frequentissimo suo dormi securè, pro pulicum morsibus, ut illorum terminis utar, tandem in æternum obdormiverunt. Sanè hujus vitæ Isthmus perbrevis est, ac velut umbræ transitus: sed nostra sæpius, quam naturæ culpâ! Insuper animi acies vigorque supprimitur crapula, & velut luto cœnoque demergitur. Omnis corporis sagina noverca rationi: velis ergo remisque, & Jovis quod ajunt quadrigis, fugienda sobrietatis amatori temulentorum societas. *Abstine à nimio cibo & vino, ut à te Medici*. Modus omnium optimus juxta Horatianum:

Est modus in rebus, sunt certi denique fines.

Concedendum aliquid tempestati anni, regioni, ætati & consuetudini Hipp. 1. Aphor. 17.

Modus pulcherrima virtus.

Excessus autem cane pejus & angue semper vitandus est.

De motu & quiete.

Quod caret alterna requie durabile non est
Quod caret alternomotu durabile non est.

Tuendæ valetudini quoque confert, oppositæ quieti legitimâ intercapedine concatenatus atque omne exercitationis genus comprehendens voluntarius *motus*. Multis enim usibus exercitatio ad corporis incalescentiam, ut ciborum Digestioni, Chylificationi, Sanguificationi, Spiritibus excitandis, Solidis corporis partibus roborandis &c. commoda est. Sit tamen mediocris, vel si major propter consuetudinem non afficiens, nec statim à cibo: nam alias exercitationes quæ modum excedunt, vel insolitæ sunt, corpus emaciant & exsiccant; hinc tum flebiles ejusmodi querelæ:

*Me quoque debilitat series immensa laborum,
Ante meum tempus cogit & esse senem.*

A labore deinceps exercitationeque *quieti* vicissim indulgendum: quod enim caret alternâ requie, durabile non est: *Nam otia corpus alunt, Animus quoque patitur illis*. Sed cave ne molli desidîa ignavaque quiete marcescas, quoniam vita deses & sedentaria tandem puitæ, obstructionum, nephritidis, myriadumque morborum foecunda mater evadit; præterea, ut cum Senecâ loquar, otio *paulatim effeminatur animus, atque in similitudinem otii sui & pigritiæ in quâ jacet solvitur*.

Idcirco haud improprie describitur desidîa, quod sit fuscitabulum cupiditatum, adjutrixque vitiorum. Tenendum igitur diligenter Flacci præceptum.

*Fugienda est improba Siren,
Desidîa.*

De Somno & Vigiliis.

Somnum atque vigiliam summâ cum prudentiâ moderari

rari debet, quisquis valetudinem sartam tectamque tue-
 ri desiderat, exploratumque habere, quando & quan-
 tum somno vigiliæque indulgere debeat. *Tempus
 somni* convenientissimum est *vespertinum aut noctur-
 num* : semperque cavendum, ne statim à coena ineatur,
 sed unius, aut duarum horarum intervallo discludatur.
 Somni *duratio* ex consuetudine, vel ut alii ex ingesti ali-
 menti concoctione digestionemque definienda. Quamvis
 enim non expediat, ut omnes tantundem dormiant, cum
 alii promptissimè coquant, alii tardissimè : in genere
 tamen ferè constat somnum septem vel octo horarum
 vel circiter esse debere. Hisce tamen nondum contenti
 graves nugarum Scriptores tertium *quomodo* superad-
 dunt, acriter de situ vel positura corporis in dormien-
 do altercantes : nam præterquam quod in genere om-
 nes supinum primumque damnant decubitum ; sic in
 specie hic supra dextrum, alter supra sinistrum latus &
 vice versa putat somnum inchoandum : uterque longis
 tædiosisque à prima secundaque coctione desumptis
 argumentis suas hypotheses probare conatur. Ego ite-
 rum hæc omnia, & quæ de depressiori vel elatiori cer-
 vicali utendo nugantur nimis scrupulosi, à consuetudine
 dependere sentio, nec tamen sum inscius, quod situs al-
 ternatim facta permutatio defatigationem non parum
 sublevet. Ad improbatissimum a quibusdam *Somnum
 diurnum* sive *meridianum* quod attinet, etiam eum assue-
 tis, ad grandævum licet diurno somno assueti Nestoris
 exemplum, condonandum opinor, præsertim iis, qui
 nocturno somno studiis vel negotiis interrupto, citra
 incommodum per aliquot tempus interdium obdormif-
 cunt. Porro respondeant *Somno Vigiliæ* : Nam si hæc
 immodicæ, spiritus animales exhauriunt dissipantque,
 sensus debilitant & hebetant, vires destruunt, coctionem

disturbant, cruditates atque obstructions plurimas generant verbo infinitorum gravissimorumque morborum fœcundi parentes evadunt.

De animi
passionibus.

Sequuntur toti corpori facilè noxam inferentes sanitique insidias struentes *Animi passiones* vel Commotiones, quarum principes sunt, *Lætitia, Tristitia, Ira, Amor, Odium, Invidia, Timor, Pudor, Spes & Desperatio*, (qui omnes etiam ad duas amorem & odium reduci possent,) quibus affectibus, si impetuosi violentique atque rationis limites egressi sint, moderatio imperanda, eoque majori studio & curâ, quo corpori anima præstabilior est, hujusque pathemata maximo intervallo momentoque omnibus corporis affectibus quantumvis gravibus præponderant. Ipsum enim *Gaudium*, si immoderatus sit, syncopen animique defectum sæpiusculè creat, aliquibus etiam mortem repentinam inferre potest: sicut Leo X. Pont. Max. audiens Gallos ab urbe Mediolanensi expulsos gaudio expiravit. Matrona quædam Romana, teste Livio, conspecto filio, quem in Cannensi prælio occubuisse audiverat, gaudio sublata est. Idem fatum Dyonisius Senior Siciliæ Tyrannus expertus est. Diagoras Rhodius, Chilo Philosophus, infinitique alii, eodem modo extincti sunt. Nec gaudio è diametro oppositâ *Tristitiâ* haud pauci exanimati sunt; sicut Plinius L. VII. Cap. 36. de Marco Lepido narrat, qui animi ex angore ob repudiatam uxorem, quam deperierat, extinctus est; & de Publio Rutilio, qui ex ingenti dolore interiit, postquam audivisset fratrem à Consulatu repulsum fuisse. Nec exempla quorundam, propter repulsam acceptam mœrore confectorum, etiam nostrâ ætate deficiunt. Si quosdam roges quamobrem mœreant, reddere causam nequeunt, interea vitam damnant, odio habent homines, mori cupiunt,

piunt, alii contrà mortem pertimescunt; quidam sunt invidi (est enim invidia tristitiæ species,) avari, tenaces, &c. *Mærore* videlicet sanguis parcior è corde manat, ita ut ejus orificia quasi constricta teneantur, hinc malorum *συνδρομή*, ut pullus tardior, genæ pallentes &c. In brevi furore *Ira* sanguinis mixtio adeo turbatur, ut in febrilem quasi degeneret effervescentiam, hinc turbulentus spirituum motus, ex quo haud rarò convulsiones, deliria, brutalisque furor exoriuntur; & quanquam ex *Irâ* quantumvis præcipiti atque violenta rarissimè quendam derepentè exanimatum esse compertum sit, non rarò tamen morbos difficiles ac immedicabiles induxit, quemadmodum Herculi contigit, morbo sacro, ob nimiam excandescentiam obnoxio: ad hæc pernicioso quosdam apoplexiæ insultu jugulat, sicut Wenceslaus Bohemiæ princeps apoplexiâ ex *ira* interiit. Ajacem in mortem egit furor, in furorem *Ira*. Subitaneo atque insolito *Terrore* sanguis in momento concentratur, narium hæmorrhagiæ sistuntur, ipsaque catamenia & lochia ilicò præpediuntur, & aliquando mors repentina subsequitur, ut luculenta in Historiâ Sacra Heli & Nabali exempla testantur. Multi quoque *Timore* suffocati sunt. Amoris philtro potius insaniunt, quam moriuntur homines; præterea turpe senilis amor. Quibusdam germanum bonæ indolis indicium *Pudor* mortem intulit: ut Plinius de Diodoro Dialecto refert, qui pudore interiit, quod ex tempore facetæ cuiquam quæstioni à Stilpone factæ respondere non potuisset, & Valerius Max. de Homero, qui ex pudore & animi angore sublatu est in insula, in qua ænigma à piscatoribus quibusdam propositum, quid nempe egissent piscationis horam præstolando, explicare nequivisset. Similia ferè atque his analogâ de cæteris animi passionibus à quibus-

1. Sam. iv.

18. 1. Sam.

xxv. vers.

39.

busdam annotantur, quæ ne legenti oneri sint, sicco pede transibo. Alioquin hæc tanta quanta, microcosmoque si modum excedant perniciosissima, Animi Pathemata nihilominus respectu quodam conservandæ sanitati emolumento esse possunt. Nam sicut contrarium contrariis curatur, sic in *Letitiâ* grato spirituum in cerebro nervisque nec minus blando sanguinis per corpus motu, idem ille in *Tristitiâ* valde debilis languidissimeque procedens motus propellitur, atque sic penè suffocatus calor naturalis exfuscitur, unde tum ex gaudio cor lætificari dicitur. Contra *Tristitia* iis, qui effusiori gaudio exultant aut lasciviunt, conducit. *Ira* ingeniis lentis torpentibusque commoda, quibus nec *Amor* incongruus, inprimis illi, qui peccare oderunt virtutis amore laudandi sunt. *Timor* temerariis, *Pudor* perfrectis frontibus, *Spes* desperabundis, *Desperatio* stultâ imaginatione semper aureos in propatulo montes sperantibus convenit. *Odium* semper est abominandum, nisi pessimo cuidam adamato opponatur. Ipsa nec atra mordaxque *Invidia* tam aspernabilis esset, si dumtaxat in nostros spirituales hostes evibraretur, alioquin præstat invisum quam invidum esse. Tandem ex omnibus illis pathematis præcipuisque illorum effectibus, liquidissimè arctissima corporis animæque *Sympathia* (*vinculum, connexio, mutuumque* in reciproca actione & passione consistens *commercium*) elucescit, utque alterum benè habere neutiquam valeat, malè habente altero.

Omnis igitur violenta rationisque limites excedens animæ perturbatio intra quandam legitimam mediocritatem rationisque gyrum coercenda, seu S. S. Scripturæ seu Philosophiæ præceptis atque disciplinâ, si ex ignorantia pravaque educatione vel animique imbecil-

lita-

litate, seu Medicinæ subsidio, si ex humorum vitio corporisque impuritate oriatur.

Timor & Tristitia edacesque animi curæ ad Anticyras ablegandæ, strangulat etenim inclusus dolor, certè nihil æque laudabilem viscerum crasin & temperiem immutare & pessundare aptum natum est, quam inordinata victus norma, negotiorum & curarum cumulus, cogitationum seriarum multitudo, lectionum & studiorum contumax assiduitas, animique intentio; nec sit in *Iram* præceps, nec facilè expavescat, sed semper modestæ *kilaritati* indulgeat sanitatis studiosus. Nam *lætitia* sive *gaudium* temperatum neque repentinum ante omnia bonæ valetudini, tam conservandæ quam restituendæ utile atque commodum, juxta versiculos.

*Utere convivis non tristibus, utere amicis,
Quos nuxæ, & risus, & joca salsa juvant.
Quem non blanda juvent varii modulamina cantus?
Hinc jecur & renes, ægraque corda stupent.
Nam nihil humanas tanta dulcedine mentes
Afficit, ac melicæ nobile vocis opus.
Tange lyram digitis, animi dolor omnis abibit,
Dulcisonum reficit tristia corda melos.*

Rebus non naturalibus sive ad sanitatem tuendam necessariis vulgò colophonem imponunt *Excreta* & *Retenta*. Quæ si modum excedant, profundunt succum nutritium, & vitæ gazam (sanguinem) abliguriunt, prout in hæmorrhagiis videre est. Sin verò in defectu peccent, sanguinem reddunt impurum, acrem, & crassum, qui in vasis præsertim capillaribus viscerum, una cum humoribus circulantibus in vasis lymphaticis restagnans chronicos producit morbos.

De Excretis
& Retentis.

Mm

Non

Alvi excre-
menta quo-
tidie bis vel
semel eji-
ciantur.

Urina fimi-
liter, quo-
ties excerni
defiderat,
expellenda.

Non minus igitur ac cæteræ res non naturales Ex-
cernenda & Retinenda exactum modum postulant, & ju-
sto tempore & quantitate debita excussa ad sanitatis
conservationem plurimum conferunt. Qua propter sin-
gulis matutinis fellam cacatoriam inire, & assumptis fe-
rè cibus æqualem *fecum quantitatem deponere*, cuique
convenit, *Urina* quoque ad assumpta liquida propor-
tionatam *quantitatem*, & singulis dum saltem stimulat
vicibus, *excernere*, commodum est:

Ne mictum retine, nec comprime fortiter anum.

Retentæ enim urinæ nocumenta, præter multos alios,
funesto eventu expertus est Clariss. Astronomus Tycho
Brahe, & quidam alii mihi notissimi doctissimi & re-
verendissimi, quos nominare non est de essentia nostri
sermonis. Quantas pariat hæc retentio molestias, nullus
credo quin aliquoties in vita non sit expertus, ita ut faci-
le credere fas sit, idem adhuc quotidie experiri in ejus
excretionem negligentiores. Ipsi licet parvi pensî & con-
tempti harum excretionum ut plurimum comites, vel abs-
que illis ex tempore efflantes flatus, sæpe tantorum eva-
dunt causæ malorum, ut teste Suetonio Claudius Cæ-
sar edictum meditatus sit, quo veniam daret, effla-
tum crepitumque ventris in convivio emittendi, cum
periclitatum quendam præ pudore ex continentia re-
perisset.

Nam :

Interimit crepitus ventris detentus in alvo,

Et servat, blasum dum canit ille melos.

Ergo si perimit crepitus, servatque canendo.

Regibus imperium par habet hic crepitus.

Non

Non immeritò igitur veteres ad retrahendos revolvētes hoc encomio Semen Fœniculi magni fecerunt.

Semen Fœniculi pellit spiracula culi.

Levat quoque ab assumptis, exercitiis vel calore solis vel foci per cutis glandulas à fervente sanguine separat, & perejusdem cutis poros expulsus *Sudor* naturalis : valde enim meo judicio hallucinantur, qui absque ratione existimant, *intégrè sanos nunquam sudare.*

Quantorum non est causa caputque malorum *Insensilis Transpiratio* impedita? tantam tamen, quantam illam fecerit libripens supputator Sanctorius, suffragari nollem.

Aliqua sanitatis etiam pars est, licet levioris ponderis, singulis matutinis *nares emungere*, *caputque pectere*, ut suis sordibus caput cerebrumque expurgentur. *Sputi quoque expectoratio* ad pulmones exonerandos procuranda.

Menstruum in convenienti quantitate & per duos, tres, quatuorve dies fluere debet mulieribus, quæ jam annum XIII. egere & L. nondum transiverunt, singulis præter propter mensibus, nisi gravidæ sint aut lactantes, in quibus ut plurimum menstrui causa cessat: quædam tamen septimo & octavo anno menstruatæ (licet sub nostro cœlo quid rari sit) alias sexagesimo adhuc menstruantes, quod frequentius fit, novi. Subinde neque in gravidis neque in nutricibus stipatur hoc profluvium: sed tunc præternaturale est, nec ex ipso utero, saltem quoad prægnantes, sed ab vasis cervicis uteri vel vaginæ provenit. Suppressa vel profusior & non statò tempore (quod tamen minus periculosum; quoniam in quibusdam absque sanitatis detrimento procrastinatur

vel anticipatur) fluens hæc menstrua purgatio, plurimorum gravissimorum morborum fœcundus sit parens. Jure meritissimo igitur ab Hippocrate pronunciatum est, morbos omnes (*plurimos*) muliebres ab uteri cacopragiâ enasci, *aut in utero, aut ab utero*; si enim exuperet, Syncope, Animi deliquio, Convulsionibus, Hydrope, aliisque lethalibus symptomatis mulier obnoxia est: si verò præter naturam supprimatur, nullum ferè morbi genus est, quod ab hujusmodi caula excitari non possit: habitum videlicet Cachecticum, Uteri præfocationes, difficilem Respirationem, Ictærem, Hydropem, Inappetentiam &c. inducere potest.

Quantum jam ad quorundam opinione in hoc Microcosmi ponto æstus causam (*Lunam, Ætherem Lunarem, Lunare Fermentum, Ovidio Lunare Virus*) juxta versiculum:

Luna vetus vetulas purgat, nova Luna puellas.

Illæ, tanquam nobile atque luxuriantis ingenii figmentum, absque damno servari vel repudiari potest.

Uti virginis mulierisque nondum effœtæ valetudo abrita Catameniorum, sit puerperarum à modico *Lochiorum profluvio* dependet.

Hiscæ sequioris sexus evacuationibus ferè analogus est utrique sexui præter naturam tamen communis *Hæmorrhoidum fluxus*, cui affectui utpote molestissimo acerbissimo atque planè præternaturali quantum potest remediis occurrendum. Errant qui quovis modo eas aperiri patiantur: præsertim infaniunt, qui hirudines ano admovent. Nam relicto fœculentiori non nisi optimum purissimumque eliciunt sanguinem, & haud raro virosi quid vulnusculis imprimunt. Abstineant etiam
ab

ab Aloînis , Absinthio , ardentibusque Spiritibus; his fluxionibus vexati.

Sunt & aliæ Evacuationes , ceu *Phlebotomia* , *Purgatio* , *Vomitus* , *Narium hæmorrhagia* &c. quarum idem uti cæterarum manet symbolum , *ne quid nimis*. Tollatur abusus , maneatque à multis ævis inter gentes stabilitus utilis usus , ne cum novatoribus quibuldam incidas in Scyllam volens vitare Charybdim. Nam ut de cæteris evacuationibus taceam , veluti ab unâ parte , in omnibus morbis confestim ad Phlebotomiam advolans tandem Hydropis &c. pœnas luat : sic ab alterâ , per V. Sni infestos medentes haud paucos passim suffocatos , nequaquam dubitandum , Ipse Phlebotomiæ proscriptor Autosiphus Helmontius in hunc lapidem cum vitæ jactura impexit , & quasi proprio se jugulavit gladio , dum Pleuriticus Hirci Sanguinem sibi propinaret , unde in talem æstum incidisse fertur , ut suffocatus fuerit : & in Ipsius cadavere adeò adhuc defervuisse sanguinem , ut aperta sinistra cordis cavitate dissilierit in Chirurgi vultum exæstuans cruor , perhibetur.

Moderata *Venus* sanitati conducit , immoderata vero sanitatem prostermit , corpus emaciat , spiritus dissipat , vitamque mirabiliter abbreviat : ejaculato enim frequentius oestro , sequuntur maximi doloris aculei , qui mentem obrundunt , artusque omnes & nervos depopulantur , & sexcentorum morborum dolorumque carnificinâ hos genituræ prodigos torquent : verbo , qui tam pretiosum dilapidat oleum , is sibi sanguinolentas infert manus. Hinc omnia salaciora animalia continentioribus brevioris vitæ sunt : nec absque ratione productior nostrorum majorum prægressis seculis vita , eorum continentia adscribitur : quibus quadrat peropportunum Nicol. Leonicensi præstantissimi Medici jam

De actu vero
nereo seu
femine
evacuatio-
ne.

annum 94. agentis responsum. Interrogatus, quomodo eam attigisset ætatem, tanto vigore firmitateque præditus, liberè respondit: *quod castam juventutem virili ætati tradidisset.* Aurea profectò atque omni laude major responsio: utinam ad ima usque cordis animique penetralia voluptatibus libidinibusque Venereis, præsertim illicitis propudiosisque excessibus deditorum, pertingeret! Sed his brutis insanioribus jam dudum occaluit animus: nam licet nullum animal ab latu ad mortem festinet; tamen illi ab natalis sui exordio, ad præcipitatum vitæ metam, in suum suapte sponte ruunt parricidium.

Seminis profusioni contraria est ejus *retentio*, quæ quorundam opinione periculo non vacat; quia retentum putrescit, venenique naturam æmulator, præsertim in mulieribus, unde juvenes viduæ admodumque maturæ fracidæque virgines hysterice passionibus sunt maximè obnoxie, quibus præveniendis malis, illi iis lasciviendi atque in libidinem effundendi ansam occasionemque, cum maximâ religionis offensâ, suggerere videantur. Sed hæc nil nisi quorundam suffenorum inanes sollicitudines esse ex eo liquet, quod ipsa natura sese exonerandi modum perbellè calleat exequaturque, cum seminis copiâ opprimitur, interque dormiendum irritatur, imò aliquibus etiam inter vigilandum spontè effluat: prætereà quod ex ejus retentione, licet diuturnâ, pravum ullum exortum symptoma vix sit compertum.

Præter excretorum & retentorum legitimum ordinem (vel in *quantitate*, ut jam de menstruo & hæmorrhoidali sanguine &c. diximus, quibus addo feminis excretionem: in gonorrhæâ, urinæ in diabete &c. vel *qualitate*, ut est V. G. foetor alienusque color &c. in sudo-

sudore vel urinâ , vel excretionis *modo*, ut est excretio fæcum per os , menstrui per pulmones & os &c. vel in *tempore* , vitium , ut est excretio sanguinis menstrui citatior vel tardior ,) restat adhuc alia , quæ tota substantia seu toto genere præter naturam est , ut Ex. Gr. Calculi , Vermis &c. excretio , arte & marte quantocius , si neutiquam vel tardè procedat , promovenda.

Cæteroque communissimum ad Sanitatem Tuendam præceptum hoc est , id , quod secundum naturam est , & cujus dispendio natura naufragaretur , esse conservandum. In cæteris omnibus verò auream mediocritatem semper esse colendam. Cuique igitur valetudinis studioso ratum esse debet , quod ab Hippocrate paucissimis verbis commendatum est : *Labor , Cibus , Somnus , Venus , omnia mediocria*. Et quod Plutarchus tribus de Cibus Exercitatione & Venere protulit verbis : *vesci citra saturitatem : impigrum esse ad laborem : vitale semen conservare* , tria saluberrima ; quibus quartum addo , *vitandi animi affectus , & curæ prudentiæ freno moderandæ*. Hæc quatuor capita sedulò observata quibuscunque aliis longè prævalent , sanitatique ceu pretiosissimo thesauro sartæ tectæque servandæ convenientissima sunt ; licet horum regula generalis , quæ omnibus in specie quadret , præscribi non possit. Sollicitè etiam cavendum , ut corpus contra aëris injuriam semper probè muniat , nec in secundâ valetudine adversæ præsidia consumantur ; ideoque valeant pharmacorum pocillatores , valeant vanissimi ex syderum astrorumque aliquo influxu præsagi , valeant calendariographi in designandis ad V. S. purgationem &c. opportunioribus anni tempestatibus , valeat barbitonorum & scarificantium ve-

vetularum sanguinis tui profusionem propter lucellum efflagitantium cohors; neque purgantibus, neque sudoriferis, neque aliis medicamentis, multò minus phlebotomiâ, cucurbitulis, balneis &c. corpus temerè turbandum & molestandum, vel diætâ nimistenui & delicata imbecille reddendum, ne insequentis exinde vitæ ærumnosæ nosmet ipsos culpabiles reddamus, sed potius manantia ex perpetuâ sanitate commoda degustemus, atque ad vitæ salubris finem promoveamus. Tandem ut huic Capiti Libelloque coronidem imponam, quia nemo sine crimine, nec igitur vix quis sine morbo vivit, antequam exactæ & ægræ senectutis incommoda experiatur, atque haud rarò per quæ homo peccat per ea cruciatur, de auxiliatore cogitandum est: nam uti frustra modico & ordinario præsidio tenetur propugnaculum, quod à nimîâ vi hostium opprimitur, sic frustra quis jam labascentem inimicisque morbis cedentem sanitatem moderatissimo licet rerum non naturalium usu conservare conatur, sed uti subsidia & suppetiæ jam periclitanti arcis, sic auxilia Medica adversâ infirmâque valetudine vacillanti homini summè necessaria sunt, atque ut ilicò in promptu sint oportet. Quibus tamen autor esse nolo, ut ex capitis alvive levissimo dolore querulus protinus Medicum accersat, & ad ingens pharmacorum armamentarium confugiat; nequaquam: sed ut, saltem principio, sibi ipsi quisque Medicus sit; velim, morbum videlicet abstinentiâ & continentîâ in prædictis non naturalibus, præsertim iis, à quibus unquam damnum passus est, mitigando, juxta medicorum Ciceronis Celsi monitum: *multi magni morbi curantur abstinentia & quiete.* Addo illud paucis multa complectens Scholæ Sallernitanæ.

Si tibi deficiant Medici, Medici tibi fiant
Hæc tria: mens hilaris, requies, moderata diæta.

Disce tum, quod maximæ artis est, inter epulas esurire, quibus nil proficientibus ad levissimè alterantia, vel si alvus minus solito respondeat, ad laxantia remedia procedendum, in eorumque selectione nunquam sis inmemor *indicationis*, quæ ab *juvantibus nocentibusque* desumitur, iterataque & sedulâ eorum observatione, quæ unicuique nostræ constitutioni tum naturali tum præternaturali maximè conducant & conferant vel noceant, à sanitatis amante acquiritur ac dignoscitur; ad hæc semper memor insignis usus *Medicamentorum Spirituosorum* ad præcautionem & curationem morborum, præcipuè in regionibus hisce septentrionalibus & humidis, ubi Scorbutus endemius & difficilis est morbus. Hæc enim inserviunt pituitæ incidendæ, acidis humoribus temperandis, visceribus & spiritibus corroborandis. Quamvis tamen hicce minimè cum recentissimis Novatoribus statuamus, hæc in omnibus morbis æquè convenire, ac semper in usum esse vocanda; quoniam in morbis acutis, spiritus nostros nimium dissipando, quasi oleum igni adderent; magis temperata tum præstant, uti & quævis Nitrata & Acida Volatilia Aquosis mixta. Sanè quî sic facit, sibi ipsi ex leviori morbo laboranti absque alio Medico quadantenus mederi, & fortè graviores morbum effugere potest: etenim Medicinæ dignitas non tam in Medici sapientiâ vel in formularum (receptularum) concinnitate & pretio, quam in fausta morborum curatione cernitur, perindè enim (si bene saltem) quibus, vel per quem, memet ipsum, vel alium, curer, si salvus sanusque eva-

N n dam:

dam. Secus tamen si eveniat, sensimque ingravescens morbus leviora remedia respuat, vel si ab initio gravis periculosusque invadat sine mora, nam

*Vidi ego quod fuerat primò medicabile vulnus ,
Dilatatum longæ damna tulisse moræ.*

Malè suis
rebus con-
sulunt, qui
inconsultis
Medicis
transulto-
riè ab uno
ad aliud
transeunt
præsidium.

doctus, probus & in dignoscendis rerum causis felix Æsculapius, nequaquam doctrinæ opinione turgens gar-
rulus vanusque adulator pariter ac maledicus Thessa-
lus, accersendus; tanto vel tantis Hippocratibus (si ti-
bi plures vocare visum sit) tum proflus quoad morbo-
rum curationem sanitatisque restitutionem confidendum;
nec temerè (ut quidam ægri quam pessimè solent)
ejus, sive eorum, si plures fuerint, præcepta negligenda,
multò minus simul clam quædam agyrtarum anicula-
rumque remedia (ut me aliquando vidisse memini)
utenda sunt. *Huic, vel his confidere, semper melio-
ra sperare, eventumque æquanimiter à Deo expecta-
re, primus ad quorumvis curabilium morborum cura-
tionem gradus est*: nec enim tam terribilis ulla fando
oratio est, neque fors, neque Cælitum invecum ma-
lum, quod non natura humana patiendo ferat. Con-
trarium qui faciunt, ac ab isto inter gentes salutari lau-
dabilique recepto usu arroganter recedunt, meritò de-
plorandi sunt: siquidem à nemine nisi à se ipsis læsi in
proprium peccant caput, atque morositatis, inconstan-
tiæ, impatientiæque suæ, dignas luunt pœnas.

Tantum Terminalia sunt !

A P P E N D I C U L A.

Observationum & Curationum aliquot Medicarum.

P R Æ F A T I O.

Postquam huic libello non solum ultimam manum imposueram, sed & Typographo traderam, mecum cogitavi haud inutile fore (ne viderer tantus hodiernæ Medicinæ osor, ut eam planè contemptam velim) si exiguum privatæ meæ praxeos prodromum, (& qualem mihi in annotando visitationum apud ægrotantes numero, erogatorumque ipsis medicamentorum supputatione, simul facio & servo, de singulo qui meæ curæ mandatur ægrotante morbi historiolum) præcedentibus annecterem. Valde breves & tenues (nec difficilibus casibus exornatæ vel etiam penitus confictæ, ut jam passim inter historiarum præsertim Medicarum compilatores fieri consuevit) & instar rationarii privato meo usui conscriptæ sunt observationes, fateor, nec à consummatis in arte viris legi merentur : attamen fortè uni alterive ad praxin se accingenti propriæque manu elaborata medicamina suis porrigere ægris volenti Tyroni, instar exigui speciminis esse poterunt, ad cujus normam etiam verosimiliores conjecturæ dirigi, & similia vel meliora medicamenta confici, & hac eadem vel convenientiori medendi methodo pro lubitu morbo affectis applicari queant. Tam simpliciter Medicinam fecisse probum atque expertum Practicum nunquam pœnituit, sed necessitas & fructus maximo-

perè commendant : hisce & similibus magis fidendum ,
 quam omnisciis nostræ ætatis Argis , quibus nil nisi nova , curiosa , rariora , maximèque singularia arident , &
 à quibus propterea haud rarò tam in Theoreticis quam
 Practicis & aliis res nec vilæ nec in æternum videndæ ,
 ejusque indolis ut oculis usurpari nequeant , si ipsis
 saltem admirationem famam & lucrum acquirere valeant ,
 linguâ & stylo ita depinguntur , ac si tanti Scriptores
 tantorumque Inventores in Æsculapii templo dormivissent ,
 nostramque artem ab omni conjectura jam num vindicare possent .
 Hæc & similia interdum mecum ruminanti , universalis hominum in pluribus vanitas
 manifestissimè sese dedit spectandam , quantisque parasanguis
 vulgò inter mortales specioso verborum apparatu prolata ,
 licet abiis , vere qui manibus careant , verissimis quibulvis
 sed simplicissimis antecellant . Simplex & particularis
 ejusmodi ægrorum recensio , ut in genere testantur omnes
 Medici , magnam præ se fert utilitatem , cum præceptorum
 universalium & eorum quæ artem constituunt Theorematum
 observationem quandam sub oculos ponat , ac veluti exemplorum
 congerie ad Medicinam faciendam manu ducat . Ac veluti non
 satis est Medico si artis jussa teneat , nisi & ægrorum ipsorum
 procurationem subeat & ea quæ intelligentiâ & animo
 comprehenduntur in medium pulverem & aciem deducat :
 sic in hac saluberrimæ nostræ artis tractatione parum
 ad rhombum faciunt argutissima de rebus arduis & levibus
 ratiocinia & magnificis verbis decantatissima inventa ,
 si in ea doctrinæ comprehensione , quæ notione concipitur
 & absque ullo actu nudo intellectu contenta est , velut in
 umbra semper dilitecant , nec in ægrorum triclinia aut
 hominum manus pertrahantur , (multò enim excellentius
 esse cum Practicis existimo , generosa

rosa & sæpissimè probata remedia in promptu habere ad morborum curationem felicem, quam verba sesamo & papavere sparsa, quæ ad ægrorum sanitatem restituendam minimè valent.) Ex hoc nimirum particulare exemplorum Catalogo magnus ad posteros usus redundavit, tum quia communium artis canonum quandam confirmationem adfert, tum vero (quod præcipuum & palmarium) quia in opere faciundo juniori Medico quendam institutum medendi morem ad praxinque manuuctionem quasi in speculo proponit, ex quo totius artis *αἴματι*, ac veluti quidam medendi gestus in quotidianas visitationes & curationes transfunduntur. Exiguus est, nec Asiaticâ longitate, sed Laconicâ brevitate conscriptus, hic Observationum numerus, & absque ullo observato ordine, ex majori quem alia occasione prelo destinavi hinc inde excerptus, ne speciminis terminos excederet, sed tantum par esset, in transitu singularem & quotidianam meam medendi methodum, & quibus ego bonum otium conteram, quasi digito monstrare.

Sed ne quis mihi objiciat, quod idem illud, quod in aliis animadverto, ipse hic committam, præscribendo specialia quædam remedia sub Epitheto NOSTRORUM, ita ut hisce, prædictorum oblitus, arcanis favere videar, huic respondendum est, me hunc terminum *nostri* nullo alio sensu, quam propter brevitem, (id est, ut uno verbo plura simul comprehendam) in hac praxi curta ac privatâ usurpare: absit ut hoc verbulo ullum prætexerem secretum medicamentum, unicuique potius honestè amicèque petenti hæc omnia & plura lubens revelare vellem. Verum de his satis & ad ipsas transeo observationes.

OBSERVATIO. I. Dè APOPLEXIA.

Helena van Harsselen mercatrix op de Vliet.

1693. 8.
Decemb.

Hæc fœmina quinquagenaria major fluxionibus capitis admodum obnoxia, ex sacra concione domum rediens, propè suas ædes in plateam attonita corruit ac instar mortuæ jacet, omni motu & ferè sensu privata, cum stertore sed oculis apertis (licet nihil percipere videatur) pulsuque ac respiratione adhuc integris. Accersitus ad eam ilicò V. Sem in brachio instituimus; sanguinis ʒvij. vel viij. extractis, mox inferius guttur sequenti Clystere collui curavimus.

24. Vini. Absinth. ʒv.

Emetic. Nostr. ʒij.

Tinctur. Aur. nostr. purg. ʒj.

Ol. Origan. Rosmarin. Caryoph. ana ʒß.

Nigell. ʒij. Castor ʒß.

El. Hier. picr. Confect. Hamech. an ʒv.

Sal. Succin. Volat. ʒß.

Mixti. ʒjß.

Ms. F. Clyster.

A dextrè peracta Sang. Missione respiratio quadantenus levior videtur.

A Clystere magnam foetidissimarum fœcum saburram dejecit.

Ex penetrantissimo Spir. Salis Ammoniac. & Calcis Vivæ cum Ol. Succ. mixti odore, quem sæpius ex parva phiala validè conquassata sub naribus tenere jussi, & à Pulvisculo Sternutatorio crebrò naribus inflato tandem

dem bis terve sternutavit. Extremorum frictiones cum Tin-
ctur. purg. aur. nostra ordinavimus.

Inungantur nucha, tempora ut & spina dorſi, ſi com-
modè fieri poſſit ſeq. Linimento.

24. Ung. Arthanit. ʒʒ.

Ol. Caſtor. Nigell. Philoſoph. an. ʒij.

Succin. C. Cerv. foetid. an. ʒj.

Theriac. veter. ʒij.

Salis. mixt. ʒiv.

MS.

Atque hæc hodiè ſufficiunt.

In eodem fere verſatur ſtatu.

Iteretur Clyſter.

9.

Porro cum frictionibus & inunctionibus continuabunt.

Ab injecto Enemate alvus denuò multum ſoluta.

Hodie manè illam os aperuiſſe & parum vini forbillaſ-
ſe adſtantes mihi annunciant.

10.

24. Spir. noſtr. Cardiac. ʒiv.

Aq. Antepilept. Lang. ʒj.

Tinct. Succin.

Caſtor. an. ʒij.

Croci, Metallor. an. ʒj.

Sal. Volat. Succin. Cran. Human. an. ʒj.

Spir. C. Cerv. G^{ra}. xxx.

Syr. Pæon. ʒvj.

MS.

Aliquot cochlearia mixturæ ſenſim forbendo aſſum-
pſit. Ex geſtibus videtur illam aliquid dicere velle,
at præter inconditum murmur nil proferit: dextram ma-
num

num pedemque paululum suo loco movit, & si vellicentur retrahit : diligenter continuabunt in usu medicamentorum præscriptorum.

12.

Apoplexia jam penè in Hemiplegiam desinit, quoniam latus sinistrum tantum jam sensu & motu manet destitutum, dextro verò exquisitè satis sentiente, & brachio & pede aliquali motu gaudente.

Imponatur ponè aurem partis affectæ Emplastrum Vescicatorium.

24. Tinctur. purgant. aur. nostr. ʒij.

Iteretur Mixtura 10. præscripta.

13.

Ex erosione cuticulæ post aurem per Emplastr. Canth. multum lymphæ defluit.

à Tinctura nostrâ purgaute nonnihil deiecit.

Aliquantillum Mixturæ usurpavit : eam amplius assumere detrectat.

Vergit in pejus.

14.

Hac nocte nihil assumere potuit.

Bona, quæ nudius tertius affulgebat, spes jam omninò evanuit, & omnia ad interitum festinant.

Hodie quintâ pomeridianâ vitam cum morte commutavit.

II. OBSERVATIO DÈ EPILEPSIA.

Magdalena N.N. ancilla apud honestissimam matronam viduam mercatoris Amos Minne.

1690. 6.
Augusti.

Hæc virgo 20. præter propter annorum ab aliquot septimanis, & postquam ab alia sed tum fortè larvata ancilla admodum perterrita esset, cepit malè habere, passionesque epilepticas subire, unde modò in terram decedens, mox elinguis omnibusque sensibus perceptionibusque

que privata nec minus convulsionibus torta, uti etiam-
num à me reperta est.

Hanc bono cum Deo paucis remediis universalibus,
& paucissimis specificis dein adhibitis, feliciter cura-
vimus.

2℥. Spir. Nostr. Sal. Ammoniac. cum calce.
viva distillati 3j℥.

Ol. Succin. 3℥.

MS.

Præbeatur in paroxysmo hæc mixtura, in lagenula angu-
sti colli validè agitata frequentur odoranda.

Cras extrâ paroxysmum ebibet Vin. Emetic. nostr.
3ij. Nudo capiti sub capillitio imponent vittam instar
cucuphæ ex charta grisea oleis aromaticis, ut Origan.
Lavend. Garyoph. Rosmarin. Succin. &c. humectata.

2℥. Apozemat. nostri deobstr. ex Lignis
& Rad. Lignosis mediante Menstruo
Spirituoso cocti. pint. iv.

Hujus bibat 3. 4^{ve} de die vacuo ventriculo 3v. vel vj.
excalefactas.

Quoniam in morbi principio V. S. neglecta fuit, at-
que menses ab eo tempore subsistunt, perendie ipsi ve-
na in pede pertundetur.

Post evacuatum Apozema- jejuna deglutiet

seq. Pilulas. 2℥. Extr. nostr. Cathol. 3j. F. pill. no vij.

Ab usurpatis remediis melius habet, neque tam abjecti
animi, neque adeò in vertiginem prona est ac antea. He-
ri tamen denuò passa est paroxysmum, sed valdè levem
& brevissimum.

Iterentur pillulæ hesternæ.

Iteretur Apozema.

Manè & vesperi cum Apozematis dosi ordinaria simul
assumet cochlearia duo mixturæ sequentis.

2. Spir. Sem. & Rad. Pæon. recentium

Flor. Til. & Lilior. Convall. an. ʒviij.

Tinctur. Castor. ʒ℥.

Lumbricor. terrestr. ʒj.

Cinabar. Antimon. ʒij.

Oculi. cancr. ʒij.

Sal. Volat. Cran. Human. vel C. Cervi.

Succin. an. ʒj.

Mell. Massiliens. despumat. ʒj.

MS.

16.

Ab assumptis Pillulis multum soluta fuit. Ab usu Apozematis cum Mixtura optime se habet, & licet ejus usus idcirco esset continuandus, quia nobis tamen commendatum est, parcendum esse sumptibus, ut in praxi medica in medentium tædium non rarò contingit, perget in usu solius Mixturæ 10. præscriptæ, quam evacuatam curabit iterandam. Paroxysmus non rediit.

30.

Hucusque nil mali experta optimè se habet & sana est. Quibus superaddo, quod etiam quod sciam nunquam postea in hunc usque quo hæc scribo diem 4. Juny. 1699. recidivam passa est.

III. OBSERVATIO DÈ VERTIGINE
& SYNCOPE.

*Catharina. . . filia Abigailis olitricis in vicinia
nostra.*

Hæc 14. annorum puella hodiè dum in consuendis pannis linteis esset occupata sæpius de vertigine est con-
questæ ; hac nocte media verò una cum sororibus de-
cumbens post horrendum clamorem omnes sensus motum-
que amisit, & instar mortuæ jacet : os clausum ; respi-
ratio nulla ; pulsus vix perceptibilis , extrema artuum
frigent.

1699, 2.
Aprilis.

℞. Spir. Sal. Ammoniac. cum Calce Viv. distill. ʒjss.
Ol. Succini. ʒß.

MS.

& in phiala angustî colli probè conquassat. sæpe teneatur sub naribus , in quas quoque subinde infletur aliquantillum Pulveris Sternutatorii.

Fricentur partes extremæ pannis linteis calefactis.

℞. Spir. C. Cerv. cum Sal. Volat. suo imprægn. ʒij.
Os adeo firmiter claudit, ut non nisi maximo cum labore cochleare vini cum aliquot guttulis hujus Spiritus in illud infuderint.

Quia jam nox ferè transiit atque diluculum instat , quod faciendum restat in diem crastinum differemus.

In eodem versatur statu : ab inflato tamen Pulvere bis sternutavit.

Injiciatur statim hic irritans Clyster.

3.

- 2℥. Rad. Angelic. Acor. Galang. an. ʒiij.
 Herb. Rut. Rosmar. Salv. an. Pugill. ij.
 Pulp. Colocinth. in nod. ligat. ʒβ.
 F. Decoct. in Vin. a. Gallic. ad ʒvj.
 Colatur. add.
 Elect. Hier. Picr.
 Diaphænic. an. ʒiij.
 Salis mixti ʒij. Succin. ʒj.
 Vini Emetici ʒβ.
 Ms. F. Clyster.

Mox ab injecto Clystere alvus multum soluta, maxi-
 mamque virosissimorum humorum copiam excrevit, jam
 vix una post Clysteris operationem hora elapsa os ocu-
 losque aperit, respiratio major pulsusque fortior; sen-
 tit; muta tamen adhuc atque motus expers.

- 2℥. Spir. Cord. nostr. ex floribus ʒiv.
 Tinctur. Cardiac. ʒj.
 Castor. ʒj.
 Croci gtts. xxv.
 Sal. Volat. C. Cerv. ʒij.
 Aromat. gtts. l.
 Mell. Massiliens. despum. ʒvj.

Imponatur nudo capiti charta grisea oleis aromaticis hu-
 mectata.

Atque hisce paucissimis per Dei clementiam incolu-
 mis evasit.

IV. OBSERVATIO De SYNCOPTICA.

Marÿtje Filia Evæ. fartriciſ, nobis vicina.

Hæc 20. annorum virgo, dum in ædibus cujuſdam mercatoris ferro calido, uti noſtrates ſolent mulierculæ, lintea æquat ſeu lævigat, abſque ulla prævia cauſa animo delinquit, atque inſtar ſideratæ procidit. Pulſus rarus obſcurus & interdum abolitus; reſpiratio nulla; omnis ſenſus motuſque eſt ablatus; facies pallêt; extrema frigent, & jam per mediam horam & amplius in hoc ſtatu verſatur; mors præ foribus videtur: nam ſi hæc longius durant ſanguis coagulabitur.

1699. 30. Martii.

Ponatur ægra in dorſum; laxentur veſtes; ſpargatur frigida in faciem; inſoletur naribus pauxillum pulveris ſternutatorii.

Applicetur iis quoque ſæpius in lagenula anguſti colli mixtura ex Spir. Sal. Ammon. cum Calce viva diſtill. & Ol. Succin. probè conquaſſata.

2. Spir. noſtr. Cardiac. ex floribus cum vino diſtill. 3iv.

Tinctur. noſtr. Gran. Kerm. Cioai. Conchenill.

Flori Tunicor. &c. 3j.

Vin. Rhenan. 3iij.

Aq. Prophylaët. Amſt. 3jß.

Ocul. Cancr. Corall. Rubr. ppt. an. 3ij.

Spir. Sal. Ammoniac. Aromat. gtts. L.

Julap. roſat. q.s.

Ab pauxillo Mixturæ ori infuſo exiguum ſonum inſtar tuſſiculæ eliſit; videtur paulatim ad ſe revenire; reſpi-

Oo 3 ratio-

294. A P P E N D I C U L A.
rationem & pulsum denuò deprehendimus. Continua-
bunt usum Mixturæ.

Ab usurpata hac unica Mixtura multum proficit in
melius, meliorque jam ipsi valetudo facta est.

V. OBSERVATIO DÈ FEBRI TERTIANA IN- TERMITTENTE.

Geertje vidua van Joost ten Hout.

Anno. 1691. in autumnò febres epidemicæ hic gliscere
coeperunt, & penes multos suam exercebant tyrannidem,
quibus modo sequenti occurrebam.

18. Octob. Hæc vidua febri tertiana intermittente laborat, post
purgatum corpus usurpabit febrifugum.

24. Mass. Pill. nostr. gr. xvj.

F. Pill. No. iv. or.

24. Mistur. nostr. Febrif. 3vj.

Dos. Cochl. ij. singulis bihoriis.

20. Ab assumptis Pilulis. 7. sedes habuit. Usurpabit mix-
turam. Siquidem proficit in melius à mixtura, eam ite-
rabimus.

21. Iteretur Mistura 18. præscripta

22. Proficit in melius.

23. Proficit in melius : quoniam autem alvus segnior, ut
24. laxa servetur, subindè assumet Pill. i. sequentium.

24. Mass. Pill. nostr. laxantium 3ß.

F. Pill. no. xij.

2. Sept. Iteretur Mixtura. 18. præscripta.

Mui-

Multum proficit in melius. 2.

Longè proficit in melius. 5.

VI. OBSERVATIO Dè FEBRI QUAR- TANA DUPLICE. CUM APHTHIS

Domina Maria Lambrechts Vid. van de Voorde.

Hæc vidua quinquagenaria major nudius quartus & nudius tertius paroxysmos febriles se mutuò subsequen- 169r.
22. Sept.
tes, primo scil. frigus intentum, mox calorem, paulo post denuo frigus, mox rursus calorem, & quidem tum per medium diem & reliquam noctem perseverantem, passa est, hesternò verò die delassata quidem, verum sine paroxysmo, hodiè denuò paroxysmum febrilem expectat; sitis & æstus ipsam valde affligunt, alvus naturali segnior, qua cita, usurpabit febrifugum.

24. Mass Pill. nostr. purg. Gr. x.

F. Pill. 12°. ij. inaurantur.

Hodie assumsit pillulas, interim usurpabit decoctum sic- 23.
cum, siquidem aphtæ in propinquo.

Circa vespèram non malè se habuit, ubi purgata erit sumet mixturam antifebrilem.

Hac nocte mediocriter quievit, utitur præscripto me- 24.
dicamento.

Magis ac magis incipit angi, & phlegmata crassiuscula & spumosa albaque excernit.

24. mixtur. nostr. card. & febrifug. ʒvj.

Dosi. cochlear. 2. singulis

bihoriis.

Con-

25. Continuet usum mixturæ, unde bene se habet; commodè excernit phlegmata.

Proficit in melius.

Iteretur mixtura heri præscripta.

26. Quoniam decoctum ficuum incipit despicere, decoctum

27. hordei cum Syr. Hyssopi usurpabit.

Valde angitur circa præcordia; benè habet de decocto Hordei cum Syr. Hyssopi.

Iteretur mixtura.

28. Aphthæ circa maxillas prodeunt;

Magis magisque aphthæ os obsident, magisque angitur.

29. Eodem in statu versatur, & totum aphthis inficitur os.

30. Siquidem aphthis scatet totum os faucesque, mirum non est ipsam valdè angì.

31. Hæc misella admodum angitur ob insignem aphtharum proventum usque ad ipsa labia, totum os, genas interiores palatumque; fauces vix ullum liquorem admittunt.

Circa vesperam summoperè debilitata vix respirare potuit ob faucium tum angustiam, tum musculorum ab aphthis exortam rigiditatem.

1. Octob. Hac nocte aphthæ decidere quasi incipiunt, spesque affulget felicitis curæ.

2. Proficit in melius.

3. Proficit in melius.

4. In eodem est ferè statu, quo heri. Iteretur mixtura. Proficit in melius.

5. Proficit in melius.

6. Hodie magnam quantitatem materiæ pituitosæ, ex aphthis delapsæ in ventriculum, ibidemque collectæ, per os evomit.

8.

24. Extr.

2. Extr. Nostr. Cathol. Gr. x.
F. Pill. N°. ij. deargententur.

Ab his pilulis bis deiecit, sed fæces duriores.

Meliuscule sese habet.

Jam ferè in integrum restitutæ, ut porro vires ex-
culina restaurare studeat, commendavi.

VII. OBSERVATIO DÈ FEBRI QUOTIDIANA.

Elisabeth Joannis rustica de Leiderdorp.

Hæc virgo ante 6. dies febris correpta paroxysmum cum
frigore & horrore passa est, singulisque affligitur diebus; ^{1691. 10.}
alvus segnior, dolorque capitis vehemens ipsam infe- ^{Sept.}
stant; post reſeratam alvum usurpabit febrifugum.

2. Fol. Sennæ Mundat. ʒvj.

Mannæ Calabrin. ʒß.

Tart. Rhenan. ʒiij.

Sem. Fœnic. ʒij.

F. Nodulus.

Infundatur calidè in cerevisiam & bibat haustulum.

2. Aq. Menth. Meliss. an. ʒijß.

Ocul. Cancr. ʒij.

Regul. Antimon. medicinal. ʒß.

Salis Mixti ʒj.

Træ Contrayerv. & Cort. Winteran. ʒß.

Croci gtts. xl.

Sal. Volat. Oleos. g^{tts}. xx.

Syr. Papav. Errat. ʒvj.

P p

MS.

MS. F. Mixtura.

Dosis. Cochlear. ij.

11. Ab assumpto Cerevisiæ medicatæ haustulo 4. sedes habuit. Levius habet quoad symptomata affligentia. Perendiè denuo purgabit, posteaque si opus erit venam secabimus.

12. Hodie semel dejecit, continuatur dolor capitis, mox assumet hypnoticum.

2. Opii Nostri Gr. j.

F. Pill. No. j.

13. Præterea bibat iterum haustulum cerevisiæ medicatæ 10. Sept. præscriptæ. Ab assumpto hoc haustu denuo 4. sedes habuit, ac hesternæ vespere paulo post assumpsit Opii pilulam. Dolor capitis ferè cessavit, & Deo volente cras venam secabimus.

14. Hodie ei vena secta est in pede.

Iteretur mistura 10. pscripta.

15. Hæc proficit in melius; evacuatam misturam tamen semel adhuc curabit iterari.

VIII. OBSERVATIO De FEBRI INTERMITTENTE cum DOLORE OSTOCOPO.

Abraham Anckenaar pannitonfor.

1697. 14.
August.

Hic præter propter 24. annorum juvenis per aliquot dies malè habuit ex febre intermittente cum dolore ostocopo, siti alyoque astrictiore.

2. Pill. Cathol. nostr. No. iij.

15. Ab assumptis Pilulis sex sedes habuit.

2. In-

2. Infusionis nostr. sudorif. & anodyn. 3x.

2. Lap. Prunell. 3j.

2. Opii Nostr. gr. jß.

A recte usurpatis his remediis parum levatus videtur.

2. Pill. laxantium nostrar. 2ß. F. Pill. n^o. IV.

26.

Ab his pillulis bis dejecit.

Iteretur mixtura heri præscripta.

Aphthæ in faucibus prodeunt.

17.

Præscripsi cerevisiam cum caricis, passulis exacinatis cum tantillo liqueritiæ contusæ, cum duplâ quantitate aquæ decoctam ad dimidiam ferè consumptionem. Præterea.

Iteretur mixtura præscripta.

Hanc noctem instar furiosi tranlegit. Scatet os totum aphthis ac summopere periclitatur.

18.

Ab assumpta mixtura vires ægri admodum sunt auctæ, quibus accedit insolens ac vaga corporis jactatio, adeo, ut ipsum coercere vix unus sufficiat.

19.

2. Tinct. Opii 3ij.

Aq. Rosar. Samb. an. 3j.

Ms. & applicetur tepidè fronti & temporibus.

Ab usurpato frontali placatus fuit furor.

Iteretur lapis prunell.

Deliria & convulsiones patitur; continuabit usum mixturæ.

20.

Eodem versatur in statu quo heri, & quoniam convulsiones ac pervigilium perseverant.

21.

Iteretur Pill. ex Opio Nostr. Gr. jß.

2. Liniment. Nostr. Spirituos. & Oleos. 3jß.

P p 2

Ab

22. Ab assumpta pilula hac nocte placide dormivit & meliuscule jam se habet.

Iteretur mistura. 15. præscripta ex Infusione vegetabilium mediante melle mineralibus maritata.

23. Jam omnia Symptomata unâ remiserunt & multum in melius profecit.

24. Magis ac magis in melius proficit.

Ad prostratum appetitum restaurandum utetur.

2. Ol. Menth. g^{tt}s. x.
Elix. pp. Par. 3vj.
Sal. Volat. Oleos. 3ij.
MS.

Sumantur bis terve de die g^{tt}s. xx. vel xxx. in haustulo vini vel cerevis. veteris.

IX. OBSERVATIO Dè FEBRI CONTINUA Cum DIARRHOEA.

Andreas ten Haut panni tonsor.

1691. 28. Hic juvenis febrim continuam & diarrhoeam patitur
Maj. sitimque urgentem; quare juxta emulsionem utatur seq.
pro somno conciliando.

2. Tinctur. Nostr. Hypnotic. 3ij.

Applicetur tepidè

2. Spec. Diascord. Fr. 3j.

Befoard. Miner. Gr. xv.

Mell. Desp. q. f. F. Bolus.

2. Opii Nostr. Gr. j. F. Pill. j. inaur.

Pau-

Paululum profecit ab usurpatis medicamentis.

29.

Iteretur Pill. ex opio nostro.

Hac nocte parum quievit, cras si non adeò malè habet vena secabitur.

30.

Hodie ei vena secta est & sanguis missus ad

3ix. Cupitque Hypnoticum.

31.

Iteretur Pill. ex opio nostr.

Hac nocte melius quievit, quare denuò hac nocte instante assumet Pill. opiatam: cras verò Pill. purgantes.

1. Juny.

Iteretur Pill. ex Opio.

2l. Mass. pill. Cathol. Nostr. Gr. x.

F. Pill. no. ij. inargententur.

2l. Lap. prunel. 3ij.

Hac nocte parum quievit, à pilulis bis dejecit.

2.

Proficit in melius.

Hic denuò affligitur paroxysmo febrili, patitur frigus & pervigilium.

10.

2l. Mistur. Nostr. Antifebril. 3vj.

Sal. Volat. aromat. 3j.

Aq. Cinamom. tantill.

MS.

Tinctur. Nostr. Hypnotic. Cochl. j.

Sensim convalescit.

11.

12.

X. OBSERVATIO DE DIUTURNA INFIRMITATE &c.

Jan Lucasse van Herborn Aurigarum Præfectus.

Hic sexagenarius per 8. septimanas decubuit, est-
que debilis sine appetitu cibi aut potus, sed dolorem

1693. 12.
Aug.

Pp 3,

circà

circà præcordia, & bronchiorum à lenta pituita patitur obstructionem.

2. Mist. Nostr. Cardiac. & Thoracic. ʒv.
Mellis despum. q. f.

15. Non malè sentit à mistura; sed quia valdè urget sitis & phlegmata in pectore tenacissima ac gustu salissima sint.

2. Mist. n. Cardiac. & Thorac. ʒvj.

Spir. Nitr. Dulc. ʒβ.

Træ rob. ʒβ.

MS.

2. Lap. prunell. ʒij.

Iteretur mistur. 15. præscripta.

29. Multum defecit nec ferè quicquam assumit: ullaque
30. medicamenta amplius assumere detrectat.

XI. OBSERVATIO DÈ FEBRI INTERMITTENTE.

Hans Jacob Storck Germanus panni tonsor.

1692. 26. Hic juvenis febricitat, paroxysmumque tempore nocturno cum frigore accedentem per 2. horas patitur; sitis urget; alvus segnior; post purgatum corpus usurpabit febrifugum.
July.

2. Pill. nostr. Cathol. ʒj.

F. Pill. Nò. iv.

27. Si quidem post nostrum decessum spontè alvus cita facta sit, pilulas non assumpsit.

28. Ab usurpata mixtura nostra febrifuga omninò convaluit.

XII. OB.

XII. OBSERVATIO DE LASSITUDINE
& VOMITU.

Nicolaus Hollebeek Vicinus noster.

Hic conqueritur de lassitudine per totum corpus & quæ- 1691. 26.
cunque assumit continuo evomit. Aug.

2. Spec. Diascord. ʒß.
Sal. Absinth. ʒß.
Ol. Nucistæ Expr. Gr. vj.
Mell. Despum. q. f.
MS. F. Bolus.

Ab usurpato medicamento benè se habet: Sed quoniam 29.
alvus adstrictior, caput dolet, & etiamnum utcumque
nauseabundus est.

2. Mass. Pill. nostr. Gr. xx.
F. Pill. N^o. v. inargententur.
2. Mistur. seu Aq. Stomach. nostr. ʒiv.

Ab usurpatis hisce medicaminibus optimè se habet: ve- 1. Sept.
rum quoniam adhuc nauseabundus continuo assumpta
evomit, utatur sequenti.

2. Opii nostr. Gr. j.
F. Pill. no. j. inauretur.
2. Spec. Diascord. ʒij.
Ol. Nucist. Gr. v.
Tinctur. Hypnotic. nostr. g^{tt}s. xxx.
Sai. Mixti Gr. viij.

Rob.

3. Jam noster valetudinarius conqueritur de debilitate stomachi,

2℥. Mistur. nostr. Cordial. ʒvj.

5. Conqueritur de nimis vigiliis & dolore circa præcordia, deque summâ siti.

2℥. Lap. Prunell. ʒij. Solvatur in potu, seu cerevisia tenui, seu ptisana.

2℥. Laud. nostr. Opiat. Gr. ij.
F. Pill. No. j. inauretur.

6. Hac nocte bene quievit. Puto ejus curationem in jucundo sodalizio quærendam & inveniendam.

2℥. Lap. Prunell. ʒij. usurpetur ac antea.

2℥. Elix. pp. & Sal. Volat. Ar. an. ʒß.
MS. in ph.

XIII. OBSERVATIO De FEBRI INTERMITTENTE cum APHTIS.

Cornelia de Iong uxor Leonardi Colijn Mercatoris.

1690. 1.
Novemb.

Honestissima hæc atque per affinitatem mihi juncta Matrona ante aliquot septimanas bis aphthis fuit affecta, hodiè verò febrim patitur intermittentem, accedit paroxysmus cum frigore per sesquihoram durante.

2℥. Mistur. nostr. Febrifug. Completæ ʒvj.

2℥. Lap.

2. Lap. prunell. ʒij. in potu.

Hac nocte leviter se habuit & placide quievit.

Proficit in melius.

Circà vesperam denuò ipsam placidè quiescentem offendi, & quoniam admodum sitibunda.

2. Lap. Prunell. ʒij.

Pro duabus cerevis. pintis.

2. Spir. Nitri Dulc. ʒjʒ.

Ol. Sulph. per Camp. ʒʒ.

MS.

Sumat subinde aliquot guttulas ad gratum acorem in haustulo Cerevisiæ Neomagensis (*Mol*)

Hac nocte utcunque quievit, videturque magis ac magis deficere; binas tum sedes habuit; valde sitis urget; præscripsi Linctum sequentem pro faucium ariditate.

R. Syr. Violar. Jujubin. an. ʒj.

Mucilag. Sem. Cydon. ʒʒ. Sal. prun. ʒj.

MS. F. Linctus.

Bene se habet de lincto.

Proficit in melius.

Hodie parum pransa est ac se benè habuit, jam vero circà vesperam sitibunda est, & dolorem patitur in lumbis pervigiliumque.

2. Mixtur. nostr. Antifebr. & Anodyn. ʒvj.

2. Lap. Prunell. ʒij.

2. Opii nostr. Gr. ij. F. Pill. no. i. inaur.

Qq

Ab

Ab assumptis se mediocriter habet , & proficit in melius.

Rx. Tinctur. nostr. Purgant. Aur. ℥j.

Ab usurpata Tinctura. 3. sedes habuit. Circà vesperam ipsam in meliori statu offendi.

Proficit in melius.

Dolorem sentit in regione dorsali, quem etiam in morbi principio subindè sensit. Pro cardiaco hac vespera usurpabit Vin. Hispan. cum pane albo craticulato; pro dolore autem leniendo & simul somno conciliando, capiet,

Tinctur. nostr. Hypnotic. Coch. ij.

Hac nocte bene quievit, ac etiamnum doloris expers se bene habet.

Hac nocte nihil quievit, & quoniam extra lectum frigore fuit correpta, simul & febre, ac magnis circa præcordia anxietatibus correpta fuit.

Rx. Spec. Diascord. ℥j.

Pulv. Contrayerv. Gr. xxv.

Salis Mixt. ℥ss.

Reg. Ant. Medicinal. Gr. xv.

Croci opt. Gr. viij.

Rob. Sambuc. ℥ij.

Spir. nostr. Vinos. ex Meliss. Rosis &c. ℥ijss.

MS. F. Haustus.

Hac nocte omnis dolor fuit sublatus. Ab assumpto medicamento egregiè sudavit & placidè quievit: sed quoniam paroxysmum experta, est cupit febrifugum.

Rx. Mist. nostr. Febrifug. ℥vj.

Non

Non male se habet à medicamentis, verum non satis pro suo voto ructus per os emittit. 129

R. Spir. nostr. Carm. ʒiv.

Ab usurpato spiritu ructus quidem, sed difficulter tamen emittit. Conqueritur etiam de fluore albo, cui remedium optat. Hac vespere non coenabit. 13.

Hac nocte mediocriter quievit. 14.

Hac vespere parum coenabit, & benè se habet à mistura Hodie levem febriculam habuit. Cupit potionem Carminativ. & Cordialem. Admodum biliosa est. 15.

Hac vespere non coenabit.

R. Spir. Herb. Cordial. ʒx.

Radic. Cordial. ʒxij.

Tinct. nostr. pgant. Aur.

Aq. Theriacal. nostr. an. ʒij.

Spir. Nitri Dulc. ʒij.

Rob. Bacc. Samb. ʒj.

MS. Dos. ʒij. vel ʒiij.

Hac nocte mediocriter quievit, multumque sudavit; hodieque inchoabit usum potionis cordialis; hoc manè parum jentavit. Benè se habet ex potione cordiali, quam largiter usurpat. 16.

Hac nocte benè quievit, multumque proficit in melius; hodie & heri vesperi sedem habuit. 17.

Iteretur Potio Cordialis 15. præscripta

Hac nocte benè quievit, hodieque bene jentavit & pransa est cum summo appetitu, videturque propè sanitati restituta; evacuabit potionem cordialem, eamque si opus videbitur denuò iterabit. 18.

19.

Iteretur Potio Cord. 15. præscripta.

21.

Hac nocte ob flatum, ut putabat in abdomine contentum, ab ancilla petiit potionem carminantem, quæ dormitabunda hujus loco Tincturam Hypnoticam exhibuit, unde, ut ipsa mihi refert, propè duo cochlearia hausit. Quare mox forbillavit Vinum Hispanicum Lavendulatum, quod ipsi in promptu erat, nec malè meo iudicio, quare ejus usum admodum modice continuabit.

22.

Circa vesperam melius se habet; rad. cichor. coctas in coenam sibi capiet.

Admodum male habet à commisso præscripto errore, quare cum appetitus penitus ablatum sit & totum corpus male se habeat, mox capiet sequens sudoriferum.

24. Spec. Diascord. ʒij.

Pulv. Rad. Ostrutii ʒj.

Sal. Mixti gr. xv.

Volat. C. Cerv. gr. x.

Croci gr. vj.

Infus. Card. Bened. & Centaur. ʒij.

Tinctur. nostr. Hypnotic. ʒß.

MS. F. Hausus.

23.

Ab assumpto sudorifero egregiè sudavit, estque languida, & admodum indignabunda super ancillæ incuria, quæ ipsi causa tantæ recidivæ. Pro Cardiaco assumet scutellam dulciculæ potionis. Hac vespera parum coenabit. Proficit in melius.

24.

Hac nocte bis dejecit & mediocriter quievit; mane vero paroxysmum febrilem passa petiit febrifugum. Hodie necdum dejecit, estque languida, pro prandio pa-

panem album cum jure carniū sumpſit, unde non male habuit, quare hac vesp̄era id ipsum in cœna iterabit.

2. Mist. nostr. Febrifug. 3vj.

2. Lap. Prunell. 3ij.

Proſcicit in melius.

25.

Hujus noctis principio paroxysmum febrilem passa est, de die autem se bene habet.

26.

Hac nocte mediocriter quievit, continuabit usum mist. febrifugæ.

27.

Proſcicit in melius.

28.

Levem paroxysmum passa est.

2 Decemb.

2. Mist. nostr. Febrifugæ 3vj.

Proſcicit in melius. Continuat usum mixturæ.

31.

Bene se jam habet, nec nostro magis indiget auxilio.

5.

XIV. OBSERVATIO De CASU AB ALTO.

Maartje Jans. Ancilla apud vicinum mihi mercatorem.

Hæc virgo ex loco altiori non sine lapsu graviore in terram cecidit; caput dorsumque summè dolere sentit, postquam per semihoram animo derelicta ad se rediit, mox sanguis è naribus stillans copiosè prodiit, cujus magna pars intus per oesophagum ventriculum petens, mox vomitu per os rejecta fuit; patitur hoc tempore menstruam purgationem, externa frigent; pulsus vix perceptibilis.

1689. 24.
April.

Qq 3 Post

Post V. S.^{em} Ligamenta lintea quatuor applicari curavimus; nempe duo sub genubus supra furas, duo etiam supra malleolos sub ipsis furis. Partes dolentes, ut & tempora & cervicem subindè inungi curavimus sequenti, postquam applicatum fuit Suppositorium.

24. Ol. Philosoph. ʒij.
Succin. Nigell. an. ʒj.
Lumbricor. ʒiij.
MS.

Sequens etiam interim Mistura cochleatim sumenda.

24. Infus. ex Rub. Tinctur. ʒß. cum
Aq. Hyssop. & Puleg. an. ʒiij. calidè extractæ.
Aq. Ciai ʒj. Ol. Succin. gr. x.
Sperm. Ceti ʒß.
Balz. Leucotelli ʒij.
Ocul. Cancr. pulv. ʒj.
Tinctur. Cap. Mort. Lap. Hæmatit. ʒß.
Syr. Artemis. ʒj.
MS.

Ab usurpatis Medicamentis se longe melius habet, pulsus plenus & robustus nec non æqualis, sanguinem grumosum & pituitosum per os, fæces quoque alvinas hodie excrevit.

25. Proficit in melius, quare continuabit usum medicamentorum præscriptorum.

Quoniam magis exquisitè dolores sentit, præcipue verò in capite & circa ventriculum, usurpavit sequens

24. Opii Nostr. gr. jß.
F. Pill. j. inauretur.

24. Tin-

24. Tinctur. nostr. Hypnotic. 3iv.

Applicetur tepide.

Hac nocte mediocriter quievit, dolorque prænomina-
tus evanuit, summum verò persentit dolorem in regio-
ne lumbari.

26.

24. Cerevis. Joppenfis. q. s.

24. Balz. Peruvian. 3ß.

Copaivæ. 3j.

MS.

Dentur subinde gr. ij. cum tribus quatuorve cochleari-
bus cerevisiæ prædictæ.

Dolor etiamnum continuat in regione lumbari, qua-
re huic loco similiter Tinctura Opiata applicetur. Lo-
ci affecti jam satis patent; nempe in lumbis nota ex fla-
vo cærulea, qualis color itidem sinistram oculi palpebram
(quam utramque, per consensum ut opinor, clausam
nunc habet) tingens observatus est; Nulla adest fe-
bris.

Ab usurpata Tinctura Opii dolor in lumbis evanuit,
hacque nocte placide quievit. Atque sic intra dies qua-
tuor Dei Omnipotentis manu & auxilio denuò pristi-
nam sanitatem adepta est.

27.

XV. OBSERVATIO De FEBRI INTERMITTENTE cum TUSSI.

*Grietje Fransse vidua.*1692. 27.
Novemb.

Hæc sexagenaria ante aliquot tempus diu febre intermittente laboravit , postmodum in tussim & cruentam sputationem incidit , interim valde sitibunda , qualis nunc est ; adhæc diarrhoea per aliquot dies afflicta poscit auxilium.

24. Mist. nostr. Cord. ʒvj.

Tinctur. Succin.

Sulphuris an. ʒij.

Spec. Diascord. ʒj.

Sang. Dracon. ʒj.

Corall. Rubr. pp. ʒß.

Opil. nostr. gr. ij.

Syr. Papav. Errat. ʒj.

28. Eodem fere versatur in statu , quo heri , cupit hypnoticum.

Tinctur. Hypnotic. nostr. Cochl. 2.

29. Ab usurpata Tinctura optime sudavit ; à tussi ferè liberata est ; alvum non deposuit ; nec febris nec Sanguinis Sputum huc usque redierunt.

XVI. OBSERVATIO De OBSTRUCTIONIBUS & ASTHMATE.

Arien Linteo op de Koepoorts-gracht.

Hic

Hic pituitosus ac probe asthmaticus subinde tussiendo excernit phlegmata crassa.

R. Aq. Menth. Hyssop. an. ʒiij.

Tinctur. Croci. ʒj.

Hypnotic. nostr. ʒj.

Tartari ʒiij.

Ocul. Cancr. pulv. ʒj.

Rad. Ireas Fl. pulverisat ʒß.

Flor. Benzoin. gr. xv.

Sal. C. Cervi ʒj.

Balz. Sulph. Anisat. gr. vj.

Syr. Papav. Errat. ʒj.

MS.

R. Elix. Salutis nostr. ʒij.

pro dosi.

14.

Ab usurpatis his medicamentis jam optime se habet.

Hic denuo tussi laborat, urina tenuis & clara, colore citrino tincta ut nuper, cum post usum misturæ cal-
culum per urethram excrevit. Post purgatum corpus
utetur sequenti misturâ.

R. Pill. nostr. Nobil. N^o. v.

R. Mist. nostr. deobstruent.

aq. Cordial. an. ʒx.

Salis Circulat. Paracels. ʒiij.

Tinctura Silicum ʒj.

Aq. Ciaoi ʒß.

Mell. despumat. q. s.

Ms.

Proficit in melius.

R r

XVII. OB.

XVII. OBSERVATIO DE PUERPERA GRAVITER ÆGROTANTE.

*Uxor Roelof van Ryffel Stoommaker.*1696.
2. Mey

Hæc ab 8. diebus puerpera graviter decumbit, estque
extremè debilis, præscripsi Cardiacum seq.

2. Spir. noſt. Cardiac. ʒv.
Tinct. noſtr. Card. ſeu Gran. Kerm. compoſ. ʒj.
Aq. Prophylaſt. ʒſſ.
Corall. Rubr. pp.
Oc. Cancr. pulv. an. ʒij.
Syr. Limon. ʒj.
MS.

3. Hodie mane meliuscuſe ſe habuit ab uſurpata mixtura, &
quaſi ad ſe rediit.

Circa veſperam denuò quaſi amens & agonizans.

4. Eodem in ſtatu quo heri à me inventa eſt.

5. Hac nocte morbo victas dedit manus, atque ad plu-
res abiit.

XVIII. OBSERVATIO De FEBRI CONTINUA
cum EXACERBATIONIBUS.*Benjamin Maaswijk Vitriarius.*1692. 9.
Octob.

Hic febri continua cum exacerbationibus laborat.

2. Miſtur. Noſtr. Cord.
Noſtr. Febrifug. an. ʒv.

Sal.

Sal. Volat. Aromat gr^o l.

Spec. Diasecord. 3j.

Mell. Despum. q. s.

MS.

Hac nocte mediocriter quievit, valdè sudavit, proficit-
que in melius.

10.

Iteretur mistura heri præscripta.

Hac nocte se levius habuit, hodieque sanguinem emisit
è naribus, unde caput valde levatum fuit; continuabit
usum Mixturæ.

11.

Iteretur Mixt. 9. Octob. præscripta.

A potu cerevisiæ frigidæ pejus hodiè habuit; usurpabit
mox mixturam, & ne noctem infomnem agat capiet pi-
lulam ex Opii. Nostr. gr j.

Hesternæ vespere aphthæ sese manifestarunt circa fauces;
sed quoniam febris remisit in melius proficit.

12.

24. Aq. Rosar 3v.

Sach. canth. alb. 3vj.

Vitell. Ovi No. j.

MS. F. Collutio oris.

Quacum sæpe colluat os & fauces.

Jam febris planè est expers, & aphthæ frustulatim de-
cidunt.

13.

Proficit in melius, atque his paucis à me curatus est.

14.

XIX. OBSERVATIO De FEBRI CONTINUA REMITTENTE.

Maartje Fransse uxor Joannis Visser Cæmentarii.

Rr 2

Hæc

316 A P P E N D I C U L A.

Hæc fœmina per aliquot septimanas ægrotavit, laboratque feбри continua remittente, sed cum tantillo frigoris exacerbante: sitis & vigiliæ utcunque infestant, alvus quoque segnior, post purgatum corpus utetur febrifugum.

2. Extr. nostr. Cathol. gr. viij.
F. Pill. No. ij. Inargententur.

2. Mistur. nostr. Febrifug. compl. 3vi.
Dof. Cochlearia ij. singulis bihoriis.

21. Hæc proficit in melius, optime se habet de pillulis; continuabit usum misturæ, quæ ipsi valdè placet.

22. Hac nocte propter paroxysmum febrilem non bene quievit, evacuabit porro misturam, & ne noctem insomnem agat usurpabit Tincturæ nostr. Anodin. cochl. j.

23. Hac nocte mediocriter quievit; aphthæ se in conspectum præbent. Præscripsi decoctum ficuum, & quoniam evacuata est mixtura, iteretur mist. 20. præscripta.

Prætereait erentur. Pill. 20. præscriptæ.

24. Proficit in melius, quoad omnia symptomata.

Aphthæ feliciter prodeunt.

25. Eodem ferè versatur in statu.

2. Opii nostr. gr. j. F. Pill. No. j.
inauretur.

26. Hodie assumet unam pilulam purgantem, siquidem alvum non deposuit.

27. Ab assumpta pilula duas sedes habuit & proficit in melius.

28. Proficit in melius.

2. Ex-

24. Extr. nostr. Cathol. gr. viij. F. Pill. N^o. ij.
inargent.

30.

Quibus rectè purgata optimam valetudinem consecuta fuit.

XX. OBSERVATIO De DEBILITATE.

Uxor Isaaci Schuddemat textoris lanarii.

Hæc foemina per totum corpus sentit lassitudinem ; est-
que debilis ; urina est tenuis & rubra sine sedimento. 1693. 107
July.

24. Infus. Fol. Theæ. ʒv.
Tinctur. nostr. Card. ʒj. Croci ʒij.
Spiritus. ejusd. ʒß.
Pulv. Rad. Contrajerv. ʒj.
Regul. Ant. Medicinal. ʒß.
Jalap. Rosat. ʒvj.
MS.

Ab usurpato lactis sero strenuè bis dejecit ; postea à mixtu-
ra optimè sudavit ; jam sitis & lassitudo ipsam infestant. 115.

Iteretur mixtura, addenda.
Tincturæ nostr. Hypnotic. ʒj.

Ab usurpatis his medicamentis multum proficit, & postea
breui convaluit. 112.

XXI. OBSERVATIO De FEBRI QUOTIDIANA.

Mary Teunis.

Hæc virgo febre intermittente laborat quotidiana, ac-
cedit Rr 3 1693. 217.
Septemb.

cedit paroxysmus cum frigore per quatuor horas duran-
te; præterea alvum habet astrictiorem.

24. Mass. Pill. nostr. Catholic. gr. xv.

F. Pill. No. v. inargent.

Porro

24. Mist. nostr. Cordial. ʒvj.

Sumat cochleatim.

Atque hujus operatione salubri citò convaluit.

XXII. OBSERVATIO DÈ ARDORE LINGUÆ & NIMIIS VIGILIIS.

Annetje Foris op de Zyt-graft.

1691. 8.
Novemb.

Hæc fœmina summum in lingua patitur ardorem, ac
noctes insomnes agit.

24. Lap. Prunell. ʒij.

24. Laud. Opiat. gr. ij.

F. Pill. No. ij. inaurentur.

9. dito.

Benè se habet ab usurpatis medicamentis.

Proficit in melius; usurpabit Cardiacum.

11.

24. Mist. nostr. Cordial. ʒvj.

12.

Non malè se habet à mistura; sed his paucissimis confe-
ctim sanata fuit.

XXIII. OBSERVATIO DÈ CAPITIS & PRÆ- CORDIORUM DOLORE.

Hendrik van Schagen lanifex.

Hic

Hic juvenis patitur capitis & præcordiorum dolorem, ^{1692. 8.}
alvus naturali segnior, post purgatum corpus usurpabit ^{Juny.}
febrifugum.

℥. Mass. Pill. nostr. purgant. ʒj.
F. Pill. N^o. v. inargent.

Ab assumptis pilulis optimè est purgatus.

Hac nocte mediocriter quievit & dolores sedati ilico
sunt, postquam hesternæ vespere pilulam Opii nostræ as- ^{9.}
sumsisset.

℥. Mist. nostr. Febrifug. ʒx. ^{10.}
Sumat quater in die cochlearia tria.

Ab ritè assumpta mixtura diu multumque sudavit.

Longè proficit in melius aduersaque valetudinejam ^{11.}
haud parum levatus est. ^{12.}

XXIV. OBSERVATIO De ICTERO cum FEBRICULA CONTINUA.

Pieter Karelse textor lanarius.

Hic Ictericus fit, simulque febriculam continuam pa- ^{1692. 13.}
titur & appetitum prostratum. Alvus (quod alioquin ^{April.}
in hoc affectu admodum infrequens) naturali laxior.

℥. Decoct. Nostr. ex Lignis
Radicibusque lignescensibus mediante
spirituoso menstruo t^b iv.

Salis Mixti ʒiv.

Spir. Nitr. Dulc. ʒij.

Træ Purgant. Aur. nostr. ʒiij.

Rob.

Rob' nostr. ʒij.

MS. Dos. ʒiv. quas ter 4^{ve} in die calidè apud focum vel potius in lecto probè contactus exhauriet.

14. Urinæ, quæ antea sedimento carebant, incipiunt sedimentum continere; continuabit usum decocti, à quo multum & cum levamine sudavit.

17. Parum à morbo recreatus videtur, & quoniam evacuatum est, nec displicet ægro Decoctum;

Iteretur Decoctum præscriptum.

22. Reiteretur Decoctum.

36. Siquidem ex incuria, & partim propter negotia, decoctum non assumpsit, jam pejus habet; optat aliud, sed minori quantitate medicamentum, sui que meliorem curam habebit.

24. Spir. Nitr. Dulc. ʒʒ.

Lap. Prunell.

Sal. mixt. an. ʒj.

Tinct. Purgant. Aur.

Metallorum an. ʒij.

Infus. Theæ ʒvj.

Mist. Cordial. ʒxv.

Mell. Despumat ʒjʒ.

MS.

Proficit in melius.

Iteretur mixtura 30. præscripta.

7. Mey.

Præscriptis hisce & pariter dextrè usurpatis remediis omninò liber & sanus evasit, & rectè jam valet.

30.

XXV. OBSERVATIO De ODONTALGIA & OTALGIA cum FEBRICULA.

A. V. M. Juvenis Amstelodamensis, tyro apud honestiss. mercatorem. I. N.

Hic juvenis patitur odontalgiam & otalgiam, sentit in auribus inconditum murmur quod ipsi vix permittat ullum somnum; hodiè ab assumpto purgante quater dejecit laboratque pervigiliis & febricula lenta. 1694. 9. Maji.

24. Mixture nostræ diaphoret. & anodin ʒvj.
Syr. Papav. Alb. ʒv. MS.
& sumat cochleatim.

24. Tinctur. Hypnotic. ʒiij.

Excipiatur linteo & imponatur calidè.

24. Ol. Nostr. Heracl. seu empireumatici Tabaci g^c. iij. Stillentur in gossipium intrudanturque in dentem excavatum.

Jam melius se habet.

Iteretur mixtura.

Proficit in melius.

Etiannum laborat Otagia. Ab usu tamen mixturæ dolor paulatim atteritur; quæ propterea iteretur.

24. Spir. Sal. Ammoniac. ʒij. Matrical Burry ʒj.

Ol. origani g^c. iij.

MS. Indatur tepidè auri cum bombace.

Quibus legitimè usurpatis brevi sanus evasit.

XXVI. OBSERVATIO De VENTRIS DO-
LORE &c.*Aaltje Ians in de Zeeger-steeg.*1691. 23.
Novemb.

Hæc vetula graviter decumbit ventrisque patitur dolo-
rem, quem cum manu premit, sub hepate percipit pul-
sationem. Alvum habet astrictiorem; vertiginosa est;
linguam faucesque habens aridas pervigilioque laborans;
phlegmata sunt tenacia; subindè flatum sed eum diffi-
cultate excernit, cumque siti intolerabili febrim hæc mi-
sella sufferre cernitur.

24. Elect. lenitiv. Borrii ʒʒ. pro bolo laxante.

24. Tinctur. Hypnotic. nostr. ʒij. pro epithemate.

24. Opii nostr. gr. jʒ. F. Pill. Pro somno conciliando

24. Lap. Prunell. ʒij. Pro siti in cerevisia.

24. Hac nocte ab adhibitis medicamentis benè quievit, ac
quantum ad omnia Symptomata melius habet; cupit
hypnoticum.

Iteretur Pill. heri præscripta.

25. Ab assumpta pilula placidè quievit, ac jam sudore ma-
der.

Manè hausit duas pilulas purgantes: unde quatuor se-
des citæ.

26. Vires ob sudorem & secessum paulo sunt debiliores,
& quoniam circa meridiem accedit paroxysmus febrilis
cum frigore, hoc mane inchoabit usum misturæ sequen-
tis cochleatim.

24. Mi-

24. Mistur. nostr. Cordial ꝑiv.

Antifebril ꝑij.

Salis Circulat. Paracell. ꝑij.

Spec. Diascord. ꝑj.

Regul. Ant. medicinal. 3ß.

Aq. Theriacal. Ciaoi an. 3ß.

Syr. Papav. Alb. 3ß.

MS.

Hac vespera necdum accessit paroxysmus febrilis.

Hac tota nocte febrilis paroxysmus ipsam torfit: Al- 271
vus mota manet.

Hodie tamen se benè habet; proficitque in melius.

24. Mist. nostr. Deobstr. ꝑvi.

Aq. Ciaoi 3ß.

Salis Essentialis Menthæ 3ß.

Spir. Sal. Ammoniac. ꝑij.

Mell. Despumat. q. s.

301

Per quæ remedia curata sibi que restituta fuit.

XXVII. OBSERVATIO De AURIUM SURDI- TATE & TINNITU.

Antonius van Beek Aromatarius.

Hic dudum aurium surditate cum tinnitu ad singulos 1693. 5.
arteriarum pulsus sonoro comitante laboravit. Obstru- Novemb.
ctiones ex causa frigida referendæ, corpore nihilominus
antea rite purgato.

Post fumigationem ex Succino, Mastich. &c. usur-
pabit sequentia.

Sf 2

24. Mass.

24. Mass. Pill. nostr. Nobil. Div.
F. Pill. No. xvj. Inargentur.
Dof. iij. iv. v. bis in septimana.

24. Mist. nostr. Reg. 3xv.
Deobstr. 3x.

Sal. Card. ben. 3iß.
Tinctur. Purg. Aur. 3iij.
Mell. despumat. q. f.

MS. Sumat ter in die vacuo ventriculo duo cochlearia.

24. Mistur. Prædict. 3jß.

Sal. Circulat. Paracels. q. f.
Ol. Origan. gr. v.

MS. F. Linimentum, cui calefactæ intingantur turundæ auribus intrudendæ,

15.
21. Martii

A præscriptis medicamentis melius habet.

Jam verò elapsis quatuor mensibus iterum recidivam patitur.

Iterentur igitur Mist. Liniment. & Pill.

5. Novemb. præscripta.

19. April.

Ab usurpatis remediis jam denuò rectius habet & perfectè restitutus est.

XXVIII. OBSERVATIO De GRAVITER DECUMBENTE.

Heiltje Moer Obstetrix.

1692. 2.
2. Juny.

Hæc foemina jam 5 diebus graviter decumbit cum doloribus ostocopis, estque valdè debilis.

24. Pill.

24. Pill. nostr. Nobil. No. iv. inaurantur
pro duabus Dosisbus.

24. Liniment. nostr. deobstr. 3ij. quo inungantur
partes dolorificæ.

Ab assumpt. Pill. quinquies deiecit, aphthæ prorumpunt.

24. Mixtur. nostr. Cordial. 3vij.

Mell. Despum. q. f.

MS. Sumat cochleatim.

24. Laud. Opiat. nostr. gr. β. F. Pill. inaretur.

In eodem fermè statu permanet.

24. Lap. Prunell. 3ij. pro siti.

Hac nocte graviter fuit afflicta, nequit dormire.

Iteretur mixtur. 3. præscripta.

24. Tinctur. Hypnotic. nostr. 3ijβ.

Cum linteamine huic intincto calidè applica.

Parum quievit: vix interim proficit. Continuabit in usu medicamentorum.

Erysipelati laborat circa brachium dextrum, videturque parum proficere; alvus satis laxa; continuabit cum mistura.

24. Laud. nostri Opiat. gr. j. f. Pill. inaurata.

Hac nocte bene quievit, sed manè denuò affligitur; hodie Pill. j. assumet purgantem.

Iterentur Pill. 2. præscriptæ.

Ob brachii dolorem ab erysipellate non quievit, totum enim intumuit, atque in exulcerationem abire videtur.

Sf 3

Chi-

Chirurgus applicabit Cataplasma leniens.

Iteretur Pill. 8. præscripta.

9. Utcunque meliuscule sese habet, idcirco quia hic parcendum est sumptibus, quod faciendum restat Chirurgus tradidimus, qui mihi postea narravit se abscessum scalpello aperuisse copiosumque pus ex eo effluxisse; vulnus postea feliciter consolidavit illaque sana evasit.

XXIX. OBSERVATIO De VARIOLIS.

I. L. F. Filius vicini Mercatoris decennis.

1696. 14.
Sept.

Huic somnolento per biduum variolæ prorumpere incipiunt. Præter decoctum ficuum & prunorum cum cerevisia tenui pro potu præscripsi seq. ad fermentationem in sanguine augendam:

- 2℥. Mist. aq. Cord. 3℥.
Balz. de Copaiv. 3℔.
Spir. Sal. Ammoniac.
Salis mixti an. 3℔.
Tinctur. Croci 3j.
Mell. albiss. 3℔.

MS. detur Cochleatim 6.^{es} in die.

15. Hæsterna vespere vertiginosus videbatur, postquam autem alvum deposuisset melius habuit, continuoque sudavit. Variolæ magis ac magis prorumpunt.
16. Continuabit usum præscript. misturæ.
Siquidem multum profecit à mistura evacuata,
- Iteretur mistura 14. præscripta.

19. Optimè prodeunt variolæ; verum quia palpebræ hinc clau-

clausæ tenentur , ac visui prohibetur , quem recipiat ;
utatur sequenti.

2℥. Aq. Cordial. ʒiij.
Tinct. Theriac. ʒj.
MS.

Hoc sæpius tingantur palpebræ oculorum.

Hic parvulus denuo morbidus ex abundantia pituitæ ac 2. Decemb.
de novo prorumpentibus morbillis.

2℥. Mistur. 14. Sept. præscriptam.

2℥. Aq. Cordial. ʒij. Spir. Sal. Ammoniac. ʒij.
Ol. Origan. gr. iij. Cortic. Arant. gr. v.
Julap Rosat. ʒß.

MS. præbeantur sæpe ad guttas xx. vel xxx. in hau-
stulo cerevisiæ.

Quibus morbus ad declinationem & finem paucis postea
diebus pervenit.

XXX. OBSERVATIO De NEPHRITIDE.

Willem Leopoldus Gaupe.

Hic graviter decumbit : nephriticus & forsan calculo- 1691. 13.
sus est ; de summis quæritur doloribus , qui à rene sini- Augusti.
stro ad pubem usque secundum longitudinem ureteris
exporriguntur ; præterea valdè nauseabundus ; vix quic-
quam admittit stomachus , quin mox reddat per vo-
mitum ; noctes agit infomnes , cogitur una hora 15.
vel 16.^{es}. urinam paucam & viscidam summis cum dolo-
ribus emittere.

Hic

Huic statim injici curavi Clysterem ex oleosis & the-rebinthinatis.

24. Elix. nostr. Salutis ʒij.

24. Opii nostr. gr. ij. F. Pill. Inauretur.

14. A Clystere protinus ter; ab Elixire postea adhuc quater de-jecit. A pilula placidè dormivit. Meliuscule jam se ha-bet.

24. Mist. nostr. Antinephritic. ʒxij.

Tinct. Anodyn. ʒj.

Ol. Cort. Arant. Citri. an. gr. x.

Balz. Copaiv. ʒij.

Gum. Cerafor. in vino Canarin. Solut. ʒβ.

Tart. Vitriolati.

Sal. Stipit. Fabar. an. ʒβ.

Prunell. ʒj.

Spir. Sal. Ammoniac. Arom. ʒij.

Mell. Albiss. q. s.

MS.

16. Ab usurpata mistura dolores sibi ex lumbis totoque ab-domine quasi avelli sensit; crassas urinas minxit, & à dolore liberatus jam prorsus convaleuit.

XXXI. OBSERVATIO De MORBO CA-STRENSI.

Johannes de Groot Miles, post famosam Namurci ex-pugnationem redux.

1695.
20. Augu-
sti.

Hic miles morbo castrensi laborat passus in oppugna-tio-

tione & in itinere varia incommoda, ex perversa diætâ, inclementia cœli, sordibus vestium & decubitus &c. Febricitat & nauseabundus est, continuo ferè magnâ copîâ pituitosa ac biliosa per os excernit, alvo adstrictiore existente; sitis vehemens; urinæ vix ulla excretio; pervigilium &c.

24. Pill. nostr. Cathol. ʒj. F. Pill. No. v.

24. Mixtur. nostr. Diaph. & Antifebril. ʒv.
 Adde Mell. Despum. ʒß.
 MS.

Ab assumptis 5. pilulis laudabiles sedes habuit, & nausea utcumque sublata est. 21.

A mixtura hac nocte benè sudavit & multum levatus est.

Iteretur mixtura. 22.

Ad sitim verò. 24. Sal. Prunell. ʒij.

Multum proficit in melius; mitiorem passus est paroxysmum febrilem; vomitus penitus evanuit; alvum habet laxam; sitis valdè imminuta; largiter mingit & modicè dormit; sed appetitus manet prostratus. 23.

24. Tinctur. nostr. purgant. Aur. ʒj.
 Julap. Rosat. ʒij.
 MS. pro dosi. 24.

24. Elix. pp. Par.
 Tinctur. Absint. an. ʒß.
 Spir. Sal. Ammon. Aromat. ʒij.
 Ol. Ment. gr. vj.
 MS.

Ab usurpatâ Tincturâ multum solutus fuit. Ab usu alterius medicamenti adeò revixit appetitus, ut jam jentaculum pro medicamento cupiat.

XXXII. OBSERVATIO DE FEBRI QUARTANA & SCOR- BUTO.

*Geertje Poelgeest soror uxoris magistri Petri van Abbe-
le Cæmentarii.*

1692. 5.
Novemb.

Hæc 30. annorum virgo ab aliquot annis egit vitam va-
letudinariam, inpræsentiarum verò scorbuto & febre
quartana intermittente laborat, & maculæ lividæ diffun-
duntur hic illic per corpus, hodieque dum paroxys-
mum patitur (cum frigore accedentem insequente post-
modum calore intenso) aliquoties animo deficere visa
est.

℞. Mist. Nostr. Cord. ℥v.
Spir. Nitr. Dulc. gr. xx.
Volat. Aromat. xv.
Aq. Ciai ℥ß.
Tinct. Rob. Nostr. ℥j.
Lap. Prunell. ℥j.
Syr. Papav. Erratici ℥vj.
MS.

Usurpabit cochleatim singulis bihoriis.

℞. Laud. Opiat. nostr. gr. ij.
F. Pill. N^o. ij. Inaurentur pro duabus dosibus.

Hac nocte ab assumpta pilula placidè quievit, sudavit,
nec

nec ullum incommodum passa, hodiè se multo melius habet; pro prandio ipsi inserviet ovum forbile; cras verò data occasione assumet tres pilulas Catholicas nostras.

A pilulis alvus mota dejecitque serosa multa & pituitosa, & quoniam cras est dies febrilis, cochleatim usurpabit sequens.

2. Mistur. nostr. stomach. 3viij.

Aq. Ciai,

Mann. Calabrin. an. 3j.

Spir. Sal. Ammoniac. 3j.

MS.

A præscripta mistura ad melius in dies vergit, quare eam iterabimus. Repetatur mistura 7. præscripta.

Hac septimana, siquidem in publicum prodiit, ex frigore quod passa est in tussim incidit, idcirco præscripti suffitum; ne autem noctem agat insomnem cupit hypnoticum.

2. Opii nostr. gr. iij.

F. Pill. No. ij. Inaurentur.

Ab usurpatis medicamentis denuo rectius habet.

Iterentur Pill. Hypnoticæ 22. præscriptæ.

Proficit paulatim in melius, integramque curationem brevi subsequuturam jam porro speramus.

Quia sibi non cavit ab aere externo, graviores patitur paroxysmos.

2. Mist. febrifug. 3vj.

Hodie denuò paroxysmum præcedenti non minorem patitur.

Paulo melius habet & valde levem heri paroxysmum passa est.

2. Pulv. nostr. Antifebril. 3j.

Sumat cum haustu vini Hispanici sesqui hora ante paroxysmum.

T t 2

Heri

16. Heri febrem non habuit. Multum profecit in melius.

24. A febre immunis atque à scorbuto multum liberata jam recte valet.

XXXIII. OBSERVATIO DE MORBO FRIGIDO ex INGLUVIE.

*Maria N. N. Filia defuncti mercatoris, jam pupilla
& vivens apud vicinum nostrum. N. H.*

1691. 12.
Augusti.

Hæc puella jam à 14. diebus laboravit morbo frigido ex ingluvie nimia fructuum horariorum; accedentibus aëris tempestate ac injuriis externis; proclivis est in somnum, prostratum habet appetitum, fæces instar globulorum excernit; pulsus ac urina patientis debilitatem innuunt; scatet corpus pituita viscida, obstructionibus flatibusque inde ortis; nec forsan ab lumbricis immunis est.

2. Mistur. Carm. & Deobstr. ʒvj.

Detur cum melle despumato cochleatim.

2. Liniment. nostr. Deobstr. ʒj. quo inungatur venter & abdomen circa umbilicum.

Mox ab assumpta mixtura rectius habuit; à Linimento alvus multum soluta est; in excrementis frustula vermium putrefacta in sat magna copia conspici possunt. Atque hisce paucis citissime convaluit, & ita curata est, ut aliis remediis non indiguerit.

XXXIV. OBSERVATIO De FEBRI CONTINUA
IN PUERO.*Filius Henrici Dardeine Lanarii.*

Hic 9. aut 10. annorum puer post ingens toleratum frigus & alia incommoda febri continua corripitur; fauces & lingua ariditate crepant; pectus ac reliquum corpus scatet obstructionibus, sitis ingens, appetitus dejectus; urina crassa tincturæ guttæ gemou simillima, per 6. dies fere nihil cibi sumpsit. 1691. 6. Januarii.

℞. Mistur. Cordial. & Antifebril. nostr. ʒvj.

℞. Sal. Prunell. ʒij. in potu.

℞. Liniment. Deobstr. nostr. ʒj.

Ab hisce præscriptis riteque usurpatis remediis utcumque se melius habet: sed quoniam hujus miselli parentes æris inopes atque ex eorum numero sunt, quibus nil reliqui quam fatis tristibus angi; interea mihi, utpote privato Medico, non semper allubescit nimiumque etiam incommodum foret, quotidie eroganda medicamenta gratuitis visitationibus auctarii loco adhuc superaddere, pauperculo huic, (uti jam passim apud plebeculam fieri consuevit) cum Praxeos Medicæ tædio & extrema in adeo ærumnosa miseratione, valedicere cogor.

XXXV. OBSERVATIO De ALVI FLUXU & DEBILITATE.

Honestissima matrona uxor Pauli Gillot Equisonis.

Hæc scæmina à tribus mensibus prægnans, valde debilis ex nimio alvi fluxu & appetitu dejecto pervigilioque; an- 1691. 10. Febr.

te duas septimanas primum laborare cepit diarrhoea, mox dysenteria; valde averſatur medicamenta. Præſcripſi dietam convenientem, atque ex culina ſcriblitam ex duobus ovīs conquaſſatis, ſ. q. lactis dulcis cum tantillo butyri, & ſ. q. ſachari & cinamomi una cum biſcocto tenuiſſime trito conſectam, quæ in ſcutella ſtannea cum ſimili operculo imponatur prunis, donec conſiſtentiam debitam acquirat. Hac ſcriblita veſcatur, & ſi placet repetatur.

24. Opii noſtr. gr̃ iv. F. Pill. No. iv. Inaurentur.
Pro tribus doſibus.

24. Miv. Cydonior. Conſerv. Roſar. Rubr. an. ʒj.
Spec. Diaſcord. abſque Galb. & Gent. ʒj. Corall.
Rubr. pp. ſij.

Ol. Ciaoi. gr̃ iv. Vitriol. q. ſ. ad gratam acidit.
F Conditum. Atque his ſolis paucis diebus ad
ſanitatē rediit.

XXXVI. OBSERVATIO De UTERI SUFFOCATIONE.

De Vrouw van Jan Pieterſe, qui è regione ædium noſtrarum lac vendebat.

Hæc ſœmina heſterna vesp̃era ſuffocatione uterina, vel (quod quibuſdam magis arridet) hypochondriaca, ſeu quoque (quod & mihi magis placet) convulſione & quaſi ſp̃asmo muſculorum abdominis, tam vehementer fuit preſſa, ut jam jam vitam cum morte commutare videretur, hodieque necdum liberata, quamvis alio Medico uſa, ſed ejus conſilio ac medicamentis parum hætenus profece-
rit. Itaque.

24. Spir.

2. Spir. Sal. Ammoniac. cum Calce viv. Destillat.
3j.

Ol. Succin. gr. xx.

MS. in phiala angusti colli, & valide conquassata ad-
moveantur ilicò & sæpe naribus.

2. Aq. Spirituos. Cort. Arant. 3iv.

Spir. Carminativ. 3j.

Tinctur. Metallor. 3ij.

Purgant. Aur. nost. Castor. an. 3j.

Spir. Sal. Ammoniac. Arom. gr. xl.

Ocul. Cancr. pulv. 3j. Sal. Volat. Succin. 3ß.

Syr. Arthemis. 3ß.

MS. sumat cochleatim, sensim videlicet in ejus os fun-
datur.

R. Liniment. deobstr. nostr. 3ß.

Quo inungantur cervix ac tempora, nares, hypochon-
dria & abdomen aliquoties manu calida.

Atque hæc omnia mirum in modum ipsi profuerunt
discussisque molestissimis symptomatis paroxysmus plane
solutus est. Ne autem hic affectus postea iterum redeat,
& per intervalla repetatur, devoret sequentes pilulas per
integrum mensem semel in hebdomade reiterandas.

R. Mass. Pill. Cathol. nostr. gr. xviii.

Mercur. Dulc. gr. v. Ol. succ. gr. iij.

F. Pill. N^o vij. involvantur lunæ & devorentur cras mane.
Hodie necdum deiecit, inclinato licet in postmeridia-
num tempus die, ob errorem in dicta, & quoniam dolor
capitis tam vehemens ipsam occupat absque febre, ap-
plicabitur sequens ad tempora.

R. Tinct. Opii nostr. q. s.

Cum linteis in ea madefactis applicetur.

Hac nocte parum quievit, quoniam assumptæ mane
pilulæ suam tarditatem nocte intempesta validiori opera-

tio-

tione compensarunt; ita ut multum soluta fuerit, & pro-
tinus rectius habuerit.

Sed jam harum historiolarum medicarum, quarum nu-
merus præter propositum excrevit, est satis. Si hæc repo-
tia neminem offendant, & JEHOVÆ nobis ulterius vitam
sanitatem ac ocium largiri placeat, oportuniori tempore
ex professo aliquot magis singulares haud quotidie obvios
atque rariores tersiorique ac observationum Autoribus
solito ordine dispositos ac extensos, (descriptione vi-
delicet affectarum partium, causarum tam procatarctica-
rum quam antecedentium & continentium, sympto-
matum, prognosis, indicationis &c.) quam hos vulgatissi-
mos breves ac leves, morborum casus ex nostris anno-
tationum libellis apponemus.

Tandem DEO T. O. M. pro Divinitus mihi in absol-
vendis his pagellis concessa gratia debitas devotasque gra-
tes persolvo: Tu autem benevole Lector, si quæ σφάλματα
in res vel verba irrepserint, ignosce, quippe non omnia
possumus omnes, & velle suum cuique est, nec gustu
vivitur uno. Alioquin.

*Si quid novisti rectius istis,
Candidus imperti, si non, his utere mecum.*

F I N I S.

I N.

INDEX RERUM.

A.

A baliquot retro annis in pluribus Hollandiæ urbibus plures Medici, quam ægrotantes fuerunt. 244

Absurdæ & periculosæ remediorum formulæ. 157. & 158

Absurdorum Compositorum causæ. 216

Abstemiorum numerus hodiè est paucissimus. 264

Adepti veri ad Calendas Græcas expectantur. 123

Ægrotantibus plus impendit periculi ab omnibus Medicinam profitentibus & leviter ea imbutis, quam ab iis, qui nihil omnino norunt. 140

Agyptæ doctos & expertes Medicos calumniantur. 3. 132

altercationes Sciorum æque ac Vulgi levitates irrident. 3
sunt Medicorum simiæ.

124

ex quibus regionibus pluri-
mi ad nos accedant. 125. qua ra-
tione hoc fiat. ibidem

quales pessimi sint. ibid.

fortè fortunâ ex mille unum

ægrotantem sanabunt. 134

nomen multi odio habent,
sed emolumenta deperiunt. 135.

cujusdam valde conspi-
cium ignorantie exemplum. 133

temerario ausu gravissimo-
rum morborum curationes pro-
mittunt. 145

quod curatu difficillimum
est, facillimum prædicant. ibid.

**Agyptarum ad deludendum popu-
lum præstigiæ.** 128

mores & fraudes descri-
buntur. 126

Alchymistæ qui sint. 103

se mutuo evertunt,

dum alius præcipit aliud. 107

ex merdis vitriolum sa-
pientum & Hermetis aves extra-
hunt. ibidem

Obscurum per obscuri-
ora declarant. 108

Satanæ suppetias im-
plorarunt. 110

paupertate pressi ad
peram & baculum rediguntur.

111

ficta pietate sinceros

fallere conantur. 112

**Alchymistarum vanitatem eorum
libri declarant.** 105

fraudes detestæ.

107

scripta sunt æni-

gmata. 108

Ars jam inventu est

facillima. 208

jam est difficillima.

109

fraudes & impo-

sturæ. 112

capite

plectuntur. 110

proluvium. 111

**Alchymia à quibus nationibus po-
tissimum colatur.** ibid.

quo sensu ars certa dici
posset. 118

quondam inprimis erat
celebris apud Ægyptios. 120

**Alchymista, qui argentum ex ci-
nabari conficiebat.** 112

quomodo ex sequio-
ribus metallis conetur enixè facti-
tare aurum. 120

**Alphonfi Regis Castellæ fa-
stiosa**

INDEX RERUM.

- fluosa & profana sententia. 86
 Altercationibus Anatomicorum, nec instrumentis vel experimentis Mathematicis vel Philosophicis morbi curantur. 38
 Alvi excrementa quotidie bis vel semel ejcienda sunt. 274
 Andreas Libavius ante centum annos doctrinam de ovīs ventilavit. 42
 Antiquissimi mundum ovo compararunt, ibidem.
 Andreas Baccius refellitur. 173
 Andreas Laurentii de lapide Besoar-dico testimonium. 170
 Antiquarii Medici. 92
 Anonymi Thraonicum de suo Lapide commentum. 106
 Antidotum Mithridatis. 206
 Antipathia quid sit. 61
 historiis confirmatur. 62
 An Medicum deceat manu propria sua medicamenta elaborare. 232
 Archiatri. 84
 cujusdam festiva respon-sio. 174
 Ars in metallis elaborandis, mu-tandis & transformandis admo-dum est vetusta. 113
 Medica citò addiscijnequit. 2
 Artis medicamentariæ encomia. 152
 Artificium de metallis aliis in alia mutandis. 119
 Aristotelis de expertis sententia. 153
 de requisitis in Medico effatum.
 Athenæi stupenda de Citriis histo-ria. 206
 Avari & arrogantes Medici. 96
 Audacia quorundam non Re-sed-Deformatorum. 216
 Aurum, quomodo facere intendant Alchymistæ. 121
 sed frustra. ibid.
 quod ex sequioribus metal-lis separatur imperfectiora metal-la in suum esse convertere nequit, sed cum auro vulgari in omnibus convenit. 121
 conficiendi ars est absque lucro. 122
 sicut sutores calceum, qui-dam facere volunt. ibid.
 Auri aliorumque metallorum ani-ma à suo cadavere separata aliud aptum corpus iterum animare & in suam primam existentiam mu-tare potest. ibid.
 C.
 Cartesii proprium de sua doctri-nâ testimonium. 70
 Cardanus mortuus est eodem, quo prædixerat, anno & die, ob id ne falleret mortem suam inediâ accelerasse creditur. 56
 Carolus Egmondanus Dux Gelriæ à Paracelsista decipitur. 104
 Catholica Medicamenta, quænam sint. 72
 Celeberrimi Craanen (delicii dum viveret hujus Athænei) ex Cartesii principiis in Medicinam intrusa dogmata hodie à multis parvi penduntur. 22
 Chymicalia non tanta hodiè edunt miracula, quanta de illis per-hibentur. 36
 Chiromantum Chinenfium auto-ritas. 76
 Chymicalium plurimorum elogia mendacissima & vanissima sunt. ibidem.
 Chirurgi & Pharmacopœi scioli & immorigeri, sunt flagella Me-dicorum. 137

INDEX RERUM.

quorum imperitiam semper
crepant. 138

cujusdam blasphemum
& temerarium, nec minus ca-
chinno excipiendum dictum.

139

Chirurgorum juges de sua peritia
jactationes & ad suos discipu-
los de contradicendis semper Me-
dicis exhortationes. 138

calumnix in Medicos.

139

& quare?

ibid.

Chirurgia est antiquissima pars Me-
dicinæ, 50

Ciborum ea quantitas est exhiben-
da, quæ ventriculum non gravat
259

Circa quæ medicamenta maxima
cautione agendum fit. 215

Circulatio sanguinis Hippocrati
Cæsalpino & Arantio longè an-
te Harvæi tempora cognita
fuit. 30

Conditura ad Regum Principum-
que cadavera. 202

Comparantur invicem & concili-
antur non re, sed nomine tantum
differentium Antiquorum & No-
vatorum artis termini. 215

Constantini Hugenii de Veterum
scriptis testimonium. 9. de bardis
& inexpertis conjectoribus que-
relæ. 11.

Conditum purgans Orphanotro-
phii Delfensis. 241

Corpuscularis Philosophiæ vanita-
tes. 87. & 88

Cortex Peruvianus K. Kinæ à Ve-
teratoribus sub aliorum Medica-
mentorum larvâ occultatur. 72

Cratonis de Amato Lusitano sen-
tentia. 29

D.

De aere; & quod cuique suus
patrius satis aptus sit. 256

Cibo & Potu 259

Vino cæterisque fermenta-
bilibus potibus. 263

Occultis qualitatibus. 68

Is, qui huic oculatissimæ
ætati nullum non apertum esse
gloriantur. ibid.

Volitantibus Scarabæis, Eru-
cis, Curculionibus Acaris, Ti-
neis, Soricibus aquaticis &c. 39

is, qui tribus ætatibus mun-
dum distinguunt. 37

Sympatheticis sive absque
remediis morbos curare jactanti-
bus. 59

Solita Pharmacopœorum,
Chirurgorum & Obstetricum in
Medicos immorigeratione. 136

Lichenosis mendicantibus,
se falso leprosos profitentibus.
143

quodam immodico sui ad
curandum morbum Gallicum
commendatore. 149

Theriaca & Mithridatio. 163

Salsa & Chinâ. 176

Confectione Alchermes & de
Hyacintho. 164

Perlæ & Auro. 165

Quibusdam magnis Compo-
sitionibus. 166

Lapide Belsardico. 168

Contra Monocerotis. 172

Margarinæ & Auro. 174

Quomodo melancholicis opi-
tulari queant. 175

Mumia, ossibus de Corde
Cervi, Amuleto ex Arzenico.

176

Vv 2

An-

INDEX RERUM.

Antimonio. 177
 Acidulis. 180
 Chalybeatis. 181
 Argento vivo, 179
 Elixirio Proprietatis Paracel-
 si. 181
 Spiritu Cochleariæ. ibid.
 Sale Volatili, Aromatico &
 Oleos. Sylv. ibid.
 Pilulis Francfurtensibus. ibid.
 Nicotianæ suffitu. 182
 potu Kaffee & Theæ. ibid.
 Pedra Porco. 183
 Elix. Salutis. ibid.
 Pulvere Comitiffæ Kent.
 ibid.
 Balz. Leucotelli. ibid.
 Lapide de Goâ. ibid.
 Faba S. Ignatii. 185
 Kina Kina. ibid.
 Ac mellæ Indicæ spiritu Li-
 thontriptico. 184
 Catholicis quorundam me-
 dentium remediis. 187
 Italarum, Germanorum,
 Gallorum, Anglorum Nostra-
 tumque medendi methodo.
 186
 Iis, qui semper in omnibus &
 ad omnia Corpuscularem Philoso-
 phiam crepant. 211
 Ubivis apud nostrates Medi-
 camenta distrahentibus plebejis.
 234
 Vulgarium Chymicalium
 aliorumque Pharmacorum vendi-
 toribus. 236
 Simplicium propolis vulgò
 Materialistis Ozogistis. ibid.
 Instruenda publica pauperum
 Pharmacopœa considerationes.
 238
 & quot & qualia ad hoc re-
 quirantur tam Simplicia quam

Galenicè vel Chymicè Compo-
 sita præparataque Medicamina.
 ibid. & pag. 239. & 240
 Fluxu menstruo & Lochio-
 rum profluvio. 257.
 Actu Venereo seu seminis eva-
 cuatione. 277
 Miraculosa Lienosorum &
 Strumatosorum curatione. 184
 Frivolè prædestinationem in
 morbis prætextentibus 250
 Motu & quiete. 268
 Somno & vigiliis. ibid.
 diurno seu meridiano.
 269
 Animi passionibus. 270
 Excretis & Retentis. 273
 Decocta in spirituosio aliquo men-
 struo ex lignis radicibusque lig-
 nescentibus ad morbos Chroni-
 cos optima præstant remedia.
 150
 Deploranda mortalium vanitas.
 123
 Deplorandus hodiernæ Medicinæ,
 præsertim rei Medicamentariæ
 status. 234
 Descriptio pomorum Ambrae P. M.
 D. Lieftinck. 223
 Diemerbroeckii tenuissimum de Za-
 cuto Lusitano testimonium.
 29
 Dyonisius Senior & Diagoras Rho-
 dius gaudio extincti sunt. 270
 Dolæti quidam variantes meden-
 tium opiniones descripsit, sed
 omnes depingere nequit, & qua-
 re? 20

E.

Echo nemo facere potest 44
 Edulia quædam, quæ humana
 petulantia & luxus excogita-
 runt, atque nonnullorum illu-
 strum

INDEX

- strum personarum nece infamia
sunt improbantur. 262
Electuarium Lenitivum Burri.
220
Erastus salem diabolicum medica-
mentum vocat. 45
Experientiae definitio. 153
Exhortatio ad Medicos ut omnige-
num lapidem Besoardicum om-
nino è foro Medico proscribant.
172
Exigua intercedit inter Veterum
& Neotericorum doctrinam
differentia. 35
Exempla quorundam nostrae æta-
tis superstitionis. 59
Exhortatio ad Medicinæ studiosos.
210

F.

- F**aceta de quodam Chirurgo
historia. 175
Fallopj blasphemum de Herophy-
lo Medico Anatomico testimo-
nium. 45
Falsum est Medicos ipsos ægrotan-
tes nulla assumere Medicamenta.
253
Fonsæ de Opio testimonium.
130
Formulæ duæ Pulveris Comitif-
sæ de Kent. 192
Francisci Baconis de Verulamio
de arte transmutatoria sententia.
117
Fructus eorum, qui tractatus Me-
dicos lingua vulgari scripserunt.
140
Fraudes eorum, qui specifica &
probatissima remedia jactant.
72.
Frigus æstivum in Hollandia po-
puli incolumitatem producit &
qua de causa. 245

RERUM.

G.

- G**ellii (Auli) de quodam So-
phista testimonium 21
Glauberi de quibusdam remediis
Chymicis sententia. 37
de metallorum anima
viliora metalla in aurum vel ar-
gentum convertere apta, opinio.
120

H.

- H**arvæus anatomicus prax.
med. ignarus. 4
Henricus secundus Rex Galliae eo-
dem tempore & modo ipsi longè
antè à Luca Gaurico Medico
Italo prædicto extinctus est. 56
Herodes Agrippa Rex Judæorum
& Philippus secundus Rex His-
paniar. misere phthiriasi perie-
runt. 40
Herbæ & lapides laborantibus vis-
ceribus & membris humanis,
quorum effigiem exprimentea
de causa non magis, quam aliæ
herbæ & lapides mederi pos-
sunt. 57.
Hydropotæ an aquæ potu quo-
que pergræcari modumque ex-
cedere queant? 266
Hypochondriaci Melancholia ut-
plurimum est incurabilis. 144
Hippocratis de circulatione san-
guinis oracula, 30. 31.
de primæ ætatis ho-
minum alimento sententia.
262
ad tuendam valetu-
dinem regulæ. 279
Hydrops curatu difficillima est,
& quam ob causam. 147. & 148
Hy Waagter een Boer aan/ de
quibus hoc dicatur. 160
Homines hodierni cum Athenien-
sibus avidè novis inhiant. 28

INDEX RERUM.

Hodiernorum philosophantium ratio-
cinia & conatus examinantur.

212. 213

Hodie quisvis mercator officina-
rius vel mechanicus commodius
ac honestius sibi ex suo negotio
alimoniam comparat, quam Me-
dicus ex praxi medica. 255

I.

Iacobus Beaulieux Eremita gra-
tis hernias & calculos secat.
136

Ignavi & socordes Medici. 102

In senilis transpiratio impedita ma-
gnorum evadit causa malorum.
275

Investigatio in lapidem Philoso-
phorum. 113.

In secunda valetudine adversæ præ-
fidia non sunt consumenda.
279

Inventis aliquid addere, quam
nova invenire, minus est diffi-
cile. 45

In Quorundam Compositiones in-
quiritur. 216

Syrupos. 217

Antidota & Opiata. 219

Aques simplices & Compofi-
tas. 221

Unguenta. ibid.

Pilularum massas &c. 222

Johannæ Navarrae Reginae, atque
Philippi pulchri Regis Galliae
uxoris, livida de feminis Bru-
genfibus exclamatio. 253

Ira Hercules, Ajax, & Wen-
cesslaus Bohemae Princeps pe-
rierunt. 271

L.

Lactantius risit Epicuri Philo-
sophiam corpuscularem. 70
Lapis Philosophorum pro panacæa
habetur. 52

ejus superbi ti-
tuli. 104

qualitates. ibi-
dem.

prodigia & mi-
racula prodit. ibid.

Lapis Philosophorum fabricatio
ubi extet & quinam secretum ha-
buerint. 105

fabula olim plures quam ho-
die decepit. 107

Mysterium examinatum.
118

circa morientes & mortuos
prærogativa. 122

Lapis Bezaar est tenebrionum ido-
lum 169

optimus & verus nul-
lius prorsus est momenti. 170

ex creta, gypso, san-
guine, conchis &c. ab impostori-
bus fabricatur. ibid.

Lapis Bezoardici Orientalis & Oc-
cidentalis descriptio. 171

Leo x. Pontif. Max. gaudio expi-
ravit. 270

Legitima Composita Medicamenta
sunt laudanda, inconcinnæ rap-
sodiarum vero non ferendæ. 207.

Livor inter Medicos sceptrum te-
net. 253

quod exemplis probatur.
254

Luculentum imperiti exemplum.
154

Lues Venerea multa sæcula ante

famo-

INDEX RERUM.

famosam obsidionem Neapolitanam veteribus innouit. 33

& non magis Americanis quam Europæis est endemia. 34

Nec primum ex America ad Europam est translata. 35

Nec tam curatu facilis est, quam vulgò a Syco-phantis promittitur. 144

ejus tamen facilitatem & tutissimam curationem alius præ alio gloriatur. 148

magistratus sanitatis

M.

Magistratus sanitatis apud Italos quid sit? 250

Male suis rebus consulunt, qui inconsultis Medicis transultoriè ab uno ad aliud transeunt præsidium. 282

Martinus Rulandus insignis Thra-
9

quomodo & quantum ab Expertiss. Riverio dissen-
tiat. ibid.

Maximum Maximi naturæ Condi-
toris secretum. 71

Matheseos fundamenta in Medicina
practica parvi sunt ponderis.
214

Matrona Romana gaudio sublata
est. 270

Maximilianus Buræ Comes angina
mortuus eadem hora & momen-
to, quod prognostico indicave-
rat Andreas Vesalius. 56

Marc. Catò quare Musicum Roma
proscriberet. 45

Medicus qualis esse debeat. 2. & 8.
& quomodo talis fiat. ibid.

quis verus quis falsus sit.

ibid.

quam pauci veri sint. 3
undenam hoc veniat. ibid.
quis alius anteponendus.

4

flocci facere debet inanes
quæstiunculas. 5.

quales præjudicio & pro-
priis opinionibus se tradant. 6
rationem consulere debet.

9

cum omnia in morbis S. A.
licet invito Apolline tentaverit
conscientiæ satisfecit. 11

Proinus in levissimo morbo non
est accerendus. 280.

Medici Persæ ingeniosum respon-
sum. 159

ad politicam dignitatem
promoti. 83

magnatum, amicorumque
favoribus commendabiles. ibid.

Archiatræ & Poliatri. 84

Personati. 85

Scioli & inexpertes. 86
corum philautia & vanitas.

89

Tyrones. 92

Antiquarii & Nugatores.

ibid.

humani sanguinis profusissi-
mi. 94

Avari, lividi & arrogan-
tes. 96

Superstitiosi, (ex quorum
grege fuerunt Hieronymus Car-
danus, Lucas Gauricus, Andreas
Vesalius, Helmontius posthu-
mus ille Trismegistus &c.) qui-
nam sint? 55

Scorbutici. 35. 97

Fluctuosi & inconstantes.
ibid.

Me-

INDEX RERUM.

- Meticulosi. *ibid.*
 Temerarii. 98
 Ebriosi, *ibid.*
 Ignavi & socordes. 102
 In conjecturis dexterrimi
 plerunque sunt maximi Practici
 atque Empirici. *ibid.*
 quam viliter hic; & quam
 splendide in Anglia &c. habeantur. 248
 opinione & fama quales
 sunt & quantæ eorum super
 alios sit prærogativa. 13. 14
 eorum genius, mo-
 res & successio delineantur. 15. 16
 Veterum scripta propter
 exantlandos in iis pervolvendis
 labores fugiunt. 30
 Medicorum ignorantia, imperitia,
 vanitas, 26. & 28
 Negligentia in rebus
 Botanicis, Anatomicis, Phar-
 maceuticis & Chymicis: 27
 Fraudes. 29
 Medicorum Medicamentorumque
 Contemptorum vulgata calum-
 nia *Ist. wil mijn eygen dood
 sterben.* 251
 Medica praxis neglectu quarun-
 dam generosorum auxiliorum
 magnum passa est detrimentum.
 43
 Medicum quodlibet membrum
 peculiarem & sibi proprium
 olim in Ægypto habebat. 128
 Medicamenta sæpe sub correctio-
 nis specie corrumpuntur. 37
 Simplicia interdum
 Compositis & Præparatis præ-
 stant. *ibid.*
 Spirituosa in mor-
 bis frigidis Nitrata autem & Aci-
 da Volatilia in acutis magis con-
 veniunt. 281
 Medicamentorum Vires subinde
 melius vino vel aqua simplici,
 quam Spir. Vini extrahuntur,
 37
 Medicamentorum quorundam ar-
 rogantes sed inanes tituli. 54
 Mebiky vermis pedibus intestus.
 41
 Melancholia quævis rarissime, vel
 nunquam curatur. 144
 Metalla ab exordio sunt semini-
 mi. 115
 certo loco & non ubique nec
 extra locum nativæ matricis gi-
 gnuntur. *ibid.*
 Metallum quod è fluviis colligitur
 non tamen in iis prognascitur.
 115
 Metallis valde absurda incunabula
 tribuunt nugatores. 117
 Metallorum definitio. 114
 vis seminifica. 115
 accretionem oppug-
 nantium argumenta explodun-
 tur. 116
 Mysteriarthæ & eorum doli. 47.
 49
 contra universæ recep-
 tam Medicinam agunt.
 Michael Majerus Alchymistarum
 fraudes & technas, in suo fu-
 corum examine descripsit.
 113
 Modestæ hilaritati indulgere ad sa-
 nitatem confert. 273
 Monitum ad Medicinæ Tyrones.
 4
 Morbi obstinati manent ac ante in-
 curabiles. 142
 Morborum per verba & characteres
 curatio execranda est. 57
 Multæ Academiz hodiè facilius bul-
 las, quam mechanicorum Col-
 legia Magisterii diplomata peten-
 tibus

INDEX RERUM.

tibus conferunt. 160
 Multæ Veterum artes temporum
 ingluvie perditæ. 44.

N.

Nicolai Leoniceni præstantif-
 simi Medici responsum. 278
 Non solum populus, sed ipsi Me-
 dici ad confusionem in praxi
 Medica allaborant. 244

Novatores vanæ ex pelvi fulgura
 elidunt. 17

monstra opinionum
 comminiscuntur. ibid.

admodum arrogantes
 sunt. 18

Verbis non mente ab an-
 tiquis differunt. 31. 32

Nullus in arte Medica præcellere
 potest qui Pharmaciam ignoret.

153

Nostri Elixiris proprietatis præ-
 parandi methodus. 130. & 131

Novis inventis jam non plures ho-
 mines quam olim à morbis san-
 tantur. 44.

Novissimi homines sua inventa
 mundo pro lege obtrudere fati-
 gunt. 46

Novus Medicus novum cœmate-
 rium. 28

O.

Obstetricum oracula de suis
 morbis consulunt mulier-
 culæ. 137

Obstetrices turgentes ex furtiva Ve-
 nere asciticas probè curare no-
 runt. ibid.

Medicorum ignoran-
 tiam crepant. 138

Oleum Regum inunctioni sacræ
 inserviens. 201.

Omne artificium ex frequenti exer-
 citatione suscipit incrementum. 43

Opprobria Medicorum. 141

se extirpare
 gloriantur Thrasones. ibid.

sed frustra

142

Orphanotrophii Delfensis Condi-
 tum purgans, Pillulæ purgantes,
 Ung: ad scabiem, Pulvis Ce-
 phalicus & ad Suffitum. 241. &

242

P.

Panacæa non datur. 54

& quare. ibid.

in quibus quaesita. 52 &

53

in Nitro. 53

in rerum natura esse ne-

quit. 55

quod ratione

probat. ibid.

Panacææ nomen colorato alicui vi-
 no adusto imponere quidam
 non erubescunt. 53.

nomen undeveniat. 50

Panacæarum quarundam vanitas.

53

ex Indiis allatarum fa-
 ma valdè brevis fuit. 53

Panacæarii Autores sibimet ipsis fre-
 quenter de Panacæâ contradi-
 cant. 51

tamen valdè ar-

rogantes sunt. 53

Platonicorum simiæ quinam sunt.

14

Paracelsitarum de Panacæâ deliria.

51

Paracelsus qualis fuerit. 103

phræneticos, maniacos

& fatuos longè antecellere om-
 nes Philosophos probare niti-
 tur. 110

Paracelsi epitaphium. 142

Pauci probè norunt quantum uni-
 cum Opj granulum sanguinem

Xx

in

INDEX RERUM.

- incrassare, è contra guttula
 ol. Cinamomi eundem rarefa-
 cere valeat. 204
 Personati Medici. 85
 Per microscopium detectiones,
 morborum curationes, non
 magis reddunt faciles 38
 Pharmacia an professio sui generis
 sit? 236
 Pharmacopœi perperam de Medicis
 conqueruntur. 233
 cujusdam medicatiôn-
 culis periit Sueciæ Rex. 1590
 ibid.
 professio hodiè adeò
 contemnitur, ut mirandam est,
 tot Pharmacopolia passim adhuc
 inveniri. 235
 Pharmacopœorum de immutandis
 pro lubitu Medicorum formulis
 libera potestas. 232
 Pharmacopolia instructissima ve-
 luti sunt in Germaniis, ut hic
 quoque essent communi bono
 optandum foret. ibid.
 quomodo reformari pos-
 sent. 236
 Philosophia morbi non curantur. 36
 corpuscularis exole-
 scere videtur & jamnum à magis
 nova appetentibus fastiditur. 89
 corpuscularis anti-
 quorum heròum, gigantumque
 historiis ac deliriis comparatur.
 70
 Pistor Leidensis facilem Epilepsiæ
 curationem promittens. 145
 Platonicorum simiæ quinam sunt. 14
 Plinii graphica de adversis medici-
 næ delineatio. 18
 Plinius Theriacam & Mithridatium
 excogitatas luxuriæ Compositio-
 nes vocat. 20
 Plurima hodierna nova in veterum
 scriptis latent. 30
 Plutarchi ad conservandam sanita-
 tem leges. 279
 Poliatri. 84
 Populi ac Popelli errores in Medici-
 na vivis suis coloribus depingun-
 tur. 246
 ingratitude in Medicos. 247
 Populus Romanus ultra sexcentesi-
 mum annum sine Medicis degit.
 26
 Portentosus Clyster. 155
 Prærogativa Medicorum in utrâque
 Pharmacia peritorum. 153
 Processus quinque Elixiris Salutis
 vulgò Anglicanæ. 190
 Putre mali fragmentum serpentibus
 opertum. 42
 Pudor Diodoro Dialecto atque Ho-
 mero mortem intulit. 271
 Purum putum Opium quovis modo
 præparato, seu (ut voluit) corre-
 cto, præfertur. 230
 Q
 uando & quoties in die & ut-
 rum uberius quidem pran-
 dendum, parcius verò cœnan-
 dum sit, à singularum gentium
 consuetudine dependent. 261
 Quid hyeme circà vermes experi-
 antur vellerum glabrones. 38
 Quartanariorum spes Kinæ Kinæ
 invento aucta est. 144
 Quædam Præparata ad incudem re-
 vocantur. 225
 atque in ea, quæ ad
 rem Medicam nil conferant in-
 quiritur. 226. & 227
 Quibus mediis Pharmaciæ peritia
 acquiritur. 154
 adversariis probo Medico
 jugiter colluctandum est. 255.
 Quidam Veteres contemnunt,
 quos nunquam legerunt. 46
 Qui-

INDEX RERUM.

Quinam ad ægri restitutionem suum conferre debeant. 243

Quomodo & à quibus hic ordo invertatur. 243

Quorundam Philosophorum tessera ex qua inter alios internoscantur. 69

Alchymistarum finis. 124

Quo pacto ego rem Medicamentariam docere atque demonstrare conabor. 229

Quotidianæ novellæ ab importunis remedium commendatoribus prægravantur. 245

R.

Remedia simplicissima ut plurimum sunt optima. 204

Catholica, Polychrestia, Pan-chrestia &c. 51

Remedium ad quosdam morbos in diversis subjectis probatissimum, an quis habeat? 72

Remedium abbreviatus numerus non omnibus arridet. 209

quartanarius numerus tamen, sano sensu ad omnes morbos sufficere possit. ibid.

quorundam vanissima simul & mendacissima encomia. 54

Portenta. 156

Religio, quid faciat in eligendo Medico. 99

Riverii insigne conjecturæ exemplum. 36

de Luis Venereæ curatione sententia. 149

S.

Sacro sancta Scriptura curiosis naturæ indagatoribus præsertim adeunda. 8

Scioli & inexpertes 86

Scientiarum vanitas. 8

Scorbutici Medici. 97

Scorbuti tanquam morbi universalis nomine, Medici ignorantes suam in morborum cognitione imperitiam tegunt. 35

Sebastianus da Pollere Siculus in obsidione Gerbi in Africa, primum aquam dulcem ex marina distillavit. 228

Señta Medica docens omnes morbos ex acido oriundos. 20

medicinam non corpori sed spiritibus faciendam. 25

Willisiana aliis permixta pro novis obrudens. 21

legibus mechanice omnia in Oeconomia animali & Medicina practica fieri edocens. 22

antiquorum morborum in nugis prodigia quærentibus. ibid.

per imaginatas particulas earumque mille modis formatas figuras & poros omnia tam in Medicina Theoretica quam Practica & Auxiliis explicare gestiens. ibid.

Seminis retentio, an sanitati adeo periculosa sit inquiritur. 278

Semper lætiora & meliora sperant tyrones & novitii. 255

Senex à pediculis devoratus, reluctantibus licet optimis contra pediculos remediis armatissimis Medicis & Chirurgis. 40

Sententiarum inter Medicos varietas. 7

Sydenhamii (facundissimi) de Medicis sciolis & inexpertis testimonium. 89. & 90

de Podagra Sententia. 146

Sylvii (Clarissimi) de iisdem sententia. 91

X x 2

Sym-

INDEX RERUM.

sympathia quid sit. 60

Sympathia exempla. 61

curativæ fraus & vanitas. 63

cultores Dygby & Isaacus

des Hayes. 66

Sympatheticum remedium, si unquam humores turbaverit, hoc nequaquam vanissimo remedio, sed ægrotantis imaginationi est adscribendum. 64

Sympathetica experimenta qualem habuerint effectum. 68

Sympathistæ se invicem convitiis provocant. ibid.

provocantur. 65

nec leves nec graves morbos

curare possunt. ibid.

Sympathista quidam ægrotans Medicum accersit. ibid.

Socratis de Herachidis libro testimonium. 25

Simplificissima quædam remedia. 205

Specificorum sacrarium recluditur. 194

Stomacacis & Scelotyrbis, id est Scorbuti descriptio apud Plinium invenitur. 35

Succus Taraxici nuperrimè remoram fecit epidemicæ malignæ Bruxellensi. 207

Sub quatuor remedium Principibus cætera omnia ferè convenire possent. 208

Superstitiosi Medici quinam sunt. 55

T.

Temperantiores Hippocratis ævo homines non magis afficiebantur à Veratris, Elateriis, Cataputis &c. quam nostri à Tamarindis, Manna & similibus. 43

Tenebrionum ratiunculæ Sophisticæ exploduntur. 58

Theologi Medicantes. 100

Tyrones Medici. 92

Tristitia Marcus Lepidus & Publius Rutilius occubuerunt. 270

Terrore Heli & Nabal è vita abierunt. 271

V.

Vanitas rei diætetica Scriptorum ex innumeris nugacissimis eorum libris apparet. 256

Vareni quid sint. 41

Vellerum glabronibus cadaverosa vellerum mephitis, & latrinarum cloaca-

rumque purgarioribus virulenti oletu foetores ad instar ambra vel moschi sunt. 258

Verminosa ulcera. ibid.

Vermes (saltem eorum pars maxima) ex putredine magis, quam ex ovibz produci, mihi probabile videtur. 40

licet in plurimis unum

æque incertum ac aliud sit. 42

Verissima & simul horrenda de Tyrone Medico historia. 161

Verus artis Medica defectus. 150

Veterum scripta iudicio & discrimine sunt legenda. 10

Virgo semper pediculosa, licet optima adhuc adversus pediculos usurparet præfidia & sæpius aliis eorum venatui incumberet. 40

Vini portio, alia Italis, Gallis, Hispanis; alia Germanis, Gothis, Helvetis & Muscovitis est concedenda. 267

Urina quoties excerni desiderat; expellenda 274

Urina sola fallax nuncius est. 81

à loquacis oris mista corrumpitur & inspectioni inutilis est. 80

absentum morbos accuratè designare nequit. 81

quoties inspicienda. 80

singulis diebus &c. immutatur. ibid.

Urinarum omnimodam inspectionem repudiantibus rectè reprehendit quidam Claviss. Scriptor, licet tales dari merito dubitemus. 82

Urinæ legitima inspectio. 79

Urinam multi morbi non alterant. ibid.

Uromentia Medicinam reddunt contemptam & quare? 81

Uromantia propugnatores & censores qui fuerunt. 74

Uromantis cuiusdam error. 77

Uromantum commenta, ut facilius populo fraudem facere queant. 74

fraudes 77

Uromantes nil dant præter verba. 78

Usualium vix centissimam norunt multi Medici. 159

W.

Wieri de Opio sententia.

